

357

1997


ეროვნული
ბიბლიოთეკა

354
1927

ეროვნული
ბიბლიოთეკა

აკაკი წერეთელი



რჩეული ნაწერები
ტომი III

1927

ს. ს. ს. ...
მანაღლი ...
კუთხე ...

ს. ს. ს. ...
წიგნის კალასი ...
1927



ყდა კ. ზდანევიჩის.

ს. ს. მ. უ. ს. პოლიგრაფტრესტის 1-ლი სტამბა. პლეხან. პრ. № 91.
12/X-26. მთავარლიტი № 1397. შეკ. № 71/511. დაიბეჭდა 5000.

ბ ბ ბ ბ ბ

წიგნების

საბავშვო წიგნები

ტომი 3

ს. ბოლომისა და ს. აბაშიძის

წიგნების

სსსრ

საბავშვო გამომცემლობა

1927

ბ ბ ბ ბ ბ

პირველი წიგნი

(1860)

პირუტყვების არჩევანი

ვოდვეილი ერთ სცენად

მ მ მ ქ მ ე დ ნ ი პ ი რ ნ ი:

ვირი, აქლემი, კატა, მურა-ჭოფაკი, მწვეარი, მოზვერი, კამბეჩი, ვეფხვი, მგლები და სხვადასხვა მხეცები.

მ მ ქ მ ე დ ე ბ ა ქ ა ჯ ე თ შ ი:

(სცენა წარმოადგენს მოედანს, სადაც სხვადასხვა პირუტყვები შვერილან წინამძღოლის ამოსარჩევად. ორპირად არიან გაყოფილი და თავ-თავის კანდიდატები წამოუყენებიათ. მარცხენა მხრის მეთაური კატაა, კანდიდატი ტურა. მარჯვენა მხარე მეტია; მათი მეთაური აქლემია, კანდიდატი ვირი. ვირი კვივირჩამოგდებული ელრიკება ხან ერთსა და ხან მეორეს; ზოგს ქერსა ჰპირდება, ზოგს თივას და ზოგს ახალ საძოვარს; პირუტყვები თავს უკრავენ და მადლობას მოახსენებენ, აქლემი აფიცებს მათ ვირის ერთგულებაზე. მარჯვენა მხრისაკენ უეცრად ვირი დაიყოფინებს, აქლემი მოსძახებს, ღორი წვრილად ჭყვის, სხვა პირუტყვები ბანს მიაყოლებენ, შეიქნება ერთი ვაების ხმა. მარცხენა მხრიდან გამოვა კატა, წყნარად შეხტება სტოლზე; კუდაბზეკილს ტანზე აცვია ფრაკი, წვერ-ულვაში გასცივინია. მიმართავს მარჯვენა მხარეს ამ სიტყვებით:)

კატა

მიავ! მიავ! მიაუ! რა გაჩხუბებთ, მხეცებო?
ზნეობით მახინჯებო, ყრუებო და ბეცებო!..

(მარჯვნივ)

აქ მე კაცს ვერ ვიპოვი, ფარნითაც რომ ვეძებო...
ერთ კაცადაც არ ღირან, ყველაც რომ მივაწებო!

გირჩევთ: თქვენც დამიჯერეთ, მოდით, დამიგდეთ ყური!
დღეს ჩვენ აქ მოგვიწოდებს საერო სამსახური;
დავტოვით შინაური აყალმაყალი, შური
და ერთად რამ ვარჩიოთ, მით საქმე ვქნათ ჩვენც ძმური!

დრო არის ამდენს შფოთსა აწ დაეუდვათ საზღვარი:
ამოვირჩიოთ ჩვენგან ერთი ჩვენ წინამძღვარი;
შეძლება თუ ექნება, ნურც ჰქონდეს დიდი გვარი,
გულით-კი იყოს წმინდა და კჳუითაც მდიდარი!

კარგად უნდა ესმოდეს ახლანდელი დროება,
რომ გამოიკვლიოს მან ხალხის საქროება,
მის სიკეთეს შესწიროს მან თვისი მყუდროება
და მსხვერპლად კი არ ჰქონდეს ქვეყნის შევიწროება!...

საზოგადო საქმეა, არ ვარგა მტერ-მოყვრობა,
ნათესაობით, ქრთამით ერთმანეთის მიმხრობა,
თორემ, ვიცი, პასუხს გვთხოვს ჩვენი შთამომავლობა,
და არ დავრჩეთ პირშავად, არ შეგვწამონ .ოხრობა!

არ სთქვან: „ჩვენი მამები იყვნენ მოლაღატები,
ფიცი ბევრჯელ გასტეხეს, არ იწამეს ხატები!“
შევაღაროთ ერთმანეთს ჩვენი კანდიდატები
და მჯობნე ავირჩიოთ, ამას გირჩევთ კატები!...

მოვირეკიათ ერთად ამოდენა ნახირი,
ყველა შემტყიცებულხართ, შეგიკრავთ ერთი პირი
და გსურთ ამოირჩიოთ თქვენ წინამძღვრად ეგ ვირი,
ყურებგრძელი, კულმოკლე, თავმსხვილი და შავპირი.

ქინიანი, ზარმაცი, კანსქელი, შუბლმაგარი,
არაჟრის აქვს გარჩევა, ერთად უჩნს მთა და ბარი,
მასთანაც მოლაღატე ყოფილა მაგის გვარი...
და ყველა მამულსა მტრობს მაგისი მეგობარი!

ახლა ეს კანდიდატიც ნახეთ ჩვენი თქვენ, ტურა:
ყველამ ვიციით, ჩვენს მამულს დღემდის ვით ემსახურა,
მეს კეთილდღეობისთვის ბევრი ოფლი დასწურა
და სინიღის-ჰკუითაც არავინ დაიმღურა!

მამულს თავი შესწირა, არარა დაიშურა;
თუმცა წყალობის თვალით ზოგმა-კი ვერ შეჰყურა,
მაგრამ მან ხმა არ გასცა, ქუდიც მით დაიხურა!
ახლა გკითხავთ, ვინა სჯობს: ეგ ვირი, თუ ეს ტურა?

მარცხენა მხარე

რა თქმა უნდა, არ გვინდა ვირი ყურებპანტურა!
 კმარა, რაც მოგვატყუა, ყინულზე გაგვაცურა,
 დრო არის „ჩოქში“ ვუთხრათ, ავირჩიოთ ეს ტურა...
 გაუმარჯოს აწ ტურას! ურა, ურა და ურა!

(მარცხენა მხარე ურას იძახის და ყალბზე დგება. მარჯვენა მხარე გაჯავრებულია. ვირი ყროყინებს, აქლემი ბლავის, ძაღლები ჰყფენ და ლორები ჰყვიან. ვაების ხმაა. ბოლოს დაჩუმდებიან. ქოფაკი გამოვა შუაზე)

ქოფაკი

ამუ! ამუ! ამ კატას ვუკბენ, მოვაგლეჯ ასოს,
 რომ მეორედ ამგვარად აქ აღარ იბასოს,
 ცოტა ხათრიც რომ ექნეს და უკეთ დაგვაფასოს
 და ტურას არ ესარჩლოს, მის მეგობარს და სასოს.

ვერა ჰხედავთ, რას ჰბედავს უნამუსო კატუნი?!
 სპარსეთიდან მოვიდა, მოიტანა თან მუნი!...
 გვიტხრას ერთი, რა ნახა ვირში მან დასაწუნი?!
 მოდით, კარში გავაგდოთ, ვუძახოთ: „ანასუნი!“

(თანდათან ჯავრობს)

რას ჰბედავს? ვერა მხედავს – ვბრძანდები დიდი მურა,
 კუდგრძელი, ბანჯგელიანი, შავპირი და შავყურა?!

(მიუბრუნდება ნახირს)

ვინც დღეს კატა დაზოგოს, ლეჩაქი დაეხურა!...

მარცხენა მხარე

აგრე იყოს, თუ დაეთმოთ! ურა, ურა და ურა!

(შეუტყვენ კატას ერთად, კატა შეშინებული გადახტება სტოლიდან, მარცხენა მხარე მოეშხადება საშველად; წინ წამოდგება მწვეარი ამაყად და აქოჭვრით)

მწვეარი

ჰეი! ჰეი! ვერ მიცნობთ? მე გახლავართ მწვეარი!
 ჩვენს მხარეში აღრევე განთქმულა ჩემი გვარი!
 ყოველის დიდოჯახის ღიაა ჩემთვის კარი...
 მამულის სიკეთისთვის მიწურავს ოფლის ღვარი!

ერთად ვინ გაასწორა, მითხარით, მთა და ბარი?
 მოგიქრთამესთ, მყრალებო, გაჩუქესთ სამოვარი?
 ტურის ვირთან შემდარე არს ვირის მეგობარი!...
 ამას საქვეყნოდ ვიტყვი, გინდ სწერეთ საჩივარი!...

ღმერთმა მტერს გააგონოს ამგვარი ხათაბალა:
 საქმე მუშტით კეთდება, სადღაა ჭკუის ძალა,
 კარგი აზრის გამოთქმა აწ ვინლა დაგვაცალა?
 მაგრამ კაცის გალახვა არ გახლავსთ ალა-ალა!...

როგორ ჰყეფენ, ხომ ჰხედავთ, გურული მეძებრები?
 მძლავრი პირუტყვებისა ბრძანდებიან მტერები;
 თქვენც ბევრჯელ უნახავხართ, მოვლილი აქვსთ სერები
 და, თუ გეცენ, შენც, მურავ, ცუდად აემტვერები!...

მურა (მხრებზე იხედება)

სანამ მხრებზე მიწყვიტა მე ეს დიდი ჩინია,
 შენისთანა მწვერების არაფრად მეშინია!
 ბევრჯელ გამიგონია მუქარა... მიცინია!...
 მობრძანდი, თუ გულს გერჩის, გაგგლიჯო ვით თინია!
 (შიიწყვეს ღრუნით)

მწვეარი (ამაყად)

ნუ ჰყეფ, გიუო ქოფაკო, ტყვილად თავს ნუ იწონებ,
 შენი დრო წასულია, ძველს დროს ტყვილა იგონებ!
 შენი ძალღური ყფით ჭკუას ვერ დაიმონებ!
 წუპაკო, იქ მოგარტყმენ, სადაც თვითონ არ ჰგონებ!...

მურა (გაბრაზებული)

ჯერ შენ ისევ ლეკვი ხარ, წუპაკს როგორ მეძახდე!
 მაინც არ დაეთმოვ ამას, საციმბირო რომ გავხდე!
 იმედი მაქვს, იმდენად არ დავსუსტდე, არ წავხდე,
 რომ შენ ვერ მოგერაო და ვაის არ იძახდე...
 (შეუტყვენ ერთმანეთს, მაგრამ კამბეჩი წამოდგება და
 დაამშვიდებს)

კამბეჩი (მრისხანედ)

ლომისგან მოცემული ხარისხი მაქვს მაღალი,
 აქ მისთვის დამადგინა, მოვსპო აყალმაყალი!

აქ ჩხუბი არ იქნება,—არს გითხრათ ჩემი ვალი,—
 იქით სადმე მიბრძანდით, იქ დაიმტკრიეთ ძვალი!

(მარჯვენა მხრიდან გამოვა აქლემი და მოუბრუნდება კა-
 ტას მრისხანედ)

აქლემი

ნეტავი რა გაჩხავლებს, უწვევრ-ულვაშო ციცა?
 აქლემი ვარ, ვერ მიცნობ, ვირის ვარ მკვიდრი ბიძა,
 ჩვენი გვარიშვილობა ძველადვე დაიმტკიცა,
 ვირის ერთგულობაზე ნახირმაც შემომფიცა!

(ნახირს მიუბრუნდება)

ნეტავი კატას რათ სწყინს, ამ ვირმა რომ იყვიროს?
 ჩვენს ბომონში მოსვლა ჰსურს, თავის რჯულზედა სწიროს;
 მაგრამ ვურჩევ დაჩუმდეს, არაფერ დაიჭიროს,
 კბილები არ აცეცქონ და კატამ არ იტიროს!

მოზვერი

არვისგან გაეხედნილვარ, ვარ მე კურომოზვერი,
 შენი ნათესავი ვარ, არ ვარ კი ჭკუის მტერი,
 ტყვილად ჩხუბი არ მიყვარს და, თუ კი დაგეძკერე,
 ყირამალას გადახვალ, ვფიცავ, წაგივა ფერი.

შენს ძმისწულს ესარჩლები, წამომდგარხარ ვით ყალი,
 უსწორმასწორ ნაქნარო, ვერ ხარ კარგი ტანალი!
 საზარელი ბლავილით აქ შენ ძალს ნუ იქაღი,
 გირჩევ, ცოდვას ნუ მადებ, აღიქი, კარში ვადი!

აქლემი

ბევრი ვნახე, მოზვერო, შენებურ მეტიჩარა!
 წელამდიც ვერ მომწვდები, რას მიჭვიან მუქარა!
 თერგის წყალი გიყლაპავს, მიტომ სჯი მაგრე ჩქარა?
 შენისთანა მოზვერუკებს მოუხდებათ ავშარა...

მოზვერი

ავშარა თქვენთვის არის ხომ გამოგონებული...
 სპარსელების ნახედნო, გაქვს ყიზილბაშის სული,
 შენ და ეგ შენი ვირიც გესლში ხაროთ გალაფული,
 ვგონებ, სულიც გაგვარდეს, თუ გეცი გულმოსული!

(შეუტევს აქლემს. აქლემი შეშინდება და კარში აპირებს
 გავარდნას, მაგრამ ამ დროს შემოვა ვეფხვი და პირუტყვები
 დაჩუმდებიან)

ვეფხვი

აი მეც გიახელით, რადგანაც დამიბარეთ!

(ბრძანების ხმით)

ვინც „ჩინებულნი“ არ ხართ, გირჩევთ ვახვიდეთ გარეთ!

დროა საქმის შედგომის, აბა კენჭი უყარეთ

მაგ თქვენ კანდიდატებსა, ერთმანეთს შეადარეთ!

(რომ გაათავებენ კენჭის ურას, ნახვენ, რომ ვირი გათეთ-
რებულა და ტურა გაშავებულა)

კატა (შეწუხებული)

მიავ! მიავ! მიაუ! ხომ ავასრულეთ ვალი!

მაგრამ რა გაეწყობა, გვერევა მუშტის ძალი!...

აქ კჳჳას ვინლა ეძებს? სად არის სამართალი?

მაგრამ ვირის ამრჩეველებს კი დაუდგებათ თვალი!...

(შეღები ტაშისკრით გადიან მარჯვენა მხარისაკენ)

მეღები

მოგატყუეთ, ხი! ხი! ხი! გიბნიეთ გზა და კვალი!

ბატონს ვირს გაუმარჯოს! არალალი! თარალი!

(კატები და მარცხენამხრელები კუდამოძუებულები მიიპა-
რებიან. მარჯვენები გამარჯვებულები ულოცვენ ვირს გამარ-
ჯებას)

ვირი

მიხარის გამარჯვება! წახდა კატის ქადილი!

ეს მეტად ძნელი საქმე ჩვენ შეგვექნა ადვილი!

გმადლობთ, რომ ამისრულეთ ჩემი გულისწადილი,

წამობრძანდით, გაგაძლოთ, მზად მაქვს თქვენთვის სადი-
ლი!...

(პირუტყვები თავს უკრავენ და გამოჰყვებიან ვირს დიდის
ყვირილითა და ვარხალალოთი).

ქველსა და ახალს შუა

(1868)

ქველსა და ახალს შუა

კ ო მ ე დ ი ა 5 მ ო ქ მ ე დ ე ბ ა დ

მომქმედი პირები:

თ. ზურაბ გატენილიძე, მებატონე.

ალექსანდრე, მისი შვილი, სტუდენტი.

თ. გრიგოლ დიდუშრაძე, მებატონე.

ნიკო } მისი შვილები.
ნინო }

ხამსონ ხეპრიაშვილი, აფიკერი, პოსრედნიკი.

დემიანი, ამის დენშჩიკი.

ივანიკა, ზურაბის მსახური, იმერელი.

გოგია, გურული.

დათიკა, დიდუშრაძის მსახური.

ამჟამადება პირველი

სცენა: ევროპიულად მორთული პატარა ოთახი

გამოსვლა 1-ლი

ივანიკა (წამოწოლილია გულადმა დივანზე და ხანგრძლივ „გვეგონას“ იმღერის; რომ გაათავებს სიმღერას, ოცნებაში შედის და მერე ტკბილის ღიმილით, ნებიერად ამბობს) ვაი, ბეჩა საყვარელო, რა კაი ყოფილა ბატონობა! თურმე ქე ხარ შენთვის წამოწოლილი დივანზე, გვერდებში ქარი არ გიბერამს, ზეიდან წუმა არ ჩამოდის და ქვეშიდან ბედნიერის აყოლის არ გეშინია... ვაი, საყვარელო!... დედა, დედა, ეს ყოფილა თურმე ცხოვნება! (დაფიქრდება). ამბობენ, რომ ბატონები უნდა გააგლეხკაცონ და ყმები გააბატონონო და, თუ ეს მართლა ასრულდა, მაშინ მნახეთ, რასაც ვიზამ: წამოვწოზი სულ ასე, ჰა, და აქიდან კაცი ველარ ამგდებს; ქე ვიგორებ ასე ჩემი ბატონის ბაჩასავით. თქვენ არ მომიკვდეთ, მე მაშინ ტყემლის წუას და ლომს აღარ დავუწყო ჰამა!... ამას მე იმ ჩემ ნაბატონარს ვაქმევ და მე სულ ხიზილალით და ღოშებით ჩევიგემრიელებ პირს, ვაი, საყვარელო! (პირს აწლავს). აჰ, შენ არ მომიკვტე, არ შევიბრალებ ჩემ ნაბატონრებს, უბედური დღის შეილებს. (სიცილით) გავაჩერებ ეგერ ე იქანა, ისეთ ვაყურებიებ ჰამას, და, როცა ძალიან მოუნდება, შევატყოფ, ში გოჟდახებ კარში, ვეტყვი: „პოშოლ, ზურაბიკა-თქო“. მეც ისე დოჟდახებ მაშინ, რავარც მე მეძახიან ახლა ივანიკას; მე კი ვიგემებ ხიზილალს და კაი-კაი თართის დოშებს. (დაჩუმდება და ცოტახნის უკან) ხიზილალა რომ მომაგონდა, წყალი მომწყურდა, ვახ, დედაჩემო, რავა მწყურია... ეგერ ყოფილა წყლიანი დოქი, მარა ქე ვინ ადგება ახლა მაგისთვის? ვინ გეიმძრევა? ნეტაი ნატვრის თვალი მომცა!... ვინატრებდი ახლა: „დოქო-თქვა—ვეტყოდი ამ დოქს—ახტი, დახტი, აქ მომახტი, პირს გავილებ, ზედ დამახტი-თქვა“ და ზე მომახტებოდა ის დოქი, მეც წყურულს მოვიკლავდი. მაშინ ვეტყოდი ისევ დოქს: „ჩაფარ, ჩაფარ დოქ“ და გაჩერდებოდა დოქიც. მერე ვეტყოდი კიდომ: „ახტი, დახტი! ისევ შენს ადგილას ვადახტი-თქვა“ და მომშორდებოდა დოქიც. ვაი, საყვარელო, რა კაი იქნებოდა! მერე ქე დევიძინებდი... ახლაც ქე მეძინება, მარამ წყურული მკლამს და მიშლის დაძინებას!... ეჰ, მოდი, ერთი თვალებს დაეხუჭამ, დევიძინებ და არ გადამივარდება ეს ოხერი წყურული, არ გადამივლის, აჰა რა ჰირს მამქამს, გულს რალა გზა ექნება? (გადაბრუნდება მგორე გვერდზე, პირს კედლისკენ იზამს და ცოტახნის შემდეგ ამოუშვებს მადიანად ხვრინვას)

გამოსვლა 80-2-ი

იგივე და **ზურაბ გატენილიძე** (შემოდის ოთახში, თავზე ხურავს რუსული ქუდი წითელიკოლოშკიანი და დიდკოზიროკიანი; ტანზე აცვია ქართული ჩოხა, რომლისაც წითელი საყვლო ყურებამდის უწევს, წითელ აბრეშუმის პერანგზე შავი ყელსახვევი, მოკეროლი ღვლერკივით. დიდ განიერ შარვალსა, ცოტათი მოკლეს, სიგრძეზე წითელი კანტი აქვს ჩაყოლებული და აპოკის ჩეკმებზე ეცემიან ტომარასავით. განიერი წითელი ნიფხვის ტოტები. ხელში უკირავს ბზის ჯოხი. დაინახავს თუ არა ივანიკას, დიდხანს გაკვირვებით მისჩერებია, ხან იმას უყურებს, ხან პუბლიკას, ბოლოს გაკვირვებით იტყვის:)

ზურაბ. იიმე! ამას ვერ ჰხედავთ, თქვენი ქირიმეთ! ეს სიზმარია, თუ მეჩვენება? თუ მართლა ბიჭი წიგს! (წაიშენს თავში ხელს). ამისთანა ოჯახის დაქცევასაც მოვესწარიო!? ვაი, ჩემო სიბერე, რა დღე მოგადგა! (პუბლიკისკენ) მამაჩემი ნუ წამიყვდება, ამ დღიანში ხუთი თუმანი მივეცი სვიმონა კაპეცს! შეჩვენებული ვიყო, თუ მე უსტუმროდ ამაზე ვჯდებოდე, და სტუმრებთან კი, რალა გაეწყობა, ხათრით უნდა დავჯდე. მაგრამ მაშინაც ისე ვხელოვნობ, რომ ტანს ავიწაბებ და ისე ეშმაკურად ჩამოვჯდები ხოლმე, რომ არ იზნიქოს, ღმერთი არ გამიწყურეს-თქო! სულ ასე ვხელოვნობ და ასე ვიკომონაობ, თვარა არ იქნება. ამას მეოჯახობა მოითხოვს, ეს შეჩვენებული-კი არა მზოგავს, ისე თავიან-ფეხებიანად გადადღლაშულა უმოწყალოდ, იმე! პადლი არ იქნება, რომ ისევ ძველებურად გადავუჭიროო ეს ჩემი ბზის ჯოხი, მაგრამ ვინლა გვაბედვინებს? ახლა ეს ხომ ივანიკა აღარ არის, დიდი იოანე ბრძანდება! მამამისს რა ერქვა? ჰო, გოგიტა! გოგიტა ერქვა! ახლა ეს ბრძანდება ივან გოგიტიჩი და არა ივანიკა. (სარკასტიული დაკინებით მოუბრუნდება მძინარ ივანიკას და მძიმედ თავს უკრავს). უკაცრავად, ჩემო ბატონო, ივან გოგიტიჩ! იძინეთ, თქვენი ქირიმე, ნება გაქვსთ! (პუბლიკისკენ) იმე, მაგრამ რა თავს ვივადებ, რა მაყვირებს ასე მწარედ? რომ ღმერთი გამიწყურეს და გამოიღვიძოს ამ ჩემს ყვირილზე, ხომ წაეა და პოსლედნიკთან მიჩივლებს და შტრაფს გადამხდევინებენ! არა, სჯობია, რომ დაეჩუმდე. (ირტყამს ტუჩებზე ხელს) დაჩუმდით! არც ახლა დაჩუმდებით, თქვე დასამიწებო ტუჩებო? და სანამ ეს ბატონი არ ინებებს გამოღვიძებას, აგერ დავჯდები ჩემთვის ამოთარებული (ტუჩებდამუწული, ფეხებაკრუფით წაეა და დაჯდება სკამზე; კამოდს მოეფარება, პირი პუბლიკისკენ აქვს და ნაღელიანად აქნევს თავს).

გამოსვლა 80-3-ი.

სინივე და გოგია შემოდის.

გოგია. კილავ, წაეხდი! აგი რა მხარ-თეძოზე წამოგორებულა ეს ყაზილარი! ამ დედაგავლეჯილს საქმე გამოლეგია! ივანიკა! ივანიკა! ადუ ზეზე!

ივანიკა. (წამოვარდება ზეზე) აა! აა! ვინ იყო? რა ამბავი?

გოგია. აგი რა დაგემართა, შე ნბთალო! რას წახდი? რას შე-
შინდი? მე ვარ, მე! გოგია ვარ! გამარჯობა! (ხელს აძლევს)

ივანიკა. უჰ! შენა ხან, გოგია? ვაი, დედაჩემო, რავე ტკბილად
მეძინა (ხელს აძლევს). ზღრაფი ეელაიმ, ბრატიც! დაჯექი, პოეოლუ-
სტა! ახალი ამბავი რა იცი?

გოგია. რაი უნდა მეცოდინოს სხვა? ბატონების წახდენა და
ჩენი გამარჯვება! არა კმარა?

ზურაბ. (პუბლიკისკენ) ვაი დედათქვენს! ვაი დედათქვენს! (გულზე
მუქს ირტყამს). რატომ ეგ ენა არ ჩაგივარდებათ. მაგრამ ღმერთი გვი-
რისხდება და ის არის!

ივანიკა. რაო, კილომ შეიტყე რაზე, შე კაცო? ერთი ჩვენც გვი-
თხარი, გაგვახარე!

გოგია. რაი და იგი, რომ ჩენი ბატონები უნდა ყმებად დაგვი-
სახლონო.

ივანიკა. ეი, ბრატიც! ეგ ხომ მეც ვიცოდი! რალაც სხვა მეგონა.

გოგია. აგი რა იცოდი? თუ იცი, ვითამ, ორივემ რომ ვიცოდეთ,
ცოდვია თუ?

ზურაბ. (თავისთვის) ვაი დედათქვენს! ნეტა ვინ არის ერთი ის,
ვიცოდე, ის ლეთისაგან შეჩვენებული, ამ ხალხს რომ გვიბრძოლებს და
გვირევს? ამისთანა ტყუილებს ვინ იგონებს?

ივანიკა. აბა, ახლა მე გეტყვი ძალიან ახალ კაი ამბავს, ეს მაინც
არ გექნება გაგონილი, მე საიდუმლოდ ჩუმად კი შევიტყე. ასე ამბო-
ბენ: ბატონებიც ჩვენ დაგვრჩებიან და მათი ცხოვრებაცაო! ვაი, სა-
ყვარელო, რავე ზურგზე მოვევლები ჩემი ბატონის ბაჩას და გავაცუ-
რებ ცხენისწყალში. მაშინ ლამე კი აღარ დამჭირდება ქურდივით წა-
ყვანა—ღლე ვიზამ ამ საქმეს; ლამე ფხუწურს ის არა ჯობია? აღარც
ტურებს მოვერიდები და აღარც კუდიანებს.

ზურაბ. (პუბლიკისკენ) შეხედეთ ამ წუწკის შვილს! დაზოგვასაც
აღარ მიპირებს: ერთი ცხენი მყავს, ისიც უნდა წამართვას?

გოგია. ვაი შენი ბრალი, შე ყაზილარო! რავე აბდლურად უბ-
ნობ! რეგვენი ხომ არა ხარ? რად გინდა ცხენი, უკეთესი ვერაფერი
მოიძიე? მე მანგრე რეგვანად არ მოვიტყევი. ჯერ ვედარდიმანდები,
ვედარდიმანდები ჩემ ქალბატონს და მერე ზე ვეპტყვნები გულზე
შევარდენივით, მისი კირიმე! თუ აბდალეი არა ხარ, შენც ისე უნ-
და ქნა!

ზურაბ. (წამოვარდება) უჰ! რას ბედავენ ეს წუწკიშვილები! ამას
მაინც არ მეფითმენ, რო საპოსულოდ გავხდე. (ბიჭებს) არა, ბიჭებო,
გატყუებენ, არავენ დაგვრჩებათ. გადით აქედან, თქვე ოხრებო, თქვე-

ნა! (გოგიას) ჩემო ძმაო, შენ მაინც რაღას მირევ და მიგრეებ ამ ბიჭებს! გამეცალე ჩემი სახლიდან! (ბიჭები გარეთ გაცვიფდებიან).

გამოსვლა 80-4-ე.

იგივე და ალექსანდრე (შემოიპრება, მივარდება უცებ მამას და სიჩქარით ჰკითხავს:)

ალექსანდრე. რა ამბავია, მამა-ბატონო! ჩტო ტაკოე?

ზურაბ. (მისჩერებია გაკვირვებით) ხომ არ გადარეულხარ, შეილო? მე ოჯახი მექცევა და შენ კიდევ შტოტაკოს მკითხავ? განა ვერა მხედავ, რაც დღე დამადგა? სახლი მექცევა! სახლი! სახლი!

ალექსანდრე. (ცოტა შეშინებით) სადა, მამაჩემო? გღე? გღე? (ჯერ კერს შეხედავს და მერე პოლს) აბა სადა, სად ინგრევა?

ზურაბ. შენი მამა-ბატონიც ღმერთმა შევარცხვინოს და მისი შეილიც, შენი შექნისათვის! მაგიტომ გაგგზავნე რუსეთში, რომ ცალიერი მამა-ბატონი ისწავლე-თქო? სულიან-ხორციანად ვილუპებით, და შენ ესეები არაფრად მოგაჩნია? შემოსულიყო ივანიკა, გადაწოლილიყო ჩემ დივანზე...

ალექსანდრე. მერე? მეტი არაფერი?

ზურაბ. იმე! რაღა მეტი, რომ ამ ჩემს დივანზე ეძინა!.

ალექსანდრე. ეტო ნიჩეგო, პაპენკა! რა ვუყოთ, ბატონო, ეს ძალიან კარგია! ტკბილად მოსვენება ჰყვარებია! (სიამოვნებით პუბლიკისაკენ) სასიამოვნო არის ქეშმარიტად ამისთანა ამბის გაგონება! ჩვენს ხალხს საზოგადოდ არ უყვარს ბინძურობა, პოლზე არ ვაგორდება, თუ-კი დივანი ცალიერი იქვე ეგულება! ჩვენს ხალხს...

ზურაბ. (გაკვირვებით მისჩერებია) შეილო, პირჯვარი გამოისახე! ხომ არ გადარეულხარ, შეილო! ჯერ გაიგონე, რა გითხრა, და მერე შეიტყობ, თუ სასიხარულოა. შემოვიდა ერთი ვილაცა გურული, გააღვიძა ივანიკა და ერთი საათი მეტი ილაპარაკეს თავის განთავისუფლებასზე; რა პლანები არ დააწყეს თავისი მომავალი ცხოვრებისა. რატომ ყურები არ დამიდგა მის გამგონს!... იქ ვიყავი ჩემთვის მოთარებული და მესმოდა...

ალექსანდრე. (სიხარულით) მართალს ბრძანებთ?

ზურაბ. მართალს, ჩემი გამაჩენის მადლმა.

ალექსანდრე. (სიხარულით ტაშს უკრავს პუბლიკისკენ) ბრავო! ბრავო! ბრავო! (წამოვარდება ზეზე) აღრევე ვამბობდი: ჩვენი გლეხი-ხალხი საკვირველი ხალხია-თქო, იმას თანაშობილად არა აქვს ბუნებაში მონება, და ახლა, განთავისუფლდენ თუ არა, მაშინვე თავის მომავალზე დაიწყეს სჯა. რაღა თქმა უნდა, რომ ამისთანა ხალხი წინ წავა.

ღმერთმა ხელი მოგიმართოს, გლებკაცობავ! ღმერთი იყოს შენთვის! ვპერიოდ, ვპერიოდ!...

ზურაბ. (გაკვირვებით) ხომ არ გადირიე, შვილო? თუ ხუმრობ? მე მაჯავრებ?

ალექსანდრე. მართლა მოგახსენებ! აქ რა არის ცუდი?

ზურაბ. (გულმოსული) მაშე გრძნობაც შეგიტყუებინოს ღმერთმა და კაცობაც! მაგიტომ იყავ სხვა ქვეყნებში, ეგ ისწავლე? ეგ ჩამოიტანე, სხვა ვერაფერი? გადი, გადი ჩემი სახლიდან, შეჩვენებული და წყვეული იყო ჩემგან; შენ რა გიგავს ჩემ შვილს? გლებიკაცის ბუნება გაქვს, რალაც ყაზახური. შენს მამობაზედაც ხელი ამიღია... გამეცალე, ჩემმა თვალის კაკლებმა აღარ დაგინახონ! გამეცალე!...

ალექსანდრე. რათა, რა დაგიშავით, ბატონო! (პუბლიკისაყენ) საკვირველია, მართალი სიტყვა ეჯავრება... მე ვუმტკიცებ ჭკუის ძალით და ეს კი მაგდებს კარში მუშტის ძალით! ჩემს მამობაზედაც ხელს იღებს და რა გაეწყობა! ჩვენ მაინც მსხვერპლი უნდა ვიყოთ საზოგადოებისა! მშვიდობით ბრძანდებოდეთ, მამა-ბატონო! (თავს უკრავს და მიდის).

ზურაბ. (შეწუხებული მიაცილებს თვალებს) ვაი ჩემს უბედურებას, რა სიბერეს შევესწარი! (პუბლიკისაყენ) გაზარდეთ, გაზარდეთ შვილები და თქვენც ასე ჩემსავით დაგიდგებათ თვალები! ჯერ-კი მე მომიტირეთ, მე გებრალეობდეთ!...

მოქმედება მეორე

სცენა: ოთახი სამსონ ზეპრიაშვილის სახლში

გამოსვლა 1-ლი

სამსონი. (წიგნს კითხულობს ჩემად წამოწოლილი გულადმა დივანზე. ერთი შეჩერდება და დაფიქრდება, მერე წამოდგება ზეზე ალტაცებული) ურა! ურა! მხედართმთავარო პრუდონო! აი, მართალი ამბავი. ეს კვშმარიტება ყოველს კვშმარიტებაზე უკვშმარიტესია! ეს ვილაც პრუდონია, კვკიანი ლენერალი უნდა იყოს: ამტკიცებს, რომ კვეყნიერებაზე ჩხუბი უნდა გაუწყვიტელი იყოს, კაცობრიობის ბედნიერება მხოლოდ ხმლის პირზე არის დამოკიდებული. რომ ჩხუბები და ომიანობა არ ყოფილიყო, წარმოიდგინეთ, რა საცოდაობა მოხდებოდა დედამიწის ზურგზე: ხალხი იბარტყებდა და გამრავლდებოდა, საზრდო კი სამყოფი აღარ ექნებოდათ, შიმშილით გაბრაზიანდებოდნენ და ერთმანეთს დასკამდნენ, როგორც ზოგიერთს პარახოდებზე! ცხადია!.. ამას რა დიდი მოფიქრება უნდა! მაგრამ კი გერავეინ მოიფიქრა ლენერალ პრუდონის მეტმა და—სამჯერ გადავკრავ დღეს მის სადღეგრძელოს!... მოიცა ერთი, არ დამავიწყდეს (ჩასწერს ბუმაენიკში). ამ წიგნის საგანი ფილოსოფიურადაც რომ არ განვიხილოთ, ესეც პრაქტიკულადაც კვკაზე ახლოს არის ომიანობის საკიროება: ერთხელ ხომ მაინც უნდა მოკვდეს კაცი: ან სიბერით, ან სნეულებით, ან მარცხით და ან სიკვდილით, მერე რა პატიოსნება იქნება ამგვარი სიკვდილი! ღლუპოსტ!... ტოლი დელო ომში სიკვდილი! წარმოიდგინეთ, ბატონებო, სამხედრო ხმა, ომის კიენა, ათასი ტყვიის ბზუილი, ზარბაზნების ქუხილი, იარაღის ჩახა-ჩუხი. კავალერიის თქიფინი და პეხოტის ერთპირი მოხდენილი „ურა“! მაშინ ყოველი კაცი მამაცია! გინდა რომ ყველაზე წინ იყო, მირბიხარ და გგონია, თუ ტყე და ველი თან მგაქვსო!.. არა, კვშმარიტად, ომში სიკვდილი... სანატრელია! (ფეხის ხმა ისმის გარედან) ქტო ტამ?

გამოსვლა მე-2-ე

იგივე და დემიან

სამსონ. დემიან!

დემიან. ჩავო ზეოლიტეს?

სამსონ. ჩტო ტი დელაემ?

დემიან. საპოლი შიუს!

სამსონ. ჩემებსა ჰკერავს! დღემდის შტაკს უყრიდა ჩერქეზის ტყავში და დღეს კი ხარის კანს სადგისს უჭრუნუნებს!... ტი ნე სკუჩაეშ?

დემიან. ნიკაკ ნეტ, ვაშე სიატელსტვო!

სამსონ. ა პახოდი ვსპომინაეშ? ა!

დემიან. ტონო ტაკ, ვაშე სიატელსტვო!

სამსონ. პოკალუი ტი ი სლუჟებუ ზაბუდეშ?

დემიან. ნიკაკ ნეტ, ვაშე სიატელსტვო!

სამსონ. პოსმოტრომ! ვაზმი პალკუ!

დემიან. სლუშაიუს! (ჯოხს იღებს).

სამსონ. ნუ, სტოი პოსერედინე; ია ბუდუ კომანდოვატ.

დემიან. სლუშაიუს!

სამსონ. (კომანდობს. დემიან ასრულებს ბრძანებას). სტოი! რავნიაი-საა! სმირნა! ნა პლეო! ნაკრაულ! ტიხიმ შალომ, ნალევა, კრულომ მარშ! რაზ..დეა! რაზ..დეა! რაზ..დეა. სტოი! ბელლიმ შაგონ, მარშ! (მუხიკას უკრავს პირით და ფეხებს აბრაგუნებს). ხოროში, რებიატა!

დემიან. რადი სტარატსია, ვაშე სიატელსტვო!...

სამსონ. სტოი, დავოლნო! სპრიაჩ პალკუ!

დემიან. სლუშაიუს! (ჯოხს დასდებს).

სამსონ. ახლა ევროპიულად მოვექცევი, სამოქალაქო საქმეებზე დავუწყებ სჯას! დემიან! ტი ზნაეშ, ჩტო ი ია, ი ტი, მი ობა ღრა-ქდანე?

დემიან. ნიკაკ ნეტ, ვაშე სიატელსტვო!

სამსონ. კაკ! ნე ხოჩეშ ბიტ ღრავდანირომ?

დემიან. ნე მოლუს!

სამსონ. პოჩემუ ეე?

დემიან. დენელ ნეტს, ჩემ ბუდუ ტორლოვატს, ვაშე სიატელსტვო!

სამსონ. დურაკ, ტი ნე ტაკ პონიმაეშ! პასტოი, ია ტებე ობიანნიუ; ტი ზნაეშ, ჩტო ტაკოი ღარიბალდი?

დემიან. ნე მოლუ ზნატს!

სამსონ. ია ზნაიუ, ჩტო ნე მოჟეშ. ეტო—ჩელოვეკ რაზბოინიკ! იტალიანსკი რაზბოინიკ! ნო ხოროში, მოლოდეკ რაზბოინიკ.

დემიან. სტალო ბიტ, ვაშე სიატელსტვო, ეტო შამილ? ჩუკოი შამილ?

სამსონ. ნუ და, ტაკოი ეე, კაკ შამილ.

დემიან. ტეპერჩა ნადო პოლადატ, ვაშე სიატელსტვო, ჩტო უ ნელო ნე ნაში, ა ნემეცკიე ჩერქეზი.

სამსონ. ნეტ! უ ნელო ზუავი! ა ზნაეშ, ჩტო ტაკოი ზუავი?

დემიან. ნე მოლუ ზნატს!

სამსონ. ეტო სტრაშნო ი ვილოვორიტ! დუშედუბეც! ლოლო-
ვორეზ! ოტჩაიანნი ბანდიტ!...სლიშიშ?

დემიან. სლუშიაუს! ა ჩტო, სუდარ, ეტოტ ხარიაპალტო პოხოე
ნა ნაშელო შამილია?

სამსონ. ტო ესტ ღარიბალდი? და! ტოლკო უ ნელო ბოროდა
ჩორნაია, ა უ შამილია—რიქაია, პონიმაეშ ტეპერ?

დემიან. სლუშიაუს!

სამსონ. ნუ ტაკ, ვონ. დოვოლნო სტებია ნა ეტოტ რაზ.

დემიან. სლუშიაუს (გავა).

სამსონ. (ეძახის). დემიან!

დემიან. (შემოვა ისევ). ჩავო იზეოლიტეს!

სამსონ. (დაფიქრდება და დემიანი ატუზულია, კარებში გამოკიბული. შემ-
დეგ რამდენიმე ხნისა თავს დაუქნევს) პოშოლ! (დემიანი მიტრიალდება და გავა).

გამოსვლა მე-3-მე

მარტო სამსონი

სამსონ. (დადის) სასიამოვნო არის კაცისათვის, როდესაც იმას
თავისი სწავლა გადააქვს სხვაზე და სწრთენის. ჯერ კიდევ ვასწავლი
ხოლმე დემიანს, მაგრამ, ცოლს რომ შევირთავ, მაშინ კი დავანებებ
თავს. მე ცოლის გაწრთენას მოვუნდები. რად მინდოდა ცოლი, მა-
გრამ რა ვქნა, სკუნობამ შემქამა, ღამის გამავიჭოს! ძალიან კარგ ქალს
კი ვირთავ; ცოტა არ ვუყვარვარ, მაგრამ ეტა ნიჩეგო, მოვარჯულებ,
როგორც იქნება; ბარე ორი მათუშკა მომიჩუჯულებია პოლკში... (და-
დის და იმღერის):

„სალდატუშკი, რებიატუშკი!

ლდეეე ვაში ქონი?

ნაში ქონი—პული ჯონი,

ვოტ ღდე ნაში ქონი.

სალდატუშკი რებ...“

მოქმედება მესამე

სცენა: მდიდრულად მორთული ოთახი დიდუფრახის სახლში

გამოსვლა 1-ელი

ნინო. (შემოდის დაფიქრებული, ხელში უკირავს ერთი ლიმონი და ერთი ვაშლი და გაჩერდება შუა სცენაზე) აჰა, ეს ჩემგან ამორჩეული ჩემი გულის ვარდი, ჩემი საქმრო ალექსანდრე, (უჩვენებს ვაშლს) და ეს კი ჩემი მშობლისაგან ჩემ საქმროდ დანიშნული, — ჩემი გულის ეკალი, სამსონ! ენახოთ, რომელს ერთს დამარჩენს ჩემი ბედი (შეისვრის ორივეს მაღლა, ვაშლს სტაცებს ორივე ხელებს და ლიმონი კი დაეცემა ძირს) — ეჰ! ვაშლი!.. (სიამოვნებით) ნუთუ მართლა!... აბა ერთი ქალაღდსაცა ვკითხო: ვაგწლი, რას მეტყვის? პანსიონში პოპენიერკებმა მასწავლეს ქალაღდის ვაშლა... ღამ-ღამე ჩუმაღ ბალიშ ქვეშ გვეღდა ხოღმე თითო კოლოღა ქალაღდი (სტოლიღან გამოიღებს ქალაღდს და დაუწუღბს შღას).. ტრეღის ხელმწიღე იყოს ალექსანდრე, და პიკი — სამსონ. ჩუ! ჯკრის ხელმწიღე გამოიღდა! (აიღებს და ჰკოცნის, ბოღოს შეჩერღება და ცოტა ფიქრს შემღგე ამოღბვრით) ვიშ! რაღას ესუღეღობ, სიტყვა მიუცია მამას სამსონისათვის და მე კიღვე არ მიღდა დავიჯერო? ქალაღდებს ვეკითხები, ჩემს თავს დავეცინი და თითქოს ქალაღდებიც მე დამეცინიან. (ნაღვლიანად დაახღის ქალაღდს პოღზე, წამოღდება და აღშფოთებული დაღის). მაგრამ მეც კი კარგი შეიღი ვარ: ჩვენში ზოგიერთ სულეღერებს არა გაეღებათ-რა ეხლანღელისა და მე უსუღო სურათებს ვეკითხები მომავაღზე?!.. ან კი რა ვქნა! ვიცი, ესეები ყოვეღიფერი ტყვიღია, მაგრამ მიღდა თავი მოვიტყუო და ერთ წამს მაინც სეღდა გაეიქარეღ! ერთსაღაღმავე დროს მტერიცა ვარ ჩემი თავისა და მოყვარეც: მიღდა ვანუღეშო, როგორც მოყვარემ, და ვატყუებ კი, როგორც მტერი! აბა ეს არის უბედური მღგომარეობა!.. ჩუ! ფეხის ხმა მესმის! ეს სწორედ ნიკოა. მხოლოდ იმის სიტყვა ეღება მალამოსავიღ ამ ჩემ გულის წყლულს! მხოლოდ იმის წინ შემიღღია დავანთხო ჩემს გულში დავუბებული ნაღვეღი! იმან უნდა მომიტანოს ამბავი და ენახოთ, რას მეტყვის: ყორანიღით დამძახებს „არაო“, თუ ბულბულიღით დამსტეღენს „ღიახო“?

გამოსვლა მე-2-ე

იგივე და ნიკო შემოდის მოწყენილის სახით.

ნინო. (უცებ მივარღება) ნიკო! რას მეტყვი? მითხარი მალე!.. არა, მოიცადე, ნუ მეტყვი! სახეზე გაწერია, რაც ვიღდა და რაც ვაქეს სათ-

ქმელად!... ჰო, თუ არა? ან საუკუნოდ გამკურნე და ან ისარივით გამგმირე! ნულარ მზოგავ! მხადა ვარ!...

ნიკო. (თანაგრძნობით მივა და ხელს მოჰკიდებს) ნინო! რა დაგმართვია, რათ შფოთავ მაგრე? შენგან მე არ ველოდი სულმოკლეობას!— ჯერ ვერც ავს გიტყვი და ვერც კარგს; მოთმინება იქონიე!... ხომ გაგიგონია: „აჩქარებითა სოფელი არავის მოუქამიაო“? მოულოდნელი ლხინი ხშირად ქირხედაც უარესია, ჩემო საყვარელო დაო.

ნინო. ოჰ, საკმაოა შენი ხმა, რომ დამამშვიდო! მხოლოდ შენთან სძგერს ჩემი გული თავისუფლად და დამშვიდებით; შენს სიტყვებში ვხედავ რაღაცა თილისმურ ძალას, რომელიც ძალაუნებურად კეთილ გზისაკენ გამიტაცებს ხოლმე.

ნიკო. (ტკბილად) თილისმა? არა! უფრო მართალი იქნება, რომ სთქვა: ქეშმარიტება და მეგობრული სიყვარული-თქო! მხოლოდ ქეშმარიტებასა აქვს უნებურად გამტაცებელი ძალა... მაგრამ თავი დავანებოთ ამას, ჯერ ეს მითხარი: ეს ქალაღებო აქ ვინ დაყარა?

ნინო. მე... (სიცილით) ჩემი ბედი ვიკითხე და მომატყუეს!... და მეც გულმოსულმა ძირს დავახალე მთელი კოლოდა.

ნიკო. (თავს იქნევს) ამოადმორწმუნება უგუნურების ნაყოფის უბედური თესლია და შენთან რა უნდა ჯერ!

ნინო. განა ჩემზე უბედური კიდევ შეიძლება?

ნიკო. ეჰ, ჩემო დაო! ვინც ტყვიით არა ყოფილა განგმირული, იმას კოლოს კბენაც დიდ ჭრილობად მიაჩნია; ვარიას ყველაზე უფრო პირველი კვერცი აკაიანებს. ჯერ შენ რა გინახავს უბედურებისა?

ნინო. შენი სიტყვები როგორღაც მანუგეშებენ. გაარიგე რამე მამასთან? უთუოდ კარგი ამბავი იცი!

ნიკო. რას გავარიგებდი? თვითონაც იცი, რა კაციც არის! ტყუილად მოვიღალე იმასთან რჩევით და ვედრებითა; იმან ეს პასუხი მითხრა: კვირამდის კიდევ ვუცდი ამ ჩემს გიჟს ქალსაო და, მერე თუ კიდევ უარი სთქვაო, მაშინ ძალით წავიყვან ეკლესიაში და დავაყენებ გვირგვინ ქვეშაო!

ნინო. ნიკო! ნუთუ ჩემი ტანჯვა შენც გიხარია? კიდევ მეუბნები მაგის შემდეგ, რომ სხვაც იყოს ჩემისთანა უბედურ მდგომარეობაში?

ნიკო. უბედური? ოჰ, ბევრი, ბევრი! შენ ღმერთმა გაშოროს უბედურებას, ჩემო დაო! მე მხოლოდ ერთი უბედურება მწამს ქვეყანაზე, მეტი არა: ჭკუის დაკარგვა, სადამდისაც ჯერ ჩვენ არ მივსულვართ.

ნინო. განა შორსლა ვარ? ნუთუ უბედურებას არ შეეძლოს, რომ კაცს დაუკარგოს ჭკუა? გააგიჟოს?

ნიკო. ის ჭკუა აღარ არის! ჭკუა უნდა ერეოდეს და უპარგავდეს კაცს უბედურებას და არა უბედურება ჭკუას.

ნინო. შენ მხოლოდ თავი გალაპარაკებს და არა გული! შენ არ შეგიძლია ჩემი თანაგრძნობა; შენ შენიშნავ ჩემ ტანჯვას მხოლოდ სახეზე, და გულში-კი ვერ მხედავ, თუ რა ამბავია? (ტირის) ვხედავ, ცხადია, რომ არც შენ გებრალეები! საკირეში რომ დასაწვავად კაცს აგდებდნენ და შენ ის კაცი შევლას გვედრებოდეს, ნუთუ შენ ცივი სიტყვებით დაუწყებ ქადაგებას და ეტყვი ურცხვად „ნუ ჩაეარდები! ნუ დაიწვი!“ განა ამასა ჰქვიან, ეს არის თანაგრძნობა? ეს იქნება შევლა?...

ნიკო. ურიგოდ და ძალიან გაუსჯელიად გალაპარაკებს მწუხარებას!... რომ ტირილს შეეძლოს საქმის გაკეთება, მაშინ მეც არ დავიზოგავდი თავს, ცრემლებით მოვრწყავდი არემარეს... მაგრამ ეს რას გვიშველის? ჩვენ სხვა გზას შევუდგეთ: იმედს ნუ დავიკარგავთ და ცდას ნუ მოვიშლით! ვაი მას, ვინც უიმედოა! ის ცოცხლადვე მკვდარია და ზეზეულად გულში ატარებს ჯოჯოხეთს!...

ნინო. მაშ მიჩივ, რა ვქნა? განა იცი კიდევ რამე საშუალება?

ნიკო. დიახ! ჯერ სიტყვებით ვიხმაროთ ყოველი ღონისძიება, და, თუ აღარა გაეწყობა-რა, მაშინ ძალაც მიეფუძტოთ.

ნინო. (შეშინებით) ძალა?! რა სიტყვი, გენაცვალე!

ნიკო. რა და უარი უთხარი მამას... ნუ შეირთავ! გაეჭეცი სახლიდან.

ნინო. მერე, ქვეყანაში აღარ მინდა თავი გამოვყო? ხომ თითოთ-საჩვენებელი გავხდები! არა, ეს არ იქნება, ჩვენში უმაგალითო მოქცევა, უმაგალითო საქმეა.

ნიკო. დიახ, მართალია, ის იქნება პირველი და სამაგალითო საქმე; მაგრამ რომ შენზე უწინ სხვას ეთქვა უარი, მაშინ ის იქნებოდა პირველი და შენ კი აღარა, და რომ ხშირი ყოფილიყო ამისთანა მაგალითები, შენი მაშინ აღარ გაუკვირდებოდათ და ხალხიც მიჩვეული იქნებოდა. მხოლოდ პირველი ბიჯი, პირველი მაგალითი ეხამუშებათ, და ხშირი მაგალითი კი კანონად ურჩება საზოგადოებას. ეს პირველი ბიჯი გერგო შენ. ძნელია, ვინ ამბობს, რომ არაო, მაგრამ რა ვქნა, ჩემო დაო? ორ აუცილებელ უბედურებისაგან ერთი უმციურესი უნდა აირჩიო.

ნინო. რა გაეწყობა? ისევ გაქცევას ვირჩევ! უმჯობესია ხალხმა გაემიციხოს და მივაჩნდეს იმას უბედურად და მე კი ბედნიერი ვიყო, ვიდრე ხალხს ბედნიერი ვეგონო და მე კი ვიტანჯებოდე. (დაფიქრდება) ჩვენში ვინა თხოვდება სიყვარულით? ვის გაუგონია ქალისაგან საქმროს გამორჩევა? ისინი ასრულებენ მოთმინებით ღელ მამის ნებას და

ისე თხოვდებიან. მაშ მე ვილა ვარ? რათ მერცხვინება სხვისი ბრძანებით გათხოვება? განა მათზე უკეთესი ვარ? მათზე უმფრო მგრძნობიარე და კვიანი?! რათ არ მომწონს სამსონ, რომელსაც ჩვენი საზოგადოება ტაშს უკრავს? რა აკლია სამსონს? სილამაზე, ხარისხი, ჩინი, გვარიშვილობა, სიმდიდრე, თუ ვაჟკაცობა? რომელი ქალი ეტყვის უარს? და ან რომელი დედ-მამა გააბედვინებს უარს, რომ კიდევ იფიქროს ვინმემ? მე კი ვერ მიმიტვისებია მისთვის გული... მის ნაცვლად ვინ მიყვარს? ალექსანდრე! ღარიბი, უხარისხო! საზოგადოებისაგან გაკიცხული! რომელსაც ვიეს ეძახიან და უღმრთოებას სწამებენ! რომელიც მამისაგანაც კი გამოვდებულა და შეძლებულა! მაგრამ არა, არა... გული არ ეკითხება თავს... (დაფიქრდება) ეჰ, ან ის იყოს და ან სიკვდილი ჩემი ხედრი! ამ ორში ერთს ვერ ავცდები.

ნიკო. დაუჯერე, დაუჯერე შენს გულს! ნუ ეკითხები ამჟამად თავს! გული არ გატყუებს! იქ ჩაგვარდნია კეთილი თესლი, მშვენიერს ყვავილებად გაშლილა, მაგრამ ჯერ კიდევ არ დამწიფებულა და მისთვის ვერ აძლევ თავს ანგარიშს. ახლა მე ავიხსნი, თუ რათ გეჯავრება უსიყვარულოდ გათხოვება და რათ არ მოგწონს სამსონი? სიყვარული აგვამალლებს პირუტყვებზე, და ის ქალი, რომელიც თხოვდება უსიყვარულოდ, ჯერ კიდევ არ არის, ამ შემთხვევაში, პირუტყვობიდან გამოსული. შენ არ მოგწონს და არ გინდა შეერთო სამსონი ამავე მიზეზით, მგონია. და ახლა იმასაც გეტყვი, თუ რათ არ მოგწონს სამსონი: სამსონს არა აქვს არც ქუა მომატებული და არც სწავლა, რომლითაც მას შესძლებოდა წინ წაწევა. განსხვავდა სამსახურში ისე, როგორც ზოგიერთი სხვებიც, და თუ რით, ამის გამოძიებაში ნუ შევალთ, თორემ შეგვარცხვენს; იმას შეუძლია საზოგადოების თვალი მოატყუოს, მაგრამ შენ კი ვერ შეგაცდენს, რადგანაც ავისა და კარგის გარჩევა შეგიტყვია! ახლა ალექსანდრეც ავილოთ.

ნინო. ახ, მამა მოდის, მგონია, ხმა მომესმა... გავიქცევი, არ მნახოს... ჩემი თუ გკითხოს, უთხარი: ავად არის თქო... (შედის მეორე ოთახში).

ნიკო. რას შირბიხარ, ქალო? ხომ არ შეგქამს? (პუბლიკისაკენ). აბა, მამაც ამისთანა უნდა: შვილი ერიდება და გარბის.. შობილი მშობელს ვერ შესთვისებია!

გამოსვლა მე-3-ი

ნიკო. ოჰ, ალექსანდრე! საიდან გავვიჩნდი? გამარჯობა! (ხელს აძლევს)

ალექსანდრე. გავიმარჯოს! შინიდან!... იცი, ახლა სად არის ჩემი ბინა, ჩემი სახლი?

ნიკო. როგორ? გადახვედი სადმე? იქ აღარ სდგებარ, სადაც იდექი?

ალექსანდრე. გადავედი! იაფადაც დავიქირე სახლი, დიდი და სრული!

ნიკო. ვისი სახლი?

ალექსანდრე. ღვთის.

ნიკო. ეკლესია? როგორ თუ ღვთისა, რას ამბობ?

ალექსანდრე. (სიცილით) ახლა მე ვდგევარ ცისა და დედამიწის შუა! მამამ სახლიდან გამაგდო დაწყევლილი და შეჩვენებული!

ნიკო. (გაკვირვებით) რათა?

ალექსანდრე. რა ვიცი! წადი და შენ კითხე! რატომ ჩემი თავი არ გაბიძო და მართლად სჯიო! სხვაზე არაფერზე...

ნიკო. მამაშენი ძალიან კეთილი კაცია, უთუოდ გააჯავრებდი როგორმე, თორემ სხვებზე როგორ დავიჯერო?! არ ვიცი... მე სხვა არა გამეგება-რა...

ალექსანდრე. (გულმოსული) შენის აზრით მტყუანი აღარავინ არის, შენ ყველას გაამართლებ: უგუნურს უგუნურობისათვის, ავკაცს ავკაცობისათვის, და უსინდისოს მისთვის, რომ პატიოსნება დაუქარგავს.

ნიკო. (დაცინვით) ეგრე მალე რათ გაათავე? ჩაჰყვე კიდევ. სხვა აღარა იცი რა?... აბა კიდევ...

ალექსანდრე. ის, რომ დიდიხანია შენ დაემონე საზოგადოების აზრს, გადააბიჯე ნიახურზე და არა თუ გულგრილად შეჰყურებ საზოგადოების აზრს და მათს ცუდს, იმათაც კი დასცინი, ვინც ეწინააღმდეგებიან.

ნიკო. ჯერ კიდევ წერილთვალეებიანია შენი სათვალე და მიტომ მაგრე მიგაჩნიავარ.

ალექსანდრე. ისე კი არის და! მგონია ისა ხარ შენ, რაც ადრე იყავი?...

ნიკო. არა, ადრე ბევრს ვაკაჟებდი და ახლა კი ჩუმადა ვარ.

ალექსანდრე. (ხეზე წამოფარდება) ღმერთო, ეს რა მესმის? პატიოსან პირდაპირობას საზოგადოებისადმი, მის ცუდის დაურიდებლად მხილებას და თავგანწირულ შრომას შენ კაკანს ეძახი? (დადის) არა, მაშინ შენ გედგა თავზე ჰემმარიტების გვირგვინი, რომელიც კაფიომბა და ბნელაში. ჩვენც იმან მიგვაგნებინა ჰემმარიტების გზას და გამოგვაბრუნა ეკლიან შარისაგან. რათ დაგიკარგავს დღეს ის გვირგვინი? არ შეიძლება არა გკითხო, რა უყავ ის ნიშანი?

ნიკო. (ხელთ აჩვენებს შუბლზე) აქ გახლავს! მაგრამ უფრო მშვენიერია ადრინდელზე! მაშინ იმ გვირგვინს აკლდა ერთი ძვირფასი

ქვა და ახლა კი მოვიპოვე და მით დავიშვენიე. ახლა შენც გირჩევ, თუ გინდა, რომ მაგ შენს ჯილდოსაც ჰქონდეს ფასი, შენც მოძებნე იმისთანა ქვა. უფიმსოდ თავს გატყენს ეგ გვირგვინი—მძიმეა.

ალექსანდრე. რა ბრილიანტია? რა ძვირფასი სამკურნალო ქვა არის მაგისთანა?

ნიკო. გა...მო...ცდი...ლე...ბა...მიხვდი?...

ალექსანდრე. მაშ ეგ ყოფილა ახალგაზრდობის მტერი. შე-
რცხვენილი იყოს მაგის მამებარი ჩემ თავად!.. არა, არა! მე არ დავი-
წყებ მაგის ძებნას, სანამ სული მედგმება და არ დავაგდებ ამ ჩემს
გზას! უშიშრად გადავევლები ამ ეკლიან გზაზე, ერთ-ორ ეკალს მა-
ინც ამოვგლეჯ ძირიანად ამ გაუპარველელი გზიდან, რომ ჩვენმა შეი-
ლებმაც ნახონ, რომ შეძლების გვარად მეც აღმისრულებია ჩემი მოვა-
ლეობა. მაგრამ შენ რაღას ეტყვი შთამომავლობას?

ნიკო. ქეშმარიტებას. იმას, რასაც შენ...მოდი და დამშვიდებით
დამიგდე ყური... ის, რასაც ახლა მე შენ გეტყვი, ჩემთვის არავის
უთქვამს. მე ჩემით მივაგენი და ისე გამოვედი შეცდომილებისაგან,
ცოტა კი დავიგვიანე. შენ კი ადრე შეგიძლია აიცილინო ეს შეცდომი-
ლება, რომლის მაგალითსაც ჩემს თავზე დაგანახებ. მამების შეცდო-
მა მითი არის კარგი, რომ შეილებს ვაკეთილებად გამოადგებათ
ხოლმე. მოდი, აბა, და მომისმინე ჩემი თავგადასავალი.

ალექსანდრე. (ჯდება) გვიბრძანეთ, რითი გინდათ იმართლოთ
თავი?

ნიკო. ამ რამოდენიმე წლის წინეთ თუ როგორ ვირჯებოდი,
შენც კარგად იცი. აშკარად ვუკითხავდი საზოგადოებას ნაკლულე-
ვანების საპირდაპიროდ, თავს არ ვიზოგავდი, სულ გრივალი-ქარი-
ვით ეტრიალებდი, მეც შენსავით გამოვედი ეკლიან გზაზე, წინ გა-
დაველობე გამვლელებს და პირუთვნელად ვამხილე: „ნუ მოდიხართ
ამ ცულ გზაზე, ვერა ხედავთ? ბირკები ვედებიან, ეკლები გესობიან
და ჩირქი გსვრისთ მეთქი?“ მაგრამ ვინ დაიჯერა ჩემი რჩევა? ჩემი
ხმა დარჩა მათში ხმად მალაღებლისა უდაბნოსა შინა. მადლობის
მაგიერ, ამის შემდეგ ზოგნი გამიწყურენ, ზოგნი მერიდებოდენ და
გარბოდენ ჩემგან, როგორც გიყისაგან; არც მაშინ ვავიტეხე გული:
წავიკაპიწე და შიშველის ხელებით დავიწყე ეკლების თხრა: მაგრამ
აქაც ეს წამომძახეს: ნუ გვიხდენ მაგ გზას, გიჟო! ეგ ეკალი ჩვენი
მამაპაპისაგან დათესილია, ჩვენ მაგ ეკლებთან თანაშეზრდილნი ვართ,
ახლაც მაგაში ვთამაშობთ მალულაობას და შენ, გადარეულო, გინდა
მოგვიშალო ჩვენი ძველი ჩვეულება! არც ყაყანს მოვერიდებოდი, მაგრამ
ენახე, რომ ჩემი შრომა უბარაქო იყო. ერთი ძირი ეკლის ამოთხრას
ძალი და ღონე გავატანე, ეკალმა ხელები დამისერა, ხელებში წყლუ-

ლი გამიჩნდა; შევიხვიე ხელები, ჩავიწყე უბეში და დაღონებული გამოვბრუნდი; დიდხანს ვიყავი დაღონებული. პირდაპირობას თავი დაეანებე, სანამ არ მომავიწყდნენ რუსთველის სიტყვები: „აკაკი უნდა ხერხი იყოს, გაჰქონდეს და გამოჰქონდეს“, — მეც მოვიპოვე ხერხი და იმ ეკლებს ხერხვა დავუწყე. მე ძველებურად წინააღმდეგად აღარ მოვექეცე, მხოლოდ ვცდილობდი ამეხსნა საზოგადოებისათვის ჩვენი შინაური ნაკლულოვანება და ამგვარად მოვიპოვე მათგან ნდობა და შემდეგ არათუ თვითონ აღარ მერიდებოდენ, არამედ თავიანთ შვილებსაც კი ურჩევდენ ჩემს მიბაძვას. ახლა, თუ შენც ასე ჩემსავით მოიქცევი, მაშინ შენი პატიოსნური მოქმედება და შრომა უფრო დიდ სარგებლობას მოუტანს ჩვენს საზოგადოებას.

ალექსანდრე. (მიდის და ხელს აძლევს ნიკოს) შენ მართალი ხარ! მაგრამ მოვესწრებით კი იმ დროს, რომ ჩვენი საზოგადოების ნაკლულოვანება მოისპოს?

ნიკო. ჩვენ თუ ვერ მოვესწრებით, ჩვენი შვილები ხომ მოესწრებიან და პოეტის თქმისა არ იყოს: „გზა უვალი, ჩვენგან თელილი, ჩვენსა შვილებსა გაუადვილდესთ, და შეუპოვრათ მათ ჰუნე მათი შავის ბედის წინ გამოუქროლდესთ“... ჩვენ კი შევეუდგეთ შვილების გამოზრდას და... რას დაღონდი? გახალისდი!...

ალექსანდრე. შენმა ქეშმარიტმა სიტყვებმა დამაღონეს! ცოტა გვიან შეუბნები, თორემ აღრევ რომ ეგენი მცოდნებოდა, მაშინ იმას აღარ დავკარგავდი, რისაც დაკარგვა დღეს სახენწმუნად მრჩება... აწ ვამტყუნებ მხოლოდ ჩენს თავს და არა მამაჩემს...

ნიკო. დავანებოთ თავი მაგას! ნულარ შევდივართ მაგის გამოძიებაში! უმჯობესი იქნება ვეცადოთ როგორმე და დაკარგული ამოვიგოთ (მოისმის ხარის წკარუნი, წამოდგებიან ხეხე).

ალექსანდრე. მშვიდობით! არ მინდა, რომ მამაშენმა მნახოს (მიდის იმ ოთახში, სადაც ნინოა).

ნიკო. (სიცილით) იცის კატამ, საიდანაც მოდის ძეხვის სუნი... ძალიან პატიოსანი ყმაწვილია! ბედნიერი იქნებოდა ნინო მაგის ხელში!...

გამოსვლა 80-4-2

იგივე და ზურაბ შემოდის

ნიკო. ოჰ, მორძანდით! (ხელს აძლევს). როგორ მშვიდობით ბრძანდებით?

ზურაბ. (დაბლა თავს დაუკრავს) ღმერთმა ნუ მოგიშალოსთ მშვიდობა და გამარჯობა!... მაგრამ რაღა დროს ჩემი მშვიდობაა?

ნიკო. როგორ, კნიაზო, რა გემიზებებით?

ზურაბ. რაც მემიზებება, ის კი ეყოფა ჩემს მოხუცებულობას, მაგრამ თქვენ რათ გაწუხებთ და რათ გაწყენთ თავს. (ცოტახნის სიტუაციის შემდეგ) ჩემი ქკულის კოლოფი ხომ არსად გინახავთ?

ნიკო. მე არც-კი შემიტყვია, თუ დაჰკარგეთ! რა ქკულის კოლოფი გახლდათ?

ზურაბ. იმ ჩემ გიყ შევიღზე მოგახსენებთ. (გზვეწება) მიჰმადლეთ ღმერთს! ავასხეთ თქვენს იესო ქრისტეს და ის ჩემი შეილი დაარიგეთ, თქვენ უფრო დაგიჯერებთ; ერთი რიგიანად გაისარჯოს, ნუ მამწარებს, მტრის სასაცილოდ ნუ ხდის ჩემს მოხუცებულობას, ნუ მჭრის ხალხში თავს! სხვებიც კი გვინახავს რუსეთიდან მოსულლები, აგრე გიყი და გადარეული კი არავინ გვინახავს. თქვენც კი ბრძანდებით იქიდან, მაგრამ ვინ იტყვის თქვენზე ცუდს: სიბრძნით, სწავლით, ქკუით, გონებით...

ნიკო. (აწყვეტინებს) გმადლობთ ქების შესხმისათვის, მაგრამ ჯერ ეს მიბრძანეთ: რას უწუნებთ თქვენს შეილს? რაზე უნდა დავიერიგო?

ზურაბ. იმე! რაფა რას ვუწუნებ? მამჩემი ნუ წამიწყდება, უკაცრავად გახლავარ ამ გლეხურ ფიცზე: სწორედ ჩხარის წმინდის გიორგის ეკლესიის გალავანშია გიყებთან დასაბმელი! ღმერთი იმას არა სწამს და ხატი; მარხვა იმან არ იცის, მღვდელი და ბერი!... უფროსი ჩაღად არ მიანჩნია და უმცროსებთან კი თავს მდაბლობს. იმე! მეტი კიდევ იქნება რამე?... ან ქვეყნის წესსა და რიგს აღარ უყურებს!...

ნიკო. ქრისტიანი არ არისო, ბრძანებთ!... ჰმ! მაშ შეგინიშნავთ თქვენი შეილისათვის ბევრი ცოდვები: ბოროტება, შური, უსიყვარულობა, ამპარტანობა, ძმის მტრობა და სხვა ამგვარი ცუდკაცობა ბევრი?

ზურაბ. აჰ, არა! მაგის ცილს ვერ შეეწამებ. სულ მაგას ძრახავს სხვებსაც; მაგრამ ეს არის მისი დიდი ცოდვა, რომ მარხვას არ ზოგავს და წირვა-ლოცვაზე ძვირად დაიარება...

ნიკო. ისემც კარგი დაგემართოსთ. მაგრამ ერთი ესეც მიბრძანეთ ახლა: სხვები, რომელნიც ალექსანდრეს ურჯულოს ეძახიან, მოკლებულნი არიან ამ ცოდვებს, რომელნიც ეხლა მოვიხსენიეთ?

ზურაბ. ვერც მაგას დაფვიცავ, რომ არა-თქო. მაგრამ წირვა-ლოცვით კაცს ბევრი მიეტყვება.

ნიკო. ეგ ვინ მოგახსენათ? „სარწმუნოება თვინიერ საქმისა მკვდარ არს“! ქრისტიანობა უნდა გამოცხადდეს საქმით და არა ცალიერი სიტყვით. ის არ არის ქრისტიანი, ვინც შურს, ბოროტებას

და გაუტანლობას ჰფარავს მხოლოდ ზოგიერთი დაწესებული კანონების აღსრულებით! არა, ამგვარ კაცებს უწოდებენ ფარისევლებს, და ხომ გახსოვთ ქრისტეს იგავი ფარისევლებზე?

ზურაბ. იმე! აბა, მამაჩემი ნუ წამიწყდება, აღარაფერი ყოფილა ლოცვა და წირვა?!

ნიკო. მაგას ვინ მოგახსენებთ? ჩვენ დიახ გვესმის მაგის მნიშვნელობაც, მაგრამ მხოლოდ ეგენი არ შეადგენენ ქრისტეს მოძღვრებას, რომლის საფუძველი არის ეს კეშმარიტი სიტყვები: „შიყვარე მოყვასი შენი, ვითარცა თავი თვისი“. ისინი არიან მხოლოდ გარეგანი სამოსი სარწმუნოებისა... ახლა, მაგალითად, ავიღოთ... ვინ... აი, გნებავთ, მე ვინა ვარ და რა ხალხს ვეკუთვნი თქვენის აზრით: ფრანკუზს, თუ თათარს?

ზურაბ. იმე! რავე, ქვე მცდი თუ? ეს რა საკითხავია? ქართველი ხარ, აბა, ქვე ვინ იქნები?

ნიკო. რითი შეგიძლიათ, რომ დამიმტკიცოთ?

ზურაბ. მათი, რომ ქართულს ლაპარაკობთ, ქართულად ირჯებიან! რაღა ბევრი ჩამოვთვალო, მიტამ, მამაჩემი ნუ წამიწყდება, რომ სულიც და გულიც ქართველისა ვაქვსო.

ნიკო. არა, რასა ბრძანებთ? ქართველი რაღად ვიქნები! ვერა მხედავთ, ქართული ტანისამოსი რომ აღარ მაცვია?

ზურაბ. იმე! ტანისამოსით ქვე რავე იქნება?!

ნიკო. მაშ, ეგ თქვენი ქართული ტანისამოსი რომ თათარს ჩავაცვათ, გაქართველდება?

ზურაბ. თუ გვამიც ქართველისა არ ექნება, ტყუილია, რავე იქნება?

ნიკო. ნუ ხუმრობთ, თქვენი ჭირამე! აბა თქვენის აზრით მე რომელსაც ევროპიული ტანისამოსი მაცვია, მე უფრო ქართველი ვარ, თუ ის თათარი, ქართულ ტანისამოსში?

ზურაბ. რას ხუმრობთ, მამაჩემი ნუ წამიწყდება, მგონია, საცინლად მიგდებთ, თვარამ რავე იკითხავთ მაგას?

ნიკო. და იმ თათარმა რომ გამკიცხოს და მითხრას: მე ვარ და შენ კი არაო ქართველი, რაღა უნდა ვუთხრა?

ზურაბ. ქვე რა უნდა უთხრა? გიჟი იქნება და გადაარეული!

ნიკო. მაშ ახლა ეგვე აზრი იქონიეთ თქვენს შვილზე და იმათზედაც, ვინც იმას დასცინიან.

ზურაბ. (თავის ქნევით) ჰო, ჰო, ახლა კი მივხვდი, რაზედაც მაჩერჩეტოთ აქამდის!

ნიკო. ახლა ხომ გენიშნათ?

ზურაბ. (გაკვირვებით) იმე! მართლა მკითხავთ? მენიშნა კი არა, ის მამაჩემი ნუ წამიწყდება, ისარივით მომხვდა ში კაკალ გულში!... (თავისთვის) ცოტა ხანს თუ კიდევ მალაპარაკა, სწორედ გამატუნდენტებს, მამაჩემი ნუ წამიწყდება, აქამდის წვერებს გამოშავებინებს, თავზე ღარაბლას დამახტურვინებს და ისე მატარებს ხალხში! სულ გამაგიყებს ამ სიბერის დროს. (ნიკოს) ეს, ისემც კარგი დაგემართოსთ, მაგრე დამშვიდებით რომ ბრძანეთ, მეც ქვე გევიგე, მაგრამ რატომ ჩემი შვილი არ ირჯება მაგრე თქვენსავით დამშვიდებით, რატო ისე ფუცხუნობს, თუ ის ჭკვიანი იყოს და მე ღმერთი არ მიწყურბოდეს? ნიკო. მაგასაც მოგახსენებთ. — ლეინო ბევრი მოგდისთ?

ზურაბ. უი! იმდენი წელიწადი გასძელით, მეტი ნუ, რამდენი კოკა მე ის მომდიოდეს.

ნიკო. როგორ აკეთებთ ხოლმე იმ ლეინოს?

ზურაბ. ქვე რა ვიცი? ისე, როგორც სხვები. მოვაკრეფინებ, ჩავეკრი საწნახელში, დავაწურვინებ და ტკბილს ჩავასხამ ხოლმე ქურში.

ნიკო. მერე ისე დარჩება ხოლმე ქურში ტკბილად?

ზურაბ. ისე რაღა დარჩება? ჯერ უნდა კარვად ადულდეს, დამაქრდეს, მერე უკვე დაძველდება და კაი ლეინო დადგება.

ნიკო. რომ არ იდუღოს, არ იშუშუნოს, არ შეიძლება? ან რათა დუღოს, ნეტავი?

ზურაბ. მიტომ რომ ახალია; ისეა ახლის ბუნება: უნდა იდუღოს.

ნიკო. ისემც კარგი დაგემართოსთ! მაშ ერთი ესეც მიბრძანეთ: რათ არ გეჯავრებათ იმის დუღილი?

ზურაბ. იმე! მეჯავრება კი არა, კიდევ მიხარია! გადაუდუღებელი რას ივარგებს? თუ სასულე არ გაუკეთდა და ნება არ მიეცა თავისუფლად ადუღების — ან ქურჭელს გასტეხს და ან მოიშლება შავ ქურჭელში და რაღას ივარგებს? აყროლდება!

ნიკო. მაშ აგრე გახლავსთ კაცის ბუნებაც. — თქვენი შვილი ჯერ ყმაწვილი არის, სისხლი უდუღს მაქარსავით, და, როდესაც სისხლი დაუდუღდება, დაუწყნარდება, მაშინ დადარბაისლდება და შეიქნება საქები შვილი.

ზურაბ. (სიბარულით) ეს რა მესმის?! ქრისტემ აკურთხოს ის წიგნები, სადაც ეგ შენ ამოგრიკითხავს და ვისწავლია! შერცხვენილი იყოს, ვინც თავის დღეში ტუდენტების ცუდი სთქვას!... იმე, ჩვენ ქვე რაღა ვყოფილვართ! ავიც ამათ სკოდნიათ და კარგიც!... წავალ ახლავე და ჩემ შვილს მოვძებნი და ვეტყვი: „შვილო, შენ იქადაგე და მე მოვისმენ, და, თუ ხანდისხან გალობას მათქმევინებ, ხომ კარგი, და, თუ არა, და არც იმაზე დაგემდურები-თქო“. მამა ნუ წამიწყდება, მეც ამ სიბერის დროს გავტუნდენტდები!... (მიდის).

გამოსვლა 89-5-0

მარტო ნიკო (წამოდგება და დადის დაფიქრებული)

ნიკო. აი, ჩვენი მოხუცებულები! ოღონდ კი რიგიანად აუხსნას და გააგებინოს კაცმა და ყოველ ქეშმარიტებას თანაგრძნობას უჩვენებენ ხოლმე... მაგრამ ბევრნი კი აღარ არიან ჩვენში ამისთანა მოხუცებულები. ესენი ისე შერჩენიან ჩვენ საზოგადოებას, როგორც ზამთრის პირზე კეთილი ნაყოფი ხეხილს, რომელსაც, ჰა, თუ აგერ მოსწყდეს და ჩამოვარდესო და, ჰა, თუ აგერო... ისინი გულმტკივნეულად შეჩერებიან ჭიან პანტებს, რომელნიც ამპარტავენულად, ამაყად და თამამად იჭერენ იმათ ადგილს და ჯერ კი ვერ შეუნიშნავეთ ის ახალ-ახალი კოკრები, რომლებიც აპირებენ გაშლას, აყვავებას და ნაყოფის მოტანას საზოგადო. სარგებლობისათვის! — ღმერთო! მალე მოგვასწარ მათ გახარებას და გვიხსენი ჭიანი პანტებისაგან...

მოქმედება მეოთხე

სცენა: ოთახი დიდფურადის სახლში

ბამოსვლა 1-ლი

გრიგოლ. (გამოდის მეორე ოთახიდან ხარხარით) რა დროება მოვიდა! ქვეყანა უკუღმა ტრიალობს, დრო გადაირია და ხალხიც გაგიჟდა! (პუბლიკას) არ გაგაცივოსთ კი და ერთს რამეს გეტყვით. თქვენი რისხვა მქონდეს, თუ მოგატყუოთ. ალექსანდრემ (იკინის) დღეს მამამისი მომიგზავნა მოციქულად: „შენი ქალი მომეციო!“ იმე! ამას გიყვს მეტი იფიქრებდა ვინმე?! სამსონს წაართვიო?! უყურეთ ქვეყნის გიყვსა და გადარეულსა! იმე! თუ გინდა იმან კი იფიქრა,—ეს მისგან გეჯეროსთ: თერგის წყალი ჩაუყლაპავს, მაგრამ გამოყრუებული მამამისი როგორ დაეთანხმა? არა, სწორედ ისიც გაუგვიებია შვილს! მართალი ნათქვამია: „ხარი ხართან დააბიო და ან ზნეს იცვლის, ან ფერსაო“. ახლა კიდევ ნინოც ამტეხია (ის რალა ჩემმა უბედურებამ გადამირია?): „არ შევირთავ სამსონს, უნდა ალექსანდრე შევირთოვო“. იმე! დიდება შენს სახელს, ღმერთო! სწორედ ცუდი დროება მოვიდა, მეორედ მოსვლის ნიშნებია! ან მე ვარ გიჟი და ან ისინი! ბიჭო, ისე როგორ დამაბრმავოს ცოდვამ, რომ ავისა და კარგის გარჩევა აღარა მქონდეს! სად ალექსანდრე და სად სამსონ? იმ კაცს დიდი ადგილი უჭირავს სამსახურში, კაპიტანი კაცია, დღეს თუ ხვალ მაირობას მიიღებს, მხრებზე დიდ, უშველებელ ეპოლეტებს დაიკრავს, ჯვრებით და კავალერებით ყელამდის გაჩურჩხლეულია, კაი ორასი თუმანი ჯამგაირი აქვს, ერთი იმოდენსაც ისეც იშოვნის; ახლა ისე უბრალო შემოსავალი: პური, ღვინო, ყველი, კვერცხი, ქათამი, ინდაური, თხა, ბატი, იხვი, ცხვარი, ღორი, ხანდახან კარგი მსუქანი ხბოებიც, იმდენი წელიწადი გასძეულით, რამდენი აუარებელი იმას შემოუფიდეღს... იმე! შენი ქირიმეთ, ქვე რალა სჯობია ამას? სწორედ მეფურად იცხოვრებს ის კაცი, დაჯექი და ქამე, სანამდის არ მოგწყინდეს. რა ბრძანებაა, ბატონო, როდი აყვებები ნინოს! მაშინ გიჟი ვიქნები! თუ ქალია და გაბედავს უარს, ამდენს არ ვალაპარაკებ; ჯერ იტიროს, რამდენიც ერჩიოს თავისთვის!... ჩემმა ცოლმა ბევრი იკურცხალა, მაგრამ, ძალიანი რომ მოარტყეს, ქვე გაჩუმდა და ვითსკენით გვირგვინი; პატარა ხანს მეტუტებოდა, მაგრამ დილას კოცნაც დამიწყო, სიცილით მითხრა: „შე გიჟო, რათ გაალახვინე ჩემი თავიო? მაინც და მაინც უარს ვამბობდი, თორემ მე უფრო სული მიმდიოდა შენზედაო.“ ეჰ, ასე ყოფილა თურმე ქალის ბუნება!..

განმოსვლა 80-2-1

იგივე და ნიკო. (შემოდის დაღონებული და ჩუმად დადის ჩქარის ნაბიჯით; ცოტა ხნის შემდგომ თავადი დიდფურაძე მისძახებს)

გრიგოლ. ყმაწვილო! სულ მაგრე იტრიალებ ახლა შესაწვავ გოქივით?

ნიკო. (შეჩერდება) რა გნებაეთ?

გრიგოლ. ის, რომ ერთ წუთს ფეხები შეაჩერე, შეასვენე. ქვი აღარ გეხიმხრება უთავბოლოდ ტრიალი? არ გეჯავრება ეგ რახა-რუხი? დადიხარ, ხმას არ იღებ მთელი დღე, ისმის მხოლოდ ცალიერი „პრაკ, პრუკ, პრაკ, პრუკ!“ დილას აღარ მაძინებ და ნასადილეგს, ეგ არის თქვენი დიდი სწავლა, მაგისტვის მოიარე ქვეყანა? მაგას ჩემი გადაიაც კი გასწავლიდა; მარტო მაგისტვის ან შენ რათ მოიარე იმ სიშორეს და ან მე რათ შემეყვანე უბრალო ხარჯში?

ნიკო. თუ საქმე გაქვს — მიბრძანეთ.

გრიგოლ. დიახ, საქმე მაქვს! დიახაც გიბრძანებ! დაჯექი და გამიგონე: გესლადე მიჩივის, ნასყიდობის წერილი გამოჩენია და მამა-პაპეულს მამულს მართმევს, სენატში გაუქანებია აპელაცია; რომ მოიგოს, ხომ სულიან-ხორციანა დავილუპები, ხომ ჩემი დანით უნდა გამოვიჭრა გოქივით ყელი და შენ კი ამეების დარდი არა გაქვს-რა; ამდენი ხანია გეხვეწები და შენ კი ერთ არხას მამადლი? მე მიტომ გამოგზარდე და მიტომ გაგაგზავნე რუსეთში, რომ ვფიქრობდი: აგერ რუსეთიდან სწავლული შვილი ჩამომივა და იმისთანა აპელაცია ეცოდინება, რომ მეზობლებს მათ საკუთრებაზე ხელს აღებინებს და ჩემს მამულს შემოუმატებს-თქო, და ახლა არათუ სხვისას, ჩემსასაც მტაცებენ, უამართლოდ მერევიან და შენ ყურსაც არ აპარტყუნებ.

ნიკო. თუ სამართალი გაქვს, მაშინ ჩემი არხაც აღარ იქნება საქირო, ისეც ვერავინ წაგართმევს და, თუ უსამართლოთა გაქვს მითვისებული, რომ შემეძლოს მოგება, მაინც არ გავერევი მაგისტანა საქმეში.

გრიგოლ. რაო, რაო? რა სთქვი ეგა? არა, მართლა ამბობ, თუ ხუმრობ?

ნიკო. სასიხარულოსა და სახუმროს მე დღეს აქ ვერაფერს ვხედავ.

გრიგოლ. მერე და რომ მართლა უსამართლოდაც მქონოდა მითვისებული, მაგრე მომექცეოდი, დამიკარგავდი მამულს? მერე ვილას უნდა ვერჩინე?

ნიკო. რა ვქნათ, ბატონო, პატიოსნების დაკარგვას ყოველიფრის დაკარგვა სჯობია!...

გრიგოლ. რაო? (გაჯავრებული წამობტება ზეზე) რას წაგიგდია ენა და რალასაც ტყიბინებ, შენ თვითონაც არ გაგეგება! შენც ღმერთმა შეგარცხვინოს და შენი პატიოსნებაცა! არა, ვინ გინახავს, რომ პატიოსნებით კუჭი გაქდლოს? მამაჩემი ნუ წამიწყდება, გულს ნუ მომაცვანინებ, თორემ ასეთ საქმეს გიზამ, რომ საშავალითო იქნეს! ისე შენს ნებაზე აღარ გატლიკინებ, აქამდის რომ გიტლიკინებია, მამულზე ხელს ავალეზინებ, გაგავდებ კარში და მაშინ გნახავ, დარჩები თუ არა მაგ შენის პატიოსნებით!

ნიკო. ეგ თქვენი ნება გახლავსთ, მაგაზე არც ყვედრებას და გიწყებთ და არც ვედრებას. ჩემი სათხოვარი მხოლოდ ის არის და ახლაც იმისთვის მოველი თქვენთან, რომ გთხოვთ: ნუ აუბედურებთ იმ ქალს, ნუ აძლეეთ საშოსნს, მიეცით ალექსანდრეს...

გრიგოლ. (გაჯავრებული) კი, სწორედ მაგრე მიქნია, შენი ჭკუის ვიქნები მაშინ! მომშორდი ამ სახლიდან, სახლიც ჩემია და კარიც. ჯერ შენ არა აგიშენებია რა, ქალს ნუ გადაშირევ და შენ ჯანაბამდის გზა გქონია. ერთი შვილი, თუ გინდა მომკვდომოდეს, რაღა ვერ შეგელევი? მამწარებ მოხუცებულობას, მაგრამ მეც გაგამწარებ: კიი ხუთიათასი თუმნის ვექსილს მივცემ საშოსნს, მამულს ის წაიღებს და შენ კი იტლიკინებ მაგრე!

ნიკო. უკანასკნელად გეუბნებით, შეხედეთ ღმერთს, ნუ აუბედურებთ იმ ქალს! ვიცი, სიყვარულით მოგდისთ ევა, მაგრამ ეგ სიყვარული მტრობაზედაც უარესია. მე ჩემთვის ხომ არაფერს გეხვეწებით! არ გესმისთ ნინოს ტირილი? (მეორე ოთახიდან მოისმის ნინოს ტირილი)

გრიგოლ. ვადი აქედანს!... შენც ღმერთმა შეგარცხვინოს და შენი დამჯერიც (გაჰყვირებს მეორე ოთახში). შენი კი რალა მეცოდინება, ქალბატონო! იმას ნუ ფიქრობ, რომ შენ ვინმე სხვა შეირთო საშოსნს ვარდა! ამოიცილე გულიდან ალექსანდრე... ეხლანდელი ბავშების პლუტობისა კი რალა მეცოდინება! (გადის გულმოსული)

ნიკო. ეჰ, უგუნურებავ!... ნინო მეცოდება, თორემ ან-კი რათ ვერევი მე ამ საქმეში? (იხედება ფანჯარაში) ის ღურაკიც აგერ მოდის! ეგება იმას შევავონო როგორმე ან რჩევით, ან შიშით, ან შერცხვენით და დავატოვებინო ჩემი და; „ცდა ბედის მონახვერეაო“, ნათქვამია.

გამოსვლა მე-3-ე

ნიკო. (მუხლამდის თავს უკრავს) დიდება თქვენსა მობრძანებასა, ბედნიერებავ დიდის ყადისო!...“ მობრძანდით, დაბრძანდით! გვიამბეთ რამე, სიძის კუჭო!

სამსონ. (ჯდება) გმადლობთ!... ნინო რასა იქს?

ნიკო. ავად თქვენი მტერი გახდეს, აეს გუნებაზე ახლა ის იყოს! მთელი დღე საცოდავად ტირის და მოსთქვამს.

სამსონ. (გაოცებით) რა ემიზეზება?

ნიკო. ძმა ვარ მისი და გეტყვით, ჩემი ვალია, რომ არ დაეფარო: თქვენი შერთვა არ უნდა თურმე, სხვისთვის არის გაშმაგებული, და, ჩემის აზრით, აღარ არის რიგი, რომ თქვენ კიდევ ინდომოთ მისი შერთვა!

სამსონ. ეტო ნე ხარაშო!... ვპროჩემ ნიჩღო!... ჯერ შევირთო და, არაფერია, ნიჩქევია! (მუშტს აკეთებს). ამას რომ უთავაზებ, არ შემიყვარებს, აბა რა გზა ექნება?!...

ნიკო. მაგას პატიოსნების ნაპერწკალი არ ექნება! გეტყობათ, რომ ანგარიშით ირთავთ და არა სიყვარულით და მაგგვარ ცოლქმრობას აღარ ჰქვიან ცოლქმრობა...

სამსონ. (გულმოსული) ეგ თქვენი საქმე არ გახლავთ! ვთხოვთ, რომ ენას კბილები მოუჭიროთ.

ნიკო. როგორ თუ ჩემი საქმე არ არის? ძმა არა ვარ? უპატიოსნო კაცს უნდა ჩაეუგდო ხელში ჩემი და სატანჯავად!

სამსონ. ვიზე ამბობთ მაგას? ჩემზე?!

ნიკო. დიახ, თქვენზე; მოგახსენებთ პირში და არა ზურგს უკან. თქვენ ისე დაგიკარგავთ სინიღისი, რომ ძმასთანაც აღარა ჰფარავთ ურიგობას და მუშტებს აკეთებთ. დაუფარავად გეტყვით, რომ თქვენ ძალიან საძაგელი კაცი ყოფილხართ!... გინდათ, დუელშიაც გამოგიტხოვთ? თუმცა დუელი, ჩემის აზრით, მხეცობაა, და მეც წინააღმდეგი ვარ დუელისა, მაგრამ ოღონდ ჩემს დას ვუშველო რამე და აღარ დაგერიდები ამ შემთხვევაში: ან მოგკლავ და ან შეგაკვდები, და ორივე შემთხვევაში გადარჩება ჩემი და უბედურებას.

სამსონ. ჯერ თქვენ ყმაწვილი ხართ, მე თქვენთან დუელი არ შემეფერის (აპირებს წასვლას).

ნიკო. (შიფწვეა და მიაფურთხებს) ესეც შენ და, თუ არც ეს შეგარცხვენს, ესეც კიდევ ზედნადებად მომირთმევია (ჯოხს დაავლებს ხელს და შეუტევს. სამსონ მოჰყვება ღრიალს).

გამოსვლა მე-4-ე

ისინივე და დიდუურაძე (შემოიპრება ტირილის ხმაზე. შეშინებული).

გრიგოლ. რა ამბავია? რა ამბავია? რა დაგემართათ?!

სამსონ. თქვენმა სიცოცხლემ, კნიაზო, რომ თქვენი შვილი არ იყოს და ნინოს ძმა, სწორედ ძალღის ლეკვივით დავარჩობდი ორის

თითო! ისე უმიზეზოდ ამიტყდა და მოაშინებდასაგან გამომიყვანა. მაგრამ რაღა გაეწყობა, თქვენთვის ღიპატიებია, თქვენ გიმაღლოდესთ...

ნიკო. აი, საძაგელო! შე მხალლო, შენ ვინ უნდა მოგეკლა? შიშით სული ამოგხდა და ღრიალი გააბი!... გაშინებდი, თორემ ეგება გეგონა, რომ შენისთანა უკუნურზე ხელს შევისვრიდი?

სამსონ. ამდენი მოთმინება აღარ შეიძლება, კნიაზო! მშვილობით ბრძანდებოდეთ! მე შესარცხვენად და გასათრევეად არ გამიზრდია ჩემი თავი... ღმერთმა თქვენც მშვილობა მოგცესთ და თქვენს ქალსაც! (აპირებს წასვლას, გრიგოლ აბრუნებს).

გრიგოლ. არ გეკადრება გიეის აყოლა! მთელმა ქვეყანამ იცის: რომ კაცი ჰყავდეს, ჩხარის წმინდა გიორგის ეკლესიის გალავანშია გიეებთან დასაბმელი! და თქვენ როგორ გეკადრებათ მაგის აყოლა! რა ხელი აქვს მაგას ან ჩემთან, ან ნინოსთან და ან თქვენთან?

სამსონ. ეჰ, რაღა გაეწყობა, კნიაზო, თქვენი პატივისცემა და ნინოსადმი აღტაცებული სიყვარული ბევრს მოძათენინებს, მაგრამ ამას გთხოვთ: თუ ეს აქ დამიხვდა ხოლმე, მე აქ ველარ ვივლი!

გრიგოლ. კი, ბატონო! კი, ჩემო ხელმწიფე! ოღონდ თქვენ კი ნუ აპყვებით ამას! (ნიკოს) კაცო, ქრისტიანო! რას ამტეხიხარ! რა გინდა ჩემგან? ამასწინეთაც დაგიტოხოვე, აღარ მომშორდები?...

ნიკო. მოგშორდებით, მაგრამ მაშინ, როდესაც ჩემ დას გამოვიხსნი უბედურებისაგან; შენ ამ შემთხვევაში დაბრძავებული ხარ: ჰყიდი შენს ქალს და კიდევ გეკება! დიდი ბედნიერება გგონია?

გრიგოლ. (გაკვირვებით მისჩერებია) ხომ არ გადარეულხარ? პირჯვარი გამოისახე! (სამსონს) ახლა კი ნულარ გეწყინებათ რა ამისაგან: ნურც ავი და ნურც კარგი!.. ღმერთსა ვფიცავ, შერეულია, გრძნობა ჯაუკარგავს. ვაი ამ ჩემს თავს! (წაიშენს თავში) გადამერია შვილი!...

სამსონ. ნესჩასტიე, ცხალია! უნდა მეც შემეტყო წელანგე, ისე ტყუილად, უმიზეზოდ რომ ამიტყდა; ჯოხით მოსაკლავად აღარა მხოგავდა!... ნადა დოქტორა!—ექიმზე გაეაფრინოთ კაცი!

გრიგოლ. კი, ჭეშმარიტად! სწორედ კარგი იქნება! შეხედეთ, რაღა პრაწავს თვალებს! ვაი ამ დღის მომსწრეს! ასე იცოდა უცხო ქვეყნებმა, ეს ბოლო ექნება ყველა იქ გამოზრდილებს. (ყვირის) ბიჭო! ბიჭო! არავინ ხართ, აქ შემოდით! ვაი ამ ჩემს თავს! გადამერია! (ბიჭი შემოვარდება გაფეთებული, ხელში უჭირავს ხელკეტი).

ნიკო. (ნაღვლიანად იცინის და დიდხანს მისჩერებია) მე ვარ გიეი? მე დავკარგე გრძნობა? მე მეჭირვება ექიმი? მგონია, უფრო თქვენ! ჰკუთას თავი დავანებოთ, მაგრამ მამობრივი გრძნობა, ეგ გული მაინც აღარ გამხილებსთ, თუ რას ჩადიხართ? ვის აძლევ შენს ქალს? ვის? იმ კაცს,

რომელიც მხოლოდ მზითვისათვის ირთავს ქალს? არ გებრალდება შენი
ლი? რათ აუბედურებ? გამოახილე თვალები! სამუდამოდ ნუ აუბედუ-
რებ ნინოს.

გრიგოლ. გავეცალოთ აქედან, თორემ იქნება კეტიც დაგვიშე-
ნოს. (ორივე საჩქაროდ გადაიან).

გამოსვლა 8-5-ი

ნიკო და დათია ბიჭი

ნიკო. შენც გჯერა, ჩემო ძმაო, ჩემი სიგიჟე?

დათია. არა, ბატონო, შენი ჭირიმე! რას მიბრძანებთ, ღმერთი
გადღეგრძელებთ!

ნიკო. მაშ ხომ გაიგონე, რასაც ველაპარაკებოდი და მომაცუვა-
ნია გული? შენმა შეიღმა რომ გირჩიოს ის, როგორც მე ახლა ვურ-
ჩევდი მამაჩემს, ხომ დაუჯერებდი რჩევას?

დათია. კი, ჭეშმარიტად, ბატონო! კი, შენი ჭირიმე! ვილას
უკეთესს დაუჯერებდი?

ნიკო. განა, არ გამოიმეტებდი ვასაყიდად შენს ქალს ისე, რო-
გორც მამაჩემი უპირებს გაყიდვას?

დათია. რავა, შენი ჭირიმე! ვინ ჰყიდის? ვინ მოგახსენათ?
ტყუილი მოგხსენებიათ! გაყიდვა როგორ შეიძლება? ქვე კი არა ჰყი-
დიან, აგერ კი კაცს... პომპოლიკს აძლევენ ცოლად!

ნიკო. ჰო და კიდევ ეს არის გაყიდვა!... როგორ გაკვირვებით
მომჩერებინარ? შენც ხომ გადარეული არა გგონივარ? მოდი და და-
ჯექი აქ, ჩემთან, და მე შენ დაგიმტკიცებ ამას; შენი გაურყვენელი
გული უნდა მიხვდეს ამას. ჩვენში გლეხები ძალიან გულისხმიერები
არაიან.. მოდი, გაიგონე ..

დათია. (გაკვირვებით) არა, ბატონო! ნუ მიბრძანებთ, შენი ჭი-
რიმე, ასე ვიქნები, არა მიჭირს რა, შენი ჭირიმე, კარგად გახლავარ!...

ნიკო. განა მაგრე გირჩევენია? არ გინდა დაჯდომა?

დათია. კი, ბატონო, მარა რავა იქნება, შენი ჭირიმე?

ნიკო. რატომ, მე თუ კი ვზივარ, შენ რა გიჭირს, რომ დაჯდე
ჩემთან?

დათია. (სიცილით) კი ბატონო, მაგრამ თქვენ ბატონი ბრძან-
დებით და მე თქვენი მოსამსახურე. სულელი კი არა ვარ, რომ ეგეც
ალარ მესმოდეს. თქვენ გინდათ, რომ შემაცდინოთ და მერე გამი-
წყრეთ, ბატონო.

ნიკო. არა, ჩემო ძმაო, ეგ ვინ გითხრა? მოუტყუებინარ... (ბატა-
რა ხნის სიჩუმის შემდეგ). მაგრამ მეც გიყი ვარ, რომ უდაბნოში ვლალა-

დებ ჭეშმარიტებას!.. განა სხვა საშუალება აღარა დამრჩენია რა? (დიდხანს დაფიქრებული დადის და ბოლოს უცებ შეჩერდება) ევრიკა! მივაგენი! სუდის სეკრეტარი სტუდენტთაგანია, არ შეიძლება, რომ არ მოგებმაროს! (სიხარულით) აბა, ვნახოთ გიჟი რას უზამს ჭკვიანებს! დავვიანება კი არ უნდა ამ საქმეს... ეს იქნება უკანასკნელი საშუალება, ამითი უნდა გადაწყდეს ნინოს ბედიცა და უბედურებაც (მიდის).

დათიკა. (შეწუხებული) ვაი დაღუპულს! აბა, მართლა გაგიყებულა! ეს სახუმრო აღარ არის! მერე რა კაცი და რა კაცი! როგორ ებრალებოდა მდაბალი ხალხი... ესეც ჩვენი უბედურება!... ეჰ, წავიდე ერთი, გამოვუდგები, წყალში არ გადავარდეს, ბრაღია ამისთანა კაცის გაფუჭება!... (მიდის).

მოქმედება მესუთი

სცენა 1-ლი

ოთახი ხერიაშვილის სახლში.

გამოსვლა 1-ლი

მარტო სამსონ, დადის მზიარულად.

სამსონ. ძალიან ყოჩაღი რამე ვარ, ჩესტნი სლოვო! სწორედ გეროი ვარ, ძალიან კი მოვარჯულე ეს ხალხი: როტასავით გარში დამყავს! იმ დურაკს თერგდალეულს ხმა ჩავაწყვეტინე. შევაშინე... ნინოსაც ახლა შევეწყვარდი, თუ შევეწყვარდი, თითქო ჯადო მექმნოს, ისე მექცევა... მამამისი, რაღა, სულ ჩემი მაქებარია, ჩემს მეტი აღარა ახსოვს-რა. ჩემი სტარი ფელდფებელივით თვალბში შემონჩერებია!... კაი ხუთიათასი თუმანი ამ ჩემს ჯიბეს, მასთანაც კაი ლამაზი, კრასავიცა ცოლი. ერიჰა! ცოტა ჩემი ვკუსის არ არის ნინო, ჩემი ვკუსის ქალი გრენადერივით მოყვანილი უნდა იყოს... ვაი, საყვარელო! ზოგიერთი მათუშკები რომ ვიცოდი პოლკში!... ოჰ, შენი ქირიმე, მაჩვენსა ჰგვანდენ სიმსხოთი: მათ სისქეში ტყვიაც ვერ გაატანდა... ნინო ამითია კარგი, რომ ძალიან ლამაზია და, თუმც ჩემი ვკუსისა არ არის, მაგრამ სხვებს კი მოეწონება... ერთიც ვნახოთ, მე სადმე კამანდიროვკაში გამაქანებენ—აბა მაშინ იქნება ჯილდოების ალო! ერთ-ორ წელიწადს პოლკოვნიკი გავხდები: მანამდის კი ყველას გავუჟეტებ ჩესტს: ასე (აკეთებს ჩესტს) გამოვეჭიმები უფროსებს და მერე კი, როცა პოლკს მომკემენ, მე გამომეჭიმებიან ყველანი, გავუვლი და გამოვუვლი პოლკს წინ და მივაძახებ მალალის ხმით (ღრიალებს): სმირნა! (ამ ხმაზე ნინო შეშინებული გამოვარდება მეორე ოთახიდან).

გამოსვლა მე-2-ი

იგივე და ნინო

ნინო. რა იყო? რა დაგემართათ? რამ შეგაშინათ?

სამსონ. (ზარზარებს) უკაცრავად! მხდალი ყოფილხართ, როგორ გეკადრებათ? დღეს თუ ხვალ ვოენი კაცის ცოლი ვახდებით!

ნინო. იჰ, მე კი გული გადამიტრიალეთ და!...

სამსონ. ფიქრებმა გამიტაცეს: თქვენმა სიყვარულმა წარმომიდგინა მომავალი ჩვენი ბედნიერი ცხოვრების სურათი, როდესაც მე თქვენ გავხდით პოლკის კომანდირშად; და ისე ნათლადაც კი წარმოვიდგინე, რომ თავი მართლა პოლკის კომანდირი მეგონა, ეს მებღებო

სულ აფიცრებად მომეჩვენენ და შალერები რაზმად და კამანდობა წამცდა!... უკაცრავად! (ხარხარებს) მომიტყვეთ!...

ნინო. (სიცილს იჭერს) მაშ თქვენ პოეტი. ბრძანებულხათ!

სამსონ. (შეფერებით) დიახ, ცოტაოდენი! მაგრამ ვოენური პოეტი გახლავარ, პანტიოსნური და არა შტაკკური, სისაცილო. თქვენ მოგეხსენებათ: ვსიო ვოენნოე ბლალოროდნო, ა ვსიო შტაკკოე—სმეშნო! (ხარხარებს).

ნინო. არ შეიძლება, ერთი რამ წაგვიკითხოთ თქვენი თხუზულებათაგანი?

სამსონ. დიდის სიამოვნებით! ნება მიბოძეთ, რომ წაგიკითხოთ ერთი ვოენური რეჩი, რომელიც თქვენმა სიყვარულმა დამაწერინა.

ნინო. (შეფერებით, მორცხვად) თქვენი ნება გახლდეს!

სამსონ. (ახველებს) მე არ მინდა, რომ შეგადაროთ თქვენ კოკობსა ვარდსა და თავი ესე ჩემი ბულბულსა მომღერალსა! ამგვარი შედარება იქნება შტაკკური! ნება მიბოძეთ, რომ მოგახსენოთ ვოენურად! (ახველებს) „ჩემთვის თუთუნზე უტკებესო და ჩინზე უსასურველესო მშვენიერო მარსავ!“ მარსი ვოენის ღმერთი გახლდათ და მარსა, უეჭველია, იმისი ცოლი იქნებოდა!...

ნინო. დიახ, მესმის! (სიცილს იჭერს).

სამსონ. (ახველებს) მაშ ხელახლა მოგახსენებთ: „ჩემთვის თუთუნზე უტკებესო და ჩინზე უსასურველესო მშვენიერო მარსავ! სიყვარულმა თქვენდამი უეცრად იფეთქა გულსა შინა ამა ჩემსა, ვითარცა წამალმან თოფისამან და აღმინთო ტრფიალებისა ალი, ვითარცა არტილერიის ცეცხლი, და აჰა, მზა ვარ, რომ მოუთმენლად ზარბაზანივით გამოვიქუხო: მიყვარხარ!“ (ღრიალებს. ნინო სიცილს ველარ დაიჭერს და გარბის მეორე ოთახში). ეს როგორ დროს გამაწყვეტინა რეჩი? ის-ის-იყო შევდიოდი ვოენურ ედოხნოვენიეში! არა!... მოეწონა, იამა და შერცხვა! მიტომ გაიქცა.—ჯერ ცხოვრებაში რეკრუტია, საცოდავი, მაგრამ ნიჩლო! მალე ვისწავლი ნაპლენოს, მალე გამოიცდება, მალე, სულ მალე გაეწრთენი ჩემებურად, ვოენურად.

გამოსვლა მე-3-ი

იგოვე და ივანიკა შემოდის

სამსონ. ვისთანა ხარ?

ივანიკა. ბატონთან, შენი ჭირიმე! სუდის სეკრეტარმა ჭალაღდი მოგართვათ.

სამსონ. რაო?

ივანიკა. რა მოგახსენოთ, შენი ჭირიმე! გახსნილია და თქვენ უკეთ გაიგებთ, თუ ინებებთ წაკითხვას. (აძლევს ბარათს. სამსონი წაიკითხავს და შეწუხდება).

სამსონ. ვოტ, ტებე ი ნა! სკვერნო: აკი მამული ჩამოურთმეგიათ ჩემი სასიმამროსთვის!... (სტვენს) ამას კი ვერ მოვიფიქრებდი... კარგი, რომ აღრე შევიტყვე; შეიძლება კიდევ კაცმა თავს უშველოს... აწ მზითევი კი არა, პირიქით სარჩენად გამიხდებიან... აქ სიძობა მე ხელს აღარ მომცემს, უმჯობესია წინდაწინვე დაეასწორო, ვითომ არა შემიტყვიარა-თქო, სხვა მიზეზი მოვიგონო და უარი ვუთხრა— ეს უფრო ჩესტნობა იქნება! (ბიჭს აძლევს წიგნს და ზუთ მანეთს). ჰა, ეს შენთვის მიჩუქებია.

ივანიკა. გმადლობ, შენი ჭირიმე.

სამსონ. მაშ წადი აქედან, მიიმაღლე სადმე ერთი-ორი საათით და მერე მოიტანე ეგ წიგნი. ვაი შენს ტყავს, თუ არ დაგიჯერებია!

ივანიკა. (ღრეკით) კი, ბატონო, თქვენი ნება გახლდესთ (მიდის).

სამსონ. ეტო ნე ხოროშო!... უმჯობესია, ისევ ძველ საცოლოს დავუტრიალდე: ჭკრივობით არა უშავსრა... ვცაოვუშკობით ქალი დაიწუნება? აქედან კი ნალევა კრუგომ მარშ! (მოტრიალდება და მიდის).

სცენა მე-2-ე

ოთახი დიდყურადის სახლში

გამოსვლა 1-ლი

თავადი დიდყურადე მეტად შეწუხებულია, თავდახრილია სტოლზე; ორივე ხელში უჭირავს წიგნები; ნინო გვერდით უდგას და ანუგეშებს.

გრიგოლ. ვაი ჩემ სიბერეს! რა უბედურ დღეს მოვესწარი! ასე უეცრად რომ ღვთის რისხვა კაცს მოსდგომოდეს, ჯერ არსად გაგონილა!...

ნინო. კარგი, ბატონო, ნუ იკლავთ თავს! ნუ იწუხებთ...

გრიგოლ. ჩემმა გიყმა შვილმა ერთი არზაც კი დამამაძლა! აწ რალამ გვარჩინოს? შიმშილით რომ დავიხოცოთ, დამმარბხავიც არავინ გვეყოლება!...

ნინო. ჯერ მაგისტანა არა დაგვმართნია-რა... ისე გაცხოვრებთ მე და ჩენი ქმარი სამსონი, რომ ცივ ნიაესაც არ მოგაკარებთ.

გრიგოლ. ვაი, რომ ვერა!... იცი, რომ სამსონ შეგერთავს უმზი-თვოდ?

ნინო. უიმე! ეგ როგორ იფიქრე? სამსონ მაგისტანა კაცი არ არის, რომ მზითევს გამოუდგეს! ბევრჯერ შემოუფიცნია ჩემთვის: მხოლოდ სიყვარულით გირთავო, და...თქვენც ისე არ მარწმუნებდით?

გრიგოლ. კი, შვილო, მაგრამ თურმე ორივეს გვატყუებდა! მეტად უპატიოსნო კაცი ყოფილა! არა გჯერა? მაშ, აჰა, წაიკითხე მისი წიგნი და გაიგებ, რასაც მწერს.

ნინო. (წაიკითხავს ბარათს და ვითომც ძალიან შეწუბდება) აი, შე დალოცვილო! ხომ მომეჭრა ახლა თავი და გავიკიცხე ქვეყანაში! რომ დაგეგერებინათ ნიკოსთვის, ეს აღარ დამემართებოდა!

გრიგოლ. ვის ეგონა? ახლა მეც ვხედავ, შვილო: დავისხი თავს ლაფი, შევირცხვინე თავი, გამიწყრა ჩემი წმინდა გიორგი, დამიდგა თვალები და არ დაეუჯერე მე ცოდვის შვილმა...

ნინო. მაშ, ახლა მინც ვკითხვით რამე: ან ავს გვირჩევს, ან კარგს... მტერი ხომ არ არის: თქვენი შვილია და ჩემი ძმაა...

გრიგოლ. კი, შვილო, მაგრამ რაღა პირით შევხედო! შევარცხვინე, გავიკიცხე ის კაცი, მამულზე, რომელიც თურმე მეც მეკარგებოდა, ხელი ავალებინე მტერივით და გავაგდე გარეთ...

ნინო. რამდენი რამე მამა და შვილში მოხდება, ეგ რაღა მოსაგონებელია? დარწმუნებელი ვარ, რომ ნიკო მაგეებს არ მისდევს, არც-კი ეხსომება ახლა...

გრიგოლ. ეგ შენ იცი, შვილო; მაგრამ აწ რაღას გვიშველის?...

ნინო. ვნახოთ ნაინც. (გასძახებს მეორე ოთახში) ნიკო, ნიკო, თუ მანდ იყო, ერთი აქ შემოდი შენს გაზრდას!...

გამოსვლა მე-2-ე

ისინივე და ნიკო შემოდის

გრიგოლ. მოდი, შვილო, მომიტირე! მომიტირე ამ სიბერის დროს!

ნიკო. რასა სწუხართ, მამა-ბატონო? ჯერ მაგისი ფასი რა დაგმართნია?

გრიგოლ. მეტი რაღა დამემართება, შვილო? რაღა ღონისძიება მოვაგვარო, რომ თავი ვირჩინოთ? მიწის ხელი მე არ ვიცი და ცულისა, ფული მე არა მაქვს და მამული!...

ნიკო. რა გვიქირს! ახლა იმ კაპიტალს მივყოთ ხელი, რომელიც თქვენ აღრევე მოიშხადეთ. ის დაეხარჯოთ.

გრიგოლ. რა კაპიტალია, შვილო! საცინლად მიგდებ? ღვთისაგან შეჩვენებული ვიყო, თუ ერთი გახვრეტილი აბაზი მქონდეს შენახული...

ნიკო. მაშ, მე რომ გამოძხარდეთ, ის რა იყო? ჩემი სწავლა კაპიტალი არ არის? რათ არ იცოდით, რომ ამ დღისათვის გამოგადგებოდით და არა არზების საწერად...

გრიგოლ. რავე, შეილო? ვერ გავიგე, რაზე მეუბნები!...

ნიკო. აღრევე რომ ადგილს მაძლევდენ ორასთუმნიანს და მე არ ვიღებდი, ახლა თანახმა ვარ და შევდივარ სამსახურში. ორასი თუმნით უზრუნველად გაცხოვრებთ! თქვენი გულისათვის მე არ დავერიდები პატიოსან ოფლის ღვრას! შეილის ვალია, რომ დაუტკბოს მამას მოხუცებულობა!... (მოეხვევა) ნუ ჯავრობთ, გულს ნუ გაიტებით!... მოთმინება იქონიეთ...

გრიგოლ. (მოეხვევა შეილს) ქრისტემ გაკურთხოს, შეილო! სიყვარულიც თქვენა გცოდნიათ და კაცებიც თქვენა ყოფილხართ! პასუხისგებაში იქნება ის მამა, რომელსაც შეილი ეყოლოს და მისი სწავლა და განათლება არ ეძიოს!... შერცხენილი იყოს, ვინც ჩვენ სტუდენტებზე ძვირს გვეუბნებოდეს!... შეილო, ჩემი თავისთვის აღარასა ვწუხვარ, მაგრამ ამ შენს საცოდავ დას რაღა ვუყოთ, ხომ დაგვირჩება ვალთხოვარი! ნეტაი, შენი სიტყვა დამეგერებია და ალექსანდრესთვის მაინც მიმეცა.

ნიკო. ეგ ეხლაც შეიძლება მოხერხდეს...

გრიგოლ. რაღა დროსია? ის კაცები, მამა და შეილიც, გავთათხე, გავათრიე და ჩემი სახლიდან დავითხოვე და ახლა, გიყები ხომ არ არიან, უმზითვოდ ქალი მთხოვნ.

ნიკო. ალექსანდრეს სიყვარული არა ჰგავს სამსონისას! ალექსანდრეს მე კარგად ვიცნობ, რა კაციც არის: ნინოს სიყვარული ბევრს მოათმენინებს... გნებავეს, კიდევაც დაგიმტკიცებთ ამას (გასძახის მეორე ოთახში:) აწუ დრო არის, გამოხვიდეთ!... გამობრძანდით!...

გამოსვლა მე-3-ი

ინიჩე და ალექსანდრე

ნიკო. ალექსანდრე! მოდი, მოჰკიდე ხელი ნინოს და მიდით, ნება გამოსთხოვეთ მამას.

გრიგოლ. იმე! მართლა ამბობთ, თუ მეხუმრებით! ამაზე უფრო სასიამოვნო რაღა იქნება ჩემთვის? ჩემი უბედურება აწუ უბედურებად აღარ მიმაჩნია! ქრისტემ გაკურთხოსთ! აღრევე ყოფილხართ ერთმანეთის წერა, მე რაღა უნდა მეთქმოდეს, ან აქამდით რათ ვამბობდი უარს? გვირგვინს თურმე ზეცა ნიშნავს და ხორციელი როგორღა შეცვლის! დაილოცოს, ღმერთო, შენი სამართალი!...

გამოსვლა მე-4-ე

იხინივე და სამსონ შემოიჭრება გახარებული

სამსონ. მომილოცავს, კნიაზო! მომილოცავს!

გრიგოლ. (ზეზე წამოხტება) რას მილოცავთ! ქორწილს?

სამსონ. იმას, რომ საქმე თქვენ მოგიგიათ! სულის გადაწყვეტით მამული თქვენ დაგრჩენიათ!... მომილოცავს!

გრიგოლ. (სიბარულით) ნუ ხუმრობთ! მაშ ეს სეკრეტის წიგნი რაღა არის?

სამსონ. ეგ არაფერი! — გიხუმრათ, რადგან დღეს პირველი აპრილია!

გრიგოლ. იმე! უმადური ამყოფოს ღმერთმა და უგვერდული მაგისტანა ხუმრობისათვის, მე-კი გული გადამიტრიალდა და!... (სიბარულით) ეჰ, რა გაეწყობა, მადლობა ჩემს იესო ქრისტეს! მე ეს ყოველივე სასწაულად მიმაჩნია! ვენაცვალე მის ძლიერებას, მე ამის ღირსიც არა ვარ!... ახლა, შვილო, ყოველივე შენ იცოდე, შენი დის მზითვეიც შენზე მომინდვია, შენ იცოდე და ალექსანდრემ... მე ალარაში გავერევი.

სამსონ. როგორ თუ მზითვეი? რაზე ბრძანებთ მაგასა?

გრიგოლ. რაღამც თქვენი წიგნი მეგობა, რომლითაც უარს ნითვლიდით ნინოზე, აგერ ამ კაცს მივეცი ჩემი ქალი. ისემც ღმერთმა ბედნიერება თქვენ მოგცეთ, საბედნიეროდ ახლა მე ის მიმაჩნდეს და ესენიც გახარებულნი იყვნენ... (თავისთვის) აცა! აცა! ვერ მოგიწანწკლე გული, შე პლუტო!

სამსონ. (შეწუხებით) რასა ბრძანებთ? როგორ ვერ მიხვდით, რომ ვიხუმრე, რადგანაც პირველი აპრილი არის დღეს, და ასე მალე როგორ მოვიფიქრებდი... მასთანაც ნინოს ასე ვუყვარვარ... რა ვიცი... როგორ დავიჯერო?...

გრიგოლ. (პუბლიკას) ოჰ, ოჰ, ოჰ, ოჰ! რა პლუტი ყოფილა, შენი ჭირამეთ! კიდევ უნდა, რომ თვალსა და ხელ შუა მომატყუოს... (სამსონს) რაღა გაეწყობა! ყოველივე ღვთის ნება ყოფილა, ვენაცვალე მის ძლიერებას! უმისოდ ხის ფოთოლიც არ ჩამოიარდება, არა თუ ქალი გათხოვდეს.

ნიკო. ხუმრობა კი არ გეგონოსთ, ბატონო კაპიტანო! (დაცინვით) პირველი აპრილი რომ არის, გთხოვთ ქორწილში გვეწვიოთ, — უთქვენოთ კი უკეთესი იქნება (თავს უკრავს).

სამსონ. მე არა მგონია, რომ ნინოს გული შეცვლილიყოს!

ნინო. დიახაც არა! დარწმუნდით, რომ ეს გული არაოდეს არა ყოფილა თქვენი ერთგული და ამის მოლაღატე. (ხელს ადებს ალექსანდრეს, დაცინვით) უმორჩილესად გთხოვთ, ნუ გამცვლით თუთუნში, ნურც კილ-დოებში! (თავს უკრავს. ყველანი თავს უკრავენ და მიდიან მეორე ოთახში).

გამოსვლა მე-5-ე

-მარტო სამსონი

სამსონი. (დიდხანს დაფიქრებული და შეწუხებული მისჩერება პუბლიკას) ვოტ სკვერნოე პოლოკენიე! აბა ეს არის ახირებული მდგომარეობა! აჰა! ზაბრაკოვალი, კაკ კავალერიისკული ლოშად! ურგები ცხენივით დამიწუნეს!... ეს სულ იმ თერგდალეულის ბრალია!... ეტო პოდლო!... რა ამბავი მომაცენეს!... (დაფიქრდება). ეჰ, გულს რათ ვიტებს? ჩტოე ტაკოე? ქალს ვინ დამიკავებს, ცოლს როგორ ვერ შევირთავ? ნინო თუ არ იყოს, კატო იყოს! კატო ნუ იქნება, სალომე ხომ იქნება? ქალი ყველა ქალია, სულ ერთია... მე დღეს ჩვენში ქალი ძვირად მეგულება, რომ ცოლობაზე უარი მითხრას, პირიქითაც შემეხვეწებიან მათი დედმამეები... მაგრამ დღეს კი ამომაძუებინეს, დამაბრუნეს შტურმიდან, ატბოი დამაკვრევენეს, რაღა გზა მაქვს, რომ არ წავიდე? ნალევა, კრულომ მარშ! (დატრიალდება, მუზიკას დაუკრავს პირით და მარშით მიდის. ფარდა დაეშვება).

ადვოკატის დილა

(1871)

ადვოკატის დილა.

ადვოკატი. (დადის გაჯაფრებული) დალახვროს ღმერთმა ჩემი უხეირობა!... ეს რა შემართება?!... როცა საჭირო არ არის, საზოგადოდ, მაშინ-კი ეს ჩემი ენა ჩემ ნებაზე პირში ველარ დამიკავებია: წაღმუკულმა, მინდა თუ არა, მაინც, საათის გუგულივით, პირიდან მიხტება; და, როცა საჭიროა, მაშინ კი სასას მიეკერის ხოლმე!... ეს სულ მიუჩვევლობის ბრალია. გამიგონია: კარგი მონადირე ჯერ უბრალო ნიშანზე დაგერშავს ძაღლებს და მერე ნამდვილ მხეცებსაც მოუტევენსო. მოდი ერთი, მეც ისე მოვიქცევი (სტოლის უკან დადგამს სამ კრუსლოს, შიგ მუთაქებს ჩააყუდებს, თვითონ წინ დაუდგება და მოჰყვება)

ბატონო მსაჯულეზო!

თქვენი გულმოდგინება და ბეჯითობა, როგორც საზოგადოდ ყოველ შემთხვევაში, ისე დღესაც ამ საქმეში მით უფრო მოსაწონი და შესანიშნავია, რომ დღევანდელ გამოძიებას თქვენ გუშინდელი განჩინებითვე წინაუსწრებთ. უსწრებთ, მაგრამ მოთმინება-კი მაინც იმდენი გაქვსთ, რომ დღესაც, თუმცა საჭირო კი აღარ ვახლავსთ, მაგრამ მაინც კიდევ ყურს უკლებთ გამოძიებას და დიდის ფორმით ასრულებთ ფორმებს.—მეც, ამ შემთხვევაში თქვენი მიმბაძავი, ჩემი ჯიბის საწყლის ფულებით გამტენი და თანვე სრულიად დარწმუნებული ჩემს „გინდვიყო-გინდარაობაზე“, მაინცდამაინც „ვიტყვიან-სიტყვაობებ“, რადგანაც მითი ნუგეში ეძლევა ჩემ კლიენტს. დეე, მოტყუვდეს ცოტა ხნის იმედით მაინც, რადგანაც საზოგადოდ ბედნიერება მომატყუებელი იმედი. მეც, ბატონო მსაჯულეზო, იმედი მაქვს, რომ ამ ჩემ ლაპარაკს ყურს დაუგდებთ და ჩვეულებრივ არ მოინდომებთ დამ... (შემოდის მსახური).

მსახური. ბატონო! მთხოვენლები გიახლენ და დიდი ხანია იცდიან, მიიღებთ, თუ დავითხოვო?

ადვოკატი. სულელო! დათხოვა როგორ შეიძლება? ჯერ ეს მუთაქები მიილაგე და მერე თითო-თითოდ შემომგვარე! წადი!...

მსახური. ერთის მეტი აღარავინ დარჩენილა, ბატონო! იცადეს, იცადეს და ბოლოს, რომ მოეწყინათ, გაუდგენ გზას შინისაკენ. ხვალ-კი გიახლებიან. ერთი ვილაც მღვდელიც ვახლდათ, მაგრამ იუკადრისა: მეფურნე თათართან ერთად მოცდა არ მეკადრებო და იმანაც ვასწია... თათარსაც პურის ცხობა უგვიანდებოდა. ერთიც ქალი ვახლდათ. ქალს, ბატონო, საყვარელი ჰყოლია, იმ საყვარელს კიდევ

სხვა საყვარელი, იმ საყვარელსაც კიდევ სხვა და ამასაც კიდევ სხვა გვიანობამდის ვერ შეუტყვიათ; დღეს კი მოსვლიათ ერთმანეთში ხარხაზი და ერთმანეთი აუწიანებიათ! ახლა, ბატონო, იმ საწყალმა ქალმა ყველას დაასწრო თქვენთან ხლება, თორემ ხვალ ყველა ერთად აპირობს მოსვლას და თქვენ უნდა...

ადვოკატი. ოჰ! ოჰ! კარგი! კარგი! შენ თუ სალაპარაკო იწოვე, ხომ აღარ გაათავებ? გადი და შემოიყვანე, ის ერთი ვინღაც არის!

მსახური. ვინღაცა კი არა, ჩინებული აზნაურშვილია, შე დალოცვილო! ფულებიც ბლომად მოიტანა. მეო, ასე მოგახსენათ, ოღონდ კი ნუ....

ადვოკატი. ოჰ! ოჰ! ოჰ! გაათავე! მორჩი! თვითონ მეტყვის, რაც უნდა.

მსახური. თქვენი ნება გახლდეს! მე მხოლოდ იმას მოგახსენებ...

ადვოკატი. კაცო! ქრისტიანო! დამანებე თავი! არ გესმის?!...

მსახური. კი, ბატონო, გაახლებით, მაგრამ მე ვითომც მინდოდა ადრევე მომეხსენებია თქვენთვის, თორემ მე ხომ ჩემთვის...

ადვოკატი. აღარ მომშორდები? ვერ ხედავ, რომ შენს გუნებაზე არა ვარ?

მსახური. (მოდის) ეს დალოცვილი ხმას რომ არ ამოაღებინებს კაცს! სანამდის სიტყვას იტყოდე, მანამვე გაჩუმებს!...

ადვოკატი. (მართლ) ამდენი ლაპარაკი რომ კაცს არ მოსწყენოდეს, გავიხილა?! მთელი დღე მთხოვნელებთან ქაქანებს და მაინც ვერა ძლება ლაპარაკით; მოდის და აქაც მაწუხებს! ე რა სნეულებაა?!... ვგონებ, სადღაც ქადაგადა მჯდარა!... (შემოდის მოხუცებული აზნაური)

მოხუცი. (მიწამდის თავს უკრავს) ბატონი ჩემი აცოცხლა ღმერთმა!

ადვოკატი. გმადლობთ! ღმერთმა ნუ მოგვიშალოს თქვენი თავი! დაბრძანდით!

მოხუცი. რატომ იკადრებთ, შენი კირიმი?... გაახლებით! (ჯდება, სიჩუმე) როგორ მშვიდობით ბრძანდებით, ჩემო ხელმწიფე ბატონო!...

ადვოკატი. გმადლობთ!... თქვენ ვინ ბრძანდებით?

მოხუცი. თქვენი მონა მოსამსახურე! ბრეგვაძე გახლავართ, ჩემო ბატონო!...

ადვოკატი. რა საქმე გაქვსთ? ხომ საქმეზე ბრძანდებით!...

მოხუცი. გახლავსთ ცოტაოდენი საქმეც!—მე, ჩემო ბატონო, ისეც უნდა გხლებოდით თქვენის ბრწყინვალების სანახავად, უსაქმურადაც, მაგრამ ღმერთმან ჰკითხოს ჩემს უძღურებას... (ცოტა ხნის შემდეგ) დედათქვენი და მამათქვენი ხომ მშვიდობით სუფივენ?

ადვოკატი. გმადლობთ, გახლავან ისინაცა!...

მოხუცი. კეთილი!... თქვენი დები? თქვენი ძმები? როგორ ბრძანდებიან?

ადვოკატი. გმადლობთ, ისინიც კარგად გახლავან! თუ უკაცრავად არ გახლდეთ, საქმე თუ რამე გაქვსთ, მიბრძანეთ, თორემ ამდენი დროც აღარა მაქვს.

მოხუცი. მოგახსენებთ, კი შენი ჭირიმე! მისი რიგიც ვიცი! (ცოტა ხნის შემდეგ) თქვენი ბატონი მეუღლე და შვილებიც ხომ ღვთის მადლით ბედნიერად სუფევენ?

ადვოკატი. გმადლობთ! გმადლობთ!...

მოხუცი. ხომ კი გყავსთ, ბატონო, ცოლ-შვილი?

ადვოკატი. (სიცილით) როგორ არა!...

მოხუცი. კეთილი! ისემც კარგი დაგემართოსთ!... ბედნიერი ბრძანდებით. კარგი ცოლ-შვილი გყავსთ, ღმერთმა ნუ მოგიშალოსთ მათი თავი და...

ადვოკატი. ბატონო, თუ საქმე გაქვსთ, მიბრძანეთ!...

მოხუცი. მოგახსენებთ, ჩემო ბატონო, იმასაც თავის დრო ექნება!...

ადვოკატი. კი, ბატონო, მაგრამ მე არა მაქვს მაგოდენი დრო!

მოხუცი. მოგახსენებთ!... ჯერ მიინდა თავი გაგაცნოთ! მე თქვენ ვერ მიცნობთ, თორემ მამათქვენი დიდი მწყალობელი გახლავსთ ჩემი. იმდენი წელიწადი თქვენ გასძელოთ, რამდენი ყანწი ღვინო თქვენს ღამისთევასში ჩვენ სირისკულზე დაჯლიეთ! თხუთმეტი ღამე გავათენეთ მოლხენით!... იმდენი სიცოცხლე თქვენ, რამდენი ცხოვრებულმა თინათინ გამდელმა ჩვენ გვაცინა!... მან ხომ სახელის დამახსოვრება არ იცოდა და მე ბრეგვაძის მავიერ რეხვაძეს შეძახდა და ვინოცებოდით სიცილით! ძალიან მოლხენაში გახლდით. ერთობ! ერთობ!...

ადვოკატი. კარგია ძველი ამბების მოგონება, როცა კაცი უსაქმურად არის და...

მოხუცი. ისემც კარგი დაგემართოსთ!... ცხოვრებული ბეზიათქვენი რა გახარებული იყო, თავზე რომ დაგჩერებოდათ, და კიდევაც ემართლებოდა: თქვენმა სიცოცხლემ, რომ ბევრს მოვსწრებოდა და თქვენისთანა მშვენიერი ყმაწვილი ამ ჩემს თვალის კაკლებს არ ენახოს!... მაშინვე გეტყობოდათ, რომ დიდი კაცი შეიქნებოდით!... კი, ქეშმარიტად!

ადვოკატი. (ვითომ იცინის) ჰო! აწ სხვა მიბრძანეთ რამე! რაღა მოსაგონია ეგებები!...

მოხუცი. ოხ, თქვენმა სიცოცხლემ, ღირს; მოსაგონად კი არა, დაუვიწყარი საქმეა! იმე, დიდება შენს სახელს, ღმერთო! ამხელა იყავაკის რჩული ნაწერები. ტ. III.

ვი, აი! (ხელით უჩვენებს) და ყვიროდით: „ააა! ააა!“ ვინ იფიქრებდა მაშინ, თუ ერთს დროს მე თქვენ მოგებხვევოდით მუხლებზე და თქვენის წყალობით საქმეს გავირიგებდი.

ადვოკატი. (სიცილით) ჯერ რა იცით, გაგირიგებთ, თუ არა? ეგება ვერ გაგირიგო!...

მოხუცი. ახ, მაგას ნუ მიბრძანებთ, ღმერთი გადღეგრძელებსთ! რაკი ღმერთმა თქვენისთანა კაცი კი მომაგნებია...

ადვოკატი. მაშ, მიბრძანეთ, რაში მდგომარეობს თქვენი საქმე? რამ გავსარჯათ?

მოხუცი. (ახველებს) მოგახსენებთ, შენი კირიმე! (ზეზე წამოადგება და იქით-აქით ათვალიერებს) თუ უკაცრავად არ გახლდეთ, საიდუმლოა და მეორე ოთახში გავიდეა!

ადვოკატი. რა საჭიროა? არც არავინ აქ არის, ამ ოთახში, და არც არავინ იქ; ორივე ცალიერია და სულ ერთი არ არის, სადაც უნდა მიიხრათ? ვერაფერს გაიგებს!

მოხუცი. კი, ბატონო, მაგრამ იმ ოთახში მაინც უფრო მოხერხებული იქნება!

ადვოკატი. უკაცრავად, მაგრამ საქმის ოთახად ესა მაქვს დანიშნული და აქ ბრძანეთ!

მოხუცი. რა გაეწყობა! (მიიხედ-მოიხედავს) თუ უკაცრავად არ გახლდეთ, ეს ისეთი საიდუმლოა, რომ საჭიროა ჩვენს მეტმა არ იცოდეს სხვამ და, თუ შეიძლებაოდეს, ჯერ შემომფიცეთ!

ადვოკატი. როგორ თუ შემოგფიცოთ? რაზე უნდა შემოგფიცოთ? ეგ სად გაგონილა?

მოხუცი. უკაცრავად ნუ ვიკვნები და ხუთიც დამიფიცებია ადვოკატი ხატზე, მაგრამ თქვენ ვერ შემოგკადრებთ იმ ფიცს და იმ ხატს, ე. ი. წმინდა გიორგის! თქვენ რუსულ ფიცსაც დაგჯერდებით, ე. ი. ჩესტნი სლოვის ხატზე თუ სიტყვას მომცემთ...

ადვოკატი. (იციინს) თუმცა სხვას-კი არ გავაბედვინებდი, მაგრამ თქვენს მოხუცებულობას ვღებ პატივს და ამასთანაც, რადგან ჩემი ღამის მთეველი ბრძანებულხარით, გეთანხმებით: მე გამიწყურეს ჩესტნი სლოვის ხატის მადლი, თუ თქვენი საიდუმლო გაგიმზილოთ!... ახლა ბრძანეთ!

მოხუცი. ღმერთმა დიდი დღე მოგკეთ, ჩემო დიდო ხელმწიფე, ბატონო!... მე, ბატონო, ერთი გიქი ძმა მყავდა. ეს თორმეტი წელიწადია, რაც რუსეთში იყო პოლკში; ჩვენ თითქმის გადავიწყებულვითა გეყავდა; შარშან ჩამოვიდა და ახლა მაშულს მედავება!...

ადვოკატი. როგორ თუ გედავება? თორმეტის წლის შემოსავლის წილს, თუ რას?

მოხუცი. არა, ბატონო, მაგას რაეა მთხოვს! „მამული გამიყავიო!“

ადვოკატი. მერე რას ეუბნები?

მოხუცი. არ მინდა, რომ მივცე ღვთისა და თქვენის წყალობით!...

ადვოკატი. რათა? განა მკვიდრი ძმა არ არის?

მოხუცი. კი, ბატონო, მაგრამ მაინც არ მივცემ, თუ თქვენც მწყალობელი მეყოლებით!

ადვოკატი. რას ემართლებით?

მოხუცი. როგორ, რას ვემართლები, შენი ჭირიმე? თორმეტი წელიწადი ჩემი საკუთრება მეგონა, შევეჩვიე და ახლა კი გული როგორ დავიწყვიტო? ცოდვა ვარ!

ადვოკატი. ის კი განა არ არის საცოდავი?

მოხუცი. ის რათ იქნება, შენი ჭირიმე? იმან რუსული ლაპარაკი იცის!...

ადვოკატი. მერე რა გაარიგოს იმ რუსულით? შეწვას, თუ მოხარწოს?

მოხუცი. მაგას ნუ ბრძანებთ!.. ნეტაი, თქვენი კარგად ყოფნით, ის ვიცოდე და კვირაში ერთი იჯრის მეტს არა ვჭამ!

ადვოკატი. იმასაც პარასკეობით მხოლოდ! განა?

მოხუცი. აგრე იქნება, შენი ჭირიმე!... ახლა რას ბრძანებთ, შენი ჭირიმე?

ადვოკატი. იმას, რომ კანონის წინააღმდეგი საქმე გიფიქრნიათ!...

მოხუცი. კანონით რომ ის მართალია, ეს მეც ვიცი, მაგრამ თქვენისთანა სწავლული ატუნკატი, როგორც იქნება, მოაკვარაჰქინებს საქმეს სხვებ!...

ადვოკატი. ვერა მგონია!... ტყუილად ნუ ჰფიქრობთ!... ძმას უფლება აქვს!...

მოხუცი. კი ბატონო, მაგრამ, აი, ახლა, რა უნდა მოვახსენოთ (მიიწვეს სკამს და საიდუმლო ხმით): იმ ჩემ ძმას მეტრიჩევი არა აქვს და მე ჯალაღდს შევიტან, რომ უკანონო შევილია-თქო და, თუ საჭირო იქნება ამის დამტკიცება, იმასაც მოვახებრებ.

ადვოკატი. როგორ? როგორ?

მოხუცი. როგორ-და ზარე თორმეტი კაცი და ერთი მღვდელიც მზადა მყავს; დაიფიცებენ, რომ უკანონო შევილიაო, და მაშინ ხომ მოვიგებ საქმეს?

ადვოკატი. უკაცრავად, მაგრამ მაგვარ საქმეს მე ხელს არ მოვიკიდებ; ვუ ძალიან უკანონო და უსინიღისო საქმეა.

მოხუცი. კი ბატონო! უკანონო რომ გახლავსთ, მიტომაც გიახელით თქვენისთანა ატუნკატთან, თორემ მართალ საქმეზე რალა ატუნკატი შევირეება?!...

ადვოკატი. შე არ ავიღებ მაგ საქმეს!...

მოხუცი. რატომ, ჩემო ხელმწიფე? ხელცალიერი კი ნუ გგონივართ! აი ესეც თქვენი დასამრჯელო ამ თავით და მერე სხვა იყოს! აქ ოცი თუმანია.

ადვოკატი. სხვასთან მიბრძანდით და მე-კი არაფრის გულისათვის არ მოვკიდებ ხელს მაგგვარ საქმეს!...

მოხუცი. აბა, შე დალოცვილო, ტყვილად გვიხარია თქვენი განზრდა?

ადვოკატი. ეგ თქვენ იცით, მაგრამ მე-კი მაგგვარ საქმეში არ გავერევი.

მოხუცი. თქვენი ნება გახლდესთ! სხვები პირაქეთაც შემომიხევენებიან.—მშვიდობით ბრძანდებოდეთ! უკაცრავად, რომ თავი შეგაწყინეთ!

სქანა საკანონმდებლო

(1872)

სცენა საპატიმროში

(სცენა წარმოადგენს საპატიმროში ბნელსა და მეტად მურალ ოთახს, სადაც ტუსაღები სხედან იატაკზე და დაბალი ხმით „ჩაი-ჩამას“ მღერიან; ერთი სათვალავს ამბობს და სხვები ბანს აძლევენ)

„აქედან და ციმბირამდე
დიდი ბიჯი იქნება,
ვინც იმას გადმოაბიჯებს,
მარჯვე ბიჭი იქნება!...“

მაგრამ იქით წასულები
ალარვინ დაკვებრუნებია...
ეტყობა, რომ იმერეთი
ყველას დაუწუნებია!...“

ტუსაღს რომ მოიკითხავენ,
წაუკითხვენ დავთარსაო,
ეტყვიან: „სიცხე ვახურვებს
აქ? იქ ნახავ ზამთარსაო!“

ცოტა დაუდგრომელი ხარ,
ჩქარი ხარ და ფეხმალიო,
მაგრამ მაგაზე ნუ თიქრობ,
ვიციტ მაგის წამალიო“.

რკინის საცქელს მოართმევენ,
რბილად ფეხებში უყრიან,
ზურგზე საგზალს მოჰკიდებენ,
თავსაც მძიმედ დაუხრიან.

მოახსენებენ: „გავწმინდეთ
ჩვენ ჩვენი ანგარიშიო!
ჩვენ შენი ხათრი აღარ გვაქვს,
და ნულარც შენ გაქვს შიშიო!“

სიცილით დაადიქ გზასა!
რალა გაქვს მოსაწყენიო?
ქვეითად მიტომ გისტუმრებო,
რომ არ დაღალო ცხენიო.

თოფიან ჯარსაც გაახლებო,
სარღლობა დაგშენდებაო!

გზაზე, სად დაგიღამდება,
 იქ არ გაგიტენდებო.

ახლა გვიბოძე სალამი,
 გამოგვეთხოვე ყველასო!
 ნურც შენს მსაჯულებს დასწყევლი,
 თორემ აუტეხ ხველასო!

გამოეთხოვე ცოლ-შვილსა,
 გამოეთხოვე მოყვრებსო!
 ესალმე აღუოკატებსაც,
 თქვენსა ვერაფრათ მომხრებსო!“

(ათავეებენ სიმღერას და დიდხანს ყველა ჩაფიქრებულია, ხმას არაეინ იღებს. ერთი ტუსალი, რომელიც აქამდე ფანჯარასთან იდგა და არაფერ მონაწილეობას არ იღებდა სხვების სიმღერაში, ამოიხრებს და იტყვის)

— მაგაზე უტკბესი და უსიამოვნესი არაფერი გამღერათ ჩემმა გამჩენმა!... რაღა თქვენი გულის ხეთქვა მეჭირვება? მაგრამ ეს სულ შენი ბრალია, იაკობაშვილო! გარეთაც ჩემი მტერი იყავი და აქაც აღარ მასვენებ! არ იცი, რომ ხვალ ჩემი განკითხვის დღეა?

იაკობაშვილი

რომ ვიცით, ჩემო ხარაიშვილო, კიდევ მიტომ გიმღერით გამოსათხოვარს. რაც წესათ გვაქვს დადებული, შენთვის ხომ ველარ მოვშლით? ზასედანიის წინაღუეს ყველას ვუძღვრით ხოლმე ამ ძილისპირებს. მეც მიმღერეს, მაგრამ შენსავეთ კი არ მიკვინტავს!

მოხუცი ტუსალი

შენ, ეგება, არა გწყინდა, ჩემო ძმაო! ყველა ხომ ერთი არ არის? ხომ გაგიგონია: „კაცია და გუნებაო, თორემ სამოცი წლის ბებერს რაღა ეხრაგუნებაო?“

იაკობაშვილი

ეჰ, ჩემო ძმაო, ბერს არ ეხრაგუნება, მაგრამ ძალათი ახრაგუნებიებენ! შენ, ჰეი, ხარაიშვილო, დამიჯერე, კკუსს მოეგე! ჯავრმა თავი არ წაგართვას, თორემ ცუდათ მოგივა საქმე! მოდი აქ, ჩვენ ვიმღერებთ და შენ მოგვბანე.

ხარაიშვილი

შენს ყველაყას მობანე შენ!

იაკობაშვილი

რა გულზე ხარ, შე ოხერო? გეუბნები: ბანი გვითხარი-თქო! მეტი ხომ არა მითქვამს რა? მოიცა, შვილო, და ხვალ ნახავ შენ სიერს: ბანსაც გათქმევენებენ და მოძახილსაც! მაგრე აღარ გადიდგულევენ!

მოხუცი

დაანებე, ბიჭო, თავი! ხომ ხედავ, რომ შენი ხუნტრუცის გუნებაზე არ არის? (წამოდგება და მივა ხარაიშვილთან) რა გემართება, ბიჭო? მე მფგონა, თუ კაცი იყავი და ქუდი გეხურა, მაგრამ დედაბერი ყოფილხარ და თავზედაც ლეჩაქი გხურებია! მაგრე როგორ წაეხდე!? შენი საქმე ჯერ კიდევ ღმერთზე ჰკიდია. მე მაშ უნდა ვირეოდე, რომ ოცი წლის კარტეში მაკვრევენეს თავი?

ხარაიშვილი

შენი საქმე, ჩემო ძმაო, სულ სხვა არის! შენი საქმე გათავებულობა და იმედიც დაწმენდილი გაქვს. საბრალო მაშინ არის კაცი, როდესაც მის გულში უიმედობა და იმედი ერთმანეთს ეჭიდებიან! მაშინ შფოთავს კაცის გული, თორემ, რაკი იმედი გადაწყდება, მაშინ რალა აქვს საშფოთავი?

მოხუცი

ეგ კი მართალია, მე და ჩემმა ღმერთმა, მაგრამ ფიქრი არ არის, ღმერთი მოწყალეა!

ხარაიშვილი

ხედავ ამ ქალაქს პროკუროვისას, რაფა კიბესავით გაუგრძელებია?

მოხუცი

მაგის ფიქრი ნუ გაქვს. ბარე ორი მინახავს პროკუროვის ქალაქი, რომ იმ ერთ რამესავით ძალიან გაგძელებული ყოფილიყოს, მაგრამ მალე დამოკლებულიყოს ისევე! ადვოკატი ვინა გყავს? ზეპირი ადვოკატი ხომ არა? ის კარგია, ბიჭო, ყველა კანონი თურმე ზეპირად იცის!

ხარაიშვილი

ვთხოვე, მაგრამ ჯერ კი არსადა ჩანს! ვაი, თუ უარი მითხრას! მადლობა ღმერთს! არ გამოიკვირდება ჩემი ბედისაგან! ერთი ეს მითხარი, ძამიაშვილობას, შენ გამოცდილი ხარ და მინდა შენგან მეც ვისწავლო და ხამათ არ წარვდგე სუღში: შენ რომ მოგიყვანეს, როგორ მოგეჩვენ და რაები გკითხეს?

მოხუცი

მომიყვანეს თუ არა, შემავდეს ხარიხებიან გალიაში და მიბრძანეს: აქ დაჯექიო! ზალა სულ მაყურებლებით გაივსო. ცოტა ხნის შემდეგ გამობრძანდნ მსაჯულები და სამივე წითელი სტოლის უკან დაბრძანდნ. ერთი, რომელიც უფრო მოყვანილი იყო და საშიში შესახედავი, შუაში დასვეს. პროკუროვი ცალკე დაბრძანდა, მარჯვნივ, საკუთარ სტოლზე, და თავისი საკლთარი კანონებიც წინ დაიწყო. ჩემი ატუნკატი კი შუაში გამოიჯგიმა ფალაფანივით და ხან მე მანიშნებდა თვალით: „ნუ გეშინია, აქა ვარო!“ და ხან პროკუროვს უყვრიალებდა თვალბს: „მაცა მე შენო!“ ემუქრებოდა. ბოლოს შუაში რომ მსაჯული იჯდა, იმან მკითხა ჩემი ვინაობა, გაცნობა მოინდომა, მამის სახელიც მკითხა და, ყველა რომ მოვახსენე, ისიც მკითხა: დამნაშავე ხარ თუ არაო? რასაკვირველია, იმას არავინ იტყვის, რომ დედაჩემი კუდიანიაო! რათ ვეტყვოდი: დანაშაული მაქვსმეთქი?! მაშინ წამიკითხეს პროკუროვის განჩინება, კითხეს მოწმეებს და, რომ გაათავეს, წამოდგა ის ჩემი ცოდვით სავსე პროკუროვი და მოახსენა მსაჯულებს: „ამ ჩემს მოქედელს საყელოს ხომ ხედავთ, ნამსახური კაცი ვარ, პატივსაცემიო, — და ახლა ეს ერთი თხოვნა ამისრულებ და ეგ კაცი მე მაჩუქეთო! აქ ხალხი მაინც ბევრია და მაგას იქ გავგზავნი, სადაც ხალხი ცოტაა და მიწა კი ბევრიო“. ამაზე ჩემმა ატუნკატმა მიამბა: „ვერ მოგართვიაო!“ და მერე მიუბრუნდა მსაჯულებს ამ სიტყვებით: „მართალია, მე არ მაქვს მოქედელი საყელო, მაგრამ ცოტაოდენი პატივი მეც დამდევით და ეგ კაცი აქ დატოვეთ, ნუ გავგზავნით ნურსად, მე მაჩუქეთო!“ ამაზე მსაჯულებმა გამოაცხადეს მოლაპარაკების შემდეგ, რომ რა ვქნათ, ორივე საპატივო კაცები ხართო და გულს ვერც ერთს ვერ დაგწყვეტთო! თქვენ ერთმანეთს შეებასეთ და, რომელიც აჯობებთ კანონებით, ღმერთმა იმას მოვახმაროსთ ეგ ტუსადიო! აბა, სერი მათი ბრძოლა იყო, ბიჭო! პროკუროვმა ჩემი ვასამტყუნე ორი სტატია ათიანი მოიყვანა, ატუნკატმა კი პასუხად ასიანი უთხრა! ცოტა შერცხვა პროკუროვს და იმდენი გაიკიმა, რომ ძლიერ გაკვირვებით მოიგონა, როგორც იქნა, და ათასიანი უთხრა.

მაშინ ჩემმა ატუნკატმა ათიათასიანი სტატია მიახალა გულზე! სად-
ლა წაუვიდოდა? პროკუროვი ისე შეწუხდა, რომ სირცხვილით ხმა ვე-
ლარ ამოიღო და ვაჩუჩდა! მაშინ მსაჯულებმა ჩახედეს კანონის წიგნში
და ნახეს, რომ თურმე ათიათასიანი სტატია როდი წერებულა მათს
წიგნში და ეს განჩინება შეადგინეს: რადგანაც აქაურ კანონის წიგნებში
ამისთანა სტატია არ წერია, ეს ტუსალი გაიგზავნოს იქ, სადაც ის
ათიათასიანი სტატიის წიგნი იყოსო და იქიდან გამოუშვან გამართ-
ლებულიო. ახლა გაგზავნით კი გამგზავნიან, ვიცო, მაგრამ იქიდან კი
დამაბრუნებენ? ატუნკატიც ასე მეუბნება... (ამ დროს შემოდის. ადვოკატი
და ყველა იმას ეხვევა გარს)

ადვოკატი

გამარჯობა თქვენი! ხარაიშვილი რომელია თქვენში?

ხარაიშვილი

მე გახლავარ, შენი ქირიმე, ღმერთსავით თქვენი მომლოდინე!

ადვოკატი

შენა ხარ? ჰო!... აქამდის მოვიდოდი, მაგრამ სულში ზასედანია
მქონდა. ერთი ქურდის ადვოკატი ვიყავი და იმან დამაგვიანა. იმას
კი ვუშველე, როგორც იქნა, მაგრამ მისი უხეირობით კინალამ თავიც
გაიუბედურა და მეც შემარცხვინა! კიდევ კარგი, რომ მოხერხებული
ვარ, თორემ, სხვა ადვოკატი რომ ყოფილიყო, ველარას გაარიგებდა.

ტუსალები

როგორ, შენი ქირიმე?

ადვოკატი

როგორა და, უხეირო რომ გამოვა ზოგიერთი კაცი: ცხენის მო-
პარვას ეწამებოდენ და იმან არ დამიჯერა, გამოტყდა! ჯერ-კი შე-
ეჩერდი, მაგრამ მერე-კი მაინც მოვუხერხე გამართლება.

ტუსალები

იმე! რასა ბრძანებთ!... როგორ-ღა მოუხერხდებოდა გამართლე-
ბა?! როგორც გამოტყენილა, გაწყრომია ღმერთი და ის არი! გათავე-
ბულა მისი ალიან-ჩალიანი! ადვოკატმა რალა ჰქნას!

ადვოკატი

როგორ თუ რა ჰქნას? ადვოკატი მიტომ ჰქვიან ადვოკატს, რომ ყოლიფერი უნდა მოახერხოს, დამნაშავე უნდა გაამართლოს, თორემ მართალი თავისითაც გამართლდება.

ტუსალები

ღმერთმა დიდი დღე მოგცეს, ჩემო ბატონო! ეგ ბეჯითი ბრძანება!

ადვოკატი

რასაკვირველია. აი ეხლა ის ქურდი რომ გამოტყდა, გამოძიებას თავი დაანებეს და განჩინების წერა დაიწყეს. ჰკარგავდენ ციმბირში, მაგრამ მე აღარ ვქენი: ვამტკიცებდი, რომ ეს არ არის ქურდი მეთქი. როგორ არ არის, თვითონ გამოტყდაო? არა მეთქი, იუთხარი, ჯერ ეს მიბრძანეთ: ცხენი აიკიდა ამ კაცმა ზურგზე და ისე მოჰქონდა, თუ ცხენს აჯდა ზურგზე მეთქი, ცხენს მოჰყავდა მეთქი? — ვკითხე მსაჯულებს. — რა თქმა უნდა, რომ ცხენს მიჰყავდაო, — მიპასუხეს. მაშ ცხენს მოუპარავს ეგ და არა მაგას ცხენი მეთქი, და გასაჯეთ და გაასამართლეთ ცხენი და ამ კაცს კი თავი დაანებეთ მეთქი. ამ სიტყვაზე მსაჯულებმა ერთმანეთს გაკვირვებით შეხედეს, პროკურორმა ხმა ველარ ამოიღო. შევიდენ მსაჯულები მეორე ოთახში, მოილაპარაკეს და გაამართლეს ჩემი კლიენტი.

ტუსალები

ქრისტემ დიდი დღე მოგცესთ! ჰოი, შენი გამჩენის ჰირიმე, შენი! სხვისგან შევლას შენს ხელში გაუფუქება გვირჩევნია! შენს იქით გზა არც ერთს არა გვაქვს! მოისმინეთ თქვენ ჩვენი გაჰირეება და, თუ ხელმოსაკიდებელი ვიყოთ, ნუ დაგვანებებთ თავს! სხვის ხელში ნუ ჩაგვყრით! და, თუ აღარა გაგვეწყობოდეს რა, წინდაწინვე მაინც გვიბრძანეთ, რომ თავი მაინც აღარ შევიწუხოთ, ტყუილი ხარჯი აღარა ვქნათ!...

ადვოკატი

კარგი! მაშ მოდით, დასხედით ყველანი და თითო-თითოდ გამოგკითხავთ ყველას და გადაწყვეტილს გეტყვით. მაგრამ მოძღვარსავით-კი უნდა მითხრათ: ისე, როგორც ყოფილა თქვენი საქმე.

ტუსალები

კი, ჩემო ბატონო! რალა დღისთვის დაეფაროთ?

ადვოკატი

მაშ კარგი. აბა შენიდან დავიწყოთ. ვინა ხარ შენ?

ქართლელი

თქვენ თვითონ მოგეხსენებათ, ვინც გახლავართ, შენი კირიმე!

ადვოკატი

მე რა ვიცი! თუ მომეხსენებოდეს, აღარც კი გკითხავდი!

ქართლელი

მე, შენი კიიმე, მეურმე გახლავარ, გოგიტა ბასილიძე.

ადვოკატი

რათა ხარ დაქერილი?

ქართლელი

მაგას კი ნულარ მკითხავთ, ღმერთი გადღეგრძელებსთ! ნულა მომაგონებთ მაგ საქმეს!...

ადვოკატი

აბა როგორ-ლა გავიგოთ, თუ შენ არ გვეტყვი, რათ დაგიკირეს?

ქართლელი

რაზედ დამიკირეს? ა, შენ ხარ ჩემი ბატონი, და იმაზედა, ი ჩემი ცოდვით სამსე, ი ბიკი, რომ შამომაკვდა! აი, იმას ჰკითხოს ჩემმა ცოდვამ.

ადვოკატი

მანდედან კიდევ ვერა გამიგია—რა! ვინ ბიკი?

ქართლელი

ვინა და ი ბიკი—ნინიკაზე მოგახსენებ, შენი კიიმე.

ადვოკატი

გარკვევით მითხარი: ვინ იყო ის ნინიკა და რათ მოჰკალი?

ქართლელი

ნინიკაი?

ადვოკატი

ჰო, ნინიკა! ის ნინიკა, შენ რომ მოგიკლავს, ვინ იყო?

ქართლელი

აკი მოგახსენეთ, ჩვენი ნინიკა გახლდა-თქო!

ადვოკატი

აბა, ღმერთო! არ ვიცი და მითხარი, ვინ იყო და რა იყო შენი? დაგიჯინია: ჩვენი, ჩვენი! ვინ თქვენი?!

ქართლელი

ჰო, მივხვდი, შენი კიიმე! ნინიკა ძმა გახლდათ ჩემი!

ადვოკატი

მერე რათ მოჰკალი? მტრობა გქონდათ ერთმანეთში?

ქართლელი

არა, შენ ხარ ჩემი ბატონი, მტრობა კი არა და ჩვენი თანა ერთმანეთის მოყვარული ძმანი სულაც არა გხლებიათ ჩვენს კუთხეში.

ადვოკატი

აბა, რათ მოჰკალი?

ქართლელი

ღმერთმა ნუ იცის დედაკაცის თავი და ტანი! ჩემი დედაკაცის ბრალია, იმასა ჰკითხეთ! ჰოიპე, ჰოიპე, რა მახეში მე იმან ჩამაგდო!

ადვოკატი

შენ, ჰეი, ჩემო ძმაო, თუ გინდა თქმა, მალე მითხარი და გაათავე! სხვებსაც აცდენ და მეც დროს მაკარგვინებ, თორემ მე საღუნდა ვძებნო შენი დედაკაცი! შენ უნდა მითხრა: რათ მოჰკალი და როგორ?

ქართლელი

მოგახსენებთ დალაგებით, შენი ქიმიე. ხუთშაბათი დღე იყო. არა, არა, ხუთშაბათი კი არ გახლდათ, პარასკევი იყო... მგონია ხუთშაბათი იყო და აღარ მახსოვს კარგათ. ფუ, დალაზვროს ღმერთმა!

ადვოკატი

ეგ სულ ერთია, რა დღეც უნდა ყოფილიყო. შენ ის მიაძებ, რა იყო?

ქართლელი

კარგი, შენი ქიმიე. ერთ დღეს პურის ჭამათ დავსხედით მე და ნინიკაი. ვუთხარით დედაკაცს: დედაკაცო, ცოტა შეჭამანდი გეჭნება და პირი გაგვისველე-თქო! წავიდა ი ლეთისაგან შეჩვენებული და ერთი ჯამი მახოხი მოგვიტანა ორთავ ზიარათ. მართალი ნათქვამია, მე და ჩემმა ღმერთმა, რომ დედაკაცის გაჩენაში ღმერთი არ ურევია, ეშმაკმა გააჩინაო, თორემ, რა ენაღლეობდა ი ჩემი ცოდვით სავსეს, ორ ჯამზე დავსხა და ისე მოეტანა ორივესთვის? თითო-ორ-ორი ტაქანი რომ დავლიეთ, ი ბიქს გავუხუმრე: ნინიკა, ჩემზე მეტს ნუ სჭამ მახოხს-თქო! იმან იწყინა და გინება დამიწყო, მეც შევაგინე; იმან აიღო და არკი ზე ცხვირ-პირზე შამასხა ი მახოხი. მეც, ვერ დავუიკავე, ცოტა ავგული გახლავარ და ამოვიღე ხანჯალი და ერთი წაუქნიე წვერით ნელა.. ი ჩემი ცოდვით სავსე ისე წამოეგო ზედ, როგორც გოქი შამეკურზე... ზიარებაც ველარ მოვასწარით, ი ჩემი ცოდვით სავსეს! მერე მეც ბევრი ვიყვირე, მაგრამ ვინდა გააცოცხლებდა, შენი ქიმიე? კაცის სიცოცხლე ერთი წამისააო, მოგეხსენებათ.

ადვოკატი

ოხ, ეგ დიდი დანაშაულობა არის, ეგ არის კენის ცოდვა!

ქართლელი

რა ვიცი, შენი ქიმიე, ყვენის ცოდვაა, თუ ხვანთქრისა? მე კი აუბედურებაში ჩაწავდო ი ცოდვიშვილმა და თითონაც გაფუქდა

და მეც მაფუჭებს... ორივეს ცოლ-შვილი ოხრად გვირჩება! ამ საქმი-
დან რომ ვინმე მიხსნიდეს, ხუთი თუმანი მიბარია ამ ჩვენს მოტრი-
ტელს და იმას მივართმევ.

ადვოკატი

რას ამბობ, ჩემო ძმაო? ხუთ თუმნად ხელის მოკიდება ძნელია
მაგ საქმისა!

ქართლელი

ათი იყოს, შენი ჭიიმე, რა გაეწყობა! რალა დღისთვის მინდა
ფული?

ადვოკატი

მაგ ფულით მოჰკიდებს საქმეს ხელს გლახა ადვოკატი და კარ-
გი კი...

ქართლელი

ოლონდა თქვენ-კი იკისრეთ, და მეტსაც მოგართმევთ, შენი
ჭიიმე! გუთნეულს გავყიდი და შევისრულებთ ოცათ!

ადვოკატი

კარგი, კარგი, რალა გაეწყობა, მე ფულის სიხარბე არა მაქვს,
მაგრამ კარგ კაცს გვეხარ, უნდა მოგიწყოს ხელი. შეგიძლია ამირჩიო
ადვოკატად! ახლა შენ მითხარი შენი ვინაობა! (მიუბრუნდება მეორე
ტუსალს)

რაქველი

მე რაქველი გახლავარ, არჩუაძე, ქვე ჭირი მოგჰამე! ჩემისთანა
უბედური საქმე, ჭი! ჯერ ადამიანს, ქრისტიანის შვილს არ მოსვლია,
ჭი! ცოტა ფულის მოსაგებათ გადმოვდგი, ჭი, ფეხი შინიდან და ერ-
თი ალა-ხაზაინი ევიჩემე, თვეში თუმნათ, ჭი. ყოლიფერი თანამდე-
ბობა ჩემ ხელთ იყო, ჭი: ლაქია-მსახური, პოვარ-შზარეული და ხაბა-
ზიც სულ მე ვიყავი. გატყდებოდა რამე—მე ვადამხდებოდა, ჭი, და
თუ რამე დეიკარქებოდა—იმის მოპასუხეც მე ვიყავი. ერთ ღამეს
ვინლაცა მგზავრები შემოფუშვი შინ, ღამე ვავათევიჩე, იმათ კი გოუ-
წყრათ ჩემი ბრავალძის პირ-ყვითელი და ხელეზ-გაშლილი წმინდა
გიორგი, ჭი! თურმე აკი, ბატონო, რაზმონიკები იყვენ! მე რას შე-

ვაყოფდი? ცხვირპირზე კი არ ეწერათ, კი! იმ ღამეს ჩემი ალა ხა-
ზაინი სულ ერთიანათ გაქურდეს და მოორე დღეს მე მტაცეს ხელი:
შენ თუ არ ერიეო, ქვე რატომ არ უყურეო, კი? რა რჯული სამარ-
თალია ეს, ქირი მოგქამე! რომელი ქურდი აყურებინებს სხვას ქურ-
დობას?! თუ აყურებინა, ქურდი ქვე კი აღარ იქნება, კი, პატრონი იქ-
ნება! ქვე თუ რამეს მიშველით, ახლა თქვენ იცით, კი...

ადვოკატი

არა გიშავს რა შენ. აბა, ახლა შენ მოჰყევი! (მიუბრუნდება მე-
სამეს)

მ ს ი

მე, სენი წილიმე, ოსი ხარ კუდალოელი. მე, სენი წილიმე, ელ-
თი ბიწი მოკალი, ძალიან კაი ბიწი.

ადვოკატი

რათა? რა დანაშაული ჰქონდა?

მ ს ი

ლა დანასაული გეკნებოდა. სენი წილიმე, ისე მოკალი, ტყვილა-
სეხედე, რომ სოლს მოდიოდა და ძალიან კაი ნისანი ამოსალეგი იყო;
უნისნე ე ცემი სასხანა, სი წიპი გკარი! ძალიან, ბატონო, ეს ცემი
პატალა სასხანა ნისანი გიყვარს: ბუზი არ აცილდება, მასინვე მო-
გკლამს!

ადვოკატი

მაგ ერთის მეტი ხომ არავენ მოგიკლავს?

მ ს ი

რასა ბრძანებ, ბატონო, ლამდენმა სხვებმაც სენი წილი წაი-
ღეს! ოხ, ბევლი კაი ბიწობა ქენი! ბევლი მოგკოხწე თავი!

რაქველი

იმე! ქვე რას ამბობს ეს ურჯულო?! შენ-კი გაგიწყრა ჩემი ყო-
ვლად წმინდა ხეთისმშობელი და დაგლახეროს ჩემმა სამას-სამოც-
დახუთმა წმინდა გიორგიმ! ქვე რა გიქნია, შე ურჯულო?! ქრის-
ტიანები მოგიკლავს, თუ ურჯულოები?

ო ს ი

ალა, სენი წილიმე, სულ კაი-კაი სენისთანა იმელელი, კოლტო-
ხელი დაგკოხწე თავი! აი ბეცა, ბეველი კაი ბიწობა ქენი ცემი ყმა-
წვილობა!

რაქველი

ქვე არ შეგხვდენია, ქი, ჩემისთანა ბიჭი, თვარა ის-კი მოგი-
გრებდა მაგ ცოდვილ კისერს, ქი, ლელერქივით... ბევრს არ გალა-
პარაკებდა!

ადვოკატი

კარგი, კარგი, კმარა! რადგანაც გამოტეხილხარ, შენ აღარ გე-
ქირვება ადვოკატი, ტყვილა ნუ ამირჩევ. შენ ვინლა ხარ? (მიუბრუნ-
დება სხვას)

მეგრელი

მე, პატონი? მერგელი გოხოლუ, ხუხუა სულგავა.

ადვოკატი

უთუოდ ცხენის ქურდობაზე იქნები დაქერილი, ამას კითხვა
აღარ უნდა.

მეგრელი

ვარ (არა) პატონი! მაგისთანა გაშლილ ქურდობაზე კაცი რავა
დამიჭერდა? დიხაში მუდუსავით ჩავძვრები, წყალში ბატივით გავცუ-
რავ, ლობეს კატასავით გისხაპამ, ტყეში ტურასავით ვიძვრენ და
გაქცეულს დადიანის წევარიც ვერ მომიწევა!

ადვოკატი

აბა, როგორ დაგიჭირეს?

მეგრელი

რავა, პატონი, და ერთ სომეხს დუქანი გოუხვრიტე და შეეძვე-
რი შიდა; რაც საშოვარი იყო, მოვამგროვე, მარამ ამ დროს, პატონი,
ხმაურობა მომესმა; დავაპირე გამოძრომა, მარამ ორივე ნახვრეტებთან
კაცები იდგენ!... წინიდან აფხოტები მოდგომოდნ და უკანიდან სო-
მეხი, და მე შუაში გამაკვეტეს... სად წივილოდი, პატონი?

სომეხი

მახლას! რა გინდოდა სომეხის ღუქანში? აგრე გირჩევნია, აი, ჩემმა მზემ!

მეგრელი

კი, პატონი, თუ მე ასთე მირჩევნია, არც შენ გაწყენს მასთე ყოფა, ჩემმა მთვარემ! შენც ჩემისთანა ტყვე ხარ, გაბერილო სომეხო.

ადვოკატი

შენ რაღათა ხარ დაჭერილი?

სომეხი

პუსტოი, კნიაზ-ჯან, სულ პუსტოი! სხვილ-სხვილი ასიგნაცი წვრილზედ აბმენიატი ვქენი! და მითხრეს, ყალბია! ვაი კნიაზ-ჯან, მე რა ვიცოდი, თუ ყალბმა იყო, მე ხომ არ მოგჭერი! მე ლეოლრაფია-ზოოლოგიამ რა ვიცი, რომ გამეკეთებია!

ადვოკატი

ადვოკატი გყავს?

სომეხი

გახლავსთ, კნიაზ!

ადვოკატი

ვინ არის? კარგია?

სომეხი

ძალიან, კნიაზის მზემ! როგორც უნდა, კანონი ისე ათამაშებს. ისე კიკვიკობს, როგორც ბულბულმა! მე სხვა ადვოკატმა არ მინდა!

ადვოკატი

სადა გყავს ეგ ადვოკატი? ვინ არის?

სომეხი

აი, აქ არი, კნიაზ-ჯან! (ჯიბებზე იკრავს ხელს) აი, კნიაზ, სწორი ადვოკატი!

ადვოკატი

კი, ზაგრამ, თუ მაგ შენმა ადვოკატმა ჩემთან ბეჯითად არ მოილაპარაკა, ის მარტო თავის თავად ვერათურს გააჩივებს! ებრაელო, შენ რაღა გინდოდა აქა? ვინ ებრაელი და ვინ აქ ყოფნა? რაზე მოუწვევიხართ?

უ რ ი ა

ჩემი დაბადების მადლმა—ე, სულ ტყვილა უბრალოდ დამიჭირეს—ე! ღორთა იცოდის ე, უსამართლობა მიყვეს ე, რჯულის მაოღმა ე, არა დამეშვეფიოს რა ე. ერთ საღამოს—ე, კნინებს და ვებარებზე—ე; მეც ვიახელი—ე. მიბრძანეს—ე, საქონელი გვიჩვენო; ერთმა კნინამაც—ე, თავისი საჯდომი დამითმო—ე, დაჯექი და ისე გაშალე საქონელი, გვიჩვენო; მეც მადლი მოვახსენე—ე, დავექი და უჩვენე—ე. ბოლოს მიბრძანეს—ე, თითო საქონელი—ე, მტკალი გვიჩვენო. მე მოვახსენე: თითო საქონელი ერთი კარგი შატუქა გახლავსთ—ე, ცოტა თავი კი აქვს—ე, წაჭრილითქო, თორემ სხვებ—ე. დასაწუნი არ იყოს—ე, რჯულის მადლმა—თქო. იმათაც ნახეს, მოეწონათ ე, იყიდეს, მიმაზომინეს და გაომიშვეს—ე. თურმე ნუ ბრძანებთ—ე. ზ-მა შემშლოდა—ე, და არშინზე თითო გოჯა დამიკლო—ე. მეორე დღეს—ე, მისმა ქმარმა მიჩივლა—ე: ცოლი გაიბრძევა, არშინშიაც მოაჩუყა—ე, და საქონელიც დამბალი შამოაპარაო—ე. ამისთვის დამიჭირეს შეიდი დღის ვადით—ე, რჯულის მადლმა, ღორთა იცოდეს, სულ უბრალოთ—ე!...

ადვოკატი

მეორეზე ნულა დააკლებ თითო გოჯას, თორემ უციმბიროთაც ვერ მოჩივბი! ახლა კი კიდევ კარგად გადარჩენილხარ! შენ ვილა ხარ? (სხვას)

იმერელი

მე, შენი კირიმე, იმერელი გახლავარ, ივანიკა ხელიკიაშვილი. ქვემოთური ყაძახი!

ადვოკატი

კაცი მოჰკალი შენცა?

იმერელი

იმე! რას მიბრძანებთ, ღმერთი გადღეგრძელებს, ბატონო, კაცს ქე რაფა მოვკლავდი, შე დალოცვილო, ქათამი ხომ არ იყო?! ფარსაგი სული, მონათლული ქრისტიანი, კაცს რაფა გამოიმეტებს სასიკვდილოთ? ეშმაკი, კუდიანი, ქაჯი და ჭინკაც არ მოკლავს კაცს, ისეთ თუ გააფუჭებს, თვარამ, მე რაფა გვეიმეტებ ადამიანს?! ჯვარი აქოურობას! (აფურობებს) ჩვენს სოფელში ერთ წელიწადში დიდი სიკვტილიანობა გახლდათ, ჩემო ბატონო. ისეთე ეყრებოდა ხალხი, პანტასავით!... ოჯახი არ დარჩენილა, რომ კვტარი არ ყოლოდეს ერთი მინც, ხოლვერა არ იყო, ბატონებს არა გავდა, ვენაცვალე მათ ძლიერებას, და ცივებ-ციხელების ნიშან-წყალი სულ არ ჰქონდა იმ ძალევან სნეულებას. დევბენით—შენი მტერი დაბნეულა!—უფეზდის დობტურცი კი მოგვივიდა, მარამ მათი ამბავი თქვენც კი მოგვხსენებათ: თავი რომ ტკიოდეს კაცს, ფეხზე ადებენ წამალს და, რომ მოკვტება, „პრაჩაითო“, ეტყვიან. იმათი წამლობა ფორმაა და ჩესტი, სხვა არაფერი. თქვენი თავი ნუ მომიკვტება, მე თითვან ვნახე ჩოლოქის იმში ერთი კაცი, ორივე ხელეგი გაგდებული ქონდა და, დოქტორი რომ მოვიდა, მაჯის ნახვა მოუნდომა! ფორმაა მათი, ავარა ისეთე კი არა. არა, ბატონო, თუ კაცს თავი არ აქ გამოიმეტებული, იმათ რაფა მიიკარებს საკირ-ბოროტოთ! ჩვენ დავენებეთ თავი დობტურს და დევეკითხეთ მკითხავს. იმან, მოგეცა ღეთის წყალობა, მართალი გვითხრა: თქვენს სოფელში კუდიანები ყოფილან გახშირებული და ისინი ართმევერ კაცებს გულღვიძლს და ბრუსაბძელაზე მიაკვთ ზაკუშკათ როკაპთანო; ისინი დადაღეთ და აღარავინ მოკვტებო! დავბრუნდით ჩვენ სოფელში, მოვაგროვეთ, რაკ იმ სოფელში ბებერი იყო, წვეციყვანეთ წყალზე, შოუკართ ბაწრით ხელ-ფეხი და ისეთე შევაცურეთ მორევი; რომელიც დაძირა, ის არ იყო კუდიანი და რომელიც კი ეიფირფიტა, ის კი სწორეთ, ბეჯითად კუთიანობის ნიშანი იყო. ისინი გამოვიყვახეთ, გავახურვეთ რკინის ჯვარი და დავდაღეთ. ბებერი უძახეს თავის კუდიანებს: „გვიშველეთო“, მარა არა, ჯვარის ეშინიათ კუდიანებს!

ადვოკატი

სხვა რკინეულით რამეთი არ შეიძლებოდა დადაღვა?

იმერელი

ვეი პლან! უჯვართოთ არ იქნება, მაშინვე კამბეჩის ტყავს გადააფარებდენ კუდიანები უხილაეთ და როდი დეიწოდენ. ახლა, ბატო-

ნო, როცა დადღვა გავათავეთ, გაუშვით ის კუდიანი ბებრები; მერე ისინიც გამოტყდენ და ახლა მკითხავეები არიან. ამ საქმისათვის დამიჭირეს!... მართებლობამ იწყინა: „შენ პუტოვჩიკი ხარო“... და განა ქრისტიანული საქმე პუტოვჩიკობა არი?! ახლა, შენი კირი შე-მეყაროს, თუ მიშველი—ყვით დაგესახლები!..

ადვოკატი

კარგი! კარგი! შეგიძლია ამირჩიო. შენ ვინა ხარ? მეგრელი ხარ?

გურული

ვაი, წაეხდი, კილავ! რა მიგავს თხაპარია მეგრელს?

მეგრელი

რა მოგპარა, წიე, მეგრელმა?

გურული

დედავ! რავა აბდღურათ ჩივი შენ! შენ სხვას მოპარავ, თვარა გურულს რავა გულბედავ მოპარვას! ჩემ კონახში რომ შეხვიდე, იცი, რას გიზამ, ყაზილარო? ნიფხავს გაგხდი და მითი შეგიკოჭავ ხელუმს!

მეგრელი

თუ მაგრე ვაშკაცები იყოთ, პატონი, დადიანი რათ ერეოდა გურიელს?

გურული

ვინ გითხრა მაი საჯაყი! იგი დაგავიწყდა, ოცდახუთმა გურულ-მა რომ ათასი მეგრელი დეიფრინა წინ, ისე რომ ერთი ყურშემიც არ გაუსვრიათ?

იმერელი

ეს ისე მართალია, თქვენ ნუ მომიკვტებით, როგორც აღდგომა! მას აქეთ არის ჩვენში დარჩენილი სიმღერა: „ოცდახუთსა მეგრელ კაცსა მაკე ტურა შეეყარათ, სანამ ტურას გეიცნობდენ, სული ხორ-ცით გეეყარათ!...“

ქართლელი

ეგ ყველა კარგი, გურულო, მაგრამ ე თოკი რომ უკან ჩამოვი-კიდებია მელის კუდივით, რათ გინდა ეგა?

გურული

რეიზა და იმიზა, რომ, შენისთანა ყაზილარს თუ შეეხვები, შევკოქავ ამით და ქობულეთში ამოვაცოფიფთ თავს! და მაშინ მკითხე, თუ გულს გერჩის!

ქართლელი

შენმა მზემა, ასეთი არა ჰქნა, ლომით არ მიმიტყუო!

გურული

ქართველმა რომ ლომის ქამა არ იცოდეს, იგი ლომის რა ბრალია? მაქუჩაძეს ერთი ქართველი თავადი ესტუმრა, სადილათ ლომი მიართვეს; თურმე იმ აბდალამ ლომის ქამა არ იცოდა, ჩაკრა ხელი ლომში - თითები დეწვა, პირში ჩაიდდა — იგიც დეწვა, გადაყლაპა — ყელი დეწვა, კუჭში ჩაუვიდა — იგიც დაწვა და ბოლოს ქართველმა ნაბადი აიღო, რომელზედაც იჯდა: აგი ნაბადიც არ დამეწვასო! აგია თქვენი ცოდნა, ა?!

იმერელი

მაგისთანები გურულელებედაც კია, შენ ნუ მოუკვდე ჩემ თავს, ნათქვამი: გურული დაბატოვა ქართველმა, მარხვა დღე იყო და მუხუდო მოუტანა; გურულმა დახედა ჯამზე, ნახა, რომ თურმე ცარიელი წვენია, ფოჩვი არსად არი; ერთი ორი მარცვალი კი დაცურამდა, თურმე, მუხუდოს კაკალი წვენიში. წამოვარდა გურული, გეიკრა ფიშტოს ხელი და შეაყენა ჩახმახი! — „რათ მკლავო?“ — უთხრა მასპინძელმა. — შენ კი არა გკლავო, უთხრა გურულმა, ავი დედაგაგლეჯილი მუხუდოს მარცვალი ცურავს, ვერ დევიმორჩილე, და ეგება იგი მოვკლა ფიშტოთიო!

ქართლელი

შენი კი რალა მეცოდინება, კორტობელო, შენა! შენ რომ ხიზილალას უწრუწუნებდი ქალაქშია, ის აღარ გახსომს?

ადვოკატი

კარგია, აწი კმარა! ლლაბუცს თავი დაანებეთ და საქმეს მიჰყავით ხელი. რათ დაუჭერიხართ, გურულო?

გურული

რეიზა და იმიზა, იგი ყაზილარი რომ მოგვკალი ქალაქში!

ადვოკატი

რათ მოჰკალი?

გურული

მე კი არ მოვკალი, მან მომაკვლევია თავი ტყვილათეი! ჩემდა მოვიდოდი გზაზე, დამხედა ი ყაზილარი და დამიწყო ყვირილი: „გურულო, უჰ! გურულო! ო, გურულო!“ და მანამდი მიყვირა, სანამ კუჭი არ მომაყვანია. არ გევეცი ხმა! ვთქვი: აბდალეია—ვიცი, თავი რეიზა გუუცვალო მეთქი? მარა ბოლოს ხელიც მიბოძა! მაშინ მეც კუჭი მომივიდა: ბიძგება მასთე არ უნდა მეთქინ—უთხარი, ვბიძგე ჩემი მაჭახელა, ვრეხვე გაბერილ მუცელზე და ქეჩხოსავით გადავაგორე! ერთი „ვაი დედაც“ ველარ მოასწრო იმ ყაზილარმა და, თუ მეტი არ შეეძლო, რეიზა მაკუჭიანებდა, ი დედაგაგლეჯილი!

ადვოკატი

ადვოკატი გაყავს?

გურული

ადვოკატი რეიზა მინდა! კი აღარ ვფიცავ მის სიკვდილს!

ადვოკატი

მაშ გაგზავნიან!

გურული

გამგზავნიან და ველარ გამოვბრუნდები? ისევე ჩამოვალ, რა!

ადვოკატი

ვინ გამოგიშვებს ნებით.

გურული

ძალით ვავშებები!

ადვოკატი

მერე ყარაულები?

გურული

ყარაულები! მე კი გავშები გზიდან და იქ კი აღარ დუღუყებ
 ყარაულებს ყუნცულს! სანამდი იგინი გეიმძროდენ, მაქამდი მე და
 ვტოაკავ და ქობულეთში ამოვყოფ თავს! იქ კი ვირჩენ თავს. ფირა-
 ლათ ერთი ბიჭი ვეო მაჯობებს და, მართალია, ჩემს სოფელს კი მო-
 შორებული ვიქნები. მარა იმ დედაგაგლეჯილის სიკვდილს კიდე ჩემი
 ფირალობა აჯობებს!

ადვოკატი

რომ მოგეწიონ და დაგიპირონ?

გურული

დედავ, რას ჩივი, კილავ! ჩემმა მტერმა თქვა მაი! თუ იგინიც
 მე დამიჭერენ და მთლათ პილწი და წამხთარი ვიქნები და იგი იქნე-
 ბა! მაშინ მეც აღარ ვიქნები შესაბრალი და ანასუნი ჩემ საქმეს!

ქნაგის გსსგბრტლგბ

(1874)

ენების გასამართლება

სასამართლოში სხედან მსაჯულები: შუაში კირნახული და მრავალტრილო-ბიანი მოხუცი ქართლოს; გვერდით, იქით და აქეთ, უფრო ახალგაზრდები: იმეროს და ამეროს. შემოაქვსთ სამი ენა: ერთი უთავბოლოდ მრგვალია, ასლიტრიან ლანგარზე ძვეს და წინ, ხელში ნოეს ყავარჯნით, ერთი ახმახი ადვოკატი მოუძღვის.—მეორე უწონდ პრტყელია, გაუშალაშინებულ ზონჩაზე ძვეს და თან ვილაც ახალნამიწინარევი, ნებიერი ადვოკატი მოჰყვება.—მესამე წერილია, პატარა ფინჯანზე აგდია და გველის კუდივით საქსაქებს; უკან მოსდევს ჯარასავით მბრუნავი ადვოკატი.

მსაჯული. დღეს უნდა მოვისმინოთ თქვენი საჩივარი და გადავწყვიტოთ, თქვენ სამში თუ რომელს უნდა დარჩეს უპირატესობა. და, გთხოვთ, თვითეულმა თქვენგანმა წარმოგიდგინოს თავ-თავისი საბუთები!... პირველი სიტყვა თქვენია, უფ. ახმახი!

ახმახი. ჰოი, შენ ბრძენო, სიბრძნისა ტახტსა ზედა სოლომონისასა, ზე თხემთა მახვილგანმაწონად აყვანილო! მანუკელი თქვენ მიერ სამართლისა, მოვილტვი კვარცხლბეკისადმი ფეხთა თქვენთა, და ნატერფალთა ნაწილად მიმღები გიღალადებ, და ყურადიხვენ ვერებანი ჩემნი!...

მსაჯული. ბრძანეთ!... ნულა აგვიანებთ სიტყვას შესავალით! დრო ბევრად გვიღირს.

ახმახი. მოთმინებითა სულისა მომპოებელი, ვიწყებ უბნობად: ორღანო იგი, სახმაირი გამოსამეტყველებლად ჰაზრთა და ვნებათა ჩვენისა გულისათა, რომელიცა წოდებულ არს ენად. შეურაცხოვილ იქმნა ხელთა შინა იერიელითასა: წარმოსდგნენ ორნიცა სხვანი ენანი, დღეს აქა, თქვენს წინაშე მდებარენი, საშულლოდ ახა ენისა (თითით ანიშნებს მრგვალ ენაზე), რომელიცა გამოელვარებულ არს ბრძმედისაგან მეტყველებისა ირისებრ, გნომ არს ენათა შორის ორღანო ესენითა აძით მეტყველიყო შავთელ ჩახრუხითურთ მშვენიერ-ლექსად. ამავე ენითა ღალადებდა ბრძენ, რიტორ, პიიტკოს ანტონ გაიოსითურთ...

მსაჯული. სხვაგვარი თვისება?

ახმახი. განსხვავებითი თვისება ამა ენისა არს ერთის ხმითა მრავალ ჰაზრის გამოთქმად.

მსაჯული. გამოარკვიეთ! რა ვსურთ, მაგითი რომ სთქვათ?

ახმაზი. ერთი ლექსი შეიცავს მრავალთა ჰაზრთა, რომელთაცა წარმოდგენით ახსნიან.

მსაჯული. კიდევ სხვა ღირსება?

ახმაზი. ის, რომ ენა ესე გასაგონ არს მხოლოდ რჩეულთათვის და არა საზოგადოდ. ოდესცა, შემდეგ ლიტურჯისა, დღესა ერთსა უნობად ჰყვეს კათალიკოსმა ანტონ და მიტროპოლიტმა ბოდბელმა, ერი ვერა გამგები ვერცა ერთისა მარცვლისა მით მიერ თქმულისა, სდუმდა საკვირველებითა. ამგვართა მაგალითთა ძალგვიძს წარმოდგენად ლეგეონი, გარნა მრავალმეტყველებითა არა სცხონდინ. მცირითაცა მით, რაცა თქმულ იქმნა ჩვენ მიერ, საგულისხმოდ არს, რათა ენანი ესენი, უკანონოდ შობილნი ნიადავსა ზედა ქართლოსიანთასა, განღვიწილ და განკიცხულ იქმნენ ამიერიოთგან.

მსაჯული. (მიუბრუნდება ნებიერს ადვოკატს) რა პასუხს ავებთ?

ნებიერი. (ზარმაცად) ამოდენი ხანია ყურს უგდებ, მაგრამ თქვენმა მზემა, ჯერეც ვერ შევიტყე, თუ რა ჰნებავს, რომ გვიბრძანოს მაგ დალოცვილმა. თქვენმა მზემაცა, კათალიკოზი აღარ მასვენა და შავთელი. ე ტიალი, რალაც ჯანი ბეჟანის დროს, მოგეხსენებათ, ადამის წინეთ რომ ი პირველი კაცი გხლებიათ, თქვენ კი უნდა მოგეხსენებოდეთ, იმ კაცის ენა ყოფილა, ეხლა რალა მოსაგონებელია! ე მაგ ენისა ხელახლად დაწყობა მურვანყრობა არ იქნება, მა რა? მე მაგის თავი არა მაქვს! რაც გენებოს, ის უყავით!

მსაჯული. (მბრუნავს) შენ რალას იტყვი?

მბრუნავი. რა უნდა მოგახსენო, ბატონო!... მოცლია მაგ დალოცვილს და ლომის საცხებივით ბაყა ბუყი გააქვს, თვარა საფლავის ენა რალა გასაცოცხლებელია. ერთს ლექსში ბევრი აზრი გამოვა, თუ კაცი წარმოიდგენსო და, კი, ბატონო, მარა წარმოდგენით რაეა იქნება? რასაც წარმოიდგენს კაცი ტყვილა ხმაში, ის გამოუა. აბა, ბატონო, თქვენ დაუგდეთ ყური ზარის რეკას, თუ იმაში: „წადი, წადი!“ არ გაიგონოთ და „მოდი, მოდი!“ ასე ყოფილა ეგ ენაც. და ან რალასთვის და ვილასთვის არის საჭირო ის ენა, რომელსაც ვერც ბერი გაიგებს და ვერც ერი?!

მსაჯული. კიდევ თუ რამე გაქვსთ დასამატებელი, დაამატეთ, თორემ აწ განჩინებას შევადგენთ.

ყველანი. შეადგინეთ.

მსაჯულები ადგენენ შემდეგს განჩინებას: „რადგანაც ეგ მშვენიერი ენა საატაოს აღარავის ეყრება, ცოდვა არის, რომ ტყვილად გაფუჭდეს და ამისთვის უმჯობესია საიქიოს გაიგზავნოს! გაიყვანეთ! მშვიდობით წარვედინ...“ მრავალი ენა გააქვსთ და ახმაზი თვალტყვემლოანი მისდევს უკან ბუტბუტით: ჰო, ჯამო,

და ჰოი. ზნეობანო!... მშვიდობით!... აქ ჩვენ უცხონი ვართ!“ მაყურებლები აცილებენ ვალობით: „განუსვენოს იქ, სადაცა მართალთა სულნი განისვენებენ“.

მსაჯული. (მოუბრუნდება ნებიერსა და მბრუნავს) რახანც რომ ის ახირებული მათუსალა ვავისტუმრეთ, აწ თქვენ ორზე მოდგა საქმე: რომელი რომელს უჩივით და რას?

მბრუნავი. მე, ბატონო, არც არაეის უჩივი და ტყვილა ნურც ვინმე მიჩივა.

მსაჯული. მაშ თქვენ სჩივით?

ნებიერი. დი... ა...ხ! მე ვახლავარ გულნაკლებადა და მე ვჩივი!

მსაჯული. რას?

ნებიერი. რასა-და, აი, შენ ხარ ჩემი ბატონი, და ამასა, რომა გადმოეხეტა კორტოხსა იმერული ენა და აღარ გვასვენებს, იმერულად უქცევს კილოსა!

მსაჯული. მართალია? (მოუბრუნდება მბრუნავს)

მბრუნავი. კი, ბატონო! მაგას რაღა კითხვა უნდა: თუ იმერული ენაა, იმერულად უნდა უქციოს კილო, აბა, როგორ იქნება! ეგ იმას ჰვავს, რომ ავიჩემოთ: მტრედი, იმერეთიდან მოფრენილი ტფილისში, რატომ მტრედობს და არა ყვაგობსო.

ნებიერი. აი, ბატონო, არ კი მოგახსენეთ, რომ ენა ქართული წარყენეს იმერულითა მეთქი! ეხლა ხომ თქვენცა ხედავთ, თვითონაც გამოტეხილია!...

მბრუნავი. იმე, ვაჟო! ქვე რა უყოთ მერე! შენ ეს გვიბრძანე, თუ რითია ცული ენა იმერული! რას უწუნებ?

ნებიერი. (სიცილით) როგორ თუ რას ვუწუნებთ! იმასა, რომა არ არის ქართული და არც მწერლობაში შემოსალებია, მაგალითად სასაციონონი არ არიან ეს ლექსები: „კი, ქვე, იმე, ვაჟო, შუკა, ყვინთი, ყე, ცხიკება“ და სხვა?...

მბრუნავი. მაგ სიტყვების დაწუნების კი რაღა უნდა მოგახსენოთ. ეგენი რუსთველსა აქვს ნახმარები თავის „ვეფხისტყაოსანში“ და იმას გარდაც სხვა ძველი დროის მწერლებიც ხმარობენ.

ნებიერი. რა უყოთ მერე, და! ეგ კიდევ არაფერს შეადგენს. მართალია, ეგ სიტყვები უხმარია რუსთაველსა, მაგრამა ეგ იმას ჰნიშნავს, რომა იმას კარგათ სკოდნია ყველა მაზრების ენა და ხმარობს მათ ისე, სხვათა შორის, და არა ვერთაცა ნამდვილ ენასა და ენის სამკაულსა.

მბრუნავი. ვინ მოგახსენათ? აი, ეგ რას ნიშნავს: იმ დროს, როდესაც რუსთველი არსებობდა, საქართველო შეადგენდა ერთს სამეფოს და არ იყო განაწილებული სხვადასხვა სამთავროებად; ენაც

ერთი ჰქონდათ, ე. ი. ის ენა, რომელიც რუსთველს უხმარია. შემდეგ საქართველო დაეცა, განაწილდა სამთავროებად სამეფო; ხშირად ერთი სამთავრო იყო ხოლმე გარეშე მტრის მონებისა და გავლენის ქვეშ მაშინ, როდესაც მკორე თავისუფლად რჩებოდა ამგვარად დამონებულს სამთავროში რომელიმე ქართული ლექსები იკარგებოდა და მის ხაცვლად სხვა უცხო სიტყვა შემოდიოდა მაშინ, როდესაც დაუმონებელ სამთავროში კი რჩებოდა ის სიტყვა. ასე ამგვარად შეიფარეს თავი სხვადასხვა სიტყვებმა საქართველოს სხვადასხვა კუთხეებში და სამთავროებში. დღეს ჩვენი ვალია, რომ ის სიტყვები მოვაგროვოთ და შემოვიტანოთ ენის საუნჯეში და არა გავდევნოთ მხოლოდ მისთვის, რომ იმ ლექსს ქალაქში კინტოები არ ხმარობენო...

ნებიერი. (გაცხარებით სიტყვას აწყვეტინებს) მაგას ჩვენ არ დავსდევთ! აბა, რა სიტყვაა, თქვენსა მზესა, „კი!“ მაშინ როდესაც ჩვენ ვხმარობთ უკეთესს ლექსს: „დიახს?!“

მბრუნავი. ვინ მოგახსენათ, რომ უკეთესიაო? ცუდი მაშინ იქნებოდა სიტყვა „კი“, რომ ქართული ენის კანონებს ეწინააღმდეგებოდეს... სიტყვა „დიახ“ ნიშნავს დასტურის მიცემას. აგრეთვე სიტყვა „კარგი“ ხშირად ნიშნავს ლაპარაკის დროს დათანხმებას და დასტურსა. ქართული სიტყვები ხშირად მოითხოვენ დაქარაგმებას შესაბამისობადად; ასე რომ მრავალ მარცვლოვანი ლექსი ხდება ერთ-მარცვლოვანად. ეს ენის თვისება არის. ამავე ენის თვისების ძალით, სიტყვა „კარგი“ მოკლდება და იცვლება ჯეო „კაი“ და კიდევ უფრო შემოკლებით „კი“. აქედან სჩანს, რომ სიტყვა „კაოგი უქარაგმით და ქარაგმნიანი „კაი“ და „კი“ ერთი არიან. მაშასადამე იმერული „კიც“ ისეთი დასტური ყოფილა, როგორც თქვენი „დიახ“ და მაშ გაქიაცლებულს სიტყვას „დი...ახ ..ს“ რითი ვერ უტოლდება იმერული „კი“. მაშინ როდესაც დანიშნულება ორივესი ერთი და იგივეა და ძალაც ერთი აქვთ? ამნაირათვე შემოკლებული არიან: „ქვე“, ე. ი. ქვეში, „ყე“ ე. ი. ყველივე და სხვანი; მაგალითად, თუ ერთს კაცს აგზავნიან სადმე, მთიული იტყვის: „გავგზავნე“ და თუ მრავლობითი რიცხვით უნდათ სთქვან, რომ ბევრი გავგზავნეო, მაშინ იტყვის: „გავგზავნე-ყე“, ე. ი. ყველა გავგზავნეო.

ნებიერი. „იმე“ რაღა არის?

მბრუნავი. თუკი „აჰმე“ შეიძლება ითქვას „უიმე“, „ოჰმე“, რატომ „იჰმე“ ანუ „იმე“ აღარ ითქმის?

ნებიერი. „ვაეო“ რაღა სიტყვაა?

მბრუნავი. ის, რაც „შვილო, ანუ ბიჭო!“... ბიჭო არის ფარსული ლექსი, ნიშნავს ჩვენებურად „შვილოს“ და, თუ კი თქვენ ბიჭოს ხმარობთ, ე. ი. შვილოს, რატომ ჩვენც არ ვიხმაროთ, უფრო ნამდვი-

ლი სიტყვა „ვაჟო“, მაშინ, როდესაც ეს ნიშნავს შვილს მამრობითი სქესისას?...

ნეზიერი. თქვენ რომ ცხვირის დაცემინებას „ცხიკებას“ ეძახით, რა არის?

მბრუნავი. ის, რომ ცხვირის დაცემის დროს კაცი ცხვირიდან უშვებს ისეთ ხმას, რომელშიაც ისმის „ცხი“ და აქედან ხმის მიბაძვით შესდგა ლექსი „ცხიკება“.

ნეზიერი. კარგი და, „თვლემს“ მაგიერ რომ „ყვინთავს“ ამბობთ, კარგია?

მბრუნავი. რატომ არა? - ჩვენ ორივეს ვხმარობთ, როგორც „ყვინთავს“ ისე „თვლემას“; თვლემას მაშინ ვიტყვი, როდესაც კაცს თავი უძევს რამეზე და მარტო თვალებსა ჰხუჭავს, და როცა ზის, თავს ველარ იმაგრებს ძილ-მოსვლაზე და ხშირად ჩაჰკიდებს ხოლმე თავს, იმას ვეძახით „ყვინთავს“. აი, ეს საიდან წარმოდგა: როდესაც წყლის ფრინველი წყალში ჩაჰკრავს უეცრად თავს, იმას ყვინთი ჰქვია და, მისი შედარებით, ძილმოსული კაცი რომ თავს ჩაჰკიდებს, „ყვინთავსო“ იტყვიან, ე. ი. როგორც ბატი ან იხვი წყალში, ისე ჩაჰყოფს ხოლმე ძირს თავსაო...

მსაჯული. თუ შეიძლებოდეს, გაჩუმიდით! აქ მაგგვარი ბაასის დრო აღარ არის. გარედან რაღაც ხმაურობა მოიხმის და უმჯობესია ჯერ იმას დავუდლოთ ყური...

(ყველანი ზეზე წამოდგებიან და უგდებენ ყურს მესტიერის ხმას. მესტიერე სტიერის უკრავს და ზედ ამღვრებს)

მუხრანიდან ჯარი მოდის, წყალივითა იწყობ დენა, მუხრან-ბატონი სარდლად ჰყავს, უნდა თავის გამოჩენა, ქართლ-ბატონს შემოსწყრომია, უფიცნია მილლა ზენა: რამ მოყვრობით არ დაზოგავს, უნდა ამოგლიჯოს ენა! მისი რისხვა და მუქარა ქართველ-ბატონს მოეხსენა.

გაჯაერდა და თან გაჰკვირდა: „რა გვაქვს საჩხუბარი ჩენა? თავის გვარი როგორ დაჰგმო, რჯული როგორ შეაჩენა? რა ფათერაკს შეხვდომია! რა ეშმაკი მოეჩვენა?..“

რომ სულ უმიზეზოდ შფოთავს და აღარც ჩვენ მოგვასვენა? შემეგროვეთ, რაც მყავს ჯარი, მივეგებო ცხენდაცხენა.

რომ გაჩუმიდეთ, არ ივარგებს, რადგანც უნდა ჩვენი წყენა!“ ასე ბრძანა ქართლ-ბატონმა და ზედ ცხენი მიაჰქენა!

მოეგება მომავალსა, თავს უჩვენებს აწ დამხედურად.

მოაძახა: „მოლალატევ! ფუ, ვერ გხედავ ძმისა ძჰურად!

გული გესლით აგიესია, ნათესაის დასამდურად!

მომის სისხლში ხელს თუ ისერი, მაშ დავხედები მეც მეფურად.

სასიკვდილოდ გაგიმეტებ, ნულა გიკვირს ჩემგან ნურად;
 ერთს ანდაზას მოგაგონებ, საგულისხმოდ იხვენ ყურად!
 ძმის გაწირვა, მტრის მიდგომა, არ გეთვლება სამსახურად.
 ტყვილა ნუ ვწყვეტთ მაგდენ ჯარსა, ცუდად სისხლის მოსაწყურად:
 თუ გულს გერჩის, ჩვენ შევებათ ერთმანეთსა, სჯობს, კახურად".
 მუხრან-ბატონს გაეცინა და უთხრა: „ეგ რა სჩმახეო!
 შეც ქვეყნის ტოლი კაცი ვარ, და სუსტად ვით დამსახეო?
 რაც დღეს შენ ჭირი მოგადგეს, ის შენს თავსევე დასძახეო.
 რათ მაგზავნიდო სხვა ქვეყნად, რათ შემიცვალე სახეო?
 იქ მე მასწავლეს ხერხები და ათასგვარი მახეო;
 ვერ შემაშინებ მუქართ, გირჩევ, სხვა ვინმე ჰყახეო,
 თორემ ვერ მომაშლევიანებ, რაც გულით განვიძრახეო.
 სასაცილოა ევ თქვენი რალაც სიტყვები მკვახეო...
 უმჯობესია რომ დამრჩე... სხვა ენით დაიძახეო!“
 ქართლ-ბატონს ფერი ეცვალა, შეიქნა დაღონებული!
 რა ექნა, ჯარი არ ჰყავდა; მან დაუჩაგრა მას გული,
 რომ მომზრედ ვერვის ხედავდა, ყველასგან დავიწყებული!
 დაჯდა, საკინძი შეიხსნა, მოსთქვამდა გამწარებული:
 „ვაი, გავეკოტრდი, კრეზივით მე, ერთს დღეს გამდიდრებული.
 და აწ სიცოცხლე რად მინდა, დამმარხეთ გაშავდლებული!“
 ამ მოთქმაზე მთლად შეიძრა ქართლ-კახეთი, იმერეთი
 მოვადენ და მოახსენეს: ბატონო, დაგვეცა რეტი;
 მართალია, თქვენ მომზრედ დღეს არ ვარგივართ ჩვენ არც ერთი,
 მაგრამ შევილებს გამოგიზრდით, თუ ხელს მოგვიმართავს ღმერთი.
 მანამდი კი შოითმინეთ, ჭირს როგორმე გაუძელით;
 თორემ ჩვენ ყველას ყელს დაგვეჭრით და თქვენც გამოიჭრით ხელით;
 სჯობს, გერეთ ცოტას დასჯერდეთ, იმერლები იახელით!
 მართალია, მათგან შეველას და კურნებას მთლად ნუ ელით,
 მაგრამ არაობას ხომ სჯობს, რომ დაფრჩებით ცალუღელით?!“

პ ი ნ ბ მ

(1879)

კ ი ნ ტ ო

სამმოკმედებიანი კომედია-ხუმრობა.

მომკმედი პირები:

ილია.

სალომე—მისი ცოლი.

ალექსანდრე—სალომეს მეგობარი.

სამსონ—ილიას მეგობარი.

ალმასხანა—ილიას მოსამსახურე, იმერელი.

კინტო.

გეო

მანუა

თათუზა

} კინტოები

და მეზურნეები.

პირველი მოქმედება

სანახავი: მდიდრულად მორთული ოთახი ილიას სახლში, სავარძელში ჩასძინებული ალექსანდრეს.

პირველი გამოსვლა.

ალექსანდრე და ალმასხანა.

ალმასხანა (შემოდის. იჭით-აქვით იხედება და რომ შენიშნავს მძინარს) იმე! ქვე დაძინებია აგერ ამ მაიაცხოვრებულის შვილს!... უბოდიშო სტუმარი აპა ეს ყოფილა!—ჰმ... ქალბატონმა მიბძანა: „მოახსენე, რომ არსა წაბძანდეს... მომიცადოსო“ და რაღა ვქნა ახლა? თუ არ მოვახსენე, იმას ეწყინება, და, თუ მოვახსენე, უნდა გავალვიძო და, ვაითუ, ეს დალოცვილი გამიწყრეს. ჰე!... მარა ან-კი რა მოხსენება უნდა? სად წაგა მძინარი? (დააპირებს წასვლას და მერე ისევ მობრუნდება). კი, მარა, რომ გამოიღვიძოს და გამეპაროს, მერე ხომ წაუხდი კაცი?!... არა შენ... რათ ვიზამ ამას?!... თქვენ არ მომიკვდეთ, ფეხიც არ მოვიცვალო აქიდან, სანამდი არ გამოიღვიძოს: დაეჯდები და ვუყარაულებ, ისე შევაჩერდები, რავარც გასაწაფავ მიშინოს. (ჯდება სავარძელში) ვიფ, საყვარელო, რა კარგია დიდკაცობა!—დაბძანდი ასე რბილად, თბილად, ნე-ბიერად და იყავი შენთვის, სანამდი არ მოგეწყინოს... ამავი რომ კაცს ძილი მოუვიდეს, რაღა გეიმტყუნება? თვარა დეეგდები ძილივით ხმელ ფიცარზე, დაგეყეება გვერდები და, რაღა თქმა უნდა, რომ ძილი გაგიტყდება და მამლის ყვილს დაასწრებ წამოდგომას!... ვიფ! საყვარელო! (იხზორება). ბატონების სიზარბაცე სულ ამისთანა სკამლოგინების ბრალია, მე და ჩემმა ღმერთმა! რომ გინდოდეს, მინც ვერ წაართმევ თავს! (საკრავის ხმა მოესმის) ჩუ! (ყურს მიუჯდება).

იავ-ნანა, ვარდო-ნანა, იავ-ნანინაო,
 გაფუნჩულო, ახალ-ნორჩო, შენ პაწაწინაო!
 მაგრე ტკბილად, უდარდელად რამ დაგაძინაო?
 დედის მკერდში მიგივნია შენ ტკბილი ბინაო!
 დაიძინე, იავ-ნანა, ვარდო-ნანინაო!
 იავ-ნანა, ვარდო-ნანა! იავ-ნანინაო!

ალმასხანა. ჰე, ბატონო!... შეილებიც რომ სხვანაირი ებადებათ ამ დიდკაცებს: ერთი ამსიგძე (აჩვენებს თითოთ) ბალანაა და, თუ ორ-პირი „ნანინა“ არ მოახსენეს, ისე რაფა ინებებს დაძინებას! აი, ბეჭა, ჩვენი გლეხის შეილები!—ვინ ვასცემს ხმას, ბევრიც რომ იტყავლონ? ერთს წაურწვევენ: „აა-აა-აა-აა-ააო“ და მიაგდებენ განზე! მარამ, რომ ქვე იზღებთან ღვთის მადლით! (კიდევ მოისმის ნანინა:)

დაიძინე, გენაცვალოს შენი მშობელიო!
 ძუძუებში ჩაგივლია პაწაწა ხელიო.
 შენს ვაჟკაცობას მომასწრებს შე ღვთისმშობელიო.
 აგცილდეს სხვისი მონობა დამამზობელიო.
 თავისუფლების სხივები გულს მოგეფინაო.
 იაე-ნანა, ვარღო-ნანა, იაე-ნანინაო.

ალმასხანა. არა, რომ თქვას კაცმა, კაი ვასაგონი კი არის ეს „ნანინა“. უნდა დახუჭო თვალები ასე და უგდო ყური. (ხანგრძლივი „ნანინა“):

გაიესე და გაიზარდე, პატარა მთვარეო!
 შეისწავლე და შეიტკებ სამშობლო მხარეო!
 ანუგეშე, სადაც ნახო, მოძმე მწუხარეო!
 შეილო, მამულის გულისთვის სისხლიც დაღვარეო!...
 ჩვენ ძველებმაც მაგგვარადა მტერი აშინაო...
 იაე-ნანა, ვარღო-ნანა, იაე-ნანინაო!..

პაწაწინა იადონო და ვარდის კონაო,
 ყური უგდე, დაისწავლე ჩემი ნანინაო!
 თვალხილულად დაუკვირდი, იცან ქვეყანაო,
 რომ გაიგო ამ სოფლისა ცრუ გამოცანაო,
 მაგრამ ჯერ კი დაიძინე, ადრეა განაო?
 იაე-ნანა, ვარღო-ნანა, იაე-ნანინაო.

ალექსანდრე. (იღვიძებს ალმასხანას ხერინზე). უჰ! რა ტკბილად ჩამძინებია! ეს პირველი შემთხვევაა, რომ ჩემს ხერინს გამოვეღვიძებო (მოისმის ხერინი) აჰ! ეს ვინ წამოპლაკულა აჰ? ეი! ვინა ხარ შენ?

ალმასხანა. (წამოფარდება უცბად და იფშვნეტს თვალებს) ვუი, ამ ჩემს თავს!... უკაცრავად, შენი ჭირიმე! ჩამყვინთებია ცოტა და...

ალექსანდრე. არაფერია, ვინა ხარ, ჩემო ძმაო?

ალმასხანა. ალმასხანა ვახლავარ, ბატონო!

ალექსანდრე. ვინ ალმასხანა?

ალმასხანა. ჰმ!.. ალმასხანა, ბატონო.

ალექსანდრე. (თავისთვის) ე რა ცეტი ყოფილა! (აღმასხანას) იმე-
 რელი ხარ?

აღმასხანა. აჰა ვინ უნდა გახდეთ, ბატონო?!

ალექსანდრე. კეთილი! შინაური ხარ, თუ გარეული?

აღმასხანა. ფხხუუუ!...

ალექსანდრე. რას იცინი?

აღმასხანა. ხუმრობთ, ბატონო, და რავე არ გვეიცინო?

ალექსანდრე. როგორ თუ ვხუმრობ?

აღმასხანა. აჰა, ბატონო, გარეული რა... ფხხუუუ!... კატა ხომ
 არა ვარ?!...

ალექსანდრე. რას ამბობ, კაცო? მე მინდა შევიტყო: აქაუ-
 რი ხარ, თუ არა?

აღმასხანა. რავე, ბატონო, აქაური?

ალექსანდრე. ჰო, აქ მსახურებ, თუ სხვაგან სადმე?

აღმასხანა. მივხვდი, ბატონო, მივხვდი!... აქაური!!...

ალექსანდრე. მოსამსახურედა ხარ?

აღმასხანა. აჰ, არა, ბატონო! ლაქიად!!

ალექსანდრე. პირველად გხედავ.

აღმასხანა. კი, ბატონო! დიდი ხანი არ გახლავსთ, რაც აქ გა-
 ხლავარ.

ალექსანდრე. ადრე ვისთან იყავ?

აღმასხანა. ერთ ვაჟარს ვუდექი, ბატონო.

ალექსანდრე. ლაქიად?

აღმასხანა. ყოლიფრად, ბატონო.

ალექსანდრე. ბეგრს გაძლედა?

აღმასხანა. თუმანს, ბატონო, თვეში.

ალექსანდრე. აქ?

აღმასხანა. აქ, ბატონო, ხუთად გახლავარ.

ალექსანდრე. მერყ და თუმანი ხუთ მანეთში გასცვალე?

აღმასხანა. ასე იქნა, ბატონო, და მაინცა და მაინც არ ვნალ-
 ვლობ: იქაურ თუმანს აქაური მანეთი მიჩივენია, თუ მართალს მა-
 თქმევენებთ.

ალექსანდრე. რათა?

აღმასხანა. რათა და მათა, რომ ის თუმანი არც კი მყოფნიდა
 საკმელში.

ალექსანდრე. ჰო, შენი ხარჯით იყავი?

აღმასხანა. არა, ბატონო, მარა სულ ერთი გამოდიოდა: ჰურს
 მისხლობით გვაძლევდენ და ღვინო ზიარებაც არსად იყო და ხორცი
 ან თებზი... მარა ან-კი რავე უნდა მოგახსენოთ? უკაცრაული პასუ-

ზია, მისთანა მყრალი იყო ხოლმე, რომ ძალიან წუწკი კატა არ გაუვლიდა სიახლოვეს, თვარა კბილს რავა დააკარებდა?!... უწმინდური ჰურის ქამა ჰქონდათ, ფუ... ოხრათ დარჩეს კაცს იმისთანა სიმდიდრე!...

ალექსანდრე. აქ?

ალმასხანა. ჰმ!... აქ, ბატონო? ყელში ამოგვდის... ოხრათ გვეძლევა ყოლიფერი... ამას გარდაც, ბატონო, ჩემ საქმეს აქ უფრო ვეწევი.

ალექსანდრე. რა საქმეს?

ალმასხანა. განა ფულისთვის კი არ ჩამოვსულვარ აქ, ბატონო!... ასეთი აზნაურიშვილი გახლავარ იმერეთში, რომ თქვენნი მოწონებულნი! წიგნის სასწავლებლად გიახელი.

ალექსანდრე. ლაქობაში?

ალმასხანა. კი, ბატონო. ჩვენში ვინც კი რამე იცის, სულ ლაქობაში არა აქს ნასწავლი?

ალექსანდრე. ბევრსაც მოასწრებდენ.

ალმასხანა. რატომ, ბატონო? ვისაც კი გულისყური ემარჯვება, იმდენს კიდევ ისწავლის, რომ გაზეთებში სწეროს და წიგნები გამოსცეს და, ვინც დაღანდალაა, არც ის დარჩება ხელცარიელი: სულ რა არა იყოს-რა, ადვოკატად კიდევ მაინც გამოდგება.

ალექსანდრე. მართლა? (იციინს) კარგი დაგემართოს!... მაგრამ, თუ მაგრე სურვილი გაქვსთ სწავლის, რატომ სასწავლებელში არ შედიხართ?

ალმასხანა. კაი შენ! მარა ვინ მიგასუნებია?!... თუ რუსული არ იცით, ტყვილა ნუ გაუვლით სიახლოვესო სასწავლებელს! და, თუ კი ნასწავლი ვიქნები და ყოლიფერი მეცოდინება, მაშინ, მამა უტახონდა, მე რუსს კი მივეკარო!... ფრანცუკთან მივალ.

ალექსანდრე. რადგანაც მაგისთანა სურვილი გქონია სწავლის, მოდი ჩემთან და მე გასწავლი.

ალმასხანა. ვაი, ბატონო, ვინ იქნება მაგისი ღირსი!? ადრე მენახეთ და მცოდნოდა, თქვენ თავს კაცი ველარ მომაშორებდა... მარა, ახლა კი...

ალექსანდრე. ახლა რაიო?

ალმასხანა. ქალბატონს ველარ ვუღალატებ, შენი ქირიმე.

ალექსანდრე. როგორ?

ალმასხანა. მის ხელში ვარ, ბატონო. შვილივით მზდის... ნასწავლის, რაც შეიძლება!

ალექსანდრე. კარგი სწავლება იცის?

ალმასხანა. ვე! მოგეცათ ღვთის წყალობა!... მთლათ მოლაყრუ რომ იყოს კაცი, მაინც შეავონებს.

ალექსანდრე. მაშ, კარგი საქმე მოგვლია!

ალმასხანა. ღმერთმა კაი მოგცესთ! არა, ცოტა ახლა ვერ ბძანდება გუნებაზე ვაქბატონის გამოისობით.

ალექსანდრე. როგორ?! განა ვაქბატონი ცუდი კაცია?

ალმასხანა. არა, ბატონო! ღმერთმა კაი მოგცეს, კაი კაცი ის იყოს, მარა...

ალექსანდრე. მარა?

ალმასხანა. მარა... ნუ მათქმევინებთ, რომ არაფერი წამცდეს, შენი ჭირიმე.

ალექსანდრე. არა უშავს-რა! სთქვი!

ალმასხანა. ნუთ! შენი ჭირიმე, ნუ მათქმევინებთ, თვარა არ ივარგებს.

ალექსანდრე. რა უჭირს?

ალმასხანა. იპ, ჩემად რომ გახმაურდეს შინაური საქმე, მაშინ ხომ გამიტყდება ნამუსი და გამიშრება პირის წყალი!—წყალში თუ გადავვარდები, თვარა ზეზე დასადგომი პირი აღარ მექნება.

ალექსანდრე. არა, ნუ გეშინია! არავინ გაგამხელს!...

ალმასხანა. ვაი თუ მცდიდეთ, ბატონო?!

ალექსანდრე. არა, ჩემმა მხემ! ეგ როგორ იქნება!

ალმასხანა აპა, ბატონო, კაცი კარქია, მარა ცოტა პლუტობა დაჩემდა.

ალექსანდრე. პლუტობა?

ალმასხანა. კი, ბატონო! არ ვიცი ჯადო-ნაქნარია, თუ შელოცვილი, მარამ პლუტობს კი... ძალიან პლუტობს!...

ალექსანდრე. როგორ?

ალმასხანა. რაღა ბატონო და შინ აღარ დგება წუწკ კატასავით. ამ დიდებულ ოჯახს, ამ მდიდარ სუფრას მიატოვეს ხოლმე და გარბის საღდაც საპლუტოთ.

ალექსანდრე. რა იცი, რომ საპლუტოდ? ეგებო საქმე აქვს?

ალმასხანა. ვნახე, ბატონო, ვნახე! ჩემი თვალით ვნახე ამას წინეთ ორთაქალისკენ გახდით და იქ ვნახე ბალში.

ალექსანდრე. რა ეუყოთ მერე?

ალმასხანა. პპ! რაღა რა ეუყოთ, შე დალოცვილო?!... ჩამუდარიყო იქ კოტრებში და ერთი ყოფა ჰქონდა. დაფა-ზურნის ჭიქყინით ყურთასმენა აღარ იყო.... პლუტებში ისე ირჯებოდა, რავარც კაი შინოურობაში. შორიდან მივაუფროთხე და წამოვედი ჩემთვინ.—არა, რაღა ეკადრება დიდკაცის შეილს პლუტებისა და კოტრების აყოლა?... მე რომ ერთი უბრალო კაცის შეილი ვარ, მეც არ ვიკადრებ იმას!...

ალექსანდრე. მერე?! ქალბატონისათვის ხომ არ მოგიხსენებია?

ალმასხანა. ჰმ, ბატონო, რა საინახრობლო იქნებოდა!... ისეც გულგახეთქილია.

ალექსანდრე. მაშ, კარგი! ახლა წადი და მოახსენე, რომ აქა ვარ.

ალმასხანა. კი ბატონო. (მიდის; შერე მობრუნდება) თქვენი კირი-მე, არ გამკეთ კი! არ გამომჭრათ ყელი, თვარა, თუ ქალბატონმა გეიგო ეს ამბავი, წავიხდეს მტერი, მე წავხდე და გავფუქდე. ისე გამიტყდება ნამუსი, რო კორტოსს აქეთ აღარ დამედგომება.

ალექსანდრე. არა! არა! ნუ გეშინია!...

ალმასხანა. ჰა! თქვენ იცით!... თქვენ ხელშიდა ვარ და... (მიდის, კარებთან შეფუთება სალომეს, უცბად გახტება განზე, ვითომ გზას უტევს) ვიჰ! ჩემს თავს! (მიდის).

მეორე გამოცვლა.

ალექსანდრე და სალომე.

სალომე. (მოუახლოვდება) უკაცრავად, ალექსანდრე, რომ ამდენხანს გაცდევინე! პატარა გამიჭირვეულდა და ეს-ეს არის ძლივს დავაძინეთ.

ალექსანდრე. (ღიმილით) მესმოდა თქვენი „ნანინა“, ძილში ჩამესმა!... აგრეა, ჩემო სალომე: ქალი რომ დაქმარშვილდება, „ნანინაც“ უნდა ისწავლოს და „ძილისპირებიც“: ერთი შვილებისათვის დასკირდება და მეორე კი ქმრისათვის. მაგიერად იმასაც „მზეშინას“ ეტყვიან ხოლმე. ასეა... ადვილი არ არის ოჯახობა.

სალომე. ადრე მაგრე არ მეუბნებოდი?!... შენ არ ამტკიცებდი, რომ ქალი ოჯახის გვირგვინია და ქმარშვილი კი ქალისათვის სიტკობებო?

ალექსანდრე. განა, მართალი არ არის?

სალომე. ეჰ, ეგ მართალია, მაგრამ ვაი რომ ხანდახან ბოლოსი გამწარდება ხოლმე.

ალექსანდრე. როგორ? წყალი ხომ არ შემოგპარვიათ შენ და შენს ქმარს, ქალო?

სალომე. არც უმისობაა. მეხარება თქმა, მაგრამ ვილას უნდა შევიჩვილო ჩემი მწუხარება, თუ არა შენ? აგერ რამდენი თვეა, რაც გული აიცურვა ოჯახზე. ხელი აგვადო და დასანახავადაც ვეჯავრებით. მისთვის აღარც ცოლია და აღარც შვილი.

ალექსანდრე. ახალი რამ მეგონა!... ეგ ხომ დიდი ხანია ვიცით, მაგრამ, ნუთუ ამდენ ხანს კიდევ ვერ მოიკლა ჟინი?

სალომე. რა ბრძანებაა?! თავისას არ იშლის!

ალექსანდრე. მერე, შენ ხომ არას ესაყვედურები? ეგებო თავს აბეზრებ და ან...

სალომე. რა პასუხია! — ჩემგან ალერსისა და მორჩილების მეტი არა უნახავს—რა, მაგრამ რა გამოვიდა?... რალაც უცნაური ხასიათები დაიჭირა.

ალექსანდრე. ჰმ! იცი, რას გეტყვი: ძალიან კარგადა შერები, რომ არაფერს ეუბნები! ყოვლად შეუძლებელია, რომ ჭკვიან ქალს ქმარი ხელიდან წაღვიდეს, სადაც უნდა იყოს, ადრე თუ გვიან, ერთხელაც არის, ოჯახს დაუბრუნდება.

სალომე. გენაცვა, როდისლა? სიმრთელე და სიჭაბუკე გარეთ დახარჯოს და სნეულება და სიბერე კი შინ დამიბრუნოს?!...

ალექსანდრე. არა, სალომე, შენი ქმარი იმგვარებთავანი არ არის! იცი, მაგას რა მოუვიდა? იმ ხანში შევირთო, რომ ჯერ კიდევ არა ჰქონდა მოკლული ქაბუკობის უინი, და ეგ ისეთი აუცილებელი ვალი რამ არის ადამიანის ბუნებაში, რომ, ადრე თუ გვიან, უნდა გამოსცადოს კაცმა. ეგეც მალე მოიკლავს მაგ უინს, დაგიბრუნდება და, უსაყვედუროსა და ალერსიანს რომ გნახავს, გაგიორკეცებს სიყვარულსა და პატივისცემას.

სალომე. სანამდე ეგ საძაგელი სამსონ გვერდში ეყრლება, მე იმედი არ მექნება.

ალექსანდრე. როგორ? განა სამსონმა ეგრე ჩაიგდო ხელში?

სალომე. რა ბრძანებაა! უმისოდ წყალსაც ვერ აქცევს.

ალექსანდრე. აქამდის აკი მისი მტერი იყო?—დღეს რალა მოსვენება?

სალომე. დღესაც მტერია, მაგრამ ანგარიში აქვს... უფრო ჩემი მტერობით ირჯება.

ალექსანდრე. განა ადრინდელი სიყვარული მტრობად შესცვალა?

სალომე. იმ! იმას სიყვარულის რა გაეგება?... ადრეც უინი აბრაზებდა და ახლაც ის აბოროტებს: ჩემთან რომ ველარა გააწყორა, ახლა უნდა, რომ ქმარი ჩამომაშოროს.

ალექსანდრე. მართალს ამბობ?... ეჰე!...

სალომე. ჭა! ილაჯს მიწყვეტს. დღე ერთია და იერიში ათასი! ვეტყობი ქმარს, მაგრამ ჯერ ერთი ესა, რომ რა რიგია დედაკაცი-საგან ამგვარად მოქცევა და მეორეც ის, რომ განა ჩემი ქმარი დაიჯერებს იმაზე ცუდს რამეს?

ალექსანდრე. ჰმ! ვერა ჰხედავთ იმ საძაგელს?!... ახლა რას ამბობ? კიდევ არ გინდა დამიჯერო, რომ ისე მოიქცე, როგორც მე გირჩევ?

ხალომე. მეტი რაღა გზაა, უნდა ვავებდო და ისე მოვიქცე, როგორც მიჩნევ; მაგრამ, რომ იცოდე, თუ რად მიღირს მე მაგის გაბედვა...

ალექსანდრე. გაბედე! მაგას შენი ოჯახის ერთგულება მოითხოვს! მაგაზე არაფერს დაგძრახავს. და ჯერ შენც ისევე ისე აღერსიანად იყავ იმასთან, როგორც ყოფილხარ; რაც გითხრას, მოუსმინე! ნურას შეამჩნევენ და იმასობაში ჩვენი აზრიც... (უცბად შემოაღებენ კარებს და შემოვლენ ილია და სამსონ) აი, შენი ქმარიც!...

მესამე გამოცვლა.

ისინივე და ილია და სამსონ.

ილია. ოჰ, ალექსანდრე! კარგი, რომ აქ მაინც მოგასწარ: დღეს სულ შენს ძებნაში ვართ.

ალექსანდრე. ეე! რა ამბავია?

ილია. მერე გეტყვით (შეხდავს ცოლს).

ხალომე. (ალერსიანად) მოხვედი?

ილია. (ცოვად) ვერა შეხდავთ?

ხალომე. ევებო პური არ გექამოსთ ჯერ! ხომ არ ინებებთ?

ილია. (უცმაყოფილოდ) რაღა დროს პურის ჭამაა?!

ხალომე. აბა, იქნება, ჩაი მაინც მიიზრთვით?

ილია. (გულმოსული) რას ჩაგვაცვივდით?! ცოტა ხანს თავი დაგვანებეთ, თუ შეიძლებოდეს! მოსასხენებელი რამა გვაქვს.

ხალომე. ბატონი ბრძანდებით (მიდის).

ილია. (წამოვარდება და დადის ჩქარის ნაბიჯით) უჰ! „ხომ არაფერს ინებებთ“, „მორბანდით“, „ბატონი ბრძანდებით“, — უჰ! რა კარგი ვასავონია!...

ალექსანდრე. რა ამბავია? უქეიფოდ ხომ არა ხარ?

ილია. რაღა ამბავი უნდა იყოს? ვერა ჰხედავ?... ის, რომ სიცოცხლე მომბეზრდა!... უბედური ვარ!... უბედური!...

ალექსანდრე. რას ამბობ? ღმერთმა დაგიფაროს!... ხომ არ გაგიყდი?!...

ილია. აბა, სხვა რაღა დამემართებოდა ჩემი ცოლის ხელში?

სამსონ. მართალია, ქეშმარიტად!

ალექსანდრე. (გაკვირვებით) ცოლის ხელში?

ილია. დიას, ცოლის ხელში! ნეტავი გულზე ქვა შემება და ეგ კი არ შემერთო.

ალექსანდრე. რას ამბობ?! ძალას ვინ გატანდა?

ილია. სიბრიყვე. მაგის ხასიათებს ეშმაკიც ვერ გაუძლებს.

სამსონ. ძნელია!

ალექსანდრე. რაღაც საშინელება უნდა იყოს! უთანხმოება ხომ არ შეგიჩნევია?

ილია. ნეტავი მართლა ეგ იყოს, მეტი არაფერი! ეგ ასე არ შემეწუხებდა, მაგრამ განა მაგისტანა ლობიო მოახერხებს კი უთანხმოებას?! უჰ!...

ალექსანდრე. მაშ, რა უნდა იყოს? არ უყვარხარ?

ილია. ნეტავი მაგას კი მოვესწრებოდე და!... რად მინდა მაგისი სიყვარული?!

ალექსანდრე. კაპასია? თავხედობს? არ გემორჩილება? გაწუხებს? თუ...

ილია. არა! არა! არა! და არა!

ალექსანდრე. მაშ, რაო?

ილია. ის, რომ უხასიათოა... რად მინდა მაგისტანა ცოლი, რომ ოცდაოთხი საათი თვალეზში შემომცქეროდეს კატასავით: რა ვუთხრა და რა ვაამოო!... მისმა ალერსმა თავი მომაბეზრა. სიცოცხლე არაფერში არ ეტყობა... რად მინდა მაგისტანა ცოცხალ-მკვდარი ცოლი?!

სამსონ. და ეს, ჩემის აზრით, მისი ბრალია, რომ ქმარი არ უყვარს. მუდამ ერთნაირობა გულგრილობის ბრალია და გულგრილობა კი უსიყვარულობამ იცის.

ილია. ხომ გესმის? ე რას ამბობს სამსონი? იმას რომ სიყვარული ჰგონია, ის განა სიყვარულია? ისე სასამელ-საკველი უნდა უყვარდეს კაცს, ტანსაცმელი და არა ქმარი. გუგულივით მშვიდობიანი ქალები განა ქალებად ჩაითვლებიან?

ალექსანდრე. რა ჰქნას. თუ ეგ მისი ბუნებითი ხასიათია?... თან-შობილი!

ილია. და მეც რა ვქნა, თუ არ მომწონს ეგ ხასიათები და ვერ შევეთვისე?

ალექსანდრე. განა აღრე არ იცნობდი?

ილია. მაშინ... მაშინ სხვა იყო. მაშინ შორიდან მომწონდა და ახლა კი ახლოს აღარ მომწონს.

სამსონ. და ხომ შეიძლება, რომ ასე იყოს? კაცი ხომ ყოველთვის ერთს ხასიათზე არ იქნება: დღეს ერთი რამ მოსწონს და ხვალ მეორე... მანდ დამნაშავე არავინ არის.

ილია. დიახ, არავინ არის! არც ჩემი ბრალია, რომ მე მისი ხასიათები არ მომწონს და არც მისი, რომ იმას მისთანა ხასიათები აქვს.

ალექსანდრე. ეგ აღრევე უნდა გეფიქრა, ახლა გვიანდაა!...

ილია. შევეცი და რაღა გაეწყობა!...

სამსონ. განა, ერთხელ რომ შესცდება კაცი, აღარ უნდა გაასწოროს ის შეცდომილება? თავისი სიცოცხლე სულ ტანჯვაში და სინანულში როგორ უნდა გაატაროს? არა სჯობიან, რომ ერთხელაც არის გაბედოს და გადაარჩეს კიოს?

ილია. დიახ! პატიოსნება მოითხოვს, რომ არ ვატყუებდე ჩემს ცოლს: მე მისი სიყვარული აღარა მაქვს და აღარც შემიძლია იმასთან ცხოვრება. აი, ეს სახლი, ეს კარი, ეს სიმდიდრე, სუყველა ღმერთმა მოახმაროს და ჩემგან კი აილოს ხელი. ავადაც დამეხსნას და კარგადაც. თუ მაინცადამაინც უნდა, ქვეყნის დასანახავად დავრჩეთ ცოლ-ქმრად და ისე კი ჩვენ-ჩვენთვის ვიყოთ!... რაც უნდა ჰქნას! ვინც უნდა, ის შეიყვაროს! ნება ექნება!

სამსონ. აი, პატიოსანი სიტყვა! მეტი რაღა უნდა?

ალექსანდრე. მართლა ამბობთ მაგას? მაშ, გადაგიწყვეტიათ კიდეცა?

ილია. დიახ. და ნიტომაც გეძებდი, რომ ესეები მეთქვა შენთვის და ეს წიგნიც გადაგეცა მისთვის.

ალექსანდრე. რა წიგნია?

ილია. აქ მოკლედ ვეუბნები ყველაფერს და ვეთხოვები კიდეცა... შენი გაზრდილია—შენ უფრო კარგად აუხსნი და შეაგონებ... ყმაწვილია... მებრალემა კიდეც. მაგრამ რა ექნა, რომ მეტი ღონე აღარ არის!...

ალექსანდრე. (შამაყოფილად). მე მაგვარ მახარობლობას ვერ ვიკისრებ!

სამსონ. მე მიბოძეთ!... მაგისთანა შემთხვევაში უსიამოვნებას განა როგორ უნდა მოერიდოს კაცი?... მეგობრის გულისათვის, ეგ კი არა, წყალში ვარდებიან.

ალექსანდრე. ისემც კარგი დაგემართოს!... განა არ ვიცი, რომ მეგობრობა გწამს და იცი. მშვიდობით! (ეპირება წასვლას)

ილია. მომიტომინე! მეც მოვდივარ და ერთად წავიდეთ ბარემ. (სამსონს) აბა, აი, შენ გადაეცი და პირადაც ყველაფერი უთხარი. ნურას დაუფიცავ. აუხსენი შენებურად!

ალექსანდრე. მაგაზე რაღა თხოვნა ეპირება?!... თავისებურად აუხსნის!!

სამსონ. კეთილი! ბატონი ხართ. რაღა ბევრი თხოვნა მეპირება?!

ილია. მე იქ ბიჭს ვუბრძანებ: სალომეს მოახსენოს, რომ შენთან გამოვიდეს და მოგელაპარაკოს. საქმეს რომ მორჩე, მოდი, შემატყობინე! ხომ იცი, სადაც ვიქნები?

სამსონ. (მარტო) ჰე! თუ ახლაც ველარას გავხედი, შერე კი იმედი აღარაფრის მექნება!... ფრანკუზები ამბობენ: „ქორწინება სიყვარულის სამარეაო“. ეს კი არა და ცოლის შერთვა კი ქუჩის კუბო ყოფილა: რა მაგისტანა ქვეიანი კაცი იყოს, არ შეიძლება, რომ ცოლის შერთვის შემდეგ არ გამოტვირდეს, ცოტაც არის. თვალეზი ეხვევათ იმ უბედურებს!—მადლობა ღმერთს, რომ ასეა, თორემ... თუ ცოლიანებს თვალეზი არ ჰქონდესთ ახეუული, მაშინ უცოლოები სულ თავპირ-ახეუოლები იქნებოდენ.

მეოთხე გამოცვლა.

სამსონ და სალომე.

სალომე. (მიუახლოვდება მშვიდობიანად) ჩემს ქმარს უნებებია, რომ მოველაპარაკოთ, და რა გაქვსთ სათქმელი? არ შეიძლება გვიბრძანოთ?...

სამსონ. (ვითომ შეწუხებით) ქეშმარიტად, ის უსიამოვნო ამბავი, რომელიც ჩემგან უნდა გაიგონოთ, ისე მაწუხებს, რომ სიტყვის თქმა მეძნელება, მაგრამ რა გავწყობა. ეს პირველი არ არის, მარტო თქვენზე, და მასთანაც, რისიც გასწორება აღარ მოხერხდება, ის კაცმა მოთმინებით უნდა მიიღოს!...

სალომე. (აღება) თუმცა მაგგვარის ბოდიშებით, როგორცა სჩანს, სასიამოს არას შექადით, მაგრამ, რაც უნდა იყოს, მზადა ვარ, მოვისმინო!—ბრძანეთ.

სამსონ. აი, აქედან გაიგებთ! (აძღვეს წიგნს) ჯერ წაიკითხეთ!

სალომე. (კითხულობს) ჰმ!..

სამსონ. არ გიკვირსთ?

სალომე. სულაც არა! ეს ასე უნდა მომხდარიყო!... ეს ბოლო აუცილებელი იყო!... ისიც დიდია ჩემის ქმრის გულწრფელობისაგან, რომ ამდენს ხანს დაუფარავს და არა უთქვამს-რა... დიხა! მაგრამ მე მხოლოდ ის მიკვირს, რომ სამოციქულოდ გაუხდია საქმე: როდესაც ჩვენ სიყვარული გამოვუცხადეთ ერთმანეთს და ცოლ-ქმრობაზე პირობა დადევით, თუ-კი მაშინ არ დაგვკვირვებია შუაკაცი, დღეს რაღა საჭირო იყო? განა არ შეეძლო პირადად ეთქვა ის, რასაც ამ წერილით მატყობინებს, და ან თქვენის პირით რათ მიცხადებს?...

სამსონ. კაცი საზოგადოდ თავმოყვარეა: სასიამო ტვირთს თვითონ ეწევა და უსიამოს-კი სხვასა ჰკიდებს.

სალომე. მიკვირს, რომ თქვენ გიკისრნიათ მაგგვარი ტვირთი!..

სამსონ. მეგობრობას ველარ წაუყვდი!..

სალომე. თქვენ?! საუცხოოა! —ხა, ხა, ხა, ხა, ხა!

სამსონ. რას დამცინით?...

ხალომე. დაგცინით?! რასა ბრძანებთ? ვის შეუძლია დასცი-
ნოს იმას, ვინც არა თუ ერთი ვინმე მეგობარი, საზოგადოდ მეგობ-
რობაჲ უარპყო საქმით და სიტყვითაჲ-კი დასცინის?

სამსონ. მე შეუბნებით მაგას? ჰმ... რა გაეწყობა, უნდა მოვით-
მინო!... მაგრამ იყო დრო-კი, რომ მაგვარს ვერას გამობედავდენ!...

ხალომე. უთუოდ, როცა არც თქვენ აძლევდით მიზეზს.

სამსონ. ჰმ... მართალს ბრძანებთ!—კაცი რომ ჭკუას დაჰკარ-
გავს, დაბალი ლობე გახდება: ყველა გადააბიჯებს...

ხალომე. და სინიდისს რომ დაჰკარგავს, ამაღლებს?

სამსონ. განაგრძეთ! განაგრძეთ... მემართლებით... ყველაფრის
ღირსი ვარ დღეს, როდესაც ჩემი ქართველური გულწრფელობა ყი-
ზილბაშობაში გავცვალე, გავბოროტდი, გავშმაგდი, აღარ მაქვს
აღარც მეგობრობისა და აღარც ამხანაგობის გატანა!... მაგრამ არ
იცი თუ ვისი ბრალია?...

ხალომე. ვისი?

სამსონ. თქვენი!

ხალომე. ჩემი?!

სამსონ. დიახ, თქვენი: ერთსადიამავე დროს მეცა და ილიაც
ორნივე ერთად გიდექით გვერდში.. არჩევანში იყავით შესული. ის
აირჩიეთ და მე დამგმეთ! მაგრამ რისთვის? რითა მეჯობდა მე ის?
თვალტანად ვიყავი იმაზე ნაკლები და ჩემი ახალგაზრდობა საზოგა-
დოდ სხვაში რამეში ჩამოუფარდებოდა მისას? რაში მიეცით იმას ჩემ-
ზე უპირატესობა?

ხალომე. სიყვარულში.

სამსონ. სიყვარულში? ხა, ხა, ხა, ხა, ხა! და სად არის ის სი-
ყვარული? რა იქნა?

ხალომე. იყო და აღარ არის.

სამსონ. მაშ ძალიან მოკლე ზღაპარი ყოფილა!... ახლა ხომ
ხედავთ, რომ თქვენის წინდაუხედაობით მეც დამტანჯეთ და თქვენი
თავიც გააუბედურეთ; აწ თქვენს ბედსაც უნდა ემდუროდეთ!

ხალომე. რათა? დიდხანს ვიყავი მე იმასთან ბედნიერი; ღმერთს
ემადლობდი და ბედს ემადლიერებოდი! ახლა წავიდა ის დრო!... რა
გაეწყობა!... მე კიდევ მაინც არ მმართებს უმადურობის გამოჩენა
არც ერთზე! ერთხელ ხომ ბედნიერადა ვგრძნობდი ჩემს თავს!... და
საუკუნო არა არის-რა! ყველაფერსა აქვს დასასრული! მადლობა
ღმერთს, რა გაეწყობა!...

სამსონ. ეგ არის თქვენი აზრი?—არა, არა სჩანს, რომ თქვენ
ის გყვარებით, თორემ ახლა აგრე გულგრილად ვერ დაუხვდებო-
აკაის რჩეული ნაწერები. ტ. III.

დით მაგ შემთხვევას. ახლაც ვხედავ, რომ არც ადრე გწამებიათ მისი სიყვარული.

სალომე. სკდებით! მჯეროდა და წმინდის გულითაც ვაძლევდი პასუხს. ახლაც რომ მითხრას: დამიბრუნებია სიყვარულიო, უეჭვოდ მივიღებ! მე კარგად ვხედავდი, რომ მისი სიყვარული ნამდვილი იყო.

სამსონ. რაო? იმ კაცის გრძნობა, რომლის სიყვარულსაც ასე მალე მოეკეცეა ფრთები, ნამდვილი იყო... და მე-კი, რომელსაც ადრეც მიყვარდი, ახლაც მიყვარხარ და სამუდამოდაც მიყვარები—ეტყუოდი?!

სალომე. დიახ: გეჩვენებოდათ!

სამსონ. მეჩვენებოდა?!

სალომე. სწორედ. არ იცით, რომ სიყვარული ორგვარია? ხანდახან... ძალიან იშვიათად ჩვენ შეეხვდებით ხოლმე ისეთ ადამიანს, რომელიც რაღაც ძალაუნებურად იტყუებს ჩვენს ყურადღებას, გაცნობისათანავე სული იმის მეგობრობას თხოულობს, გული—სიყვარულს და ჰკუა ორივეზე თანხმაა.. ის სურვილი რაღაც სხვანაირია, გინდა რომ გიყვარდეს დედა-შვილურად, და-ძმურად და ამხანაგურად. იმ დროს ყოველი პირუტყვეული გულისთქმა და ვნება მინელე-ბულია. მართალია, ამგვარ სიყვარულსაც საბოლოოდ ალერსი და ხევენა-კოცნა მოსდევს, მაგრამ ის არის სიყვარულის შედეგი და მიზეზი...

სამსონ. ეგ ვინ არ იცის? განა ახალი რომ გგონიათ?...

სალომე. მომითმინეთ!—ახლა მეორეც ვნახოთ: ხშირად... ძალიან ხშირად... პირუტყვეულ გულისთქმის დროს შეეყრებით ხოლმე ისეთ ქალებს, რომელთანაც ალერსი და ხევენა-კოცნა შეხედვისთანავე მოგინდებათ ხოლმე. თუ მალე, გაუჭირველად, დააკმაყოფილეთ ის სურვილი, ხომ კარგი, — ის შემთხვევა არაფრად ჩაიკლის: თუ გინდა ერთი ჯამი შარბათი შეგეცხვასთ! მაგრამ, თუ საწინააღმდეგო რამე გამოგიჩნდათ და მალე ვერ აისრულეთ სურვილი, მაშინ-კი კაცის გამბეცებულ თავმოყვარეობას ცეცხლი ეკიდება და უინი სიყვარულად იცვლება; მაგრამ ის სიყვარული, როგორც პირუტყვეულ მოთხოვნილებების შედეგი, მანამდი ღვივის, სანამ თავმოყვარეობა არ დაკმაყოფილდება... შემდეგ-კი უეტრად... ერთთავად ჰჭრება!...

სამსონ. არც ეგ გახლავსთ ჩვენთვის ახალი რამ!—დიდი ხანია ვიცით!...

სალომე. არა! ეგ რომ გცოდნოდათ, ისიც გეცოდინებოდათ მაშინ, რომ თქვენი სიყვარული მეორეგვარი იყო და არის.

სამსონ. ილიასი?

სალომე. პირველი.

სამსონ. ხა, ხა, ხა, ხა, ხა, ხა! პირველგვარი სიყვარული... ვარყენილ ბუნებაში!... უხასიათოში... სუსტში!..

სალომე. (უბად) ვისზე ბრძანებთ მაგაებს?

სამსონ. ილიაზე.

სალომე. ჰმ.. განა მავის მიზეზი მოგცათ?

სამსონ. მიზეზი?! განა ცოტაა? ვინ გაჰკიცხა უმიზეზოდ თქვენი სიყვარული, თუ არ იმან?... ვინ გაგცვალათ უნამუსო დედაკაცებში?...

სალომე (წამოადგება) გეყოფათ!... მე ნებას ვერ მოგცემთ, რომ ჩემთან მაგრე ილაპარაკოთ ჩემს ქმარზე.

სამსონ. დაგავიწყდათ, რომ თქვენი ქმარი აღარ არის?

სალომე. არა. ის ჩემს ქმრობაზე იღებს ხელს და არა ადამიანობაზე... ვინც უნდა იყოს პატიოსანი კაცი, ჩემთვის ერთია. იმაზე ცუდის თქმას მაინც არავის შეგვარჩენ. ჩემი ქმარი გულწრფელი კაცია და პირდაპირი; მისი ავიცა და კარგიც აშკარაა, მაგრამ თქვენისთანა გაიძვერა და ქვეშ-ქვეშა კაცის საქმე-კი სულ სხვა არის. მე თქვენა გთხოვთ, რომ დღეის იქით ჩემსა აღარ გაიაროთ, მით უფრო, რომ ჩემი ქმრის მეგობარი ბრძანდებით!... (მოდის)

სამსონ. (მარტო) გაგონილა!... მე, რომელიც ისე გათამამებული ვარ ღამაზეებისაგან, რომ მათი სიყვარული ჩემი ნება მგონია, უნდა ამას ვითმენდე ამ მაიმუნისაგან? მაშ კარგი, ვნაზოთ, როგორც უნდა სირცხვილის ქმევა!...

მესამე გამოცვლა

ისვე და **ალმასხანა** (შემოდის და ახველებს)

სამსონა. ჰმ?...

ალმასხანა. ქალბატონმა გაახლათ ჩემი თავი.

სამსონ. რაო?

ალმასხანა. რა მოგახსენო, ბატონო!

სამსონ. რად გამოგაგზავნა?

ალმასხანა. ტყვილად, ბატონო! ასე!...

სამსონ. რაფა ასე?

ალმასხანა. ასე, ბატონო!—იახელი, რომ კიბეზე ფეხი არ ჩაუცურდესო.

სამსონ. რაო?

ალმასხანა. ფეხიო, ბატონო! ფეხი არ ჩაუცურდესო და კიშკრამდინაც მიაცილეო, რომ ფეხში ძალღმა არ უკბინოსო!

სამსონ. გაჩუმდი! ნუ წაგივდია ენა!...

ალმასხანა. რა ვქნა, ბატონო!... რა ჩემი ბრალია?! მიბრძანეს, ბატონო, და...

სამსონ. ახლა მე გიბრძანებ, რომ გაეთრე შენთვის.

ალმასხანა. ჯერ სხვის ვახლავარ და, როცა თქვენ ვიახლებით, ბატონო, მაშინ მიბრძანეთ.

სამსონ. პოშოლ ვონ!...

ალმასხანა. ვერა, ბატონო! ჯერ თქვენ პოშოლ და მერე მეც ვიახლებით. ასეა ბრძანება.

სამსონ. (მივარდება) ვის უბედავ მაგას! შე წუწკო და წუწკის შეილო, შენა?! სულ კბილებს ჩაგამტვრევ!...

ალმასხანა. (გულმოსული) რაო? ვეიპლაჩ!... ვინ გგონივარ მე შენ? ლაქია რომ ვარ, თუ? შენისთანა ყაძახები მახლავს იმერეთში!... რა-ვა გამლახავ, რომ გამლახავ?! კბილები რავე, მამიშენისაგან მაქ ნა-სესებები, თუ?! ვაიმე! რა ყოფილა ეს!... წაბრძანდი ახლავე, თვარა, ქალბატონი ნუ მომიკვდება, ასე გავიყვან აქედან, რომ უკანაც არ მოვახედო!... რავე გაუვიდა თავს, რომ გოვუჩუმდი?... გაბრძანდი! გა!... (კარებს უღებს და ხელით უჩვენებს).

სამსონ. (გარბის გულმოსული) კარგი, კარგი და შენს სეირს გა-ყურებინებ, შე იმერელო, შენ!... (მიდის)

ალმასხანა. (უკან მისძახის) იმერელო?!... შენი დასაწუნარი ვარ, შენმა სიციოცხლემ, ხწორეფ!... ქვე არ წოუხდა!... ბრაწი, შენს საქმეს და ბრაწი!... (ბრაწს უგზავნის. ფარდა ეშვება).

მორე მოქმედება

სანახავი: ლხინი ბაღში

პირველი გამოცვლა

ილია, სამსონ, გეო, მანუა, თათუზა და სხვანი სხედან სუფრაზე და იმღერიან:

ლოთებო, ნეტავი ჩვენა, ჰარი-არალი,
 დღეს მოგვეცა შებება-ლხენა, თარი-არალი,
 შემოდგომამან ბახუზი, ჰარი-არალი,
 საწნახელში ჩააყენა! თარი-არალი.

ზოგიერთები. ჰაზარუუუ!...

სხვები. ჰაზბანდარრუუუუ!...

გეო. ყმაწვილებო, აბა, აივსეთ!—ეს იმის გულისა... ვისიც გუ-
 ლიდან ეს ლოთიანი სიტყვები ამოღებულა! ალლავერდი!

ყველა. იახშიოლ!

მანუა. იახშიოოოოლ! აი, იმის გულის კუნჭულის სულის ქირი-
 შე! უთქომს, რაღა!

თათუზა. მერე?!... უთქომს და ანგრერივად!...

ილია. იცით, ევ ლექსი ვისი ნათქვამია?

თათუზა. კარგად კი უთქომს იმ მამაცხონებულის შვილსა და ..
 ლოთიანად!...

ილია. ლენარლის ნათქვამია.

მანუა. რაო?! ეჰ! ლენარალი კი არა, პოლკოვნიკი არ გინდა!...

ილია. არა გჯერა?

თათუზა. ეჰ! ხუმრობ, კნიაზჯან! ლენარალი ამას რათ იტყო-
 და?! განა იკადრებდა?!
 ილია. როგორ, განა არ ვარგია?

თათუზა. ვინ ამბობს?!... ძალიან კარგია, მაგრამ ლენარლის
 ბელობა არ არის და...

ილია. მე თქვენ გარწმუნებთ, რომ ჰო!

თათუზა. დალოცვილო, ლენარალი, გინდა პოლკონიკი, ამას
 იტყვის?!... იმის ბელობა „ნაპლეჩუ-ა“. ეს იმისთანა კაცის ნათქომი
 იქნება, ღმერთს რომ უყვარს.

გეო. ეექს! არ გაათავებ?... დალოცვილებო, რათ აწუხებთ, ვინც უნდა იყოს! უთქომს და მორჩომილა კიდეცა! უცხოონდეს მამის სული!... ტყვილად ჩვენ ჩვენს საქმეს რათა ვცდებით? (იმღეროან)

ნოემ რა ერთხელ ინება, ჰარი-არალი,
 ყურძნის წვენის გემოვნება, თარი-არალი.
 თვითონ ნუნუას მიუჯდა, ჰარი-არალი,
 წყალი პირუტყვს დაანება, თარი-არალი.

ზოგიერთები. ჰაზარულ!

სხვები. ჰაზზბანდარორულ!

გეო. აბა, ერთიც კიდევ აივსეთ! ჰო, ეგრე, თქვენი კი ჰირი-მე!.. როგორც კაცი არ ვარგა უძმაბიჭოდ, უაშხანაგოდ, ისე არც სიმღერა ვარგა უსაზანდროდ!... ქეიფი არ ექნება!... ეს მისი სულის იყოს, ვინც საზანდარი მოიგონა და ვინც პირველი ზურნა დაუქრა! ალლავერდი თქვენთან, მეზურნეებო!

ყველა. იახშიოლ! იახშიოლ! იახშიოლ!

მანუა. (მეზურნეებს) ვა! დაუქარით რალა! (იმღეროან):

მაშ მოდით ისეც ღვინითა, ჰარი-არალი
 დრო გავეტაროთ ღვინითა, თარი-არალი.
 ქეიფი მაინც მოგვივა, ჰარი-არალი,
 გოგრიითა ვსოთ, თუ ჩინითა! თარი-არალი.
 როს დავესწრათ გაზაფხულსა, ჰარი-არალი
 ველს დავსხდეთ მწვანით მოსილსა, თარი-არალი,
 ჩვენ წითელს ღვინოს ვეწაფნეთ, ჰარი-არალი,
 ვარდი ვანებოთ ბუღბუღსა, თარი-არალი.

(ამ დროს შორე-ახლოდან მოისმის შარმანკის ხმა).

ზოგიერთები. ვა! ეს ვინ ოხრები მოთრეულან აქა, რომ ქეიფს გვიფუქებენ?! სხვა ადგილი ველარ მოუნახავთ?!...

გეო. (მეზურნეებს) აბა, ასწიეთ ერთი, რომ იმათმა ენმაკის სა-ქიქყინომ ხმა ჩაიწყვიტოს! ჰო! თქვენი ჰირიმე! ეგრე! ეგრე!

მანუა. ვა! ვერა ხედავთ, რომ არ ჩუმდებიან?! მაინც თავისას არ იშლიან!

გეო. არ იშლიან რომელია? აბა, ერთი წავიდეთ, იმათ ცხრა-ცხრა ლიტრიანები ვუჩვენოთ და თუ არ წაველენ, ვნახოთ!

ზოგიერთები. აბა, ჰე! ერთი მაგათ! (მიაზურნებენ. აქ ღუღუკი უკრავს. იქ ცოტა ხნის შემდეგ შარმანკის ხმა შეწყდება და კვიჩია მოისმის) ლაზარე! ეი! ეი! ლაზარარრეე! (მობრუნდებიან).

გეო. ძლივს არ გავლაღეთ, ის მამა-ოხრის შვილები!...

ილია. რას ერჩოდით?

გეო. ჩვენ რას ვერჩოდით?... ჩვენ კი არა, ისინი გვიშლიდენ ქეიფს.

სამსონ. იმათაც ქეფი უნდოდათ.

მანუა. უნდოდათ რომელია? სხვა ადგილი ვერსად მონახეს, აქ რომ მოდიან?!

გეო. იმათი საქმე ოტკა და დუქანია... ჩვენს ბალებში რა უნდათ?... ვირმა რა იცის, ხურმა რა ხილიაო!

თათუზა. მამა უცხონდათ!... იმ ტუტუკს, იმ ვირსა მოუდევს ზურგზე ათფუთიანი ზანდუკი, ისიც უკურტნოდ და აქიკყინებს... თავი მოსწონს, რალა!

სამსონ. მისი ხელობა ის არის.

მანუა. ხელობა?... ვა! ხელით ასე ტრიალი ხელობაა?... დათვი-კი ვერ იზამს მაგისთანა ხელობას?

თათუზა. ხელობა?!... განა ჩვენი დაფა-ზურნაა, რომ ბევრი რამ უნდოდეს? ბრიყვის ხელობაა!... განა იმას კარგი რამ ოსტატობა უნდა?!

სამსონ. განა ჩვენი ზურნა-კი რალა არის?

გეო. ეჰ! რა ბრძანეთ ეგა?! ზურნა და შარმანკა განა ერთია?

სამსონ. რატომ არა?

გეო. ერთი ეშმაკისაა და მეორე-კი ლეთის. ჩვენი დუდუკი ნაკურთხია.

ილია. ნაკურთხი?

გეო. ვა! მაშ?!!

ილია. ვის უკურთხებია?

გეო. ვა! ქრისტე ღმერთს, გალილიაში.

ილია. (სიცილით) გალილიაში?

გეო. ვა! დალოცვილო! მაგდენ წიგნებს რომ კითხულობთ, ეგეც არ იცით? ჩვენი წმინდა სახარება მაინც აღარ გაგიგონიათ?...

სამსონ. რაო?

გეო. ეგ ამბავი სულ იქ არის ჩაწერილი..

ილია. რასა ჰპოდაე?

გეო. ვა! ბოდა რომელია?! მაშ ქრისტე ღმერთი რომ ქორწილში დაესწრო, არ გაგიგონია?

ილია. ეგ კი ვიცი! გალილიაში.

გეო. გალიაში რომელია?! რას ამბობ, კნიაზ-ჯან? გალიაში კი არა, ოჯახში!... ღვინოც რომ შემოაკლდა მასპინძელს და მაშინ ქრისტე ღმერთმა უბრძანა, ვენაცვალე მის ძლიერებას, ნუ შესწუხდები, შენ ხათრი ნუ გაქვსო! და წყალი გადაუქცია კახურ ღვინოდ... აბა, მაშინ გაიმართა ლხინი და გამხიარულდნენ სტუმრები.

ილია. (იციხის) ჰო, ეგ ვიცი! ვიცი!

გეო. მაშ, თუ იცი აბა, ვინ იყვენ მაშინ იქ დამკვრელი საზანდრები?

ილია. ვინ?

გეო. ვინა და მეზურნეები!... მაშინ ღმერთმა აკურთხა საზანდრების მარჯვენა, დაულოცა თავი და უთხრა: ჯერ, სანამ მე აქა ვარ, თქვენც ამ ქვეყანაში იყავით და მერე-კი, სადაც უკეთესი ქვეყანა ნახოთ, იქ წადითო!... ისინიც აღგენ და ჩამოვიდნენ ჩვენს ქალაქში, მასუკან სულ აქ არიან!...

ილია. (იცინის) მართლა?

გეო. ვა! რას იცინი, კნიაზ-ჯან? ჩემი თავის მზემ!... სანამღი ქრისტიანობა ქვეყანაზე არ მოისპობა, არც ზურნის ხმა უნდა გაწყდეს ჩვენს ქალაქში, ამიტომ რომ ნაკურთხია!—შენ-კი, დალოცვილო, შარმანკას აღარებ!... შარმანკა რომელია?! აი, გაწყდეს მისი... (ხმა მოისმის) ახალი თევზი! ახალი! პა, პა, პა, პა! რა თევზია! რა თევზი!.. (კინტო შემოდის).

მეორე გამოცვლა

ისინივე და კინტო

კინტო. ახალი თევზი! ცოცხალი თევზი! ოჰ... კამპანიას გაუმარჯოს (ამოიღებს ფეშტამლიდან თევზს და უნძრევს ბოლოს. მერე გადაუღებდს კამპანიას) ვიფ! ლხინი გაამოსო!...

ჟველა. გაგიმარჯოს!... მოდი! დაგვეწვიე!...

კინტო. კეთილი! (ჯდება).

სამსონ. ვინა ხარ, ძმაო?

კინტო. ვა! ვერა მხედავ?

სამსონ. გხედავ, მაგრამ შუბლზე ხომ არ გაწერია, ვინც ხარ?!

კინტო. ჩემი შუბლი განა ქალაღლი გგონია, კნიაზ-ჯან?

სამსონ. მეც მაგას გეუბნები, რომ არა! გიყურებ, მაგრამ რომ არ მაგონდები!

კინტო. არც მე მაგონდებით, კნიაზ-ჯან.

ზოგიერთები. მართლა, რომ არსად გვინახვიხარ...

კინტო. არც მე, ჩემი თავის მზემ.

ილია. მაშ სადაური ხარ?

კინტო. საიდანაც უნდა ვიყო, ვარ, რალა?

სამსონ. კიდევ ეგ არის, რომ გვინდა შევიტყოთ, ვინა ხარ?

კინტო. მე ვინა ვარ?... მე ვარ!...

სამსონ. ჰჰ! ვინ შენ? რა მოხელე ხარ?

კინტო. ხელობა?... ყველაფერი ხელობა ვიცი! რაც გინდა, ისა ვარ! გინდ, ტერტერაცა ვარ.

ილია. რას ამბობ?

კინტო. მაშ, გეუბნებით, ყველაფერი ვართქო. კინტო ვარ, რაღა!...

ილია. (იციის) დღეს რაღა ხელობას ადგიხარ?

კინტო. ახლა?... პეტრეს შეგირდი ვარ.

სამსონ. როგორ თუ პეტრეს შეგირდი?

კინტო. ვა! ის, რომ პეტრე ჩემი ოსტატია!... მიხვდი?

სამსონ. ვინ პეტრეა?

კინტო. პეტრე მოციქული.

ილია. ჯერ პატარა ხარ, მაგრამ დიდად კი ხუმრობ.

კინტო. ხუმრობა რომელია?... ჩემი სიყრმის მზემ, მართალს ვამბობ! პირველი მეთევზე განა პეტრე მოციქული არ იყო? ბაღე მისი მოგონილია!... მაშ, მეთევზეები ყველა ჩისი შეგირდები არიან. მეც, ეს ერთი ხანია, თევზებს ვიჭერ.

სამსონ. სახელი რა გქვიან მაინც?

კინტო. ალარა მაქვს, კნიაზ-ჯან!... მორევში ჩამივარდა და იქ დარჩა!... ეჰ, კნიაზ-ჯან! ვიყო, ვინც ვიყო!... მოგიწვევივართ—მეც გწვევივართ; თქვენ მასპინძლები—მე სტუმარი!... კმარა!... მე არ გეკითხებით, თუ ვინა ხართ...

გეო. კარგია, დანებეთ თავი, ვინც უნდა იყოს... ჯერ ერთი კარგად სადღეგრძელოები გადავაკრეფინოთ და მერე ამოიდგამს ენას!... ალავერდი შენთან!... აბა!... (მოაწოდებს ოთხს ჰიქას ერთად) ჯერ ერთი აზარბაზი დალიე, ჩვენთან, გაგვისწორდი!

კინტო. (ჩამოართმევს) იახშიოლ! მაგრამ ჯერ მე არც ტოლიბაში ვიცი და არც თქვენი სადღეგრძელო!... მე მოვსულვარ—ჩემი სალოცავებიც თან მომიტანია! ჯერ იმათ მოვრჩები და მერე მეც თქვენ თან ვარ. მაშინ, რაც გინდათ, ის მიბრძანეთ!... გაგივონიათ: სტუმარი მასპინძლის ვირიია?...

ყველა. კეთილი! კეთილი! მაგრე იყოს.

კინტო. ეს ღმერთმა გაუმარჯოს თქვენ კამპანიას ერთობით!... ალავერდი, ტოლიბაშო.

გეო. იახშიოლ.

კინტო. ვა! მეზურნეები დაყრუებულან?... ზურნას ენა რათ ჩავარდნია?... ტოლიბაშო, ალავერდი! არ გესმის? აბა, მოუღზინე ამ სადღეგრძელოს, რაღა?!

გეო. არ კი გითხარ: იახშიოლ მეთქი?!

კინტო. ვა! მაგის მეტი აღარა ეკირვება-რა? ეგ არის? მაგას ეძახით თქვენში მოლხენას? ადე, ერთი დაუარე! აბა დაუკარით, რა-ლა!... (გოვ გადადის და თამაშობს კინტორს) ჰოო!... გიცხონდა მამის სული! გცოდნია მოლხენა!... ეგ მიყვარს, აი! ეგრე უნდა, ლოთიანად! (გოვ ათავებს ლევოს, თავს უკრავს და ჯდება) ეს ღმერთმა გაუმარჯოს თქვენ საყვარლებს! (ილიას) ალავერდი თქვენთან, კნიაზ-ჯან! აბა ინებეთ, ერთი თქვენც მოუღზინეთ ამ სადღეგრძელოს!

ილია. იახშიოლ! მაგრამ რომ არ შემძლიან?!...

კინტო. ფეხები გტკივა?

ილია. არა, მაგრამ არ ვიცი.

კინტო. ეჰ, არ ვიცი რომელია?... თქვენი საყვარელი განა ცოცხალია, კნიაზ-ჯან! მკედარი ხომ არ არის?

ილია. როგორ თუ მკედარი?

კინტო. მაშ, თუ ცოცხალია, განა შენითანა კაცი შეუყვარდება?... (მანუას) მაშ შენთან ალავერდი! ადე, ერთი მოუღზინე კნიაზის საყვარელს!—უკაცრავად, კნიაზ-ჯან, არ გეწყინოს კი! ლხინია!... (მანუა თამაშობს).

მანუა. კამპანიას გაუმარჯოს! (ჯდება)

კინტო. ცხონებული კაკაბუა იტყოდა ხოლმე: „კარგი კაცის დალოცვა მაღლია, მაგრამ ცუდი კაცის დაწყევლაც არ არის ცოდვაო“. ეს ღმერთმა დასწყევლოს, შეაჩვენოს ის კაცი, ვინც მეგობრის გატანა არ იცოდეს!... ვინც ძმა-ბიჭის გულისათვის ან ცეცხლს დაერიდოს, ან წყალს და ან პოლიციას შეუშინდეს! (სამსონს) ალავერდი შენთან, კნიაზ-ჯან!

სამსონ. იახშიოლ! (თათუხას) აბა, ერთი შენ დაუარე ჩემ მაგიერ!...

კინტო. არა, კნიაზ, ამისთანა სადღეგრძელოს მოლხენა კი არა, თვალში ნაცარი უნდა! ნუ ირჯებით!... ეს ღმერთმა დასაჯოს, შეურცხენოს ნამუსი და პირი იმას, ვინც მეგობრის ცოლს არშიყობა დაუწყოს. (სამსონს) კიდევ თქვენთან, კნიაზ-ჯან, ალავერდი!

სამსონ. ეჰ! რას ამიტყდი?!... ჩემს მეტი ველარავინ დაინახე!

კინტო. ნუ გეწყინება, კნიაზ-ჯან! შენ მომიხვედი ისე ნიშანში!... ჰე... მე მოვრჩი! ეხლა თქვენ იცით!... მეც თქვენს ნებას ველარაწაუვალ!...

გოვ. მაშ, ეს ღმერთმა გაუმარჯოს შენ საყვარელს! ალავერდი!...

კინტო. იახშიოლ!

მანუა. გყავს კი საყვარელი?

კინტო. მაშ?

თათაუზა. ეგრე პატარას?

კინტო. „დიდი და ახმახიო, პატარა და ჩახმახიო“, არ გაგონია?

გეო. აბა, ერთი შენიც ვნახოთ, როგორ იცი საყვარლის მოლხენა.

კინტო. სულ ანჩისხატურად, რალა!... (იმღერის)

საყვარლისა ეშხედა

ღვინო დამიღვია!

მის ხსოვნა-სიყვარულში

სულიც დამიღვია!

ჟველა. ჰადანდანი, დანდანი,

დარინანა, ნი-ნა-ნი!

კინტო. მისმა შუქმა დამადნო,

სიცოცხლეს დამწვარია:

ღღე-ღღეობით მზე არის,

ღამ-ღამობით მთვარია!

ჟველა. ჰადანდანი და სხე.

კინტო. მისი ცეცხლი ამ გულსა

აზოდეს არ ნელდება;

თუ იმას არ ვუყურებ,

ღღე ნათელი ბნელდება.

ჟველა. ჰადანდანი და სხე.

კინტო. მაშინ ვკვდები სევდითა,

სისხლის ცრემლით ვტერი მე!

სანამ არ მანუგეშებს,

იმისი კი ჭირიშე!...

ჟველა. ჰადანდანი და სხე.

კინტო. საყვარლისა ეშხედა

ღვინო დამიღვია,

მის ხსოვნა-სიყვარულში

სულიც დამიღვია...

ზოგიერთები. (შუუქაქანებენ) ჰა-ჯან! ჰა-ჯან! ჰა-ჯან!...

გეო. გცოდნია საყვარლის მოლხენა!... ბარაქალა!... ეს შენი სადღეგრძელო იყოს, პეტრეს შეგიბრძო! ერთი გვითხარ: სადაური ლოთი ხარ, და?

კინტო. (იმღერის) ერთი ვინმე კინტო ვარ,

საყვარელი მეცა მყავს!

ის სულ სხვა ვარდი არი:

სხვის საყვარელს არა ჰგავს!..

ჟველა. ჰა-ჯან, ჰა-ჯან, შენი სულისა!!

კინტო. შევევრემანი, შევთვალა,
 ეშხის ცეცხლით მწველია!
 ბაიყუში კმარი სძულს,
 ჩემი საყვარელია!...

სხვები. აი, შენი კი ჭირიმე! ჰა-ჯან, ჰა-ჯან!...

კინტო. საცა წავალ-წამოვალ,
 მაგონდება სულ ისა!
 იმას კი ვენაცვალე,
 ჰოი, მისი სულისა!

ყველა. ჰაი, შენი სულისა, ჰა-ჯან!...

კინტო. დალამდება თუ არა,
 მელის გულის ძგერიოთა;
 მე ჩაუვლი კარდაკარ
 თარიოთა და მღერიოთა.

ყველა. ჰაიჰა! ჰაიჰა!... შენი გულისა!

კინტო. თუ რომ დრო აქვს, შემინმობს,
 აღარ უნდა ვედრება.
 ვფიცავ, ჩემს საყვარელსა
 სხვისი ვერ შეედრება!!
 ჭირიმე, ჭირიმე, ჭირიმე!
 შევევრემანის ჭირიმე!
 ჭირიმე, ჭირიმე, ჭირიმე!
 შეთვალწარბას ჭირიმე!

ყველა. ჰაი, ჰაი, ჰაი, ჰაჯან, ჰაჯან! შენი კი ჭირიმე!... შენი
 სულისა!...

ზოგიერთები. პროშტი, პროშტი, პროშტი გაამოს!... პროშტი,
 მოდი და!...

კინტო. პროშტი?! ძალიან კარგი! (ილიას) ალავერდი შენთან!
 პროშტი გაამოს! (ჰკოცნის) რას მოგიწყენია, ვა! თითქო ცოლ-შვილი
 დაგკარგოდეს. გამხიარულდი და!... (ბეჭებში ხელს ჩაჰკრავს).

ზოგიერთები. პროშტი, პროშტი რიგით! დაუყვიე და!...

კინტო. მოვდივარ. მოდი, აბა! (სამსონს მისჩერებია, ჯერ ვითომ
 კოცნას უპირებს და შერე კი ხელსა ჰკრავს). გაზი იქით! ვა!... რა მუნდანი
 ყოფილა!... ამასთან პროშტს ძაღლის პროშტი სჯობია!...

სხვები. აჰ, აჰ, ეგ არ იქნება! ეგ არ შეიძლება!... საერთო
 პროშტი!!

კინტო. არ იქნება?—ვა! პროშტიც ჩემია და ქეიფიც ჩემი! არ
 მინდა! ვის რას შეეველები?...

მანუა. რას იმადლები, ეეე?! — შეინახე, თორემ, შენმა მზემ, დედოფალს მიუტან!...

კინტო. ვა! ჩემი საყვარელი დედოფალიც არის და დედოფლების ბატონიც! იმისი კი ჭირიმე!

თათუზა. კარგი ვინმეც იქნება!...

კინტო. ეი! რაში მოგეწონება? ჩუღურეთელი კატუა ხომ არა გგონია? ან-და ავლაბრელი კეკელა?...

გეო. მაშ, შენმა თავის მზემ, დიდი ვინმე კნენია იქნება! ყოშებიანი!...

კინტო. მაშ! არ იცი, რომ კნენიაა?!

მანუა. ეეე?! რას ამბობ? მართლა? მამა გიცხონდა, აბა, სადა დვას? კნენების უბანში?

კინტო. ვა! გეუბნებით და ჩემი სიყრმის მზემ, რომ კნენიაა! იცით, სოლოლაკში რომ ერთსართულიანი სახლია, წინ პატარა აივანიცა აქვს...

გეო. ეი, ეი! გაჩუმდი და... შენთვის შეინახე... რად ამკლავებ!...

კინტო. ვა! განა მომიპარავს, თუ?...

სამსონ. არა უშავს რა! სთქვი, სთქვი!

კინტო. იქ ერთი შავგვრემანი კნენიაა...

ილია. შავგვრემანი?

კინტო. დიახ, შავგვრემანი! იმას კი ვენაცვალე! ის არის ჩემი საყვარელი!

გეო. ცხადად, თუ ძილში?...

კინტო. ძილში რომელია? ჩემია! — გათავებულთა და მორჩომილი.

სამსონ. (გახიზმობს ილიას განზე, ეწურაულება) არ გესმის?

ილია. ეს რა ამბავია! რას ამბობს?...

სამსონ. ყური უგდე! (კინტოს) დიდი ხანია, იცნობ?

კინტო. შენზე აღრე! რაში გეკითხება?

სამსონ. (ილიას) შენ ცოლზე ამბობს.

ილია. რა ხუმრობაა!... როგორ დავიჯერო!...

სამსონ. ნუ დავიჯერებ, თუ გიყვარდე!... არ გეუბნებოდი? გამოგკითხოთ, ნაღვინევი, ყველაფერს გვეტყვის. (კინტოს) ქმრიანია?

კინტო. ერთი პატარა შვილიცა ჰყავს. და...

ილია. ცხადია, იმაზე ამბობს...

სამსონ. რა ექვია?!

მანუა. ხშირად დადიხარ იმასთან?

კინტო. როცა კი დრო მაქვს.

მანუა. როგორ ტყობილბ ხოლმე?

კინტო. ერთი ტუტუცა იმერელი ბიჭი ჰყავს...

ილია. რა ჰქვიან იმ ბიჭსა?

კინტო. აღმასხანა. ვა! რათ გაგიკვირდა? განა სახელიც ტუტუცია?—ის კი ძალიან ტუტუცი რამ არის...

სამსონ. ახლა?

ილია. ვერა ჰბედავ? ეს რაები მესმის, ნუთუ?..

გეო. მერე ქმრის არ გეშინია?

კინტო. ქმარი?... მე არც კი მინახავს. ის ერთი ვინმე ტუტუცია თურმე; სულ საქმეებზე დაეთრევა, შინ კაცი ვერც კი ნახავს. იმან რა იცის, თუ იმის თავზე რა ამბებია?... ისე კი სძულს ჩემ სალომეს, იმისი კი ჭირიმე, რომ ბაიყუშად მიაჩნია, მაგრამ სხვანაირად კი აჩვენებს თავს. ატყუებს... იმისთანა ოხერს ისე მოუხდება!

ილია. ჰმ, რათა? რა დაუშავებია?

კინტო. ის ოხერი, რათ ირთავდა მისთანა ქალს? იმისთანა ლობიომ რა იცის, რა გაეგება ეშხიანი სიყვარულს? ის ქალი კი ცუცხლია. ერთი გიჟი ვინმეა! ლოთიანი!... ერთხელ მაგრად ვერ ვაკოცე და ასეთი ალიყული მითავაზა, რომ თქვენი მოწონებული; დღესაც მეწვის ყურის ძირი... ნამეტანია და...

ჟველა. (იციინან) ეჰ, მართლა?

კინტო. მართლა, ჩემი თავის მზემ! ერთი სიტყვით, არის რალა!..

ილია. (სამსონს) აჰ, ეს ჩემ ცოლს არა ჰგავს! სხვა ვინმე იქნება, თუ მართალია.

სამსონ. შენ აგრე გეგონოს.

კინტო. იმის ქმარს ერთი საძაგელი მეგობარი თურმე ჰყავს და ის ეარშიყება ჩემ სალომეს... აი, ერთი შევხვდებოდე სადმე, მე ვუჩვენებდი იმას არშიყობას!...

გეო. მართლა? შენი საყვარელი-კი რალას ეუბნება?...

კინტო. ვააგდო!... ძალადაც არ ჩააგდო!... ამდენი გვიცინია იმ ღამეს, რომ...

სამსონ. ეს ვილაც გიჟია!... ანდა დათვრა და აღრა გაეგება რა... ჰბოდავს. კარგი, ძმო, გეყოფა მაგდენი ტყუილი.

კინტო. რაო? ტყუილი რომელია? მტყუანს რა ვუთხრა?...

სამსონ. ნუ შეგვაწუხებ ტრაბახით! გეყოფა მაგდენი!...

კინტო. თქვენ რაო, კნიაზ-ჯან, რომ სწყრებით?—გნებავსთ, ერთი ლათაია გითხრათ:

გულში სწყრებით!

თავში მწყრებით.

ერთს დაგაზელოთ

და დასცხრებით!...

სამსონ. ეი, ეი! ნამეტან ნებას აძლევ შენს თავს! არ იცი, სადა ხარ? ვის უბედავ მაგას?

კინტო. ვა! განა აქ ბატონია ვინმე? გაბედვა რომელია?!

ილია. დაანებე თავი! როგორ გეკადრება მაგის აყოლა?!

სამსონ. წაეთერ შენტვის, ვილაც მოთრეულხარ!... შე ვირო! ოხერო!...

კინტო. ეჰ!.. კნიაზ-ჯანი ვირიცა ხარ და ვირების უსტაბაშიც!... მოთრეული რომელია?!

სამსონ. (შიიწვეს) ვის უბედავ მაგას? ვინა გვონივაო? (იჭერენ სამსონს).

კინტო. ეჰ! კარგია, მამა გიცხონდება!... სამფუთიანი არ გამომტყუო!! ეგებ უზიარებელიცა ხარ და...

სამსონ. რაო? რაო? გამიშვით! ერთი გამიშვით!

კინტო. (შუაზე ჩერდება, თან სიცილს იჭერს) აბა, გაუშვით, მოვიდეს! ერთი დავაკერო მაგას ჩემებურად, ჰა!...

(ფარდა ეშვება).

მესამე მოქმედება

სანახავი: ისევ ის ოთახი, რომელიც პირველ მოქმედებაში იყო.

პირველი გამოცვლა

ალექსანდრე და ილია შემოდინა

ილია. ახლა?!... რაღას იტყვი?...

ალექსანდრე. იმას, რომ ეგებები ყველა დიდი სისულელეა!...

ილია. არა გჯერა?

ალექსანდრე. ჩემის თვალთაღმდეგ რომ ვნახო, მაშინაც არ დავიჯერებ.

ილია. მაგას ხომ კერპობა ჰქვია?!...

ალექსანდრე. მაშ როგორ გგონია შენ? მაგისთანა საქმეს დიდი დამტკიცება უნდა.

ილია. განა ეს კი არა კმარა?

ალექსანდრე. რას ამბობ? ერთი ვილაღ გინახავსთ და აპყრობხართ. ჯერ ისიც არ იცით, ვინ იყო და საიდან? ეგებ მტრებისაგანაც იყო შემოჩენილი.

ილია. რა ბრძანებაა!... ვერ გვიცნობდა და ვერ ვიცნობდით!... ნხოლოდ შემთხვევა იყო.

ალექსანდრე. რა ვქნა? მე მაინც არა მჯერა!... ულახებია რაღა!...

ილია. მართლა? მაშ კარგი! (მიდის).

ალექსანდრე. (მარტო. იცინის) რა თავმოყვარე პირუტყვია კაცი!... გუშინ არ ურჩევდა სალომეს: მომშორდი და, ვინც გინდა, ის შეიყვარეო?! დღეს რაღათ იკლავს თავს? აკი აღარ მიყვარს ჩემი ცოლიო და თავს ანებებდა!

მეორე გამოცვლა

ისევ და ილია, რომელსაც შემოჰყავს აღმასხანა.

ილია. ვნახოთ, ახლა რაღას იტყვი?

ალექსანდრე. რა ამბავია?

ილია. ამას ჰკითხე და გაიგებ!... (აღმასხანას) აბა, სთქვი: ვინ დაიარება?

აღმასხანა. ყველა, ბატონო, ვისაც კი ფეხი აქვს.

ილია. მაგას არა გკითხავ. აქ ვინ დადის?

ალმასხანა. ვინც დაიარება, ბატონო!

ილია. (გულმოსული) ოჰ! რა ტუტუცია!... კინტო დადის აქ, თუ არა?

ალმასხანა. რა კვინტოა, ბატონო?

ილია. შეხეთ ამ იმერელს!... რანაირად ისულელებს თავს!.. იმასა გკითხავ, რასაც დღეს დილასა გკითხავდი!... გაიმეორე ის ახლაც, რაც მაშინ მითხარი!...

ალმასხანა. მე არაფერი მომიხსენებია, ბატონო!... (მისჩერებია ალექსანდრეს).

ილია. როგორ, თუ არაფერი?! სთქვი, თორემ ეხლავ პოლიციაში გაგავზავნი.

ალმასხანა. რათა, ბატონო? რა დამიშავებია, შენი ქირიმე?... (მისჩერებია ალექსანდრეს).

ილია. ამას რას მისჩერებია?

ალმასხანა. რაცხა შინაურობაში მოგახსენე, რა საუცხოვოა, ბატონო?!...

ილია. აქ უცხო არავინ არის... თუ იტყვი, საჩუქარს მიიღებ და, თუ არა, ციხეში ამოგაყოფინებ თავს.

ალმასხანა. რა ექნა, ბატონო!... მეშინია!...

ილია. რისა გეშინია?

ალმასხანა. ვი თუ არ ივარგოს და რამე ამიტყდეს, რომ ვთქვა?

ალექსანდრე. არა, სთქვი, ნუ გეშინია, არა აგიტყდება რა.

ალმასხანა. სულ ერთია, ბატონო, ქალბატონს რომ რამე აუტყდეს ჩემი ბარობით?

ალექსანდრე. არც იმას!... იცოდე, რომ ჩვენში დარჩება.

ალმასხანა. აბა, ბატონო, უნდა მოგახსენოთ, რომ მართალია.

ალექსანდრე. რა არის მართალი?

ალმასხანა. რაც ამათ მოგახსენე.

ალექსანდრე. რა მოახსენე?

ალმასხანა. ის, ბატონო.

ალექსანდრე. რა ის?

ალმასხანა. მე ნულა მათქმევინებთ, შენი ქირიმე!... ამათ იციან!...

ილია. არა, შენა სთქვი. თორემ არ დაიჯერებს.

ალმასხანა. აბა, ქვე მაინც ნუ გამამხელთ! ჩემად ნურსად იტყვიოთ და ხწორეფ დადის... ველარ დაფიციკე.

ალექსანდრე. ვინ?

ალმასხანა. ის, ბატონო.

ალექსანდრე. ვინ ის? არ იტყვი?

ალმასხანა. ის, ბატონო!... კვინტუა, ბატონო!

ალექსანდრე. ვინ კინტოა?

ალმასხანა. რა მოგახსენოთ, ბატონო! ქალბატონმა იცის.

ალექსანდრე. ვისთან დადის ხოლმე?

ალმასხანა. ქალბატონის ოჯახში კი შედის და, რა მოგახსენო, ეგება ძიძასთანაც დადიოდეს.

ილია. როგორ შეგყავს ხოლმე?

ალმასხანა. რა ვქნა, ბატონო?... რა ჩემი ბრალია!? ვერ წაუფვალ ქალბატონის ბრძანებას...

ილია. მაგას არა გკითხავ. რანაირად შემოგყავს ხოლმე.

ალმასხანა. რაღა ბატონო და ასე: საღამო-საღამოობით ის ჩვენი სახლის წინ დადის თარით და ბლავილით; თუ ხმა არ გიჟეცი, უნდა იცოდეს, რომ დრო არ არის, და კუდამოძუებული წავა ხოლმე შინ.

ალექსანდრე. და თუ დრო არის?

ალმასხანა. მაშინ, ბატონო; მეც აქედან ვუზღერებ ხოლმე და ის, რაღაც კაი ბატონი, ისე შემობრძანდება ხოლმე, თქვენ ნუ მოუკვდებით ჩემს თავს.

ალექსანდრე. დიდი ხანია, რაც დაიარება?

ალმასხანა. რა მოგახსენო, ბატონო!... მე რომ გიახელით—და მხვდა!... კმარა, ბატონო, მეტს ნულა მათქმევინებთ, თვარა წამცდება რამე და არ ევარგება!...

ალექსანდრე. ჰმ! მაგაზე მეტი რაღა უნდა წაგცდეს? (სიცილს იჭერს).

ილია. ახლა მაინც რაღას იტყვი? კიდევ არა გჯერა?

ალექსანდრე. ჰმ!... აქ რაღაც ეშმაკობა უნდა იყოს!... უთუოდ ეს ბიჭიც მოყიდულია.

ალმასხანა. ეჰ, არა, ბატონო! მოყიდული რაღა ვარ?

ალექსანდრე. სტყუი! და არც შეგჩეხება ეგ მოგონება.

ალმასხანა. რაღა ვტყუი, შე დალოცვილო!... დღეს დღეგვიანა, თვარა აქამდინაც უნდა მოსულიყო... ჰე, ბატონო! ჰე!... არ გესმით? მისი თარია ბეჯითად, ბატონო! ახლავე ბლავილს მოჰყვება. (ისმის სიმღერა)

„რომ იცოდე ჩემი გულის დარდები,

გეთუცები ტურჯავ, შეგიყვარდები“ და სხვ.

ალექსანდრე. აჰ?! ეს, მართლა, რა ამბავია?

ილია. არაფერი!... ნახავ, რაც ამბავია!... ჩვენ, ა, იქ შევიდეთ!...

აბა, ალმასხანა! თუ შენი ბედნიერება გინდა, შემოიყვანე ეხლავ და .. არ მიგჩხვდეს კი, რომ აქა ვართ! (შედიან განის ოთახში).

ალმასხანა. კი, ბატონო. (სიმღერა თავდება. ალმასხანა იმღერის)

ორის ოდელია, დელა,
 ოდელია, დელი, ნანინაო და...

კატუნიაო, კატაო!
 რას შემოგვკუყავი კარსაო?
 გაბედე, ფეხი შემოდგი,
 არავეინ გეტყვის ვარსაო.

ორის ოდელია და სხ...

მარტოა შენი ციკუნა,
 მოგელის მამალ კატასო!
 კრუტუნით გეტყვის მაყრულსა
 და წინ დაგიდებს ქადასო!

ორის ოდელია და სხ.

ქოფაკი სხვაგან წასულა.
 ის აღარ არის შინაო;
 ციკუნი, ციკო, ციკუნი!
 მოდი! რამ შეგაშინაო?

ორის ოდელია* და სხ...

მესამე გამოცვლა

ისინივე და კინტო

კინტო. გამარჯობა! შინ არის?... (სიცილს იჭერს)

აღმასხანა. შინ არი, მარა ფთხილად! ფთხილად! ფათარაკი არ
 მოგივიდეს! შედი, მარა „მალულო, ფთხილად იყავ!“ მე კიშკართან მო-
 გიცდი და, თუ ვინიცობაა მოვიდა ვინმე, სიმღერას დევიწყებ და მა-
 შინ შენ იცი!... შენებურად შევარდი ლოგინ ქველ.

კინტო. კეთილი! აი, ესეც კიდევ შენ! (აძლევს ფულს და შედის სა-
 წოდში)

აღმასხანა. ჰო, ღმერთმა შენი თავი ნუ მომიშალოს! კაი ხარ,
 მარა კაი ყოფაშიდაც ხარ!...

მეოთხე გამოცვლა

ისევე, ალექსანდრე და ილია გამოდიან

ილია. ახლა ხომ დაინახე?... არც ახლა გჯერა? კიდევ მე მა-
 ტუნებ?

ალექსანდრე. გასაკვირალია!... ახლა კი მეჯერა, მაგრამ გამტყუნებით მაინც შენ გამტყუნებ. სულ შენი ბრალია მისი გაფუჭება: მიანებე ყმაწვილ ქალს თავი და... მაგრამ რას ცხარობ, შენ ხომ დიდი ხანია ხელი აიღე იმ ქალზე? ახლა რაღა გინდა?

ილია. რაღა მინდა? ჰმ! ის, რომ საქმე გამოაშკარავდეს, მე პირშავად აღარ ვჩნდე... ეგ დასაზოგავი აღარ არის!... ვერ გაიგონე, რომ ჩემზე უმაღლესი თურმე ისა ჰყოლია და მე კი მატყუებდა, არა, ჩემს გულს ადრევე თურმე უგრძნია და კი მქონია მიზეზიც იმგვარად მოქცევის, როგორც ვიქცეოდი... ტყვილად ნულა მამტყუნებ და მესაყვიდურები!... მინდა, რომ კანონითაც მოვიშორო ეგ მოლაღატე.

სალომეს ხმა. ოჰ, შენ კი გენაცვალე, ჩემო სიცოცხლე! რად იცი ჩემი ტანჯვა? რად იგვიანებ ხოლმე? ლამის შენს ლოდინში სული ამომხდეს! (მოისმის კოცნის ხმა).

ილია. გესმის?... აჰ!... როგორ მოგწონს ეს ამბავი?! ხა, ხა, ხა, ხა, ხა! არა გჯერა?!...

კინტოს ხმა. საქმე შემემთხვა და იმან შემიშალა ხელი, სულჯან! შენი კი ქირიმე... შენი! — (კოცნა) როდის იქნეს, რომ სულ ერთად ვიქნეთ და გადაეურჩეთ იმ შენ ბაიყუშ ქმარს!...

ილია. ყური დაუგდე!... ხელაღებული რომ არ ვიყო, უნდა ერთმანეთზე დაეაკლა ეგენი.

ალექსანდრე. (სიცილს იკერს) ოჰ, შენ მამა-პაპურ აზრებზე გადადიხარ? აკი ნება მიგიცია! რაღასა სთხოვ?

სალომეს ხმა. ოჰ, ვინ მოესწრება მაგ ბედნიერ დღეს!... შენ კი გენაცვალოს ის ოხერი და ის ბაიყუში!... იმან რა იცის სიყვარულისა?!... იმას მისი ცივი, თავმოყვარული ალერსი სიყვარული ჰგონია... განა შე იმას დავეჯერდები?... შე მინდა მისთანა სიყვარული, რომ მის ცეცხლში ვიწოდე, ვიდაგებოდე, ვიბრუკოდე, და ამას ვინ მომიტანს, თუ არ შენი?! ოჰ, ჩემო მშვენიერო! ჩემო ბედნიერებავ! (კოცნა)

ალექსანდრე. ვა, ვა, ვა, ვა! რაები მესმის?!...

სალომეს ხმა. როდის იქნება, მოვრჩე განსაცდელს და გადამარჩინოს ღმერთმა იმ ბაიყუშს?

კინტოს ხმა. თუ მეტყვი, შენი კი ქირიმე, გადაგარჩინ: სულ გორიდან ჩამოვიყვან ძმაბიჭებს, მერე მისთანებს რო, რო, რო, ჩემთვინ ცეცხლში ჩავარდებიან! ერთი საღმე შევხვდებით იმ შენს ქმარსა და გათავდება!... ხუთი მუშტით ისე გაგისივებთ, როგორც დიდ რუმბს, რომ ხუთმა ხურომ ხუთ დღეს კუბო ვერ გაუთავოს!...

მეხუთე გამოცვლა

ისინივე და სამსონ, გეო, თათუზა და მეზურნეები შემოდინან.

სამსონ. აჰ, აქა ხართ? საჭეიფოდ მოვდივარ და ჩამოვიარეთ. არ წამოხვალ? ის კინტოც ხომ აქ არის... მაჩუბარი კინტო?... თვალში მოგეკარით, რომ აქ შემოვიდა. ისიც წაიფიქვანოთ!...

ილია. კარგ დროს შემოგვესწართ. დიახ, ისიც აქ არის, მაგრამ ჩემთან კი არა! აი, იქ!...

სამსონ. სად იქ?

ილია. სალომესთან! მართალი. გამოდგა, ჩემო სამსონ!...

სამსონ. მე კი არ ვიციოდი? იმას ტყუილი არა უთქვამს რა!...

ალექსანდრე. არც მეგობრის შესახებ?

სამსონ. ეგ არაფერია!... სალომეს მოუტყუებია. ქალებმა საზოგადოდ მაგრე იციან საყვარლის მოტყუება: ვითომ და სხვებიც ბევრი შეარწიყებიანო, მაგრამ შენ კი არც ერთში არ გაგცვლიო!...

ილია. მადლობა ღმერთს, რომ ამ შემთხვევამ თვალები ამიხილა! ახლა კი უნდა გამოაშკარავდეს, ვისიც ბრალა!

ალექსანდრე. რას აპირებ?

ილია. იმას, რომ დეე ქვეყანამ შეიტყოს, თუ რაც ბრძანებულა ჩემი ცოლი.

ალექსანდრე. ეგ ცუდკაცობა იქნება შენის მხრით!

სამსონ. მაშინ გამოჩნდება, ვინც არის მტყუანი. საძაგლობა დინახაც უნდა გამოაშკარავდეს.

ალექსანდრე. შენ არაფინა გკითხავს! (ილიას) შენ არ დანებებ თავი თვითონ მაგ ქალს? შენ არ ურჩევდი, რომ სხვა ვინმე შეეყვარებია? შენ არ შეიძულე?... და ახლა რაღას ამბობ?

ილია. მე ყველაფერი წინდაწინ შევატყობინე და ეგ კი თურმე მატყუებდა. ამას მე ვერ მოვითმენ!...

სამსონ. არც მოსათმენია! (თავისთვის) ზოგი ახლა ნახოს, სირცხვილის ქმევა თუ კარგია!...

ალექსანდრე. თქვენი ნებაა, მაგრამ ბოლოს კი სანანებლად არ დაგიჩქესთ.

გეო. (აზნაუგებს და მეზურნეებს) ჰე, წავიდეთ! აქ ჩვენი საქმე აღარ არის!...

ილია. არა, არა! მოითმინეთ! გთხოვთ, რომ მოწმედ დაგვესწროთ!...

თათუზა. დალოცვილო, ჩვენ რა პოლიცია ვართ?

მანუა. ეე! წავიდეთ ერთი და... ხათა!...

ხამსონ. (კარებს ჰყეტავს) არ შეიძლება თქვენი გაშვება!

გეო. აჰ! არ შეიძლება რომელია?! შენ რა ჩხუბის თავი ხარ!..

მანუა. ჩემმა მზემ, აქ რომ ერთი რამ ხათა მოხდეს, მაშინ!...

ილია. არა, ჩემო ძმებო! განა არ მიცნობთ?! მაგისტანას არას მოვახდენ!

თათუზა. მაშ რა გინდა ჰქნა? ჩემმა მზემ, ჩვენთან რომ იმ ბიკს ხელი ვინმემ ახლოს, აქვე თავებს დავიხოცავთ! ცოცხალი აღარ გვინდა!...

ილია. რას ამბობთ? განა გიყი ვარ?!

გეო. აბა, რა განდა ჰქნა?... ცოლი გინდა შეარცხვინო? ჩვენთან რათ არცხვენ, კნიაზ-ჯან? გაგვიშვით თორემ, ჩემი თავის მზემ, სულ ფანჯრებს დაეამტვრევთ! ხელი აიღეთ ჩვენგან, და!

მეძვესე გამოსვლა

ისინივე და სალომე

სალომე. ჯა, რა ხმაურობაა?! ოჰ, სტუმრები!...

ილია. დიახ, სტუმრები... თქვენ გეგონათ, რომ მარტო თქვენა გყავს სტუმრები?

სალომე. რასა ბრძანებთ, ბატონო?... რაზე გარჯილხართ?

ილია. არაფერზე!... საქეიფოდ მივდიოდით და ერთი ვინმე დაგვაკლდა. თუ შეიძლებოდეს, უთხარით გამოვიდეს, იმასაც წაეყვანთ.

სალომე. რას ამბობთ?

ილია. კარგია! დაფიცვის დრო აღარ არის! გვიჩვენეთ თქვენი მშვენიერი არშიყი!...

სალომე. უი! ჯა! ეს რა მესმის?! დამთვრალხართ? (აღვსანდრეს) მთვრალეები არიან?

ხამსონ. აქ ჯერ მთვრალი არავინ გახლავსთ!... ეგებ ერთი კი იყოს ვინმე მთვრალი, მაგრამ ისიც მხოლოდ ეშხით და არა ლვინით!...

სალომე. ჯა! რა ხუმრობაა?!...

ილია. კარგია! რაც აქამდის მოგიტყუებდით, ისიც კმარა! უთხარი, რომ ნებით გამოვიდეს, ნულა იმალება.

სალომე. ვინა, ყმაწვილო? ჯა, მიშველეთ, გაგიყებულა! ექიმს დამიტახეთ, თქვენი ჭირიმეთ! (აღვსანდრეს) ვაიმე, ეს რა მომსვლია?! მიშველეთ!...

ილია. ვიცით! ვიცით!... გიყი ვართ?... მაშ კარგი, ახლავ შეიტყობენ! (შევარდება საწოლ ოთახში და ცოტა ხნის შემდეგ შეშინებული გამოვარდება) აჰ! ეს რა ამბავია? რა იქნა? სად გაქრა? იქ აღარ არის!... ამ კარებშივე უნდა გამოსულიყო, სხვაგვარად რომ ვერ წავიდოდა?!...

სალომე. რა ვქნა? ვის ეძებთ? ვინ გაქრა?...

ილია. კინტო! შენი საყვარელი!! რა იქნა?

სამსონ. ეჰ!... ვერ დაგიტვალთ იერებია! სადმე მიმალული იქნება! მე მოენახავ! (შედის)

სალომე. რა ამბავია! ეს ხალხი რას დაუგვიტვია?!..

სამსონ. (გამოდის) მართლა, რომ იქ არ არის!... სჩანს, რომ იქ არ შესულა! სხვაგან სადმე იქნება!...

ილია. კაცო! გეფიცები, რომ პირდაპირ იქ შევიდა და აღარც გამოსულა. აი, თუ გინდა, ამათა ჰკითხე!—(აღექსანდრეს) იქ არ შევიდა?

აღექსანდრე. ვინ შევიდა? რას ამბობ?

ილია. ის! კინტო!...

აღექსანდრე. რას ამბობ? ვინ კინტო? გაგიჟდი?

ილია. კინტო! სალომეს რომ ელაპარაკებოდა... ჰკოცნიდა!...

სალომე. უი, დამიდგა თვალები! რაებს ამბობს?!...

აღექსანდრე. ხა, ხა, ხა, ხა, ხა! საუცხოვოა! გაგიჟებულა, თქვენმა მხემ.

ილია. კაცო! როგორ თუ გაგიჟებულვარ? შენ მაინც რაღას იტყვი, აღმასხანა?

აღმასხანა. რა უნდა მოგახსენოთ, ბატონო?

ილია. შენ ხომ მაინც ნახე?

აღმასხანა. კი, ბატონო, ვნახე!.. სწორედ ჩემის თვალით ვნახე!...

ილია. უჰ! მადლობა ღმერთს!... აი, ბატონო, თუ არა!—სად ნახე? და როდის?

აღმასხანა. კიბის ქვეშ, ბატონო!—დიღას!...

აღექსანდრე. კიბის ქვეშ? მართო?

აღმასხანა. არა, ბატონო, ცხრა ერთად!...

აღექსანდრე. რას ამბობ, ბიჭო? რა ნახე კიბის ქვეშ?

აღმასხანა. ლეკვები, ბატონო!... იქ მოუგია ჩვენ დიდ მურას!...

ილია. დიღას ქალბატონმა მიბრძანა: ნახეო და ვნახე... ცხრა, ბატონო! ცხრა!... ჯერ თვალი არ ახელიათ!...

ილია. მაგას ვინა გკითხავს! კინტოზე გელაპარაკებით!...

აღმასხანა. ვინ კვინტოა, ბატონო!

ილია. შენ რომ შეუძებ და შეიყვანე საწოლ ოთახში.

აღმასხანა. ჰმ!... ხუმრობთ, ბატონო, თუ?!

ილია. როგორ, თუ ვხუმრობ? განა არ იცი?...

აღმასხანა. იმე! ჯვარი აქაურობას! წმინდა არს! წმინდა არს! გაგიჟებულა!...

ილია. შენც გაგიჟდი?!

ალმასხანა. იმე! შე კი არა, თქვენ ველარა ხართ ფარცავათ, თქვენ ნუ მოუკვდებით ჩემს თავს! სიცხე თუ გაბოდებსთ, თვარა, აპა, რას ბრძანებთ უცნაურს?!

ილია. ვა! გაგონილა ამისთანა ამბავი? მეჩვენება?! როგორ თუ მეჩვენება?! განა გავფიქდი? რამ გამაგოია?!... სალომე, შენ მაინც მითხარი, თუ ნამუსი გაქვს: რა იქნა ის კინტო?

სალომე. (სიცილით) კინტო?

ილია. ხომ ნახე?

სალომე. დიახ! როგორ არ ვნახე?!

ილია. სად არის?

სალომე. (გულზე იდებს ხელს) აი, აქ.

ილია. რაო?!...

სალომე. მე ვარ ის კინტო!

ილია. შენ?!?...

სალომე. (კინტოურად) მოდი! მოდი! შე პლუტო, შენ! დიდი ხანია აღარ მიკოცნია... ერთი ლოთიანად ჩაგპროშტო!... მოდი, რაღა!...
ილია. სალომე! ჩემო!... ჩემო... ღირსი არა ვარ შენი სიყვარულის!... მრცხვენთან.

სალომე. არა უშავს რა, მოდი-და, ის კინტო ნუ მოგიკვდება.

ილია. (მიდის და ვხვევა) ჩემო სიცოცხლე!... ჩემო სალომე!...

ალექსანდრე. მიაგენი კინტოს? ხა, ხა, ხა, ხა, ხა!...

გეო. (აშხანაგებს) ვა! ე რა შტუკაა?!

მანუა. ხედავთ! ვინ ყოფილა კინტო?!...

თათუზა. ჩემმა მზემ, გული მეუბნებოდა რაღაცას, მაგრამ როგორ ვიფიქრებდი, და!... ნამდვილი იყო და!... ვა, გაგონილა ამისთანა?

ილია. ჩემო სიცოცხლე! ჩემო სალომე!... დღეს ვიბადები!... დღეს ამეხილა თვალები!

სალომე. მაშ ნებას აღარ მაძლევ, რომ, ვინც მინდა, შევიყვარო? არც ის კინტო? რად გინდებვარ ესეთი ცივგული, უსიყვარულო და ცოცხალ-მკვდარი? აკი არაფერი გრწამდა გუგულივით მშვიდობიან ქალებისა?!... სხვაში გამეცალე!

ილია. შენ?!... ზენ გაგცვალო?! არა, ქვეყანა შენ გენაცვალოს! მე აღარავის დავეძებ: დღეის იქით ჩემი ღმერთი ჩემს გულში იქნება!... წადით!... მომშორდით, ყმაწვილებო!—მე თქვენი აღარა ვარ!—ხომ ხედავთ?!...

სალომე. არა, მოითმინეთ! მეცა მაქვს სათქმელი: ჩვენს ქვეყანას ბევრი ქირი მოდგამია კარზე, ბევრჯელ ყოფილა განსაცდელში, მაგრამ ქართველს გული მაინც არ მოკვდომია!... მისი გული ხშირად

ლხინს ნდომილობს და უპასუხოდ დაგდება არ ივარგებს... ჩემი კმარიც ქართველია, სულითა და გულით ქართველია!.. იმას არ შეუძლია, რომ ქეიფი უდროოდ მოიკლას. უთქვენოდ, ვიცი, ვერ გასძლებს, და მე თქვენა გთხოვთ, ხანდახან არ მოაკლოთ ხოლმე ჩემს კმარს თქვენი სტუმრობა. მოილხინეთ და მოალხინეთ ხოლმე. ვინც უნდა იყოს ჩემი კმარის მეგობარი, რა წოდებისაც უნდა იყოს, თუკი სულითა და გულითაც ქართველია, ჩემიც სასურველი სტუმარი იქნება. მაგრამ უსინიდიისოებს კი არ ექნებათ ბინა ჩემს ოჯახში! (მისჩერებია სამსონს).

ალმასხანა. (სამსონს) თუ მიბრძანებთ, კიბეზე ჩავაცილებთ, რომ ფეხი არ დაგიცურდესთ!

სამსონ. სახლიდან მითხოვთ?

ილია. არა, მაგრამ არც შენთვის იქნება სასიამოვნო დარჩენა და...

გეო. ოღონდაც, ჩემმა მზემ!... ძალიან პირშავად გამოდის და... მანუა. მე და ჩემმა ღმერთმა, იმასთან პურის ჭამა ჰარამი ყოფილა.

თათუზა. ჩვენგან კი ხელი აილოს და, სადაც უნდა, იქა სკამოს!...

სამსონ. მაშ კარგი! მადლობას მოგახსენებთ. (მიდის)

ალმასხანა. ჯოხი, ჯოხი, ჯოხი!

ყველა. რად გინდა? რად?

ალმასხანა. არაფრად ბატონო! ძაღლის მოსაგერებლად! იმას მივართმევ, რომ ეზოში ძაღლმა არ უკბინოს.

გეო. ჰე! მაშ ჩვენც მარშით გავაცილოთ ეს კნიაზი. დაუკარით რალა! (მეხურნეები უკრავენ. მიდიან. ფარდა ეშვება).

კუდურ-ხანუმი

(1880)

კულურ-ხანუმ

სამმოქმედებიანი ისტორიული დრამა

მეთექვსმეტე საუკუნის ცხოვრებიდან

მოქმედება ხდება ოსმალეთის საქართველოში

მოქმედი პირები:

მაჰმუდ-ფაშა — ოსმალეთის საქართველოს ვალი.

ნახირ-ფაშა — ქართველი გვარის თავადი.

კულურ-ხანუმ — მისი ცოლი.

ელენე — დისწული ხანუმის.

არჩილი — ახალგაზრდა სოხტი, ელენეს მეგობარი.

ჯამალ — მოურავი.

ესმა — გამდელი.

ხათუნია — მოსამსახურე გოგო

და ექიმი.

მესამე მოქმედება ხდება ერთი წლის შემდეგ.

პირველი მოქმედება

პირველი გამოსვლა

(ნახირ-ფაშა ტახტზედა ზის, მუთაქაზე გადმოწოლილია და იცინის. ჯამალ — მოურავი მის წინ დგას და სკდილობს, რომ თანდათან უფროდაუფრო გაამხიარულოს).

ნახირ-ფაშა. არა!... მე ნუ მოგიკვდები, მართალს ამბობ?

ჯამალ-მოურავი. მართალს!... შენ ნუ მოუკვდები ჩემს თავს!...

ნახირ-ფაშა. ტლინკავს?

ჯამალ-მოურ. იმე!... ტლინკავს, მარა რაეარს ტლინკავს? ნურც გინახავს ჯორი!...

ნახირ-ფაშა. უნდა ხელში გეჭიროს, ჩემო ჯამალ.

ჯამალ-მოურ. ხელში მეჭიროს?!... რას ბრძანებ, ღმერთი გადღეგრძელებს? ეშმაკის გაჩენილს მანგრე ჰალა-ჰალა ვინ დაიჭერს ხელში? დილიდან სალამომდე რომ ასე გყავდეს მომუქნული, მაინც ვერას გააწყობ, ბატონო: გამოგისხლტება ხელიდან ის ეშმაკის მანქანება... ერთს გადაგიბრუნებს და მერე სალამოდან დილაშდის სულ ასე გაგხდის... ასე დაგიჭერს ხელში, ჰა...

ნახირ-ფაშა. ვე, მოურავო! დაუბრიყვებიხარ...

ჯამალ-მოურ. რა გაეწყობა, შენი ჭირიმე... მოდი და ნუ დააბრიყვებინებ თავს: მანდილოსანი თუ გაჯინდა, ბატონო, და შეჯღა ეშმაკის ჯორზე, ვინლა გადმოახტუნებს?!... აჰ!... უკაცრავად პასუხია და ერთი თინია-დედაკაცი ლომივით ვაეკაცს შეაწუხებს!

ნახირ-ფაშა. როგორ?

ჯამალ-მოურ. ჰკრავს, ბატონო, წიხლს და მიაგორებს იქით და მერე, სულ მგელივით რომ იზუელოს, მაინც აღარ გაცემს ხმას... ზედაც არ შეხედავს... არ მომიკვდე!...

ნახირ-ფაშა. უნდა როგორმე შეაშინო.

ჯამალ-მოურ. აჰ, არ შეუშინდე მტერს!... რა ბრძანებაა!... სამას-სამოცდახუთი წმინდა გიორგიც ვერ გასკრის იმაზე.

ნახირ-ფაშა. აბა, რას შერები ხოლმე?

ჯამალ-მოურ. მარა, თურმე, მართალი ნათქვამი ყოფილა: თავთავის მამათვინიერებელი ანგელოზი ყველასა ჰყავსო. ვენაცვალე თქვენს დიდკაცობას, თქვენი სახელი სკრის ძალიან!

ნახირ-ფაშა. მართლა, თუ გიყვარდე?

ჯამალ-მოურ. არ გაგონილა, ბატონო... არ...

ნახირ-ფაშა. მე ნუ მოგიკვდები?!

ჯამალ-მოურ. კი, შენ ნუ მოუკვდები ამ ჩემ თავს... რაევარკ კი ვუხსენებ ხოლმე თქვენს დიდებულ სახელს, მეტი აღარ ეჭირვება, მოთვინიერდება ხოლმე ის აშარი.

ნახირ-ფაშა. როგორ, აბა, ჩემო ჯამალ?

ჯამალ-მოურ. ერთს ვეტყვი ხოლმე: დედაკაცო, ის ჩვენი მწყალობელი ბატონი, ნახირი, ნუ მოგიკვდება-თქო, და კმარა... მეტი აღარ უნდა!...

ნახირ-ფაშა. მოდის?

ჯამალ-მოურ. როგორც მიმონო საქნიელზე.

ნახირ-ფაშა. შელოცვაც იცის?

ჯამალ-მოურ. თქვენის გულისათვის რას არ იზამს, ბატონო? რას!... ყოველიფერს მოახერხებს: მგელს კი არა, ეშმაკს შეჭკრავს!... ახლა, ბატონო, ფეხზე აღარ იდგომება სიხარულით, რომ გაიგებდა თქვენს ბედნიერებას.

ნახირ-ფაშა. ასე მალე? ვინ შეატყობინებდა?

ჯამალ-მოურ. რა შეტყობა უნდა? თქვენი ამბავი, მავსისხო კი არა, ერთი ბეწვაც რომ იყოს, მაინც შურდულივით გარბის სოფლიდან-სოფლამდის... სულ ცეცხლივით მოედება ხოლმე მთა და ბარს. ახლა? რა ბრძანებაა... დღნიაზედაც ეცოდინებათ.

ნახირ-ფაშა. კი დაგემართოს!... მაშ აწ, სადაც არის, შემოსაწვევარიც მოგვივა. ჯერ მეძღნე რომ არავინ გაჩენილა?

ჯამალ-მოურ. ახლომახლოდან კი დაიწყეს და ჯერ შორებელი კი არსადა სჩანს. გაჩნდებიან ისინიც... ახლა იმათაც ექნებათ გაგებულობა.

ნახირ-ფაშა. თუ გიყვარდი, იამებათ?

ჯამალ-მოურ. იმე!... ვინც ერთგულია, აბა რა დაემართება? მე რომ გავიგე პირველად, ვენახში გახლდი, მუშებს ვადექი თავს, გამოვიქციე გახარებული, გამოვდევი სარს თქვენი წყალობა ჩოხა და სულ პრიწინ-პრიწინით ჩავიტანე ძირამდის. შენი მტერია, მე ახლა ამ გახეული ჩოხით იმ ჩემ დედაკაცს ველარ მიუვალ შინ!... მაშინვე ყრონქში მცემე: „ვინ გაგიხაო“? ატყდება და ხომ აღარ დამიჯერებს!...

ნახირ-ფაშა. აბა, მაშინ გაზუღლებს, აჰ?! ხა! ხა! ხა! ხა!...

ჯამალ-მოურ. მაზუღლებს კი არა, სულ ლეკვივით მაწუწუქუნებს, თუ არა მოვახერხებ-რა.

ნახირ-ფაშა. გაწუწუქუნებს?

ჯამალ-მოურ. მაწუწუქუნებს, შენ ნუ მომიკვდები!

ნახირ-ფაშა. ხა! ხა! ხა! ხა!

ჯამალ-მოურ. (ცოტა ხნის სიჩუმის შემდეგ) ბატონო, ხომ გახსოვთ ჯილბებს ხომ გამოიცვლით?

ნახირ-ფაშა. რისაკვირველია!

ჯამალ-მოურ. მაშ ჩოხაც უნდა გამოიცვალოს.

(კუდურ-ხანუმის ხმა გარედან კარებთან) -- ესმა!... ესმა!... ნუ აგიშვია გოგოები და ნუ დაარბენინებ აქეთ-იქით უსაქმურად!

ნახირ-ფაშა ბატონიშვილი!

ჯამალ-მოურ. ბატონიშვილი!

{ ერთად შეშინებული წამოხტებიან.
კუდურ-ხანუმ შემოდის }

ჯამალ-მოურ. (ახელებს) დიდი ბეღელი საესეა პირამდის. წითელი ბეღელიც შეამდის მოგყარეთ. სამოციანი გადავალბინე, მარა კოპიტ ქვეშ რომ ჭური გახლდათ, იმისთვის კი მიუცია ხელი... ცოტა უკბენია, მარა არა უშავს რა, მუშისთვის ივარგებს.

მეორე გამოცვლა

ისინივე და კუდურ-ხანუმ

ნახირ-ფაშა. მობრძანდი, ბატონიშვილო! ღვინო გადაგებრუნებია.

კუდურ-ხანუმ. რა გაეწყობა! ან-კი რა-გასაკვიოალია? ამისთანა არეულ-დარეულობაში, როგორც ჩვენს ოჯახშია, ღვინო კი არა, რატომ ტვინი არ გადაბრუნდება. ჯამალ-მოურავო!

ჯამალ-მოურავი. ბატონო, შენი ჭირიმე?

კუდურ-ხანუმ. ამ ანგარიშებით კარგია, მაგრამ უფრო სხვა დროს... ხომ იცი, რომ დღეს მეჯლისი გვაქვს და წვეულებას ვიხდით, თვითონ ვალა დაპატიუებული.

ნახირ-ფაშა. იცის, ბატონიშვილო, როგორ არ იცის?

კუდურ-ხანუმ. მაშ სამზარეულოს, სახაბაზოს და სხვას ყურის გდება უნდა. საკლავები მსუქნები გამოდგენ?

ჯამალ-მოურ. (ყოყმანობით) ჰო, არც ისე და არც ასე.

კუდურ-ხანუმ. როგორ თუ არც ისე და არც ასე? ჭრელ ძროხას განა სიმსუქნე აკლდა?

ჯამალ-მოურ. აღარ დამიკვლევინებია, შენი ჭირიმე, ფეხზე გახლავსთ. დღეს თუ ხეალ უნდა მოიგოს.

კუდურ-ხანუმ. თეთრი უშობელი?

ჯამალ-მოურ. თქვენ რომ გინახავსთ, ისე არ გახლავსთ... ამ ერთის კვირის წინათ ნიშა-ხარს დასკიდებია და რქა მოუტეხია.

ნახირ-ფაშა. ჩვენ რქები რად გვინდა, მოურავო? მოიტეხოს... მაინც ხომ დასაკლავია?

ჯამალ-მოურ. ძალიან შეუწუხებია ტკივილსა და გამბდარა. სოფლიდან გამოვავყვანიე... მეტი გზა აღარ იყო.

კუდურ-ხანუმ. ვერა ხარ, მოურავო, კარგი ფეხის: ძროხები რტებს იმტვრევენ, იკარგებიან, თხებს მგლები იტაცებენ, ქათმებს მელიები აწყალებენ, ინდოურებს და ბატებს ჭირი ემართება, ღვინო ბრუნდება და პური ჟრისდება!..

ჯამალ-მოურ. რა ვქნა, შენი ჭირიმი?! ღმერთმა მკითხოს და გადამახდევინოს, თუ მე თქვენი ოჯახის ერთგულება მაკლდეს, მაგრამ რა ვქნა, რო...

კუდურ-ხანუმ. კარგი, კარგი! ახლა მაგის დრო აღარ არის. მიიხედ-მოიხედე, ყველგან თვალი გეჭიროს!

ჯამალ-მოურ. კი, შენი ჭირიმი, გაიხლებით!

ნახირ-ფაშა. მართალს ბრძანებს ბატონიშვილი: მიიხედ-მოიხედე, ყველგან თვალ-ყური გეჭიროს!

ჯამალ მოურ. ბატონი ბრძანდებით! (მიდის)

ნახირ-ფაშა. ბატონიშვილო! აბა, შენ იცი ახლა თადარიგი, გამომაჩინე შენებურად.

კუდურ-ხანუმ. აბა, თუ თქვენის იმედით დადგა კაცი... (ცოტახნის სიჩუმე) ეს ყველა კარგია, მაგრამ შენ რაღას უზიხარ აქ? ვადი, გაიარ-გამოიარე აივანზე. ხალხს დაენახვე, ალერსიანად ეჩვენე და, თუ მოგილოცოს ვინმემ, დაუმადლე. ნურც ძალიან მზიარულად უჩვენებ ვისმეს თავს და ნურც მოწყენილად. ზომით დაიქირე თავი! შენებურად ღლაბუცობას ნუ მოჰყვები!... ბევრჯელ მითქვამს და ახლაც გირჩევ წინდახედულობას: ეცადე, რომ შენზე უფუნურებთან თავი ჰკვიანად გამოიჩინო; შეფერებით იყავი და ჰკვიანებთანკი ახირებულობა, თავის გასულელება გამოიჩინე, ნუ გენადგვლება!

ნახირ-ფაშა. რათა, ბატონიშვილო, ეგ რაღა საჭიროა?

კუდურ-ხანუმ. ალბათ საჭიროა!... ბრიყვი მალე მოტყუვდება და ჰკვიანად მიგიღებს და ჰკვიანი კი, სისულელის მოგონებას რომ შეგნიშნავს, მერე ნამდვილ სისულელესაც აღარ დაგიჯერებს, იფიქრებს: იგონებსო, ანგარიში რამე ექნება და იტყუებაო.

ნახირ-ფაშა. ჰოი, შენ კი გენაცვალე მაგ ჰკუაში, ჩემო სიბრძნის ბოლოზო! (ჰკოცნის).

კუდურ-ხანუმ. ჰო, კარგია! კარგი! ნუ ახუნტრუცდები! ახლა მაგის დრო არ არის.

ნახირ-ფაშა. ჰო, შენი გულისა, ჩემო სიბრძნის ბოლოზო!... ბოლოზო! ბოლოზო!...

კუდურ-ხანუმ. ატყდი?... არ შეიძლება, რომ ცოტა ხნით შესტროთ ზღვაში, ჩემო ბედნიერების ცეცხლის გემო? მიბრძანდით და შორს კი არ შესტროთ. და, თუ ვინიცობაა, ზღვა აგიღელდესო...

აკაკის რჩეული ნაწერები. ტ. III.

ნახირ-ფაშა. შენ მოგაშურებ, ჩემო ბოლოზო, შენ... (ჩემებს) ბოლოზო!

კულურ-ხანუშ. უბრძანეთ ვისმეს, რომ ესმა აქ შემომიგზავნონ.

ნახირ-ფაშა. ბატონი ხარ! (მიდის) ბოლოზო, ბო...ლო...ზოოო.

კულურ-ხანუშ. (მარტო) ჰე, ვაი ჩვენი ბრალი, რომ ქალებს პირადობა არა გვაქვს!... ცოლების პატივი ქმრების ღირსებაზე არის დამოკიდებული! გინდ სწორუპოვარიც იყო ქალი, თუ კი ქმარი ცხოვრების საფეხურთან გდია, მიდი, ამოუჯექი გვერდით და, გინდა თუ არა, გაიზიარე მისი ვივინდარაობა. და, თუ ქმარი სათავემდე ასულა, მაშინ კი შენც, ქალო, გინდ უღირსიც იყო, მოდი, ამოუდექი გვერდში და მოიკრიფე პატივი და დიდება! მაშ ვის რალათ უქვირს, რომ ჩვენ ვცდილობდეთ ჩვენის ქმრების ამაღლებას და მისთვის ხშირად უკადრისსაც ვკადრულობდეთ? რალასა სთხოვს იმას საზოგადოება, ვისთვისაც თვითონ უსამართლოდ პირადობა ჩამოურთმევია? ნება აქვს, რომ ესაყვედუროს? ჩემგან ამაღლებულ ქმარს მევე უნდა ვემონო? ეჰ, უკნურების სვეტზედა დგას დედამიწა!... რა გამოვია, რომ ვიჩივლოთ? უმჯობესია ქალებმა წამოვიკიდოთ ზურგზე ჩვენ-ჩვენი ქმრები და შევეუდგეთ აღმართს... მაგრამ შესაბრალო ის არის, ვისაც იმისთანა გოდორი შეხედება, როგორც მე!... ჰმ!... მობრძანდით და გოდორი უთხარით!... კაცი გამოჩენილი, ამაღლებული, მდიდარი და გვარისშეილი, რომელსაც დიდებულმა სულთანმა დღეს ფაშობაც კი უბოძა. (დაფიქრდება) ამ რამოდენიმე წლის წინეთ, როდესაც ჩემი ქმარი უბრალო ჩაუში იყო, განა მოვიფიქრებდი ამ ბედნიერებას? დღეს კი თითქოს კმაყოფილიც არა ვარ... კიდევ მეტს ვეძებ!... კაცის გული ხარბია და გაუმაძღარი!... ვინ იცის, სადამდის მიმიყვანს ჩემი ბედი? ჰმ, ბედი თქო?! რა ვთქვი ესა? ბედი რას მიქვიან? ხერხი!... ხერხი!... ცდა, შრომა და თავდაუზოგავობა!... (დაფიქრდება) სანამ ეს გარყვნილი ვალი, რომლის სიტყვაზედაც დიდებული ხონთქარი დაიარება, ხელშიდა გვეყავს, კიდევ ბევრს უნდა ველოდეთ!... თუ ეს უკანასკნელი პირობაც შევეუსრულე... მაგრამ ელენე.. ჰმ... ელენე?... ახირებულია კაცის საქმე: იმ შეჩვენებულს მშვენიერი თამარი მოსწყინდა და ელენესათვის გიჟდება?! ეინი!... იტყვიან: „თვალიაო“, მაგრამ თვალიც ხომ ისევ ის ეინია?! ეინი!... ეჰ, რაც უნდა იყოს... რაც უნდა მოხდეს, ოღონდ მე კი ჩემი საქმე გავირიგო და... (დაფიქრდება) არა, შეუძლებელი არა არის-რა! თავს არ დავზოგავ და ელენეს კი დავითანხმებ რიგორმე.

მისამე გამოცხლა

ისეე და ესმა (შემოდის).

ესმა. ქალბატონო, მე მიბრძანებდით?

კუდურ-ხანუმი. დიახ, შენ. მაგრამ რომ აღარ გვეკარები?

ესმა. რა ვქნა, ქალბატონო, რომ აღარა მცალიან?! ხომ ნახეთ შაკ თქვენი მშენიერი თვალებითაც, თუ რას ჩადიან გოგოები? გაუნამუსდენ, შიში აღარაეისი აქვსთ და მორიდება.

კუდურ-ხანუმი. მოჰყევ კიდეე შენებურად?

ესმა. უიმე, გენაცვალე, განა უნდა დავჩუმდე? შენი ოჯახის ორგულობა განა უნდა მოვიტმინო? გაუნამუსდენ, ქალბატონო, აღარ ეშინიათ... აღარ!...

კუდურ-ხანუმი. დაანებე, გველო, თავი! რას ჩაცივებინხარ?

ესმა. თავი რომ დავანებო, მერე ხომ აიკლებენ აქაურობას? დააქცივენ, ქალბატონო, ოჯახს... დააქცივენ!... ღმერთს არ შეხედვენ ის უნამუსოები!—გაიანეს დღეს კრუხი დემწყვრია და წიწილები კი ვარეთ დაეტოვებია... საცოდავად წიაჭობდენ; თუ მე არ მივსწრებოდი...

კუდურ-ხანუმი. დღეს მაინც დაანებე თავი მაგაებს, გამდლო! რამდენჯერ მითქვამს, რაც შენი საქმე არ არის...

ესმა. უიმე! როგორ თუ ჩემი საქმე არ არის, გენაცვალეთ?... ხომ გასწყდებოდენ?...

კუდურ-ხანუმი. გაწყვეტილიყვენ!

ესმა. არც ცხვრები განოეშვათ: უწყლობითა კვდებოდენ.

კუდურ-ხანუმი. დახოცილიყვენ!...

ესმა. უიმე, დამიდგა თვალები!... მაშ ამოვარდეს ოჯახი?...

კუდურ-ხანუმი. მაგით ოჯახი არ ამოვარდება.

ესმა. დამიდგა თვალები, რა დრო შემოვიდა!... მაშ აღარც მტერი გინდათ და აღარც მოყვარეს ეძებთ? ვინ დიდკაცი და ვინ აკლებული ოჯახი, ნაოხარსავით გაშვებული?

კუდურ-ხანუმი. თუ მართლა აგრე გული გეწვის, ეს სხვებს უბრძანე ხოლმე და შენ-კი სხვა საქმეს შეუდექი!

ესმა. რა ვქნა, რომ აღარავინ მიჯერებს, ქალბატონო! გოგოები გაუნამუსდენ, ღვთის აღარ ეშინიათ და კაცებს აღარ ერიდებიან. ერთი რომ ვუთხრა, ასს მეტყვიან... ადრინდელი ხათრი და მორიდება სადღა არის? ელენე ნუ მომიკვდება...

კუდურ-ხანუმი. (აწყვეტინებს სიტყვას) კმარა, გამდლო, კარგი! თუ მოჰყევი, ხომ ველარ გაათავებ?

ესმა. უიმე, აღარც ვილაპარაკო? თუ მეც აღარა დავეძინე, ვინ-
ლა მოხედავს შენს ოჯახს? ვინლა უგდებს ყურს? გოგოების იმედი
ჩემს მტყრსა ჰქონდეს... აღარაფერს ეძებენ...

კუდურ-ხანუმ. ვაი შენ და შენს გოგოებს! მორთე ჭიანჭური? მე
საქმისთვის შემოგვიხმე და შენ კი აქ რაღაცას მყობროდები.

ესმა. რა ვქნა, გენაცვალე... შენი ოჯახის ერთგულება მაღაპა-
რაკებს. წაყრუება არ ვარგა, უნდა გაუწყურეთ... შეაშინოთ. მათ ხანში-
ჩვენი გვაშინებდნენ ბატონები!... უმისობა როგორ იქნება?

კუდურ-ხანუმ. კარგი! კარგი! ეს სხომის იყოს... ახლა ეს მი-
თხარი: ელენემ გაიღვიძა?

ესმა. დიდი ხანია, მაგრამ ჯერ პირიცი არ დაუბანია. აბა, ისე
კი არ იქცევა, როგორც თამარი იქცეოდა ხოლმე; ის ჯერ ხელპირს
დაიბანდა დილაადრიან, მოიკაზმოდა, მოირთოდა და მერე სადილო-
ბამდის სარკის წინ თავის მშვენიერ სახეს ეკოპწიავებოდა, ესიყვა-
რულებოდა ხოლმე. ისე სწორედ, როგორც რიგია და როგორც შე-
შვენიის დიდკაცის ქალობას. და ეს კი წიგნების კითხვაში ათენ-ალა-
მებს. სხვა არა იყოს რა, მარტო მეშინია, რომ ვაი-თუ თვალები
გაიფუქოს.

კუდურ-ხანუმ. მეც მაგას გეუბნები, გამდლო, რომ წიწილე-
ბის და ცხვრების დევნას, იმ შენს გაზრდილს რომ ყური უგდო ხოლ-
მე, ის ემჯობინება.

ესმა. რა ვქნა, რო ჩემი აღარა სჯერა რა!...

კუდურ-ხანუმ. მაინც რას გეუბნება?

ესმა. თქმით არაფერს!... ძალიანაც მიტკებება, მარა, რაც უნდა
ვურჩიო კი, იცინის, მეტს არაფერს მეტყვის ხოლმე.

კუდურ-ხანუმ. სოხტები ხომ აღარ დაიარებიან?

ესმა. რაღაი ის ერთი ურჯულო დაატუსაღეს, მარე ვინლა გაუ-
ბედავდა მოკარებას?

კუდურ-ხანუმ. მაშ წიგნებს სად შოულობს?

ესმა. რა ვიცი, ქალბატონო? იმ პატარა ძიძის-შვილს, ხათუ-
ნიას, ავზავნის ხოლმე სადღაც და იმას მოაქვს...

კუდურ-ხანუმ. რატომ არ გამოჰკითხავ და არ გამოსტენ იმ
გოგოს?

ესმა. უიმე, ეშმაკია, გენაცვალე!... იმას ვინ გააბრიყვებს?...სულ
იმის ბრალია, რომ გაზრდილმა შემიძულა!... რაც საიდუმლო აქვს,
იმას ანდობს... მე ძალადაც აღარ მაგდებს. ძალიან უყვარს, წიგნ-
საც ასწავლის.

კუდურ-ხანუმ. გუშინ ხომ ურჩიე ელენეს, რაც გითხარ?

ესმა. მოვახსენე, შენი ჭირიმე.

კუდურ-ხანუმ. მერე?

ესმა. საცინლად ამიგდო, იმას კი ვენაცვალე!

კუდურ-ხანუმ. რა გითხრა?

ესმა. შაირებით გამკიცხა: „მაგ რჩევისთვის, ვადია, ადექ, კარ-ში ვადიო!“ ასე მიპასუხა. იმისგან კიდეც ისე არ მეწყინა ეს გაკიცხვა, როგორც იმ პატარა გომბიოსაგან: იმ უნამუსომ შიგ ცხვირ-პირ-ში მომაყარა სიცილი.

კუდურ-ხანუმ. მაშ, იმედი არა გაქვს, რომ დაიყოლიო? თავის ბედნიერება არ ესმის!...

ესმა. როდი მიაჩნია ეგ, გენაცვალე, ბედნიერებადი!... იმ შეჩვენებულმა სოხტებმა გული უცვალეს, ქალბატონო!...

კუდურ-ხანუმ. მაშ შენა გგონია, რომ მაგგვარად არა გამოვა-რა?

ესმა. არა, ქალბატონო!

კუდურ-ხანუმ. მაშ, კარგი, აწ ნულარას ეუბნები!... ახლა კი სთხოვე, რომ აქ შემობრძანდეს ჩემთან.

ესმა. კი, ბატონო! გაახლებით, მაგრამ გოგოები კი ნუ დაგავიწყდებათ, ჩემო ხელმწიფე! გაუჯავრდით და შეაშინეთ, თორემ თავი აიშვეს: ღვთის აღარ ეშინიათ და...

კუდურ-ხანუმ. ჰო, კარგი! კარგი!...

ესმა. (მიდის ბუტბუტით) თქვენი ნებაა, მე კი მოგახსენებთ და...

კუდურ ხანუმ. (პირზე ხელებს მიიფარებს, დაფიქრდება და მერე უცბათ) არა, სხვა გზას უნდა დავადგე! ეჰ, სად ხარ, ჩემო სიყმაწვილევ!... სხვასთან საქმეს აღარ დავიჭერდი მაშინ!— დაქვანა! დაქვანა ის მშვენიერი სახე (ხელს იკიდებს ლოყებზე), მაგრამ დამჭკნარ სახესაც შეუძლია ძალა იჩინოს. (მიდის სარკესთან) აბა, ჩემი სახე როგორ უნდა ეჩვენოს კაცს მზიარულად მაშინ, როდესაც გულში მწუხარებასა ჰმალავს? ასე? (იციხის) და როდესაც მზიარულებას არ იჩენს? ასე? კმარა! კმარა! ვნახოთ! ვეცადოთ! (დაჯდება ტახტზე, მიიფარებს პირზე ცხვირსა-ხოცს და მოჰყვება ტირილს).

მეოთხე გამოცვლა.

კუდურ-ხანუმ და ელენე.

ელენე. დეიდავ?! ამას რასა ვხედავ?! ეგ ცრემლები მწუხარებისა არიან, თუ სიხარულის?

კუდურ-ხანუმ. (ცრემლებს იშმენდს) კეკა-გონება ახალი დგმის ხვედრია და გამოიციან.

ელენე. სიხარულის ცრემლები მზეში წვიმისა ჰგვანან და თქვენი სახე კი მოღრუბლულია.

კუდურ-ხანუმ. არ სცდები, შვილო!...

ელენე. მერე რას ნიშნავენ, მაშინ როდესაც დღევანდელს ბედნიერებას წვრილმანი მწუხარებაები უნდა დაევიწყებინებინა თქვენთვის?

კუდურ-ხანუმ. რაც სიხარული მქონდა, სწორედ ამ დღევანდელმა ბედნიერებამ გამიფანტა.

ელენე. ვერ მივხვდარავარ!

კუდურ-ხანუმ. ჯერ ყმაწვილი ხარ!... შენა გკითხავ: როგორა გგონია შენ, შენდა თავად: მხიარულება გმართებს დღეს, თუ მწუხარება?

ელენე. რალა თქმა უნდა, რომ მხიარულება!

კუდურ-ხანუმ. სტყუი, შენმა გაზრდამ!... ეგ შენი აზრი არ არის... მაგას არა ჰეიქრობ... და შენგან ტყვილხ კი არ მოველოდი.

ელენე. მე თქვენ მოგყევით თქვენს აზრზე და იმის შედარებით წარმოვიდგინე, თუ როგორი უნდა იყოს თქვენი გულის მოძრაობა.

კუდურ-ხანუმ. (ამოხვეწით) მართალი ხარ, შვილო! რასაკვირველია, მაგრე უნდა მიცნობდე შენ, შენ რას მიხვდები, ჩემს გულში რა ამბებია?...

ელენე. დღეს როგორაც სხვაგვარ გუნებაზედახართ, დეიდა!...

კუდურ-ხანუმ. რა ვქნა?... „კაკი ჭირსა მალავს, ჭირი კი თავს იჩენსო“... ველარ შეიძლო გულმა ამ საიდუმლო ტვირთის მორგვა. მე ის მატირებს, რომ გული ვერავისათვის მიმინდვია და უიმედოდ დატვირთულს დღე მაკლდება. მხოლოდ ერთს გულთამხილავს შეუძლია კაცზე სწორი აზრი იქონიოს... შენ პირველადა ჰხედავ ჩემს ცრემლებსა და გიკვირს; მაშინ, როდესაც მე კი საიდუმლოდ ბევრჯელ მიღვრია ცრემლები, იმავე მიზეზისა გამო, რომლის გამოც თავი სახალხოდ მხიარულად მიჩვენებია. დღესაც ლხინი მაქვს: სახალხოდ ვდღესასწაულობ ჩემის ქმრის ბედნიერებას!... დიდებულმა სულთანმა ფაშობა უბოძა ჩემს ქმარს... (იციხის) ხა! ხა! ხა! ხა! რა დიდი ბედნიერება არის!... ფაშობა უბოძა. ვის? იმ გამოჩენილ გვარის საქართველოს თავადს, რომლის წინაპრებიც ოსმალოს მოსისხლეები იყვნენ... რომელთაც ოსმალო სახსენებლადაც კი ეზიზღებოდათ... დიახ, იმ დამლუპველი მტრის ხელიდან მიიღო ჩემმა ქმარმა ჯილდოდ ფაშობა და მე, მთავრის კახაბერის ასული, მტარვალისა და ჩვენის ქვეყნის დამპყრობელისაგან ბოძებულ წყალობას უნდა შევხაროდე? ვმხიარულობდე?!... ვანა?... ოჰ, რატომ არ გასკდები, გულო? (ტირის).

ელენე. (გაკვირვებით) დეიდავ, ეს რა შესმის თქვენგან?!... უჭეოფოდ ხომ არა ხართ?

კულურ-ხანუმ. აბა, ერთი გაიხედე გარეთ, რა ამბავია?!... ხალხი მოდის და მუხლზე კოცნით ულოცავს ჩემს ქმარს ბედნიერებას! ღმერთო, როგორ დაეცენ სულით. ერთი უბრალო ნიშნის გულისათვის ძმა ძმას გასწირავს და მამა შვილს გაჰყიდის!... ნუ დაივიწყებ, რომ ეგენი იმ ქართველების ნაშვირები არიან, რომელნიც მამულისათვის წამებულან.

ელენე. დეიდა!...

კულურ-ხანუმ. ვინ არის მაგათი დაცემის მიზეზი? მართებლობა! ვინ მოუკლა მაგათ პატიოსანი სული? ოსმალის პოლიტიკამ, ანგარიშებმა და გამრყენელმა... (ხელს წაავლებს ელენეს და ანჯღრევს) შურისძიება, ელენე!... შურის!!...

ელენე. მაშ თქვენც მისთვის გეზიზღებათ ეს ხალხი?

კულურ-ხანუმ. დიახ, არ დაფუცავ, მეზიზღება, მაგრამ მეტრალეება კიდევცა.

ელენე. გებ...რა...ლებათ?

კულურ-ხანუმ. მეტრალეება!... ამიტომ, რომ მაგათ ბრალი არა აქვს!... ეკალზე დათესილი და გაუმარგლავი ბრინჯი ქერზედაც უარესია, მაგრამ კარგ ნიადაგზე გადატანილი იგივე თესლი ნაყოფს გამოიბრუნებს... ამ ხალხს თავისი მომავალი ექნება კარგი და იმაზე უნდა ვიფიქროთ, ის უნდა იყოს ჩვენი მიზანი.

ელენე. ხუმრობთ?!... თქვენ, განა, ის მომავალი არ გაშინებთ?...

კულურ-ხანუმ. მე?!

ელენე. მაშ რაღათ სდევნით იმათ, ვინც მაგ აზრისანი არიან?

კულურ-ხანუმ. ვის?

ელენე. ახალთაობას. სოხტები ბიძიამ არ ჩაასმინა მართებლობას?

კულურ-ხანუმ. სტყუი!... ბიძაშენს რჩევა ჰქვითხეს, რომელიც ბრძანებაზედაც უმტკიცესი იყო, და იმას რაღა გზა ჰქონდა, რომ დასტური არ მიეცა...

ელენე. მაშ თქვენც ხომ ამართლებთ ბიძას?

კულურ-ხანუმ. ვამართლებ! მისთვის, რომ ანგარიში იყო... დიახ... დიდი ანგარიში.

ელენე. მეგრა!... საპირადო...

კულურ-ხანუმ. სცდები... საზოგადო.

ელენე. ჰმ!...

კულურ-ხანუმ. გიკვირს? დედამ რომ შვილი გაიმეტა, ხომ გაგიგონია?

ელენე. არ მაგონდება.

კუდურ-ხანუმ. მონგოლები რომ ქართლს იკლებდენ, მაშინ, საზოგადო მუსრის დროს, ლანგ-თემურმა უბრძანა ერთს დედას: „შენის ხელით მოჰკალ ერთი შვილი და სხვებს გაპატიებო“. დეიამ ვერც ერთი ვერ გაიმეტა და ყველა მის თვალწინ დაელიტეს.—სხვა დედებსაც ამგვარი ბრძანება მისცეს და თანაც მიუშვირეს ქვა, რომლითაც უნდა გაეტეხათ თავი შვილისათვის; ერთმა მათგანმა სიმწარით მოაგლო ქვას ხელი, დაჰკრა ერთს შვილთაგანს და გადმომანთხევია ტვინი... ამით სხვა შვილები ყველა გადაარჩინა სიკვდილს.

ელენე. (ხელებს იფარებს ზიზლით პირზე) ოჰ, შეჩვენებულმა!... როგორ გაიმეტა?

კუდურ-ხანუმ. დიახ, შეჩვენებულმა!... როცა პირველ დედაზე ვიფიქრებთ, მაშინ ის გვებრალება და გულში თანაგრძნობა გვებადება; და მეორეს რომ წარმოვიდგენთ, მაშინ კი ზიზლით გვიღელავს გული... და რათა?... ქკუას, რომ დავეკითხოთ, ყოველთვის მეორეს გაამართლებს. საზოგადო საქმეში, ხშირად, გულის აყოლა მანებელია, ელენე!—მე ის სათუთი დედა არ მომწონს, რომელმაც მისის გულჩვილობით ყველა შვილები გასწირა!—მე უფრო მეორე დედა მიმაჩნია სამაგალითოდ. დიახ, აუცილებელ საქიროების დროს ჩემი ხელით გაეწირავ იქ ერთს, სადაც კი მითი ასსა და ათასს გამოვიხსნი.

ელენე. მთელი ახალდგმის გაწირვით ვინ გინდათ იხსნათ?

კუდურ-ხანუმ. არ მესმის!

ელენე. თქვენ ხომ ახალი დგმა საზოგადოდ გეჯავრებათ და სობტებსა სდევნით?

კუდურ-ხანუმ. ელენე!... დღეს მე ვლალატობ ჩემს თავს და ჩემი გულგახსნილობა არ დამანანო შენის წინდაუხედაობით!... მმართებლობას არ უყვარს ისინი.

ელენე. და თქვენც მისთვის სდევნით?

კუდურ-ხანუმ. დიახ! გარეგნად, დასანახავად, რომ მითი მტრის გული მოვიგო, მოვიწოდო და მერე... მერე... ოჰ, ნულა მათქმევივებ, ელენე!...

ელენე. ნუთუ მართლა, დეიდავი?... მაშ ისინი, ვინც მაგ გრძნობითვე არიან გამსკვალულები...

კუდურ-ხანუმ. რალათა მძულს?

ელენე. დიახ, ეგ მინდოდა მეთქვა.

კუდურ-ხანუმ. ვინ გითხრა?... არ იცი, რომ მე ისინი მიყვარს და იმათ ვაფასებ?

ელენე. გიყვარსთ?! თქვენზე გულდაკლებული და თქვენი მგმობელი ახალგაზრდები?!

კულურ-ხანუმი. სწორედ! იმათ არ იციან ჩემი საიდუმლოება, მაგრამ როდესმე დრო შეგვარიგებს ჩვენ.

ელენე. მაშ რათ უფარავთ მაგაებს ყოველივეს თქვენს თანამოაზრეებს?

კულურ-ხანუმი. ძნელია მინდობა: წინდაუხედაობით საქმე ხდება ხოლმე. მათი წინდაუხედავი პირდაპირობის მეშინია... იმათ უნდათ, რომ უიარაღოდ ძლიერს მტერს ებრძოლონ და უნაყოფ ზღვა გასკურონ. მე კი მინდა, რომ ჯერ იარაღი ჩავიგდო ხელში და ნაყოფი შევიძინო.

ელენე. არჩილმა მაგის მეტი რაღა დააშავა, რომ პატიმრობაში იხრჩობა.

კულურ-ხანუმი. არაფერი... მაგრამ გამოცდილება ეჭირვება!... ელენე!... არჩილი ჩემი იმედი და ნუგეშია, იმისაგან მე ბევრს მოველი.

ელენე. როდის? როდესაც ციხე დააქნობს და გააქრობს?

კულურ-ხანუმი. არა, გამოსცდის და გაამტკიცებს! რკინას ცეცხლი აფოლადებს და კაცს განსაცდელი.

ელენე. ატანა ძნელია.

კულურ-ხანუმი. მეჭურჭლე თიხის ქურქლებს თორნეში ჰყრის გამოსაწვავად და, რომელიც ვერ აიტანს გამოწვა:სა და გასკდება, იმაზე ალარ ნაღვლობს: „მანც არ ივარგებდა სახმარადაო“ ამბობს... ეჰ, ელენე, ჯერ კიდევ ყმაწვილი ხარ! თქვენა გგონიათ, რომ მხოლოდ თქვენ გიყვართ და თქვენა ჰფიქრობთ ჩვენს ქვეყანაზე... ჩვენ კი რაღა დაგვიშავებია? განა ქვის გული გვაქვს?...

ელენე. „ღმერთი საქმით იცნესო“, ნათქვამია.

კულურ-ხანუმი. „და არა გარეგანის შეხედულობითაო“!... საქმეს დრო გამოაჩენს. თქვენ უფრო თქვენი თავი გიყვართ და არა მამული.

ელენე. ჩვენ?!

კულურ-ხანუმი. დიახ, თქვენ... გინდა დაგიმტკიცო ხელდახელ, რომ შენ არ გიყვარს მამული?... მხოლოდ გეჩვენება... გგონია!...

ელენე. უკაცრავად!... ეგ არ ეთქმის იმას, ვინც მზად არის, რომ საწმობლოს თავი უმსხვერპლოს.

კულურ-ხანუმი. მხოლოდ მისთვის, რომ თავი გამოიჩინოს.

ელენე. საიდუმლოდაც.

კულურ-ხანუმი. თუ ტანჯვა მოკლე ხანს გასწევს... ხანგრძლიობას კი გაუდრკები.

ელენე. მაშ ახლანდელი ჩვენი ცხოვრება ხანგრძლივი ტანჯვა არ არას? რასა ეხედავ საწმობლოსა და სასიხარულოს საზოგადოდ?

კუდურ-ხანუმ. სურვილი გაქვსთ, მაგრამ საქმე კი არ შეგიძლიათ. დიდი ხანია, რაც ქართველებს ძველი სული მოუყვდათ... შენ იმას ვერ შესძლებ, რასაც ძველად ქართველი ქალები შეიძლებდნენ.

ელენე. გადიოდნენ ბრძოლის ველზე!

კუდურ-ხანუმ. ეგ არაფერია!—სულსაც კი მსხვერპლად სწირავდნენ სამშობლოს: სარწმუნოებაზე ხელს იღებდნენ და ცოლებად მიჰყვებოდნენ იმათ, ვისიც ზიზღი გულში ედოთ: სულთნებსა და ზახებს... ნამდვილს გრძნობას გულში იკლავდნენ და მოჩვენებულის გრძნობით ისე ხიბლავდნენ სიყვარულით გაშმაგებულებს, რომ საქართველოს შესახებ მტრობას მოყვრობად უქცევდნენ.

ელენე. მაშინ ის დრო იყო... შემთხვევა ჰქონდათ.

კუდურ-ხანუმ. განა დღეს კი არ არის შემთხვევა? ეჰ, შენს ადგილზე ვიყო და მაშინ დავამტკიცებდი, თუ როგორ მიყვარს სამშობლო.

ელენე. ჩემს ადგილზე?

კუდურ-ხანუმ. დიახ! ვერა ხედავ, რა გაგიყვებით გეტრფის ვალი?

ელენე. მერე?!

კუდურ-ხანუმ. რომ შენ განზე არ უდგებოდე და გინდოდეს, რამდენს კეთილს საქმეს აქნევენებდი ჩვენის ქვეყნისათვის, ხელში რომ გეყოლებოდა!...

ელენე. ფუ!... საზიზღარი და...

კუდურ-ხანუმ. ჰო, ფუ!... მაშ ის დედები, მტრებს რომ მიჰყვებოდნენ, უგულოები იყვნენ, შენის აზრით? არ ეზიზღებოდათ?

ელენე. ეგ სულ სხვა არის!... მაგას ჩემი გული ვერ შესძლებს!... მაგდენი ძალა არა მაქვს, რომ მაგგვარი რამ ავიტანო... ბრრრ!...

კუდურ-ხანუმ. ბრრრრ!... მე კი არ ვიცოდი... ბრრრრ! მიტომ ბრრრ, რომ მამულის სიყვარული გაკლია; ის ისეთი რამეა, რომ თავის თავად აჩენს ძალას... სისუსტე არ იცის, რა არის... შენ არ შეგიძლია? სჩანს არ გიყვარს!...

ელენე. სიკვდილი უმჯობესია მაგგვარად თავის დამდაბლებზე!

კუდურ-ხანუმ. ჰო, მაშ მაგრე სთქვი, შეილო: თავი მიყვარს-თქო!... ქვეყანას რაღას ამადლით?!... ძველებური ქალები კი თავსა სწირავდნენ და შენ-კი იმგვარსავე შემთხვევაში უბრალო ალერსსაც უკადრისობ... იმადლები... აბა, იფიქრე, შეილო, რამდენს კეთილ საქმეს აქნევენებდი შენის ქვეყნისათვის, ხელში რომ გეყოლებოდა?! რას ჩაფიქრდი? რისი შეგეშინდა, შეილო?... ასე ვამბობ, თორემ მეც სუსტი ვარ... განა მე კი შემიძლია, რომ შენი თავი გასაქენჯნავად იმას ჩაუფლო ხელში? უიმე, მაშინ კი დღე დაუბნელდეს დეიდაშენსა!... მაგრამ შენს ადგილზე ვიყო, იმედს არასოდეს არ გამოვუტყლიდი იმ

ბებერს გულიდან; ხელში მეყოლებოდა დაქერილი, ასჯერ ჩაეყვანდი წყაროზე და წყალს კი არ ვასმევდი; და, როდესაც გამოვაშრობდი, მაშინ ან ძალითა და ან ნებით უკუვაგდებდი.

ელენე. გული უნდა, დეიდავ, მაგას, გული!... განა ყველა შესძლებს?

კულურ-ხანუმ. ვინც კი მოინდომებს. შეყვარებული კაცი და ბარგის ვირი ერთია.

ელენე. ქვეყანა...

კულურ-ხანუმ. ვისაც საქმის გაკეთება უნდა, ქვეყანას არ დასდევს. აი, თუ გინდა, მე: რამდენსა მლანძღვენ უსამართლოდ! რას არ ამბობენ სოხტები ჩემზე... შემოძლია, რომ იმით აზრი შეეცვლევიანო. მაგრამ მეშინია: საქმე არ წამიხდეს-თქო, და ყურებში ბამბას ვიცობ...

მეხუთე ბაზოსვლა

ისინივე და ესმა.

ესმა. ქალბატონო, თქვენ მაინც უბრძანეთ რამე, თორემ გამგონი კაცი აღარსად არის. ბიჭები საღლაბუცოდა ხდიან საქმეს და გოგოებს-კი კაცმა ხელი ვეღარ მოჰკიდა...

კულურ-ხანუმ. გამდგელო, რა დაგმართნია? რა ამბავია კიდევ?

ესმა. გენაცვა, მეტი რაღა ამბავი უნდა იყოს, რომ თავი აიშვეს გომბიოებმა და აქეთ-იქით ძროხებივით გარბი-გამორბიან.

კულურ-ხანუმ. საქმე ექნებათ...

ესმა. რა საქმე უნდა ჰქონდესთ, ბატონიშვილო! ტყვილა-ჭურბლოდ დაძუნძულობენ და ჩემი არა ესმისთ-რა, ნამუსი იმით აღარ აქვსთ და პირის წყალი. ასე გამოცვლილი დრო არ გაგონილა! სწორედ მეორედმოსვლის ნიშნებია, ქალბატონო!..

კულურ-ხანუმ. ოჰ, რაღაი მოჰყვები, ხომ აღარ გაათავებ!... სულ ერთიდაიგივე, სულ და სულ!..

ესმა. უიმე, დამიდგეს თვალები! აბა, ხმა არ გამოვილო? გულგრილად ვუყურო შენი ოჯახის აოხრებას და გატიალებას?

კულურ-ხანუმ. რა აოხრებას?!.. გეჩვენება!

ესმა. გენაცვალეთ, როგორ თუ შეჩვენება?... ააბზიკეს კულები ხბოებმა და აქეთ-იქით გადაცვინდენ, გარბი-გამორბიან, თითქოს კორტიზი შეჯდომოდეთ, სარზე გადაეხევიან და მიმხედავი კაცი კი არსად არის.

კულურ-ხანუმ. რა ცოდვამ ააბზეკიათ კულები?

ესმა. დაფრთხენ, ქალბატონო... ცხენოსნების შეეშინდათ...

კუდურ-ხანუმ. ვინ ცხენოსნებია?...
ესმა. სტუმრები ვიახლენ სადილად, სტუმრები!...

კუდურ-ხანუმ. სტუმრები? ვალიც მობრძანდა?

ესმა. დიდი ხანია, ქალბატონო... ბალში სხედან ვაებატონთან.

კუდურ-ხანუმ. (წამოვარდება ზეზე) მერე და ვერ შემატყობინეს?

(მიდის სიჩქარით).

მეექვსე გამოცვლა

ელენე და ესმა

ესმა. აი, ბატონო! დიდი და პატარა ამ ოჯახში ყველა ჯინზე მიდგება. ისე მტერი ამოვარდეს, ჩვენი ოჯახი ამოვარდეს და გაფუჭდეს, თუ ასე იქნას!... ხბოების ჯაგრი არა აქვს... და იმ ძროხებს რომ მალ-მალ თხოულობენ დასაკლავად, თუ ხბოები აღარ იქნებიან, საიდან მიერთმევათ? (მიდის ელენესთან, რომელიც თავჩალუნული ზის და პირზე ზელები აქვს მიფარებული) რას მოგიწყენია, შვილო, შენ კი გენაცვალოს შენი ვადია? ქალბატონმა ხომ არ გაგაჯავრა? როდი უნდა რამე გეწყინოს დეიდასაგან, გენაცვალე: დედის ადგილი უჭირავს, გული შესტკივა შენზე!... მოითმინე ცოტა კიდევ და, რომ გათხოვდები, მაგაებს ყველას გადარჩები, შვილო.

ელენე. რაო? რას ამბობ, გამდგლო?

ესმა. გათხოვდი-თქო, გენაცვალე!

ელენე. არ ვიცი, რას ჩამცივებინხარ, ვადია!... ჩემის გათხოვებით შენ რა სურვილს იკლავ?

ესმა. თან წამოგყვები, გენაცვალე... როდი მოგშორდები. ამდენს უპატიურობას მეც ვადგურჩები.

ელენე. მერე რა უნდა გამიკეთო?

ესმა. როგორ, თუ რა? წიწილებს გამოგიზრდი, ხბოებს მოვუვლი, ცხვრებს მივხედავ, სალაროს შეგინახავ და ოჯახს ყურს ვუვდებ. მტერს არ გაეაცინებ შენზე და მოყვარეს ვავახარებ...

ელენე. რომ არ გაეთხოვდე?

ესმა. უიმე! უიმე! ღმერთმა ნუ ქნას!... ვანა გინდა, რომ მტრები გაეცინო და მეზობლებს ათქმევინო „დარჩაო“? შვილო, ეგება მისთანა ვინმე გიყვარდეს, რომ შენი საკადრისი არ იყოს, და ის გაწუხებდეს... ჰმალავდე?

ელენე. რას ამბობ, ვადია?! ხომ არ გაკიედი?

ესმა. კი, გენაცვალე, სიყვარული გეთია! გარჩევა როდი იცის. თვითონ ჩემ თავზე გიტყვი, გენაცვალე: ჯერ კიდევ გამდგლი არ ვი-

ყავი, მაგრამ მოახლობა კი ხელში მეჭირა, რომ ეშმაკმა მაცდუნა და ერთი უბრალო თხის მწყემსი შემაყვარა, მაშინ როდესაც დარბაისლები მეარშიყებოდნენ.

ელენე. (იკინის) მართლა? მერე?

ესმა. მერე? რა მერე? რომ გაეგოთ, ხომ თავი მომეჭრებოდა, მაგრამ ისე გადავრჩი, რომ არც მწვადი დაწვევი, შვილო, და არც შამდური.

ელენე. არა, გაღია, ნუ გეშინია, მე მაგისტანა არავინ მიყვარს.

ესმა. მაშ რატომ არ გათხოვდები, გენაცვალე, თუ-კი არავინ გიყვარს?

ელენე. ჰო, თუ-კი არავინ მიყვარს?

ესმა. რა საჭიროა?... ქმარი და შეყვარება ვის გაუგონია?... ქმარი პატრონადა თქმულა და საყვარელი გულის მეფედ.

ელენე. მერე რომ შემიყვარდეს, გათხოვების შემდეგ?...

ესმა. შეგიყვარდეს, გენაცვალე... მე იქ არ გეყოლები?

ელენე. შენ რა ჩემ მაგიერობას იზამ?

ესმა. მოგინამუსებ.

ელენე. რაო?

ესმა. შენს საყვარლებს სულ ჩურჩხელასავით დავმაღავ სკივრში!...

ელენე. რომ არავინ არის, რომ მე შემირთოს?

ესმა. როგორ, თუ არავინ არის? ვალი შენის გულისათვის არ გიყვება? ოღონდ შენ-კი დაეთანხმე და ყველა ცოლებს განაცვალე... პირველობას შენ მოგცემს. (ჯამალის ხმა შიშისში).

ჯამალ. ესმა! ესმა! გამძღლო!... სად წათრეულა ის სასიკვდილე?... სად ჯანაბაშია, რომ კაცმა ვეღარ ნახა?...

ესმა. თვითონ სასიკვდილე, რა გაღრიალებს... რა?... (ელენე შედის მეორე ოთახში).

ჯამალ. (შემოდის) შე გამოყრუებულა, არ გესმის, რო გეძახიან?

ესმა. რა ცეცხლი გაგჩენია?

ჯამალ. ცეცხლიც გაგჩენია და ნავთიც!... სალაროს გასაღები სად არის?

ესმა. რად გინდა? (ეძებს) უიმე, აკი დამკარგვია... მოზერებს რომ დავდევი, სწორედ მაშინ გამვარდნია და დამდგომია თვალები!...

ჯამალ. ჰე... მერე... ახლა რაღა ვქნათ?... მინც რომ ვეღარ მოშორდი ამ მოზერებს... ჯერ ისინი დაგდევენ და ახლა შენ დასვლივ...
ესმა. ეს სულ იმ შეჩვენებული გოგოების ბრალია: დაუნამუსდენ... ადამიანის შვილის აღარა ესმის-რა... რომ აღარ შეგობიან...
ჯამალ. უნდა გავტეხო სალარო, მეტი გზა აღარ არის!

ესმა. უი, ქა! ვინ გაგატეხინებს? შენ რა ხელი გაქვს საღვთისთან? ბელღები არ გეყოფა? ისინიც გინდა აიკლო, შენებურად?
ჯამალ. გაჭუმდი, ნუ წაგიგდია ენა! შენი საქმე არ არის!... გა... სა...ღები...

ესმა. როგორ თუ ჩემი საქმე არ არის? ამ ოჯახის გაოხრება რომ ვინაღვლო, ჩემი საქმე არ არის?...

ჯამალ. დაბერდი და გეჩვენება!... ან ნახე გასაღები და ან ახლავე გაეტეხ საღვთის!

ესმა. მეჩვენება? წუხელ საღამოს ერთი საპალნე ღვინო რათ გაგზავნე შინ... თუ შენ ფარცავი სული იყო?...

ჯამალ. გაჭუმდი, ბებერო ძაღლო! შენ არავინა გკითხავს.

ესმა. ვის ეკადრება შენგან ეგ?! შე ბელღის ღორო, შენ?!...

ისინივე და ნახირ-ფაშა (შემოდის).

ნახირ-ფაშა. რა ამბავია? რას ჩხუბობთ? თქვენი ყვირილი ბაღში ჩამოდის.

ჯამალ. ჩამცივებია, ბატონო: ერთი მიჩქმიტეო და რალა დროს ჩქმეტაა, რომ სიბერით ძვლისა და ტყავის მეტი აღარა შერჩენია რა.

ნახირ-ფაშა. მართლა?... ხა, ხა, ხა, ხა, ხა!.. გადია, როგორ გეკადრება სიბერის დროს!...

ჯამალ. ერთობ ახუნტრუცებულა, ბატონო... ილაჯს მიწყვეტს.

ესმა. უიმე, უიმე, უიმე! ცრუ! ცრუ! უნდა გადააფუჩეჩოს. წუხელი...

ჯამალ. (სიტყვას აწყვეტინებს) წუხელი შუალამისას ჩამცივებოდა და ახლაც აღარ მეშვება...

ნახირ-ფაშა. ხა, ხა, ხა, ხა!... რავა გეკადრება, გადია! გადია... რალა დროსია?...

ესმა. უიმე, დამიდგა თვალები!... ეგ კი არა, წუხელი შუალამისას...

ჯამალ. უჰ, დიდი საქმეა! სიზმარი უნახავს ბატონო!

ესმა. ერთი დიდი საპალნე ღვინო...

ჯამალ. დაიქცეო და რა ვუყოთ მერე?... დაუჯინია, ბატონო, რომ სისხლი დაიქცევაო, და არის ერთს ყოფაში! რას ჰბოდავს, თვითონაც აღარ იცის... ნუ უგდებთ, ბატონო, ყურს, სადღაც ჰაშნიკი უნახავს და შეზარხოშებულა.

ესმა. უიმე!... უიმე!... სტყუის! სტყუის! წვეთიც არ დამეღიოს, ის ჩემი ელენე არ მომიკვდეს და იმაზე არ გაემწარდე!...

ნახირ-ფაშა. ხა, ხა, ხა, ხა, ხა! მართლა, გადია, რავე გიქადრება? ვე! ვე! ვე!... ელენე, გამოდი, ყმაწვილო, რალას აკეთებ, რას იგვიანებ ამდენ ხანს?...

ისინივე და ელენე.

ელენე. აი, მზად გახლავართ!

ნახირ-ფაშა. ყმაწვილო, ამდენ ხანს კოპწაობა როგორ იქნება? იქ დეიდაშენი სწუხს... საჩქაროდ გამომგზავნა: ელენე მომგვარეო. სადილი თითქმის თავდება და შენ კი აქვე ხარ!... მაგრამ ძალიან კი მორთულხარ... პო, პო, პო, პო!... ძალიან ხარ!... ძალიანი! ჩა კოპწაივებული ხარ... ჩა.. თვალი კი არ გიცეს... თვალი. თფუ! თფუ! თფუ!... პო, პო, პო!... ელენე!... ელენე.

ელენე. წავიდეთ, ბიძა! მზად გახლავართ.

ნახირ-ფაშა. წავიდეთ! წავიდეთ! პო, პო, პო, პო!... ჩახატული ხარ.. ჩა .. (მიდიან ხელიხელგაყრილი).

მეშვიდე გამოცვლა

ესმა და ჯამალ.

ჯამალ. თვარა მანგრე?... ჰჰ!... დაბეზლებაზე არის საკმე? ზოგი აწ ჩემგანაც იკითხე, თუ კარგია დაბეზლება.

ესმა. შენმა სიცოცხლემ, ლეჩაქი არ გადამახიო თავზე!

ჯამალ. შენ კი, შენმა სიცოცხლემ, უკურებზე ხახვი არ გადამაქრა... რა მოიგე მაგ შენი ენატანილობით? რა გამოგივიდა? სბოს თავი!

ესმა. არაფერია, ჯერ მოვახსენო ყველაფერი ქალბატონსა და მაშინ ნახავ, რაც გამოვა!...

ჯამალ. ჰაი, შე ბებერო ქოფაკო... შენ ქოშებით შეხვალ ჯოჯოხეთში! მაგ ენაში კი გაგიყრიან შამფურს: დააწყებინებენ შუშხუნს.

ესმა. მანამდის ნუ გაიხაროს მაგ შენმა გვერდებმა!...

ჯამალ. ჩუმიდი!... ხმა გაიწყვიტე!

ესმა. უი, ქა! ვის ეკადრება ევა? ვის აწყვეტინებ ხმას? შენ თვითონ ქოფაკო და ქოფაკზედაც უარესო!... მაყადე, თუ ყველაფერი არ მოვახსენო ქალბატონს!...

ჯამალ. მე თვითონ მოვახსენებ ქალბატონს შენს უსაქციელობას! (მიდის)

ესმა. გაეთერი... გაეთერი... შე... შე..

ჯამალ. (მობრუნდება) რაო? რაო? ვებუ! შენს საქმეს... (ბრძანად)
და ბრაწი შენ ზედიზედ!... (მიდის)

ესმა. კარგი, კარგი, ეგ არ დაგავიწყდეს! მაგას მოგაგონებ, თუ ქალი ვარ! ვერ ჰხედავთ ამ ბელლის ღორს, როგორ აიშვა თავი?... კიდევ რომ მემუქრება პირაქეთ! ეს რა დრო მოვიდა: დაუასება სად-ღა არის? მე, რომელიც ამ ოჯახში ამდენი ხანია, რომოცდაათი წელიწადია, დიდიდან საღამომდის ჯარასავითა ვტრიალობ და მოსვენება არა მაქვს: წიწილებს მე ვზრდი, ცხვრებს მე ვუვლი, ხბოებს, ინდოურებს და ბატებს! ეს მეკადრება ვინდაც გუშინდელი შემოთრეული ყაზახისავანი? გამდლობით მაინც მცემდენ პატივს, თუ სხვით არა... ელენეც რომ აღარ მიგდებს ყურს!... გამოუყარა ხელი-ხელში ბიძამის და მე ზედაც არ შემომხედა, ვითომდა არაფერი ამბავი ყოფილიყოს... წავიდა თავისთვის!... იჰ, მართლა რომ ცუდი დრო მოვიდა! ადრე რომ ქალი და კაცი ხელი-ხელში გაყრილი ენახათ, რას იტყოდნენ!... ახლა უმისოდ სიარული ქალებს კიდევ დაავიწყდათ! ვინც უნდა იყოს, ვინდ მტერი, ვინდ მოყვარე, თუ კი გვერდში ამოუდგათ, მაშინვე სტაკებენ ხელს და ის არის... გასწევენ!... აირობა გზა და კვალი!... დიდიკაცის შვილები კი არა, ახლა გოგოებიც ვეღარ დაამგზავრა კაცმა: თავაშვებულები დატრახუნობენ იქით-აქეთ... (ჯდება) ოჰ, ნეტავი იმ დღეს მოვესწრებოდე, რომ ჩემი ელენე ვალის ისე ეპოწიაკებოდეს მკლავზე!... რამდენს გოჴშრება პირი ჯავრით... თვალე-ბი გამოუშტერდებათ შურით!... მეც სულ სხვა გადია ვიქნები მაშინ. ეგ ესმა აღარ ვიქნები! დიდი სახლის გამდლობა ხუმრობა ხომ არ იქნება?! მაშინ ნარიგელი გულზე გასქდება სიხარბით, ჯანვერდი ქლექში ჩავარდება და ყარდაშვერდის გააცივებს! გამდელი ყოველთვის გამდელის მტერია... მაგრამ მე რა მენაღვლება?... მე ისინი რა-ღას დამაკლებენ?... რაც უნდა სთხოვოს ჩემმა ელენემ, იმას კი ვენაცვალე, მის ქმარს, ყოველიფერს აუსრულებს. ერთი თქმის მეტი არა დასჭირდება-რა... მეც შევავხვეწებ, რომ ერთი კარგათ ჯამალი შეახურონ, მისი ჯავრი ამომაყრეკინონ... მერე გამომიგზავნოს ხბოს თავი და ქოშებით შემეყვანოს ჯოჯოხეთში, ფეხის გულზე რომ ტყავს აართმევენ!... (ბალიდან დაირისა და ზურნის ხმა მოისმის) ჩუ!... ლეკური, ჰაი, ბეჩა! ჩემი ელენეს ქორწილში კი არ იქნება კიდევ ერთი გახურებული ლეკური და ტაშისკვრა, იმას კი შემოვევლე თავზე, იმას კი ენაცვალოს მისი გადია!... რანაირ ლეკურს დაფუფელი მაშინ, ამ სიბერის დროს!... ძველებურად დავბზრიალდები, აი, ასე, სულ ასე... სულ ასე გავშლი ხელებს, აჰ! ახლანდელმა ქალებმა ლეკურიც აღარ იციან. საცოდავად ხრუკვენ ხელებს, თითქო სიცივე უჭერსთო!... სადღა არის ხელგაშლილი ვადავლა ლეკურიში? (თამაშობს)

მეჩვე გამოცვლა

იგივე და ხათუნია (შემოვარდება სიჩქარით).

ხათუნია. გამდელიო! გამდელიო!**ესმა.** (შეერთონით შეჩერდება) უი შენ და შენს თავს!...**ხათუნია.** გამოიხედე, გამდელიო, რა ამბავია!**ესმა.** რა ამბავია, რა?**ხათუნია.** ლეკურია გახურებული!... ქალბატონმა დაუარა და ახლა ელენე გამოჰყავთ.**ესმა.** მერე? გამოდის?**ხათუნია.** ეპირება.**ესმა.** უიმე, იმას კი ვენაცვალე, რამდენი ხანია, მისი ლეკური აღარ მინახავს! წავიდე ერთი, ერთი შევხედო! (შირბის).**ხათუნია.** (მართლ) შეხედე! ვერ უყურებ ამ ბებრუკანას?! ჩვენ რომ გამხიარულებული გვენახოს, აქაურობას აიკლებს და თვითონ, თურმე, ჩუმ-ჩუმად კიდევ კუნტრუშობს... მაცადოს მე იმან, თუ ახლავ ყველას არ ეუთხრა! (მიდის)

მეცხრე გამოცვლა

(შუაქარებიდან დაღალული შემოდის ელენე და დივანზე ეცემა. უკან მოსდევს ვალი და ნახირ-ფაშა).

ელენე. უჰ! რარივად დავიღალე! ასე ძნელია გადაჩვევა!...**ვალი.** ბარაქალლა! ბარაქალლა, ელენე! ეგ თქვენი ლეკური სწორედ სამოთხეში ნასწავლი უნდა იყოს!... გმადლობთ, რომ გვასიამოვნეთ.**ელენე.** როგორ გეკადრებათ ჩემი გაკიცხვა?! მეც ვიცოდი, რომ ჩემი ლეკური გამოსაჩენი არ იქნებოდა, მაგრამ რა შექნა, რომ თქვენს თხოვნას ველარ წაუვედი?**ვალი.** გაკიცხვა?! ვანა ჩემთვის შეგინიშნავსთ როდისმე სიცრუე და პირფერობა?**ელენე.** არა, მაგრამ კარისკაცებს ტკბილი საპირფერო სიტყვები ზნედა გაქვსთ გადაქცეული, ასე რომ ხანდახან უნებურად წაგცდებით ხოლმე.**ვალი.** ამ შემთხვევაში კი მხიარულად მართლის გულით აღვიარებ! (ნახირ-ფაშას) გთხოვთ მიბრძანდეთ და განკარგულემა უბოძოთ, რომ ჩემის მიზეზით ლხინი არ მოიშალოს, იმხიარულონ და შეეძკენ!...
ნახირ-ფაშა. თქვენ კი აღარ მობრძანდებით?**ვალი.** თუ ნებას მომცემთ! (ჯდება) თქვენი ლეკური სწორედ თქვენის მშვენიერების შესაფერი და საკადრისი იყო!...

ელენე. სასაცინო?

ვალი. ელენე, მაგას რისთვის ბრძანებთ? განა თქვენი მსგავსი ქვეყანაზე კიდევ მოიპოვება რამე? ყოველისფრით სრული და...

ელენე. კმარა!... მადლობა ღმერთს, რომ არც ისე სულელები ვართ ქალები, როგორც გგონიათ, კაცებს, თორემ...

ვალი. რასა ბრძანებთ?...

ელენე. კაცებს ხშირად ხუმრობა გიყვარს და იმას კი აღარ დაეძებთ, თუ მაგ ხუმრობას ხშირად რა მოსდევს?... კარგი, ახლა ეგ თქვენი ხუმრობა რომ სიმართლედ მივიღო, მაშინ მოულოდნელი სიხარული ხომ ამიტაცებდა და... კარგია რომ ეგ სიტყვები ნასადილევს მესმის.

ვალი. განა კვლავ აღარ მომიხსენებია? პირველი ხომ არ არის?

ელენე. დიახ, მაგრამ ყოველთვის ხუმრობთ!

ვალი. (აღტაცებით) განა მე ვხუმრობ? მე ვტყუი?... გეფიცებით დაუსაბამოს, ჩემ ხანში ტყუილი ჯერ ცოდვია და მერე არც საკადრისია.

ელენე. ვიმეორებ, რომ ტკბილი სიტყვა დარბაისლების წესია!

ვალი. დამერწმუნეთ, რომ არა! ენდეთ ჩემ სიტყვას, რომ მე ჯერ თქვენი მსგავსი არა მინახავს-რა!

ელენე. თქვენ, რომელიც სასახლის კარზე გამოზრდილხართ, სადაც ყოველის კუთხიდან მშვენიერებს თავს უყრიან?... თქვენ განა ჩემთვის მოაცლიდით გონებას?

ვალი. ჩემი გონება, დიდი ხანია, თქვენის მშვენიერების ტყვეა, მაგრამ თქვენ კი ფიცითაც ვერ დაგარწმუნებთ კაცი...

ელენე. (კვლავ) ფიცი სიტყვაა!

ვალი. და სიტყვა—პატიოსნება.

ელენე. „სიტყვა სხვაა, საქმე სხვაა: შუა უზის დიდი ზღვარიო“,—რუსთველმა სთქვა.

ვალი. საქმეს ვინ ექცევა?... განა მზად არა ვარ?

ელენე. საქმე დროს თხოულობს.

ვალი. დეე. მოითხოვოს! ტკბილ იმედით შეკაზმული დრო სიჩქარით გარბის

ელენე. ენახოთ!

მეათე გამოცვლა.

ისინივე, ნახირ-ფაშა და კულურ-ხანუმ შემოდიან.

კულურ-ხანუმ. ბატონო ვალო! ლხინი მოგწყინდათ და მიგვატოვეთ?

ვალი. უკაცრავად! მინდა ცოტა შევიხეწო და ჩემის ბარობით ლხინი კი არ დაიშალოს!

კუდურ-ხანუმ. თქვენმა წელანდელმა მოლხენამ ყველანი გაამხიარულა. სტუმრები ალტაცებულნი არიან, შეექცევიან და იმღერიან. არეული მხიარულებაა. (სხვადასხვა სიმღერები ერთი-მეორეზე მოისმინა: იმერული, ქართლური, მეგრული და სხვ.)

ნახირ-ფაშა. თქვენ მაგიერ ბრძანება მივეცი, რომ მომღერლები ცალ-ცალკე დასვან, და რომ ერთმა მეორეს აცალოს სიმღერა და ერთმანეთს ხელი არ შეუშალონ. (მოისმის „ოდელია“)

კუდურ-ხანუმ. აი, ეს გახლავსთ იმერული „ოდელია“.

ვალი. სასიამოვნო არის, რომ მიხვეულ-მოხვეული არ იყოს... რას ნიშნავს ეგ ლექსი: „ოდელია“?

ნახირ-ფაშა. ოდელია ბალახი გახლავსთ, რომელსაც ქალები მხლად კრეფენ, საჭმელი ბალახია. მის მოკრეფის დროს ქალები იმღერიან ხოლმე და აქედან გაჩნდა „ოდელიას“ სიმღერა.

კუდურ-ხანუმ. ეგ არ უნდა იყოს ნამდვილი!... ელენესა ვკითხოთ: მაგგვარები იცის.

ვალი. თქვენ როგორღა ბრძანებთ?

ელენე. მე მგონია, რომ ბიძიამ კარგადა ბრძანა, მაგრამ მე კი სხვანაირად გამიგონია.

ყველანი. როგორ?

ელენე. ეგ სიმღერა ძველი დროიდან არის საქართველოში და რჩენილი: მაშინ, როდესაც ქართველები კერპთმსახურები იყვნენ და ცეცხლს ჰმსახურებდნენ, ყოველგვარ ნათელსაც სცემდნენ თაყვანს, სხვადასხვა ვალოებში ჰქონდათ, უვალობდნენ მზეს, მთვარეს, დილას, ალს და სხვ. „ოდელია“ ძველებურად „ოჰ დილასა“ ნიშნავს.

ვალი. კეშმარიტად საგულისხმოა.

კუდურ-ხანუმ. ელენე მაგგვარებში გაწაფულია. კითხვაში და სწავლაში აღამებს.

ვალი. კეთილი და პატიოსანი, ეს რაღა სიმღერაა?

ელენე. ეს კახური „პარი-არალო“, ესეც ალს ნიშნავს, ისე როგორც „მზეშინა“ მზის ვალობას.

ვალი. საუცხოვოა! საუცხოვო!...

ელენე. ძველი ქართული სიმღერები მარტივის ხმით არ გამოითქმოდა. ყოველთვის სხვადასხვა ხმებით იყო ხოლმე შეწყობილი.

კუდურ-ხანუმ. აი, ეს მეგრულია; და, პირველად რომ იმღერეს, ის კი გურული იყო; აქ მხოლოდ ვაყვაცური კივინაა, სხვა არაფერი.

ვალი. კეთილი! კეთილი! ელენეს ბრძნულ და გონივრულ ახსნის შემდეგ ამ სიმღერებსაც ჩემ თვალში ფასი მოემატათ!

ნახირ-ფაშა. ბატონო ვალო, აწ კი დრო არის, რომ მაგ ძველებურ ხმებს ბოლო მოვლოს და უფრო ტკბილს ერთს ხმაში გამოიხატონ ყველანი, რომ მათ უმეტესი ძალა და ხანგრძლივობა გამო-

იჩინონ. (ხუმად კუდურ-ხანუმს) ხომ სრულადა ვთქვი? ხომ არ დამვიწყებია-რა?

კუდურ-ხანუმ. როგორც იქნა! (ვალს) დიად, გულისწმინდით მოგახსენებთ.

ვალი. ეგ რაღა ხმა არის?

კუდურ-ხანუმ. აი, ეს (მოისმის თათრული ბაიათი).

ვალი. (გმაცოფილი) აფერუმ! ქვეყნისათვის კეთილი გსურთ და კეთილიც მოგეჩივებათ! მაგრამ, როგორც ვამიგია, ელენე კი არ უნდა იყოს მაგის თანახმა?!...

ელენე. როგორ ბრძანეთ?

ვალი. (სიცილით) თქვენ თურმე თათრული კილოთი სიმღერა გეჯავრებათ?

ელენე. ტყუილი მოუხსენებიათ! თავ-თავის ადგილზე ყველაფერი კარგია.

კუდურ-ხანუმ. ნუ დაიჯერებთ!... ელენეს თვითონაც ძალიან უყვარს ბაიათები. ასე ვასინჯეთ, რომ ხშირად საიდ უმლოდ თვითონაც კი იმღერის ხოლმე.

ვალი. მართლა? თქვენს ღირსებებს ახალი აღარა ეჭირვება-რა, მაგრამ ეგ კიდე მაინც ახალი ღირსება მესმის.

ელენე. ნუ დაუჯერებთ დეიდას! ჩემის სიყვარულით დაბრმავებულს, რასაკვირველია, ჩემი სიმღერაც მართლა სიმღერად მოეჩვენება... მაგრამ... სხვისთვის კი მოსაწონი არა იქნება-რა...

ვალი. არც დაბრმავებულებისათვის? არ შეიძლება, რომ გავაბედნიეროთ და გავავაგონოთ თქვენი ხმა?!

ელენე. ისიც მეტი იყო ჩემგან, რომ თქვენთან ლეკური გავბედდე, უარი ვეღარ მოგახსენეთ, თორემ სიმღერას როგორ გავამხებ?!
ვალი. დარწმუნებული ვარ, რომ თქვენი სიმღერაც განსხვავებული იქნება.

ვალი. დარწმუნებული ვარ, რომ თქვენი სიმღერაც განსხვავებული იქნება.

ელენე. მოსტყუვდებით.

კუდურ-ხანუმ. ელენე, იმღერე, შენს გაზრდას! რაღა დროს შენი მორცხვობაა? მაგოდენა ქალის?... (ვალს) საკვირველი მორცხვია და ამით ბევრსა ჰკარგავს.

ვალი. არა, მორცხვობა დედაკაცის ერთი მშვენებათაგანი არის საზოგადოდ. მაგრამ ახლა კი იმედია, რომ ელენე ჩემს თხოვნას პატივს დასდებს და სამაგიეროს ჩვენც...

ელენე. (იციხის) სამაგიეროს?

ვალი. დიახ, რასაც კი მოითხოვთ... მზად ვიქნები ავასრულო!

ელენე. ბეგარასა მპირდებით!... რა იცით, რას მოვითხოვ?

ვალი. რაც უნდა იყოს! მზადა ვარ, არ შევიშინდეთ!...

ელენე. მართლა?

ვალი. მართლა!

ელენე. არა ხუმრობთ?

ვალი. არა!...

ელენე. მაშ კარგი, ბოლოს არ შეინანოთ კი! მე ვიმღერებ, მაგრამ ნება მომეცით კი, რომ ჩემს ოთახში შევიდე და იქიდან ვიმღერო!...

ყველანი. თანახმა ვართ, თანახმა! (ელენე შედის მეორე ოთახში)

ნახირ-ფაშა. რა მოუვიდა ელენეს? ასე გამზიარულებით ჯერ შე არაოდეს მინახავს.

კულურ-ხანუმ. უთუოდ სასიამო რამ შეუტყვია, ან მოელის რამე სასიხარულოს და ვერ მალავს: ყმაწვილია!

ვალი. (კმაყოფილების ნიშნად წვერებზე ხელს ისვამს) უთუოდ აგრე იქნება! ღმერთმა ნუ მოუშალოს მზიარულება.

(ელენეს სიმღერა მოისმის).

მინდა, რომ ჩემსა სატრფოსა
 ვხედავდე თავისუფალსა:
 რომ ძალით ვერ აშინებდენ...
 ვერც ნებით უხვევდენ თვალსა!

მინდა, რომ მისი სახელი
 გაითქვას ძველებურადა
 და მისიანი ყველანი
 ერთად სცხოვრობდენ მშურადა!

მინდა რომ მისსა დიდებას
 დაჰმღერდეს რუსთველის ქნარი,
 რომ იღვიძებდეს მის ხმაზე
 ტაშისკვრით ხალხი მძინარი.

მინდა, რომ... მაგრამ... ეჰ, კმარა!
 ფრთა შევაკვეცოთ სურვილსა,
 თორემ რა მოჰკლავს უფსკრულსა
 მამულისშვილის წყურვილსა?!

ვალი. აფერუმ! აფერუმ! (ალტაცებით) ბულბულის დამზავვრელო! სამოთხის შვილო!... (მოდის კულურ-ხანუმთან) ეტყობა, რომ თქვენი გაზრდილია! მაგალითი არა ჰყავს!...

კულურ ხანუმ. (იციინს ჩურჩულით) თქ...ვე...ნია!

ვალი. (ზეღზე ჰკოცნის) მომილოცავს თქვენის ქმრის ბედნიერება!

ფარდა

მეორე მოქმედება

პირველი გამოცვალება

ნახირ-ფაშა და ჯამალ-მოურავი

ჯამალ. (შემოდის ოთახში და თან თეფშით ხაჭაპურები შემოაქვს):
 პო...პო...პო...პო...პო...რა ცხელია...რა ცხელი...ა!... რათ წაბრძანებულა
 ის დალოცვილი?! (შეიხედავს მეორე ოთახში, საიდანაც ხერინფა ისმის) ეჰ...
 ეჰ, ბატონო!... წამოპლაკულა და ბაყბაყ-დევივითა ხერინფა! მეტი რა
 საქმე აქვს? გამოიღვიძებს—სქამს, გაძღება და დაიძინებს... მე მოგა-
 ხსენებთ, ჯავრი რამ აწუხებს, რომ ძილი გაუტეხოს და მაღა დაუ-
 კარგოს!... ცხრა ხაჭაპური ამ დილაზე ჩასანსლა და ახლა ეს მეორეა,
 რომ მიჰყო ხელი. იმედია სადილობამდის ამასაც გადააკონდახებს! რა
 უჭირს? მეტი რა საქმე აქვს! ზევით ღმერთი სწყალობს და ქვევით
 ხელმწიფე. მართალი ნათქვამია: „ვისაც მისცემს, მისცემს და მი-
 სცემს.“

ნახირ-ფაშა. (მეორე ოთახიდან) ეეი!...

ჯამალ. ბატონო!

ნახირ-ფაშა. ვინ მისცემსო? რას ამბობ მანდა?

ჯამალ. ღმერთი, ბატონო!

ნახირ-ფაშა. ვის?

ჯამალ. თქვენ, შენი ჭირიმე.

ნახირ-ფაშა. რასა?

ჯამალ. ყოველივე სიკეთეს, ჩემო ხელმწიფე, რომ თქვენი რის-
 ხვა ამხდოდეს და წყალობა არ მომშლოდეს!

ნახირ-ფაშა. რა ამბავი იცი, ჯამალ?

ჯამალ. მშვიდობა შენი ჭირიმე... ხაჭაპურები!...

ნახირ-ფაშა. მოიტანე?

ჯამალ. მოგართვით!

ნახირ-ფაშა. ცხელია?

ჯამალ. სულ ორთქლი ასდის!... ჭიჭინ-ჭიჭინი გაუდის.

ნახირ ფაშა. (გამოდის) მართლა? ჭიჭინობს?... ჭიჭინობს!... ჭი-
 ჭინობს!... პო-პო-პო-პო!... მოიტა! მოიტა! ვნახოთ.

ჯამალ. მიირთვით, შენი ჭირიმე, ნულა გააცივებთ!

ნახირ-ფაშა. ვიშ! ვიშ! ვიშ! საუცხოვოა!... საუცხოვო!...

ჯამალ. ღმერთმა შეგარგოსთ: შაქრად და ჯულაბად.

ნახირ-ფაშა. ვიშ! ვიშ! საუცხოვოა... რა! თუ გიყვარდე, ამ ხა-
 ჭაპურებს ნუ გამიბნევ! გამომიზოგე!... ვიშ! ვიშ! (ჰელაპავს)

ჯამალ. კი, შენი ჭირიმე, მაგახე რაღა თქვენი ბრძანება შეჭირვება?... თქვენს მეტი სხვა ვინ ოხერი და წუწკი გაჰბედავს მაგის შეკმას?...

ნახირ-ფაშა. ბევრი დარჩა?

ჯამალ. სამი ცხრა კიდევ გახლავთ! ხვალ გეყოფათ და ზეგ კვირაა: ღმერთი მოწყალეა, ან, აქედან გაგვიჩნდება და ან იქიდან; მოვა ვინმე მეძღვნე...

ნახირ-ფაშა. აბა, შენ იცი, ჩემო ჯამალ! ვიშ! ვიშ! საუცხოვო რამ არის!... რომ ამდენხანს ბატონიშვილი არ დაბრუნებულა? სადილს თუ ველარ მოიგონებს, როგორ იქნება?...

ჯამალ. უთუოდ საკმის შეჰყვებოდა, შენი ჭირიმე, უმისობა არ იქნება.

ნახირ-ფაშა. კი, მარა სადილსაც თავისი დრო აქვს, თუ გავწყვეტს შინშილით, როგორ იქნება!

ჯამალ. რა გაეწყობა, შენი ჭირიმე, ხან ასე იქნება და ხან ისე! უნდა გაიჭიროვოთ და ცოტა კიდევ მოიცადოთ... მეტი გზა არ არის.

მეორე გამოცვლა

ისინივე და ხათუნია შემოდის (თეფშით მაწონი მოაქვს).

ხათუნია. გამდელმა მოგართვათ: „თქვენი საკადრისი კი არ გახლავსო, მაგრამ ეგებ ჩემეულად გიამოსთო!“

ნახირ-ფაშა. ნახე, ჯამალ, რა არის?!

ჯამალ. მაწონი გახლავსო ჩინებულნი და კოვზიც თან ახლავს!

ნახირ-ფაშა. კაი, შენ მადლი უთხარი: ღმერთმა გაცხოვნოს-თქო. (ხათუნია მიდის).

ჯამალ. ნუ, შენი ჭირიმე... მაგას ნუ შეუთვლით, თვარა ეწყინება: ის ქალი გათხოვებას ფიქრობს და თქვენ ცხონებას უთვლით!

ნახირ-ფაშა. მართლა, მე ნუ მოგიკვდები? ხა! ხა! ხა! ხა!...

ჯამალ. კი, შენი რისხვა ნუ მომეცემა!.. ხელის დაღება ფერ-უმარილს იღებს პირზე. — ბატონო, ეგება ცოტა მაწონი ინებოთ!

ნახირ-ფაშა. ვითომ ვკამო?

ჯამალ. რას გაწყენსო, ბატონო, კიდეც მოგიხდებათ: მადას მოგვეგვრისო.

ნახირ-ფაშა. მაშ კარგი! მიჩვენე! ვიშ!ვიშ! საუცხოვო ყოფილა, კამბეჩის უნდა იყოს.

ჯამალ. არა, შენი ჭირიმე! გუშინ რომ მიირთვით, ის იყო კამბეჩის, ეს ძროხის გახლავსო.



ნახირ ფაშა. საუცხოვო! ნეტაუ საიდან შოულობს გამძლეი ამაებს?

ჯამალ. მოუდის!... სოფელი თვალყურია, შენი ქირიმე: რალი გაიგეს ელენეს ამბავი, გამძელს პატივი მოემატა.

ნახირ-ფაშა. მართლა? როგორ იფერებს? წიწილებს აღარ დასდებს?...

ჯამალ. აჰ, თქვენც არ მომიკედეთ! აღარც წიწილები ახსოვს და აღარც ხბობი. შეიგდო ყურთმაჯები, შედგა ქოშებზე და ცივ ნიავს აღარ ჰკადრულობს, სულ ყენის თავის მზეს ფიცულობს!

ნახირ-ფაშა. შენ ემტერები, ჯამალ!... (ათავებს მაწონს) საუცხოვო იყო! ვიწ!...

ჯამალ. ღმერთმა შეგარგოსთ!...

ნახირ-ფაშა. ნეტავი რათ დაიგვიანა ბატონიშვილმა? დავწყდით შიმშილით, შენი მტერია!

ჯამალ. უნდა მოიქროვოთ, შენი ქირიმე, კუჭი როგორმე ცოტათი გაიმაგროთ, მეტი გზა არ არის!... საქმეს შერჩებოდენ...

ნახირ-ფაშა. უდროვოდ არც საქმე ვარგა!... მოურავო!... შენ და გაღია ვერ შერივდით? კიდევ კინწლაობთ?

ჯამალ. კაია, შენი ქირიმე, ნულა მიბრძანებთ!... ყოველიფერს აქვს თავისი შესაფერი წამალი და იმას კი არაფერი მოუხერხდა! ჯოჯოხეთს მოაბრუნებს კაცი და მის გულს კი ვერა.

ნახირ-ფაშა. ვერა ცდილხარ კარგად.

ჯამალ. რა ბრძანებაა? ცდა არ დამიკლია, მაგრამ, რომ ვერას გავხდი! მოფერება და ქალაჩუნობა არ გამომადგა, საჩუქარმა და ძღვენმაც ტყვილა ჩამიარა... ბოლოს ნათლიადაც მოვიკიდე, მაგრამ ვერც არა იმან მიშველა-რა... იმას გაუწყრეს ჩემი გამჩენი! ველარ გაძლა ჩემი მტრობით... ველარ!...

ნახირ ფაშა. ხა! ხა! ხა! ხა! ხა! რაო? რას ამბობს?

ჯამალ. ჰმ... რას არ ამბობს? იმას თუ დაუჯერა კაცმა, თქვენი ოჯახის ამოჭადები მე ვარ.

ნახირ-ფაშა. რა გენაღვლება, სთქვას! ვინ დაუჯერებს?...

ჯამალ. თქვენ კი ყველაფერს ზიხვდებით, შენი ქირიმე, წვერი გაქვსთ და უღვაში, მაგრამ ქალბატონს კი სჯერა და შირისხდება. ახლა მაინც ასე უბრძანებია ჩემზე: „ნულარ დამენახებება, დაიკარგოს ამ ჩემი ოჯახიდანაო“.

ნახირ-ფაშა. მართლა?... რათა?

ჯამალ. რალაი მონაფარდისა მე გადვიბრალე თქვენის გულისათვის, მერე აღარ იქნა, აღარ მოუბრუნდა ჩემზე გული.

ნახირ-ფაშა. თუ გიყვარდე, მართლა?... ხა! ხა! ხა! ხა! მართლს ბრძანებს ბატონიშვილი... მოურავო, რაღა გეკადრება სამოახლოში შეძრომ-გამოძრომა? არა, რა ხელი გაქვს მოახლესთან! რაღა დროს შენი ეგ არის, თმაში თეთრი გირევი... ხა! ხა! ხა! ხა!

ჯამალ. იპ, კაია შენი ჭირიმე! თქვენ გეცინებათ და მე კი მაჩაბლის საქმე მემართება!... რაღაი უბრძანებია, ვიცი აქ მე აღარ დამედგომება. უნდა დაეიკარგო და ის არის!...

ნახირ-ფაშა. არაფერია!... ქალია, მალე მოიბრუნებს გულს და შენ მანამდის, აი, რა ჰქენი: მაინც მოსაკრებია ლალა, წადი სოფლებში და ერთ-ორ კვირას შემდეგ მოდი ისევ. მანამდის ქალბატონსაც ვადააფიწყებდა...

ჯამალ. სად შემიძლია, შენი ჭირიმე? მუხლები აღარ მივარგა და ქვეითად სახლამდისაც თუ გავლოდები.

ნახირ-ფაშა. ქვეითი? ცხენი რა უყავ? სადა გაყავს?

ჯამალ. მისთანა თქვენს მტერს ჰყავდეს, მე ისა მყავს.

ნახირ-ფაშა. რაო? რა დაემართა?

ჯამალ. იმას კი ეყოფა, რაც დაემართა!

ნახირ-ფაშა. რას ამბობ?

ჯამალ. ამას წინეთ შევჯექი ზედ, შენი ჭირიმე, და მარჯვნივ რომ მიმყავდა — მარცხნივ გადაუხვია, მარცხნივ რომ გავდენე — მარჯვნივ წავიდა; ვუჭირე მათრახი, შევახტუნე და გავაქანე პირდაპირ... წამოჭრა ორივე ფეხები ქვას, წამექცა და კიტრივით გამაგორა ტალახში.

ნახირ-ფაშა. მართლა? მე ნუ მოგიკვდები? ხა! ხა! ხა! ხა! ხა!

ჯამალ. კი შენი რისხვა არა მაქვს! ისე ამოვივითხნე ლაფში, როგორც ღორი. ვთქვი: რა ემართება ამ ოხერს? ნალები ხომ არ აპყრია-თქო? და დავათვალიერე. — აჰ, რა შუაშია?!... ვამბობ: ბიჭოს, რა ღმერთი უწყურება: ხორცად კარგად არის და ნალებიც არ დაცვეთია ჯერ და თვალნაცემი ხომ არ არის-თქო? შეგებდე თვალებში და, მისთანა თქვენს მტერს, მაშინ კი მივხვდი: ორივე თვალზე ბინდი გადაკვროდა... ველარაფერს ხედავდა თურმე.

ნახირ-ფაშა. ეჰ... ვადიამ თუ შეულოცა შენი მტრობით?

ჯამალ. არც ეგ იქნებოდა მისგან გასაკვირალი, მაგრამ, არა, შენ არ მომიკვდე, ვინმე ღვთის მტერი და ღვთის რისხვა ჰკრავდა თვალებში ჩხირს და მისგან არის...

ნახირ-ფაშა. ექვი გაქვს ვისმეზე?

ჯამალ. რომელ ერთს უნდა დავაბრალო, შენი ჭირიმე? ნათქვამია: „თვალებმა სთქვესო, რომ ცხვირი არ გვიშლიდეს, ერთმანეთს ამოვკამდითო“, მისი არ იყოს, ქვეყანა ხარბია... ბევრი მტერი მყავს.

ნახირ-ფაშა. რაო! რას გემტერებიან, ჯამალ?

ჯამალ. რა ვიცი, შენი ქირიმე! მე არავისთვის არა დამიშავებია-რა და... აქაო-და ბაქონი რათ არის შენი მწყალობელიო, გულზე სკდებიან... და ან შენ რათ ხარ მისი ერთგულიო? აღარ მასვენებენ. მაგრამ მე არას ვიტყვი, ღმერთი გასცემს ჩემ მაგიერ პასუხს და თქვენს ერთგულებაზე მაინც ვერ ამალებინებენ ხელს!... ერთი ცხენი გამიფუქეს?! სანამ თქვენ მწყალობელი მეყოლებით, მეორეს ვიშოვნი.

ნახირ-ფაშა. სად გყავს ახლა ის ცხენი?

ჯამალ. გუშინ ჩემი ბიჭი გამოერია სასახლეში და იმას გაეატანე. თუ მოარჩინეს, ხომ კარგი, და თუ არა—საპალნეში მაინც ივარგებს: ავშარაში მოუკიდებს კაცი და წინ წაუძღვება...

ნახირ-ფაშა. მაშ, სოფლებში როგორღა წახვალ?... უნდა ვიქირაოთ!...

ჯამალ. თქვენი ნება გახლდესთ! ვიქირაოთ. (ოტა ხნის სიჩუმის შემდეგ ახველებს) ჰმ!... მართლა, დალახეროს დღერთმა, სულ გამოვჩერ-ჩეტდი... კინალამ დამაფიწყდა.

ნახირ ფაშა. რაი, ჯამალ?

ჯამალ. მეჯოგე ვიახლათ გუშინ და იმან მოგახსენათ, რომ ლურჯა-კვიცს მუნი დამართნიაო!

ნახირ-ფაშა. მერე?

ჯამალ. მერე, თუ არაფერი ვუშველეთ, სულ გადაედება მთელ ჯოგს.

ნახირ-ფაშა. მართლა!... ნეტავი რა აჩენს მუნს?

ჯამალ. მოგეხსენებათ, შენი ქირიმე, სოფლის ბახები აშვებულები არიან, მინდვრად დაეხეტებიან; ერთი მათგანი მუნიანი წაუხახუნებს საღმე ხეს, მერე ჩვენი ჯოგის ლურჯაც იმავე ხეს წაეთხანებოდა და გათავდა,—გადაედებოდა... მეტი აღარ ენდომებოდა!...

ნახირ-ფაშა. მართლა! მანგრე გაჩნდება ხოლმე ე მუნი?

ჯამალ. კი, თქვენ ნუ მომიკვლებით!... სხვებსაც გადაედება და საფრთხილოა.

ნახირ-ფაშა. მაშ რა უნდა ვუყოთ ახლა იმ კვიცს?

ჯამალ. თუ მიბრძანებთ, სოფელში წავიყვან: იქ ექიმებს ვნახავ და ვააქიმებინებ.

ნახირ-ფაშა. არის კი წამალი? გაეწყობა რამე?

ჯამალ. გახლავთ! სოფელური რაღაცა: ძმარში გაღვსილი მქვარტლი, თუ ცერცვის ნახარშში, თუ სხვა რაღაც-რაღაცეები...

ნახირ-ფაშა. დოქტორს რომ დაუძახოთ... კინა-კინა რომ ასვას, არ მოუხდება?

ჯამალ. სადოქტოროდ თუ ვახდა, რაღა გადაარჩენს, შენი ქირიმე, განა არ მოგვხსენებათ?... წასულა ჩვენი ხელიდან და ის არის. შენი მტერი გატყაულა, ის გაატყაფონ!...

ნახირ-ფაშა. ჰმ... ეგ კი იქნება! მაშ, როგორც იცოდე... წაიყვანე და ააქიმებინე.

ჯამალ. ბატონი ბრძანდებით!... აბა, ბატონო, ცხენს აღარ ვიქირავებ... ტყვილაუბრალო ხარჯში რათ შევიდით? ამ კვიცზე შევვადები ბარემ და ისე ვიახლები.

ნახირ-ფაშა. კარგი!... (თვლემავს) მარამ მუნი რომ გადაგედვას?

ჯამალ. არა, შენი ქირიმე! ცხენის მუნი კაცს არ ედება!

ნახირ-ფაშა. მაშ, კარგი! როგორც იცოდე! როგორც სჯობდეს!...

ჯამალ. ფუ! კინალამ არ დამავიწყდა: იმ საძაგელ ჩემ შეიღს ცხენი რომ წაეყვანა, უნაგერიც თან გაეყოლებია და ახლა უუნაგროდ განლაგარ!... თუ მიბრძანებთ, თქვენ ძველ ანჩაღს დავადგამ იმ კვიცს?!

ნახირ-ფაშა. (თვალს ახელს) აჰ, მერე მუნი რომ გადაედვას?

ჯამალ. არა, შენი ქირიმე!... რა ბრძანებაა.

ნახირ-ფაშა. მაშ კარგი დაგემართოს! წადი, სადილი დააჩქარებინე და ნასადილევს დაადექი გზას.

ჯამალ. ბატონი ბრძანდებით! ნამუშევარში რომ ფული მოგვცენ გლებებმა, ნაკლებს დავჯერდეთ ვითომ?

ნახირ-ფაშა. ჰა? (თვალს ახელს) რასაკვირველია, ფული აჯობებს!...

ჯამალ. თქვენი ნებაა. აბა, გიახლებით! (ჯამალ მიდის და ნახირს კი დაჟინება)

მესამე გამოცვლა.

ნახირ-ფაშა და კუდურ-ხანუმ (შეშოდის)

კუდურ-ხანუმ. უჰ, რასაშინლად დავილაღე!... (შენიშნავს მიძინარს ნახირს) ეჰ, ეგ არის! მეტი ნულა გინდა-რა!... ვიშ, საყვარელო!... არიქა, მარჯვეთ იყავი: არ წაგივიდეს! არ გამოგეპაროს, არ...

ნახირ-ფაშა. (წამოვარდება) აჰ!... რა არ წამივიდეს!

კუდურ-ხანუმ. ძილი არ გაგეპაროს, ხუმრობა ხომ არ არის!...

ნახირ-ფაშა. აბა, რა ვქნათ, ბატონიშვილო, რომ არ დავიძინოთ?... თქვენს ლოდინში შიმშილმა დავგეხოცა და...

კუდურ-ხანუმ. დიახ, ეგ არის, სულ ჭამა და ძილი უნდა გახსოვდეს... მეტი აღარა გვექირებება-რა... აშენდება ოჯახი!...

ნახირ-ფაშა. ეეეი!

კუდურ-ხანუმ. ვის უძახი? რა გნებავს?

ნახირ-ფაშა. სადილს დაუძახონ!...

კუდურ-ხანუმ. ვაი შენი ბრალი!... ნუ მიგდის სული!... კიდევ მოესწრები. ჯერ ყური დამიგდე... საქმეა!...

ნახირ-ფაშა. რა საქმეა მაგისთანა? ნასადილევს არ შეიძლება, ბატონიშვილო?

კუდურ-ხანუმ. ვალის როგორ აეშაღე? გულდაგულ?

ნახირ-ფაშა. ისე, როგორც შენ დამარიგე.

კუდურ-ხანუმ. აბა, როგორ?

ნახირ-ფაშა. შევედი მის ოთახში; ხალხი-ზალაში იდგა, მე ვითომ არ შემიტყვია მისი გამოცეკა, მიზეზი მოვუნახე და დავუწუხე ზმამალალი ლაპარაკი.

კუდურ-ხანუმ. მერე?

ნახირ-ფაშა. გამოვედი, ვითომც გაჯავრებული. მომცვივდენ, მკითხეს: რა იყო? და მე ასე დავიჩემე ყველასთან, რომ კაცი აღარ ვიქნები, თუ პირდაპირ ხვანთქარს არ მივწერო და მაგისი თავი არ გამოვაცვლევინო-თქო.

კუდურ-ხანუმ. მერე იცი, რა გამოვა მანდიდან?

ნახირ-ფაშა. შენ უკეთ არ იცი, განა, ბიტონიშვილო!... ამ დღეებში რომ შეიტყობენ მაგის გამოცეკლას, ჩემგან გამოგდებული ეგონებათ.

კუდურ-ხანუმ. ვინ გითხრა, რომ სცვლიანო? ნამდვილად იცი?

ნახირ-ფაშა. ნამდვილად, უსუფ-ბეიმ მითხრა, მისმა საიდუმლო მდივანმა.

კუდურ-ხანუმ. მოუტყუებიხარ!... ეგ არის შენი კაცობა, რომ ეგეტ ვერ შეგიტყვია, და მე ხომ სული წმინდა არ ვიყავი, რომ გამეგო.

ნახირ-ფაშა. (შეშინებით) როგორ თუ არა?!... განა ტყუილია? არა სცვლიან?

კუდურ-ხანუმ. სცვლიან კი არა, ახალი მინდობილებებიც მო-
 ვსვლია.

ნახირ-ფაშა. (უფრო შემართალი) ტყუილი იქნება!

კუდურ-ხანუმ. ნამდვილად ვიცი, უსუფ-ბეის მოუტყუებიხარ... ის ახალგაზრდა კაცია, სობტების კულია. შენ რათა გაგიტანდა?... როგორ დაუჯერე იმას?... მე მეგონა, თუ სარწმუნომ ვცნებ გითხრა.

ნახირ-ფაშა. მართლა?! მაშ დავლუპულვართ!...

კუდურ-ხანუმ. შენს თავს დააბრალებ! არც უმისობა იქნება.

ნახირ-ფაშა. ბატონიშვილო, აღარაფერი მოგვეხერხება!

კულურ-ხანუმ. რა უნდა მოგვებერებოდეს? შენ წადი, ქამე და იძინე; მაშინ კი მოხერხდება.

ნახირ-ფაშა. შენ თუ მოინდომებ, მოუხერხებელი არა დაგიჩრება-რა...

კულურ-ხანუმ. აბა, შენის იმედით თუ დავრჩი...

ნახირ-ფაშა. ჰო, შენი ქირიმე!... აბა!...

კულურ-ხანუმ. გასწი ახლავ ვალთან, შედი საიდუმლო ოთახში და, ვითომარ იცი, რომ აღარა სცვლიან, და შეწუხებულად უთხარი: გავიგონეთ, ვითომც გეტობდეთ,—არ უთხრა თუ გკვლიან თქო,—და ნუ გვიზამთ ამ საქმეს, ოხრად ნუ დაგვყრი-თქო!... თხოვნას ვაგზავნით ხვანთქართან: რამოდენიმე ათასმა კაცმა ხელი მოაწერა-თქო და თქვენ კი საწყენად არ დაგიჩრეს-თქო

ნახირ-ფაშა. რომ მკითხოს: „მიჩვენე, სად არის ის ქალაქი და ან ვინ მოაწერა ხელიო“?!

კულურ-ხანუმ. ჯერ არ გათავებულა ხელის მოწერა, კიდევ აწერენ—თქო. და, ვიხედავ გულნაკლებად იყო, ჩააბეზღე... ახლა გაქვს დრო... „ამან და ამან არ მოაწერა ხელი და ცალკე საჩივარიც გაუგზავნიათ თქვენზედა-თქო. და მეც მიტომ დაგიწყეთ გუშინდამ ხმამალალი ლაპარაკი, რომ ხალხისთვის დამენახებინა და ამგვარად შემეტყო, თუ ვინ არიან თქვენი წინააღმდეგები-თქო“... ერთი სიტყვით, უნდა მოახერხო... დრო გაქვს!

ნახირ-ფაშა. მერე, ბატონიშვილო, ხომ მეტყვი: „მე არსად გადავდივარო“?

კულურ-ხანუმ. ეგ კიდევ უკეთესი! შენ გამზიარულდი და დაეშურე წამოსვლას, რომ მივახარებ და ელენეს გულს მოუბრუნებ-თქო. ელენესი თუ რამ გკითხოს, უთხარი... ჰო, რამდენი ხანია ვალს აღარ გაუვლია ჩვენთან?

ნახირ-ფაშა. ხუთი დღე.

კულურ-ხანუმ. მაშ... „ოთხი დღეა, ელენე კარდაკეტილში ზის და რალაცაზე სწუხს თქო“.

ნახირ-ფაშა. კარგი, ბატონიშვილო, მაგაებს ყველას მოვახერხებ.

კულურ-ხანუმ. რომ გამოხვიდე და ხალხში გამოიარო, შენთვის წაილაპარაკე: „ეგ სხვა არის! მაგ პირობით თანახმა ვარ თქო“ და სხვანი...

ნახირ-ფაშა. მერე რა გამოვა მანდედან?

კულურ-ხანუმ. იიპ!... ბბოს თავი!... მაგდენიც არ იცი? შენგან რომ ვერას შეიტყობენ, დაიწყებენ კითხვას აქეთ-იქით... ქვეყანა... და მე მაშინ ასე დავაყრვიინებ ხმას, რომ ვალმა ბოდში მოიხადა, ყველაფერზე დაეთანხმა ნახირ-ფაშას და ნახირმაც შეირიგა-თქო. ახ-

ლა ხომ მიხვდით? შენ თუ ვინმე გკითხოს, მაგაზე სულ ნურას იტყვი და უფრო დაიჯერებენ.

ნახირ-ფაშა. აი, შენ კი გენაცვალე, ჩემო სიბრძნის კოლოფო! შენ რომ არა მყოლოდი, რა მეშველებოდა?...

კუდურ-ხანუმ. მადლობა ღმერთს, რომ გამოტყდი!... კარგი, კარგი! აბა, გასწი მალე!...

ნახირ-ფაშა. სადილი?!

კუდურ-ხანუმ. ვაი შენ და შენს სადილს!... როესწრები... მო... რა დროს ქამაზე ფიჭრია ამისთანა დროს?... განა ვერ ხედავ, რომ ერთი წამის დაკარგვაც ძნელია... საშიშია?!...

ნახირ-ფაშა. (მოდის) მივდივარ! მივდივარ, ბატონიშვილო! ნუ გაჯავრდები!!

კუდურ-ხანუმ (მარტო) ახლა ხელის შეშვება აღარ ივარგებს! ვალი დაგვიკვირდება, აზრს აიღებს...ჰმ!... სიფრთხილე გემართებს, თორემ ყოველიფერი მუჭთად ჩაგვივლის. ელენეს მოქმედებასაც უნდა ბოლო მოეღოს... ის შეჩვენებული არჩილიც გამოუშვიათ... და მე ვიცი, ხეირს არც ის დაგვაყრის: გადამირევს ელენეს! იმ დალოცვილმა ვალმა არ დაუჯერა ჩემს ქმარს და მაინც გამოუშვა ციხიდან ის შეჩვენებული სოხტი: „აქაო—და ელენეს იამებაო“! (ჩაფიჭრდება).

მეოთხე განმოსვლა

კუდურ-ხანუმ. და **ესმა** (შემოდის მთელი ქათიბით, ქოშებით)

ესმა. ქალბატონო, აქა ბრძანდებით?

კუდურ-ხანუმ. რაო, გამდელიო! რა გინდოდა?

ესმა. მე არაფერი, გენაცვა, ელენემ გამომგზავნა: „შეიტყვე ოთახში თუ ვინმე არისო და ან ქალბატონი თუ შინ ბრძანდებაო!“

კუდურ-ხანუმ. თვითონ ელენე სადღაა?

ესმა. ყველანი ბაღში არიან და ელენეც იქ გახლავსო.

კუდურ-ხანუმ. სტუმრები ხომ არ არიან?

ესმა. არა, შენი ქირიმე. მხოლოდ არჩილ გიახლათ: გამოუშვიათ.

კუდურ-ხანუმ. ჰმ! როგორ მიიღო ელენემ?

ესმა. ვერაფერად. ერთმანეთს მიესალმენ და მერე აღარც კი შეუხედნიათ ერთმანეთისათვის... ისე ისხდნენ, ცალკე ნაცნობებსავით.

კუდურ-ხანუმ. ჰმ!... მერე?

ესმა. მერე, ელენე ადგა, დაამთქნარა და აქ გამომგზავნა: წადი, შეიხედე ოთახში, თუ ვინმეაო და ან ქალბატონი თუ შინ ბრძანდებაო!...

კუდურ-ხანუმი. ჰმ!... კარგი, კარგი, გამდელი! მოდი, ჩაბრუნდები ტახტის პირზე, აგერ...

ესმა. უიმი, მე რა ღირსი ვარ, გენაცვალე, თქვენს სიახლოვეს ჯდომისა?!

კუდურ-ხანუმი. რას ამბობ, გადია? ამ ოჯახის შენოდენი ნამსახური ვინ არის, რომ ტახტზედაც არ დაისვენო ხოლმე?

ესმა. უი, ვენაცვალე თქვენს სამართლიანობას და დიდკაცურ მოხდომას! (ჯდება) უკანასკნელი წიწილებიც კი ჩემი ხელით გამოზრდილია ამ ოჯახში, თორემ ეხლანდელი გომბიოები...

კუდურ-ხანუმი. (სიტყვას აწვევინებს) ვიცი... ვიცი... განა არ ვიცი?... ახლა მაგის დრო არ არის. შენ ეს მითხარი: დაძებნე?

ესმა. სულ გადაეაბრუნე საკუჭნაო, მაგრამ ვერაფერი ვნახე იმის მეტი, რაც მოგართვით.

კუდურ-ხანუმი. (ამოიღებს ჯიბიდან ქალაღში გამოსხვეულ ფხვნილს) ამის მეტი?

ესმა. დიახ, ეგ გახლავსთ, ქალბატონო!... მაგან შემაშინა და ვადამრია.

კუდურ-ხანუმი. რა იცოდი, რომ საწამლავი იყო?

ესმა. უტბად მოვატანე თვალი, შაქარი მეგონა და დაწებას ვუპირებდი, ელენე მომვარდა და მომადახა: „რას შერები, რას ჩაღიხარო? თავის შაქარიო, თავგების მოსაწამლავად მოვატანიეო!“...

კუდურ-ხანუმი. ჰმ!... მაგრე იქნებოდა სწორედ... უნდა ისევ ჩაუდვა, საიდანაც ამოიღე, თორემ, თუ გაიგო მოგიაპარავს, არ იამებდა...

ესმა. ძლივს შემირიგა და მაშინ სულ გამაგდებს! შემითქლებს, იმას კი ვენაცვალე...

კუდურ-ხანუმი. მაშ ისევ იქვე ჩადე, რომ აზრი არ ღილოს!...

ესმა. უიმი, ვენაცვალე! ეშმაკს თვალს არ უჩანს! მეშინია, მოწამლულმა თავგმა რომ მოცუტნოს რამე თაროში, მერე ხომ ჩვენც მოვიწამლებით? უნდა სხვა რამე მოვახერხოთ, ქალბატონო.

კუდურ-ხანუმი. ნუ გეშინია! (ამოიღებს ჯიბიდან მეორე ქალაღს) ამას ხომ ხედავ, გამდელი? აი, ეს ჩაუდე მაგიერად!

ესმა. ეგ რა არის, გენაცვალე? ეგეც ხომ ამისთანა არა არის—რა? ჰგავს...

კუდურ-ხანუმი. არა, ეს უბრალო სამხურვალო წამალია.

ესმა. უი, გენაცვალე, როგორ თუ სამხურვალო?

კუდურ-ხანუმი. (ივინის) სიყვარულის მალამოა. რამდენიც უნდა სჭამო, არ გაწყენს. დანაყოლი შაქრის ყინულია, გადია.

ესმა. უიმი, გენაცვალე, მერე თავგებმა რომ სჭამონ, აწყენსთ მართლა?!

კუდურ-ხანუმ. შენ რა გენაღვლემა?

ესმა. აქაურობას ეიკლებენ ხრაგუნით... ოჯახს წაბილწვენ!...

კუდურ-ხანუმ. შენ რა თავგების მოძღვარი ხარ! კარგი ერთი, ნუ ხუმრობ!... წაილე ახლავე ეს ფხვნილი და იქვე ჩადე, საიდანაც ამოვიღია... გამდელი, თუ შენი ელენეს სიკეთე გინდა და ელენეს ბედნიერებაც გსურს, ენას კბილები მოუჭირე.

ესმა. უიმე!... სადღა მაქვს კბილები, შენი ქირიმე?... ამდენ ოჯახს...

კუდურ-ხანუმ. ნუ დაიწყებ აქეთ-იქით უთავბოლოდ ლაპარაკს და ამის გარდა კიდევ... კიდევ რაღაცა მინდოდა შეთქვა.. და სულ ავიწყდება... ჰო!... ამ სიციხეში რომ ქათიბით დადიხარ, არ ვაწუხებს?... როგორ გეკადრება, უბრალო გამდელი ხომ არა ხარ!...

ესმა. ოი, ვენაცვალე თქვენს სამართლიანობას! დიდი კაცი ხარ და ყოველიფერი დიდკაცურად გესმის... მაგრე აღარ მათასებენ სხვები... გოგობი...

კუდურ-ხანუმ. ჩემი თალხი შალი მიჩუქებია შენთვის... ახლა წადი და უთხარი ელენეს: არაეინ არის-თქო; გესმის?...

ესმა. მესმის, ჩემო ხელმწიფევე, და ღმერთმა ნუ მოგაკლოს მისი წყალობა! (მიდის)

კუდურ-ხანუმ. (მარტო) ჰე!... ავად თუ კარგად, დღეს უნდა გადაწყდეს საქმე, თორემ, მე ვიცი, ის ყმაწვალი საქმეს გავგიფუჭებს... უნდა ვაცნობო ვალის. (მიდის)

მეხუთე გამოცვლა

არჩილ და ელენე (შემოდინა)

არჩილ. რა წინდაუხედავი რამა ხარ!... მე კი გული გადამიტრიალდა და...

ელენე. რა ექნა? რისი შეგეშინდა? ხათუნია იყო.

არჩილ. სხვა რომ ვინმე ყოფილიყო?

ელენე. რა მენაღვლებოდა?

არჩილ. რა გენაღვლებოდა?... ჩემი მტერი ჩავარდეს აქაურების ყბაში!

ელენე. რა იქნებოდა?

არჩილ. თვითონ კი არ იცი, რომ მეკითხები?... ბნელაში საიდუმლოდ რომ ვისმეს ხანჯალი აძგერო, იმაზე ხმასაც არაეინ ამოიღებს და კოცნაზე კი ქვეყანა აყაყანდება.

ელენე. განა შენც მაგრე სამალავად მიგაჩნია სიყვარული? მაშ ცოდვა რამ ყოფილა?

არჩილ. ისე, როგორც ლოცვა: ერთიცა და მეორეც კერძო საქმეა და საქვეყნოდ მათი გამოტანა ფარისევლობა იქნება.

ელენე. (აღღრსიანად) ოჰ, არჩილ! ვინც შენ არ გიცნობს, რა უნდა სთქვას, და გაცნობა კი ძნელია: რაც შენ გულში გაქვს, ძვირად ვისმეს უჩვენებ და ხშირად მთისა ბარში გადაგაქვს...

არჩილ. ჩემი ბრალია? განა ბევრს შეგხვდებით მისთანას, რომ ღირსი იყოს, ჩვენი გული გავუხსნათ?

ელენე. მაშ კაცი უმეტეს შემთხვევაში გულგაუხსნელი იყოს? მაგნიარად გაფრთხილებული კაცი მეგობრებს ყოველთვის მოკლებულია.

არჩილ. და მაგითი ვითომ რას წააგებს?

ელენე. განა მეგობრობა ალარა გწამს?

არჩილ. მეგობრობა დიახ მწამს, მაგრამ მეგობრები კი არა... ვისაც ჰგონია, რომ ბევრი მეგობრები ჰყავს, იმას, იცოდე, არც ერთი მეგობარი არა ჰყავს... მოტყუებულია.

ელენე. მაშ შენც მიტომ არ ეძებ მეგობრებს?

არჩილ. შეიძლება... ეჰ, მეგობრები არც მყოლიან და არც მყოლებიან.

ელენე. (სიჩქარით) მეგობარი?

არჩილ. ეგ შენ უნდა გკითხო, როგორა გგონია? (აღღრსით შეჰყურებს თვალებში. ცოტა ხნის სიჩუმეა) აჰ? რაზე გაწითლდი?... შენ თვალებში ვკითხულობ პასუხს... ენას ნულა გარჯი, ჩემო ელენე, ჩემო...

ელენე. (ხელს უჭერს. ცოტა ხნის სიჩუმის შემდეგ) იცი, რა გითხრა, არჩილ? ხომ მოგელოდი, მაგრამ მაინც, პირველად რომ შემოგხვდე, კინაღამ თავს ვულალატე და, თუ გადიას არა, ცუდად იყო ჩემი საქმე... მერე კი ისევ მოვიბრუნე გული. და შენ კი არაფერი... თითქოს მე იქ არა ვყოფილიყო... არც დაგენახო...

არჩილ. აგრე გგონია შენ! (სიჩუმე) რაო? რაზე ვაგვიზომ? რას გეჭურჩულებოდა?

ელენე. შენზე მეუბნებოდა: „დაუკვირდიო! თუ იმას ოდესმე ჰყვარებოდე, განა მაგრე მოიქცეოდა ახლათ?“ საბრალო, ძალიან ვაკვირდებოდა, მაგრამ ბევრი ვერა გამოიტანა-რა.

არჩილ. მართლა? ჰმ... როცა ავ-კარგისა და ტყუილ-მართალის გარჩევაზე მივარდება საქმე, მაშინ ბევრი ვადიები გამოჩნდებიან ჩვენში, ჩემო ელენე...

ელენე. ყველანი ძალიან გიკვირდებოდნენ, თითქოს უნდოდათ, რომ თვალიდან ბეწვი ამოედოთ, მაგრამ, მგონი, ბევრს ვერას გახდენ. შენ სახზე ისინი კი არა, ეშმაკიც ვერას წაიკითხავდა.

აკაკის რჩეული ნაწერები. ტ. III.

არჩილ. თუ წაეკითხათ, მათმა სიცოცხლემ, სიბრძნეს შეიძენდენ! გატენილენ ჭორის ბოხჩას და დაიწყებდენ იქით-აქეთ უთავბოლოდ წანწალს. სხვა რა გამოუვიდოდათ? (სიჩუმე)

ელენე. (ეაღვრება) ჩემო არჩილ! ასე მგონია, სიზმარში ვართქო!...

არჩილ. მე კი ვიცი, რომ ცხადია, მაგრამ მაინც, ცოტა არ იყოს, ჩემო სიცოცხლე, მეც კი მითამაშებს გული... გესმის?... თითქოს ბაშბას ჰჰენტვენო.

ელენე. ჩემო არჩილ! შენ კი გენაცვალოს ელენე!... ნუთუ მართლა სიზმარში არა ვართ?

არჩილ. (კალთაში უდებს თავს) არც ახლა გჯერა?

ელენე. (აღელვებით) იცი, რა გითხრა! ჩემს დღეში არა მცოდნია და შენ კი მიმაჩვიე სიხარბეს: წელან, სხვებთან რომ ლაპარაკობდი, გული მწყდებოდა... მე მინდოდა, რომ მართლ მე გამეგონა შენი სიტყვები და მხოლოდ მე მეტყვირნა შენთვის... მიტომაც მოვიგონე თავის ტკივილი.

არჩილ. მეც კი მიგიხვდი მაგ კუდიანობას...

ელენე. არა, სულ ტყუილიც არ ყოფილა: თავი თუ არა, გული ხომ მტკიოდა, და ერთის მაგიერ მეორე ვთქვი... შენც ხომ ისე იცი ხოლმე, საზოგადოდ?

არჩილ. მერე, მაგითი რა დაშავდა? განა არ იცი, რომ მათთვის სულ ერთი იყო, თავი გეტკინებოდა, თუ გული, და ჩვენ კი სურვილი აგვისრულდა: აი, მარტოკა დაერჩით ახლა.

ელენე. მაშ ახლა კი მომიყევი, სანამ დრო გვაქვს: რას შერებოდი ამდენს ხანს და როგორ იყავი?

არჩილ. ოო!... ძალიან ქეიუში ვიყავი, სულ ზურნას ვუკრავდი

ელენე. არა გრცხვენია?! მე მართლა გკითხავდა შენ-კი საცინლად მიგდებ.

არჩილ. აბა, რა საკითხავია? განა ისე კი არ იცი, რა უნდა მქნა საპურობილეში? ის არა სჯობს, რომ ჯერ შენ მიამბო, თუ როგორ სარგებლობდი შენის თავისუფლებით?!

ელენე. რათ გიყვარს ჩემი გაჯავრება? განა შენ კი არ შევიძლია წარმოიდგინო, თუ რა ყოფაშიც ვიქნებოდი? რათ არ იცი, რომ უშენოდ, როცა შენ საპურობილეში მეგულბოდი, ჩემს თავისუფლებასაც არაფრად ვაფასებდი. მართალია, შენ საპურობილეში იყავი მაგრამ მაგიერად მაგ საპურობილე ჩემს გულში იყო. ნუ გგონია რომ ჩემზე მეტად ტანჯულიყო!...

არჩილ. რას ამბობ?! შენ სასმელ-საქმელი მაინც გქონდა.

ელენე. ჰმ!... უგემური.

არჩილ. წმინდა ჰაერსა სუნთქავდი.

ელენე. მოწამლულს.

არჩილ. ხალხსა ჰხედავდი... მათი სიტყვა-პასუხი გესმოდა.

ელენე. მართალია, იმათ შეეჩერებოდი, მაკრა! შენ-კი გიყურებდი; იმას უფროს ვუგადავდი, მაგრამ შენა ხმა მესმოდა, ჩემო სიცოცხლე... ოხ!... არჩილ, რამდენჯერ მინატრია, რომ მეც შენთან ვყოფილიყავ საპრობილეში.

არჩილ. (მწუხარე ღივილით) ერთად? არ იცი, რომ ეგეც აკრძალულია?

ელენე. არა, გინდ მარტო... ოღონდ კი იმავე საპრობილეში, ერთს სახლში, ერთს ჭურ ქვეშ... გეფიცები, რომ მაშინ უფრო მოსვენებით ვიქნებოდი.

არჩილ. არა, ჩემო ელენე, რომ არ გამოგიცდია, მიტომ ამბობ მაგას!.. მეც მაგრე მეგონა, მაგრამ ბოლოს-კი დავრწმუნდი, რომ კაცი სუსტი რამ ყოფილა და ყოველთვის თავის გრძნობას ვერ ეპატრონება! წარმოიდგინე პატარა, ბნელი და მყალი ოთახი, სადაც ვერც არაფის შენსას აგონებ და არც სხვისი ხმა გესმის, ხარ მარტო; არ იცი, როდის გათენდება და როდის დაღამდება; დღეების ანგარიში გეკარგება, დრო გეპარება და რიცხვები გავიწყდება... მაგრამ ესეც კიდევ არაფერი! უფრო ძნელი ის არის, რომ ტანჯვის ტვირთს ვერავის უზიარებ და ვერავის შესჩივლებ!... ხანდახან მხოლოდ საკმელში შეპოიჭვრეტს ხოლმე მცველი, მაგრამ ისეთის თვალთ შემოგხედავს, თითქოს დედ-მამა მოგეკლას მისი და ან ცოლ-შვილი შეგეჭამოს. ოჰ, ელენე, გეფიცები, რომ რკინის გალიაში დამწყვედული აფთარი ისე შესაბრალოსი არ არის, როგორც ადამიანი საპრობილეში. მე იმან უფრო შემაწუხა, რომ წიგნის კითხვის ნებას არ მძლევდნენ. ღმერთო ჩემო! რამდენჯერ მინატრია სიკვდილი და მომიხდომებია, რომ თავი კედელზე მიმესრისა! მაგრამ იცი, ვინ მიშლიდა ხელს?

ელენე. (შებლზე ჰკონის) ეს.

არჩილ. არა, — შენ, ჩემო სიცოცხლე!... სასოწარკვეთილების დროს ანგელოზივით წამოინდგებოდი ხოლმე და მეუბნებოდი: „არა გრცხვენია სულმოკლეობისაო?“ და ეს საკმაო იყო ხოლმე, რომ გულს გადაწყვიტოდა. შენი სახე ჩემ წინ იყო განუყრელად... მოვიგონებდი ხოლმე შენს მიხერა-ოხვრას, შენს სიტყვა-პასუხს, შენს ალერსს და ეს მიმოკლებდა ხანგრძლივ ტანჯვას და მიძლუბუქებდა მძიმე ტვირთს. არა, ჩემო ელენე, ვინც მარტოობაში არ ყოფილა, იმან ამხანაგობის ფასი არ იცის!... ვისაც მტერი არა ჰყოლია, მეკობარს ვერ დააფასებს!... (ხელს შვრის) ამ ბოლო დროს კი, როდესაც უყოველის, კუთხით

გზა შემიკრეს და შენს ამბავსაც ველარ ვტყობილობდი. მაშინვე წარმეკვეთა სასოება და არ ვიცი... არ ვიცი, თუ როგორ გათავდებოდა საქმე, თუ არ ამ მოულოდნელ შემთხვევას...

ელენე. ჩემსას აღარ იკითხავ?... ყოველგვარი ცდა და საშუალება რომ გამიცუდდა და რომ ველარას ვაგხდი, მწუხარებამ ისე წამილო, რომ თავის მოკვლა მოვიინდომე. ხანჯალიც ვიშოენე, რომელიც დღესაც თავქვეშ მიძევს, მაგრამ ვერ ვაგებდე-კი მისი ხმარება... ბოლოს თავისი შაქარი ვიყიდე, რომ თავი მომეწამლა, მაგრამ ღმერთმა უშველოს დეიდას.

არჩილ. დეიდას?!

ელენე. დიახ, იმისი ბრალია, რომ დღეს ცოცხალი ვარ და შენც გამოშვებულსა გხედავ.

არჩილ. რაო?!...

ელენე. განა არ იცი, ვისი ბრალია, რომ გამოგიშვეს?

არჩილ. რა მოგახსენო!... მე მკონია, ვინც დამიპირა, მისივე.

ელენე. არ იცი, რად გამოგიშვეს?

არჩილ. შენმა გაზრდამ, არა ვხუმრობდე!

ელენე. მაშ მართლის გულით ამბობ?

არჩილ. რასაკვირველია!

ელენე. მარ...თლა?

არჩილ. რა მაგრე გაგიკვირდა?... ჰმ! ნუთუ მართალია, რასაც ამბობენ?!...

ელენე. რას ამბობენ?

არჩილ. იმას, რომ ვითომც შენ და დეიდაშენი უერთმანეთოდ წყალსაც აღარ აქცივდით.

ელენე. (ღიმილით) სწორედ.

არჩილ. მაშ ისიც მართალი იქნება!... მაგრამ არა, გენაცვალე, ელენე, გეხუმრები. განა არ ვიცი, რომ ქორია.

ელენე. რა?

არჩილ. საზოგადოების სისულელე: ვითომც ვალი ყოველ დღე აქ დადიოდეს.

ელენე. ეგეც მართალია.

არჩილ. კი, მაგრამ იმათ ასე ჰკონიათ, თუ შენთან დადის.

ელენე. რასაკვირველია, ჩემთან!...

არჩილ. რაო? რას ამბობ, გეთაყვანე, ელენე? სიზმარში ხომ არა გგონია თავი? ვინ შენ და ვინ ვალი?! საერთო თქვენში რა უნდა იყოს? შენ ხუმრობ და ხალხი კი ამტკიცებს, რომ ვითომც პირობაც მიგეცეს ვალისთვის ცოლ-ქმრობაზე.

ელენე. ეგ კი ტყუილია, მე სიტყვა არ მიმიცია, მაგრამ არც იმედი გამომიცლია მისთვის გულიდან. თუ ასე არ მექნა, ის დღეს ხელში არ შეჭირებოდა და ველარც შენ განხავდი განთავისუფლებულს.

არჩილ. (შეშფოთებით) რაო!... ხელში გიჭირავს?! როგორ თუ ვერა განხავდი? რას ამბობ?!

ელენე. დიახ! მე ვთხოვე და გამოვაშვებინე შენი თავი... ამეებს ყველას განა მე ჩემით მოვახერხებდი, თუ დეიდას არ ესწავლებია?

არჩილ. შენი კირიმე! შენ გენაცვალე, ელენე, ნუ მცდი!... ვიცი, ხუმრობ, მაგრამ მაგისტანა ხუმრობაც საზიზლარია.

ელენე. (შეშფოთებით) რა ვქნა?! რა მაგრე აღელდი?! გეფიცები, რომ მართალს გეუბნები და, თუ კი მომისმენ, შენც...

არჩილ. არც ის მკოდნია, რათ დამიჭირეს და არც ის ვიცი, თუ ახლა რათ გამომიშვეს. ჩემთვის არც ერთი არ უკითხავს.

ელენე. მე კი ვიცი: დეიდასი!...

არჩილ. დაქერა, თუ გამოშვება?

ელენე. გამოშვება! თუ არ ის, დღესაც იქვე იქნებოდი.

არჩილ. კვი?!...

ელენე. გიკვირს? რომ გვეგონა, იმისთანა არ ყოფილა თურმე დეიდა.

არჩილ. რაო?

ელენე. ერთხელ შენც ჩემსავით გამოიცვლი იმაზე აზრსა.

არჩილ. რომელ დეიდაზე ამბობ?

ელენე. რომელი მყავს იმ ერთის მეტი?

არჩილ. კულურ-ხანუმ?!

ელენე. დიახ, ის!

არჩილ. რას ამბობ?! (წამოადგება) განა შეიძლება, რომ მეგელი ცხვრად გადაიქცეს?

ელენე. სიტყვაც ის არის, რომ, თურმე, უსაფუძვლოდ გვეჩვენებოდა მგლად.

არჩილ. იპ, მეც რომ მართლა ყურს გიგდებ!... იმნაირი სახით დასცინი, რომ მართალი ეგონება ეგ შენი სიტყვები, ვინც არ იცის...

ელენე. სწორედ რომ მართალია.

არჩილ. (თვალებზე ხელს იფარებს) კმარა! კმარა!... ეჰ!... უმჯობესი იყო, იქვე მოვმკვდარიყავ საპყრობილეში და ეს კი არ გამეგონა! ელენე, რა გიქნია ეგა? ან შენი თავი რათ დამიდაბლე მაგრე და ან რათ გამეციხე? არ იცოდი, შენი თავის დამდაბლება ჩემთვის თუ რა იქნებოდა?

ელენე. (შეწუხებული) კი მაგრამ... სამუდამოდ დაღუპვას ისევ ის ვარჩიე.

არჩილ. რაღა სიციხეა და მდებარეობა... ნამუსდამხობილი სიციხეა? მაგას დაგეთანხმა დეიდაშენი?!

ელენე. იმან მიჩნია და შენმა სიყვარულმა მეც დამათანხმა.

არჩილ. მჯერა, სიციხეა; შენ სიყვარულს შეუტყდენიხარ, მაგრამ დეიდაშენს კი რაღა უნდოდა?

ელენე. ისიც შენს გამოხსნასა სცდილობდა. იცი, რანაირად უყვარხარ?

არჩილ. (დაცინვით) ვიცი! ვიცი!

ელენე. ესეც რომ არ ყოფილიყო, მარტო ჩემი გულისათვის არ დაიხოვავდა თავს!...

არჩილ. როგორ, განა ისე საშინლად უყვარხარ?

ელენე. მეტი აღარ შეიძლება.

არჩილ. ხა! ხა! ხა! ხა! ხა! ასე ძნელია გამოუცდელია... თვალთ-მაქცობა ნამდვილად მიგიღია და ის არის. გატყუებს! გატყუებს, ჩემო კარგო!!

ელენე. რა ვქნა, რა მოგება აქვს, რომ მომატყუოს?

არჩილ. ის, რომ შენი ხელში ჩაგდება უნდა! სხვებსავე რომ მალე იქით ვერ გადაგიყოლია, ახლა პირაქეთ გადმოგყვას; მხოლოდ მისთვის, რომ მიგინდოს და როგორმე მახეში გაგაბას!

ელენე. მე? რომელიც ისეთ რიგად უყვარხარ?

არჩილ. დიახ, შენ! ჰმ... განა თამარ შენზე ნაკლებ უყვარდა? განა სხვები კი სძულდა? მაგალითები არ გიდევს წინ? უყვარხარ! დიახ, ისე უყვარხარ, როგორც მსხვერპლის შემწირველს ზვარაკი შეწირვამდის! იმას თავის ხელობა უყვარს და სარგებლობა! ჰმ. (დადის) იმას უთუოდ შენი მახეში გაბმა უნდა! დიახ. აქ რაღაც მანქანება არის! სიფრთხილე გმართებს. კიდევ მადლობა ღმერთს, რომ ჯერ ვერ აუსრულებია იმას თავისი პლანი. ჰმ...

ელენე. არჩილ! გეთაყვანე... ნუ მაშინებ! რაღაც უცნაურ ეპიკებში გყვევარ! ნუთუ მართლა დეიდას...

არჩილ. რაღა თქმა უნდა! რაღა თქმა უნდა!...

(**კუდურ-ხანუშის** ხმა მეორე ოთახიდან) ელენე! ელენე! მანდა ხარ შვილო? არ შეიძლება, რომ ცოტა ბნით აქ შემოხვიდე?

არჩილ. ეგ შეჩვენებული საიდან გაჩნდა? რა დროსი იყო! არ მინდა ვნახო. ახლა წავალ და ისევ მალე მოვბრუნდები! მერე უფრო გულდამშვიდებით მოვილაპარაკოთ. რათ მოიწყინე მაგრი, გენაცვალე?... ჰმ! (ძალად ომილით) რა გაეწყობა? რაც მომხდარა, მომხდარა! შეიძლება, რომ უარესიც მომხდარიყო. მშვიდობით, გეთაყვა! მალე დაებრუნდები, მალე!

ელენე. (მარტო) ეს რაები მესმის!? ნუთუ მართლა დეიდა მამა ბრიყვებდეს?! ნუთუ მართლა თავი გაეიკიცხე! ღმერთმა ხომ იცის, რაც მე ტანჯავდა გამოვიარე არჩილის გულისათვის! ვანა მე კი არა მტანჯავდა ამდენი მოგონება და თვალთმაქცობა?... რისთვის აფიტანდი ამდენ თავისდამდაბლებას, თუ არ არჩილის სიყვარულის გულისათვის! და რა გამოდგა ბოლოს? ის, რომ მე იმას ვაწყენინე!... გული ვატყინე და ჩემი თავიც დავიმცირე მის თვალში! ვაი-თუ ჩემზე ცუდი რამ იფიქროს!... მაგრამ არა, ცუდს როგორ იფიქრებს?... (უფრო-და-უფრო ღელავს, თავს ჩაჭიდებს და ხელებს იფარებს; ცოტა ხნის შემდეგ თავს აიღებს) ვაიდან მინდოდა გამოვსულიყავ და უიში ჩავეპარდი!... თვალდათვალ დამანახვა არჩილმა ჩემი შეცდომილება! ეხლა მეც ვატყობ, რომ დეიდა მატყუებდა!... იჰ, სიკვდილი არა სჯობს ამისთანა სიცოცხლეს?! ვილას უნდა ენდოს კაცი?! (თავს ჩაჭიდებს და დაიწყებს ტირილს, შერე ისტერიკად გადაექცევა).

მეექვსე გამოცემა

ისევ და კულურ-ხანუმ და მერე ესმა.

კულურ-ხანუმ. (შემოვარდება) ვინ ტირის? ელენე?! რა დაგმართნა, ჩემო სიცოცხლე?! რა ამბავია? რა?! (ელენე ტირის) ბიჭო! გოგო! არავინა ხართ? მოგვხედეთ!...

ესმა. (შემოიჭრება) რა ამბავია, ქალბატონო!... უი შენს გადიას! ელენე ტირის?! ვინ ამიტირა ამისი თავი? ახლა არჩილ აქ არ იყო? ნუთუ იმან გაწყენია რამე? დამიდგა თვალები! როგორ გავიბედა იმ არა კაცის მსგავსმა?! უიმე! უიმე! რა იქნა? სად წავიდა? მაკალოს მე იმან! (გამოუდგება გარეთ)

კულურ-ხანუმ. შე შეჩვენებულო, რა დროს ეგ არის? წყალი!... აი, აგერ ყოფილა! (ასმევს ელენეს, ელენე გულამომჯდარი სლოკინობს) გენაცვალე, ელენე, გული მოიბრუნე! რა დაგემართა? რა იყო? რა მოგივიდა? ავად ხომ არა ხარ?

ესმა. (შემოვარდება დაფეთებული) უიმე! ქალბატონო, მიშველეთ! რა მომივიდა!...

კულურ-ხანუმ. (გაჯავრებით) შე შეჩვენებულო, შენ მაინც რაღამ გადაგრია?

ესმა. ის შეჩვენებული არჩილ მეგონა... ვალი მობრძანდებოდა და ქოში ვარტყი გულზე... რაღა მეშველება! ვაიმე! ვაიმე!

კულურ-ხანუმ. ვაი შენ და ღვთის რისხვა! ვალი მობრძანდება? (ელენეს) ჩემო სიცოცხლე, შედი ჩემს ოთახში, გული მოიბრუნე!

თვალეები ამოიწმინდედ და, თუ გინდა, ისე გამოდი მერე. ხელი მოაკიდე, გადია!... (მიდიან).

კუდურ-ხანუმ. (მარტო) ეს სულ იმ გამოჩერჩეტებული ვალის ბრალია! ახლა მის თავს დააბრალოს! არ დაუჯერა ჩემს ქმარს და მაინც გამოუშვა არჩილი. კი ვიცოდი, რომ არჩილ ხეირს არ დაგვაყრიდა! ჰე, ახლა კი აღარ ვარგა დროს დაკარგვა! დღეს უნდა გადაწყდეს, თორემ უქმად ჩაივლის ამდენი ნაცადი!—ან „ჰო“ და ან „არა“!...

მეზვიდე გამოსვლა

კუდურ-ხანუმ და ვალი.

ვალი. (სიცილით შემოდის) სალამო მშვიდობისა, ბატონიშვილო! ქართველების ზრდილობა ყოველთვის განთქმული ყოფილა და მეც გამოვივლი, რომ ძველად საპატიო სტუმარს ვარდის კონებით მიეგებებოდნენ ხოლმეო, და მე-კი თქვენი გამდელი ქოშით დამიხვდა.

კუდურ-ხანუმ. უი, ქა, რას მიბრძანებთ?!

ვალი. დიახ! კინალამ კიბეზე გადამაგდო.

კუდურ-ხანუმ. უი, დამიდგა თვალეები! ხომ არა გატყიხა რა?...

ვალი. არა!... ვხუმრობ, ბატონიშვილო!... მე იმაზე უკრო მეცინება, რომ ის დაუერთხა.

კუდურ-ხანუმ. ის შეჩვენებული, ჯერ ისეც გამოყრუებულია სიბერით, ახლა კიდევ ელენეს უქეიფობამ სულ გააგეია.

ვალი. როგორ თუ უქეიფობამ?! განა ელენე ავად არის?

კუდურ-ხანუმ. როგორღაც ვერ გახლავსთ თავის გუნებაზე ეს ოთხი-ხუთი დღეა. თვითონაც არ იცის, თუ რას მიზეზობს!—თქვენი მტერი იყოს, იმან ჩვენ გუნებაზე დაგვაყენა და მისი გამდელი ხომ რაღა! აღარ იცის, რას ჩადის.

ვალი. ქოშებს ისერის? (იციანს).

კუდურ-ხანუმ. (იციანს) არა. ეგ თუქცა განგებ არ უქნია, მაგრამ სამართლიანად კი მოხდა, რადგანაც, ცოტა არ იყოს, თქვენცა გაქვსთ ბრალი ელენეს უქეიფობაში.

ვალი. როგორ, ბატონიშვილო?

კუდურ-ხანუმ. ახლა მაგაზე აღარას მოგახსენებ, თვითონ თქვენ და ელენე მორიდდებით ერთმანეთში, მაგრამ მე-კი ჩემდათავად უნდა ვისაყვედუროთ, რომ ამდენი ხანია დაგვივიწყეთ.

ვალი. განა მაგაში მე ბრალი მაქვს?... თქვენმა ქმარმა ისეთი დიპლომატობა გამოიჩინა, რომ მისი, სხვების დასანახავად გამოგონებული, ახლა მე ნამდვილად მივიღე და აღარ ვიცოდი, თუ რა მექნა?

კულურ-ხანუმ. ეგ უფრო სამწუხარო კიდევ!... მმართველობის ერთგულებამ და თქვენმა ერთგულებამ რომ ჩემს ქმარს მოუხერხებელიც მოახერხებინოს, დიდი გასაკვირი არა არის რა; მაგრამ, თქვენ რომ არ ვინმარიათ ჩვეულებრივი გამჭირიანობა და ვერ მიმხვდარხართ, ის კი კარგი ნიშანი არ არის ჩვენთვის: სჩანს, რომ აღარა გეწყალობთ!...

ვალი. მაგას რას ბრძანებთ, ბატონიშვილო?... სანამ სული მიდგას, შე თქვენი პატივისცემა და სიყვარული არ დამავიწყდება. აი ახლაც, ისეთი ერთგულება გამოიჩინა თქვენმა ქმარმა მმართველობის და თანაც ჩემი მეგობრობა, რომ ღირსი შეიქნა სამაგალითოდ დაჯილდოებისა.

კულურ-ხანუმ. ის მაგგვარად თავის მოვალეობას ასრულებს!... თუმცა, მართალი უნდა მოვახსენოთ, მე-კი ყოველთვის ვეწინააღმდეგები ხოლმე.

ვალი. მმართველობის ერთგულებაზე?

კულურ-ხანუმ. დიახ!... მაგითი ის ბევრს მტერს იკიდებს და, ხომ მოგეხსენებათ, ჩვენი ხალხი რა არი? ადრე თუ გვიან ხეირს არ დააყრიან ჩემს ქმარს მაგ ერთგულობისათვის.... უმისოდაც ქვეყნის მოღალატეს ეძახიან.

ვალი. მაშინ ჩვენც აღარ ვიქნებით, მაშ, ქვეყანაზე?

კულურ-ხანუმ. სანამ თქვენ აქ ბრძანდებით, მეც გული დამშვიდებული მაქვს, მაგრამ... ვინ იცის, რომ ხვალ თქვენ უფრო მაღალ ადგილზე არ მივიწოდებენ აქედან? მაშინ, ჩვენგან შორს მყოფს, დრო აღარ გექნებათ მოგვიგონოთ და ამგვარად მფარველს მოვაკლებით.

ვალი. დარწმუნდით, ბატონიშვილო, რომ სადაც უნდა ვიყო, თქვენი ხსოვნა და პატივისცემა ჩემი გულიდან არ ამოვა. და, რაც შეეხება ახლანდელს მტერებს, დღეს თქვენმა ქმარმა წარმომიდგინა მათი სია და მეც უმაღლესად წარვადგინე, რომ ისინი, როგორც ქვეყნის ორგულნი და მმართველობის წინააღმდეგნი, სამაგალითოდ ქვეყნის დასანახავად დაისაჯონ და თქვენი ქმარი კი დაჯილდოვდეს.

კულურ-ხანუმ. გმადლობთ! თქვენი მოწყალება დაუფასებელია!... ჩემი ქმარი თვითონ ეცდება, რომ გაამართლოს ეგ წყალობა და გემსახუროს, მაგრამ მე და ელენე კი მაგით მაინც ვერ შეგირიგდებით!... ჩვენ ქალები ვართ: პატივმოყვარეობას იმდენად არ დავდევთ, რამდენადაც გულს აყვებით ხოლმე!... თქვენმა ამდენი ხნის უნახობამ გული გვატყინა!

ვალი. მზად გახლავარ, რომ საკანონო მოვიხადო! (თავს უკრავს)

კულურ-ხანუმ. (ღიმილით) ვნახოთ! პირველი, ეს ჯერ, რომ უნდა მართო დატოვოთ, რადგანაც ცოტა ხნით მეზობლისას უნდა გადა-

ვიდე და, თუ ნებას მომცემთ, ჩემ მაგიერ ელენეს გამოგიგზავნით ჩემს მოსვლამდის.

ვალი. თქვენი ნება იყო!

კუდურ-ხანუშ. და თუ რაზე დაიკარგა ამ ოჯახში, თქვენ უნდა მიზლოთ, რადგანაც თქვენ ორის მეტი ამ ოჯახში აღარავინ იქნება, ასე გასინჯეთ, რომ მოსამსახურეებიც აქეთ-იქით არიან გაგზავნილი.

ვალი. ბატონი ბრძანდებით!... ზესმის!...

კუდურ-ხანუშ. (ეშმაკურის ღიმილით) მოითმინეთ! ეს კიდეც არა კმარა! რომ მე გული უფრო დამშვიდებული მექნეს, კარებს გარედან ვადავიკეტ და დროებითად ჩემი ტყვე იქნებით!

ვალი. (ხელზე ჰკოცნის) რა გაეწყობა, ბატონიშვილო! მით უფრო, რომ ბევრჯერ ჩავგიდღივარ ამისთანა ტყვეობაში და არც ერთხელ სანანურად არ დამრჩენია.

კუდურ-ხანუშ. მშვიდობით! ელენე გაიხლებათ!... შერიგდით, შერიგდით! თორემ, ვინ იცის, რა გამოვა შემდეგ... არ მოიწყინოთ უჩემოდ!

ვალი. (მარტო) რა დედაკაცია! ეს რომ ვაგი ყოფილიყო, დიდებულ სულთანს უღვაშებს მოაპარსვინებდა!

ვალი და ელენე (შემოდის დაღონებული)

ვალი. ჩემ სიცოცხლე ელენეს ვახლავარ! როგორა ბრძანდებით? დეიდათქვენმა მიაშბო თქვენი უქეიფობა და ძალიანაც...

ელენე. (მშვიდობიანად) ტყუილი მოუხსენებია!

ვალი. ვხედავ, გულდაკლებული ბრძანდებით ჩემზე, რომ ამდენი ხანია აღარ გამივლია, მაგრამ ჩემს უსირცხვილობას ნუ მიაწერთ. მიზეზი სულ სხვა იყო...

ელენე. დარწმუნდით, რომ ეგ ჩემთვის ერთი იყო! ჩემთვის არაოდეს არ ჰქონია მნიშვნელობა არც თქვენს მობრძანებას და არც წაბრძანებას.

ვალი. ვე! ახლა-კი ვხედავ, რომ მიჯავრდებით!... თუმცა უნებურად, მაგრამ დანაშაული კი ვახლავარ, მაგრამ მიტევება თქვენი ვალია!

ელენე. თუ ინებებთ, რომ მართალი გაიგოთ, დანაშაული მე მაქვს თქვენთან და ბოდიშსაც მე ვითხოვ.

ვალი. თქვენ?

ელენე. დიახ, უნდა გამოგიტყდეთ, რომ სინიღისის წინააღმდეგ გექცეოდით.

ვალი. როგორ თუ?...

ელენე. დეიდაჩემის შეგონებით ამოდენი ხანია თვალს გიხვევდით და გატყუებდით, თორემ არც მყვარებიხართ და არც მიყვარხართ!

ვალი. მართალს ბრძანებთ? მაშ თქვენი ქცევა და სიტყვები?

ელენე. თვალთმაქცობა იყო, რომ ხელში ჩამეგდეთ ისე, როგორც დეიდა მიჩვედა.

ვალი. ჰმ! არა მჯერა ეგ არც თქვენგან და არც თქვენის დედისაგან! და ან თქვენ როგორ შესძლებდით ისე ხანგრძლივ თვალთმაქცობას?

ელენე. არჩილის სიყვარულმა შემადლებინა... რომელსაც ისე უსამართლოდ ალბობდით საპყრობილეში.

ვალი. არა ხუმრობთ?

ელენე. გარწმუნებით!

ვალი. ჰმ... თორემ ეგრე?! განა არ იცით, რომ მე შემიძლია ისევ დავაჭვრინო არჩილი და უარესი სატანჯველიც გაუწესო.

ელენე. ეგ თქვენი ნება არის... მაშინაც შევეცდი, რომ თავი დავიმდაბლე და გთხოვეთ მისი გამოშვება.

ვალი. მერე და გეკადრებოდათ განა ჩემი მოტყუება და გაკიცხვა?

ელენე. მეც ეგ მაწუხებს! მინდა შევინანო და მართალი შეგაცუობინეთ.

ვალი. (სიჩუმეა) ჰმ!.. ვწუხვარ! ვწუხვარ! მადლობა ღმერთს, ვეცდები, რომ მერე მაინც შეგაყვარო თავი!

ელენე. თავი შემაყვაროთ?

ვალი. დიახ! შერთვის შემდეგ.

ელენე. მე კი განა უსიყვარულოდ წაყვები ვისმეს?! არა, ეგ არ იქნება და ნურც იფიქრებთ.

ვალი. როგორ?! მაშ მე უნდა გაკიცხული დავრჩე?... მაშინ, როდესაც ქვეყანამ შეიტყო? არა, თქვენ, მგონია, მცდით!... ხუმრობთ... ან-და, სწორედ, მართალი მითხრა დეიდათქვენმა, გუნებაზე არა ხართ და მიზეზობთ.

ელენე. სტყუის დეიდა!

ვალი. არა, მართლა ამბობთ, რომ ჩემს ცოლობაზე ხელს იღებთ?

ელენე. როდის გქონდათ ხელი მოკიდებული?!..

ვალი. სიტყვა არ მომეცით?

ელენე. ხომ გითხარით მიზეზი.

ვალი. ეჰ, კარგია ერთი, თავი დაანებეთ მაგდენ ხუმრობას. (უახლოვდება, ელენე შორდება) როგორ დავიჯერო, რომ ჩემი სიყვარული თქვენ გაჰკიცხოთ. (მოხვევნას უპირებს)

ელენე. (ხელს ჰკრავს) არ შეიძლება, რომ თავს პატივი დასდოთ, დამშვიდდეთ?

ვალი. განა, სიყვარულისაგან გაშმაგებულს, დამშვიდება შემიძლია? (ხელს სტაცებს).

ელენე. (სასტიკად) ხელი!

ვალი. გვიანდა არის... ველარ წამიხვალთ! ჩემს ცოლობაზე ველარ აიღებთ ხელს.

ელენე. ვის უბედავთ მაგას? ვინა გკონივართ? ხელი! ხელი!... (გაეშვივა და მივარდება კარებს) აჰ! ეს რა ამბავია?!... ეი! ვინა ხართ მანდა? კარი გამოღეთ, ეი! არ გესმით?!...

ვალი. (დაცინვით) აბა, რასა შფოთავთ? როგორ გეკადრებათ? განა არ იცოდით, რომ შინ არავინ არის?! უბრალო ყვირილით მაგ მშვენიერ ხმას ნუ გაიფუჭებთ! ვერავინ გაგიგონებსთ. რისა გეშენიათ? ჩემთან ხარ გალიაში, ჩემო გვრიტო! არა, სჯობია, რომ შენს ბედს დაემორჩილო! იცოდე, რომ სიკვდილამდე ჩემი ხარ!

ელენე. (აშფოთებით) რა გნებავს?!...

ვალი. ნულა მეწინააღმდეგებით; იქ ნება სჯობს, სადაც ძალა აღარ გავა.

ელენე. განა მაგდენზედაც მათწია დეიდაჩემმა?! ეგ ეკადრება თქვენს ხანს, თქვენს ღირსებას?

ვალი. მუ მინდა, რომ ცოლად შევირთო, აქ რა არის უკადრისი? (მიიწევს).

ელენე. გაფიცვით პატიოსნებას და ან რაც გეფიცებათ, მიმიღეთ მამაშვილურად და აიღეთ ჩემგან ხელი! დაიმშვიდეთ გული!...

ვალი. (მიუახლოვდება) გეფიცებით, რომ სიყვარულისაგან გრძობადაკარგული ვარ და კიდევ უნდა დავამტკიცო, რომ ჩემი იქნები და არა სხვისი! მე ამ შემთხვევას ვერ დავკარგავ!

ელენე. ოჰ, ღმერთო ჩემო! (ჩამოჯდება დივანზე და თვალებზე ხელს მიიფარებს).

ვალი. ჩემი სიყვარული განა ხუმრობა გეგონა? დამათვრე აღერსით... გამაგიჟე... ცეცხლი მომიკიდე სიყვარულით და ახლა გინდა გაკიცხული დამაგდო? არა! ვფიცავ ღმერთს, რომ შენს თავს, არა თუ ქვეყნიური, ზეციური ძალებიც ვერ დამათმობინებენ! არ იცი, რომ სიყვარული სნეულება და სიგიჟეა?... ჩემი სიყვარული უზომოა!... სიცოცხლეს კი დავთმობ და შენ კი ვერა... ვერ შეგეღვევი... ვერავის დაუთმობ შენს თავს უსიკვდილოდ... ჩემო ბედნიერებაე! ჩემო ხედრო! ჩემო სიცოცხლეე: ნუ მეკრძალვი, ნუ მერიდები!... მომენდვე და ჩემსავით სხვა ვერავინ დაგაფასებს, ვერ შეგიყვარებს! რათა სტირი? ნუ იფარებ მაგ მშვენიერ სახეზე ხელებს! ნუ! ნუ! (ხელებს მოახსენევინებს).

ელენე. ხა! ხა! ხა! ხა! ხა! ხა! ხა!

ვალი. ააა!!!

ელენე. შენ კი გენაცვალოს ელენე! განაგრძე, განაგრძე ეგ ალერსიანი სიტყვები! მავის გაგონება არ მოყირქდება შენს ელენეს!... აქამდის ეჭვი მქონდა და არც დეიდას ვუჯეროდი, მაგრამ ახლა ვხედავ, რომ გყვარებივარ!... სხეებსავეთ განსაკიცხავად არ გნდომებივარ: თუ არ ნამდვილი სიყვარული, ეგრე სხვა ვერაფერი გააძაბებდა შენისთანა დარბაისელს, ჩემო სიცოცხლევ! გცდიდი და ნუ გეწყინება, ჩემო საყვარელო! ქალები ექვიანები ვართ (მზვვვა).

ვალი. (აღტაცებაში მოსული) მცდიდი?! მე კი გულზე გამზეთქე და!... ელენევ, დაუსაბამოს გეფიცები, რომ შენის სიყვარულით დაბრმავებული ვარ, შენი მონა ვარ და ვიქნები. რას მეტყვი, რომ არ ავისრულო?!

ელენე. მართლა? მაშ ჯერჯერობით ახლა გული დაიმშვიდე და დამიმტკიცე, რომ მართლა ცოლად გინდებვარ და არა...

ვალი. მზადა ვარ, ჩემო მშვენიერებავ!

ელენე. მაშ ახლა დამანებე თავი! სიტყვას ვაძლევ, რომ შეგიერთო!

ვალი. რომ მილალატო?

ელენე. არა.

ვალი. მაშ შემომფიცე! რას გაჩუმდი?! აა!... კიდევ გინდა მომატყუო?

ელენე. ახლა ისე მოულოდნელად მომექცეცით, რომ არ შემიდლია, რამე გადაეწყვიტო.

ვალი. ჰაა! მაშ კიდევ გინდოდა მოგეტყუებიეთ?... წავიდე... და რა დამტკიცებას მატან, რომ მერე აღარ მილალატებ? არა, უნდა დამნებდე!... (ეჭიდება).

ელენე. მაშ კარგი! ასე ნდომებია ჩემთვის ბედს!... შემომფიცე, რომ მერე აღარ აიღებ ზელს ჩემს ქმრობაზე!

ვალი. ღმერთი იყოს თავდები!

ელენე. მაშ ვენდობი შენს სინიდისსა და, თუ მომატყუო, მაღალმა ღმერთმა გკითხოს საიქიოს... კარგი! შემობრძანდით! (შეიქრება საწოლ ოთახში).

ვალი. აი, დედაკაცი! მოდი და იცანი! რაც უნდა გამაგრდეს, ბოლოს მაინც ის არის.

ელენე. (ოთახიდან) ახლა კი მზადა ვარ! სირცხვილს სიკვდილი სჯობია, მაგრამ იფიქრე კი არ დაგიჯდება ჩემი სიკვდილი (გამოდის).

ვალი. (შეშინებით) რას აპირობთ?!

ელენე. შენს სიკვდილს. (მიადრს ხანჯალს) გეგონა, რომ ჩემზე-
დაც ისე ინადირებდი, როგორც სხვებზე გინადირნია ამ ოჯახში? ახ-
ლა კი გეყოფა ამდენი გარყვნილება! (დაუპირებს ხანჯალს ჩვევრას)

ვალი. რას შერებით! რას შერებით! გაგიყვით? (გარბის და ელენე მისდევს)

ელენე. არა, შენი აღსასრულის დღეც მოვიდა!

ვალი. ვაიმე! მიშველეთ! ეი! ეი! კარი გამიღეთ! არავინა ხართ? მიშველეთ! (სკამით იგერიებს)

ელენე. (შუაგულზე დგება და ხარხარებს) აჰა, გადატრიალდა ჩარხი! ახლა ჩემ ხელშია ძალა! რატომ აღარ დამცივინე? მაშ ნულარც შენ ელი შებრალებას! ტყვილა ნუ შეუოთავ. ჩემო ძლიერო მიმინო! შინ არავინ არის, ვერაფერ გაგიგონებს... ხმას რათ ილალაე?! ხა! ხა! ხა! ხა! ხა!

ვალი. მიშველეთ! (აწვება კარებს).

ელენე. ეს რა მემართება?!... აჰ! ეს რა ამბავია? (ხანჯალს ადგებს ხელიდან, გულზე იდებს ხელს და ჯდება) ამას ვცა ვხედავ? არჩილ? (მისჩერებია ვალის) ოჰ, შენა ხარ, ჩემო სიცოცხლე? რა კარგ დროს მომესწარ!... მოდი მალე!... მოდი!

ვალი. (სულელივით მისჩერებია) ვაჰ! ეს რა ამბავია?

ელენე. (ხელებს უშვევრს) მოდი, ჩემო ბედნიერებაე! მოდი, მოგეხვიო! არ იცი რომ სიკვდილამდე შენი ვარ? სხვას ვისლა ავირჩევდი? წამიყვანე აქედან შენთან! შენთან ერთად, ჩემო ნუკეშო! მალე! მალე! ამ გარყვნილი ოჯახიდან.

ვალი. ვაჰ! კიდევ ხუმრობდა?! მე-კი საუკუნოდ დამიკარგა სიყვარულის სურვილი და!... (მიუახლოვდება და ელენე წამოვარდება და გულზე ეკვრის).

ელენე. წამიყვანე აქედან... ნუ დამტოვებ! ოჰ, ოჰ, ოჰ, რა ბედნიერი ვარ! (შეჰყავს მფორე ოთახში) შენ გენაცვალოს ელენე, ჩემო სიცოცხლე... ჩემო! ჩემ...

მეჩვე გამოსვლა

არჩილ (შემოდის სიჩქარით).

არჩილ. ეს რა ამბავია? კარები გარედან ვადუკეტირათ! აქ რა-
ღაც ხმაურობა იყო და კი არავინა სჩანს! (დინახავს ხანჯალს) აჰ, ეს
რაღა არის?... ამას რა უნდა აქა?! (იხედება აქეთ-იქით. მფორე ოთახში შე-
იხედავს) ააა! ღმერთო ჩემო!! ამას რასა ვხედავ? (გამობრუნდება) თურ-
მე ხალხის ხმა აკი მართალი ყოფილა! ახლა კი მჯერა, თუ თვალები
არ მატყუებენ, აჰ!...

ელენეს ხმა. არჩილ, შენ გენაცვალე, ჩემო სიციცხლე. წამი-
ყვანე... ნუ დამტოვებ, არჩილ!...

არჩილ. (შეკრთება) აჰ, არჩილო? მე მეძახის? აქ უთუოდ რაღაც
ამბავია! კარგად ვერ შევხედე! ძალადობა! ააა... ახლა კი (გაეჭანება
ხანჯლით, შეიხედავს და ისევ შეჩერდება. გამობრუნდება) არა, არა!... დამცი-
ნის! დამცინის! ჰმ!... ჰმ!... აქ ძალადობა აღარ ყოფილა!... ეხვევა, კო-
ცნის, ესიყვარულება!... და მაშ მე რა ნება მაქვს?... ვინა ვარ, რომ
იმათ ტრფიალს ხელი შევეშალო?! ჰე! ახლა კი მშვიდობით! მე აქ
დასადგომი პირი აღარა მაქვს, სადაც ტანჯვის მეტი არა მინახავს-
რა და სადაც დღეს უკანასკნელი ოცნებაც კი მეწამლება! მშვიდო-
ბით! ქვეყანა განიერია! (დააგდებს ხანჯალს და გარბის).

მესამე მოქმედება

სცენა: ღარიბი ოთახი ფლიგელში

პირველი გამოსვლა

(ექიმი ათავებს წერას და მერე ზარს აწვარუნებს. ხათუნია შემოდის მეორე ოთახიდან).

ექიმი. გამოიღვიძა?

ხათუნია. არა, ბატონო! ჯერ კიდევ არა!... ძილის გუდად გახლავს მიგდებული... ზარბაზანიც ვერ გამოაღვიძებს.

ექიმი. ჰმ!

ხათუნია. ან-კი რა გასაკვირველი გახლავსთ, რომ წუხელ მთელი ღამე მის თვალს რული არ მოჰკიდებია, ისე შფოთავდა.

ექიმი. ეგება გააჯავრეთ?... ან აწყენინეთ როგორმე?...

ხათუნია. არა, ბატონო!... რა ბრძანებაა?!

ექიმი. სასმელ-საქმელს ხომ არათერს უკრძალავთ?

ხათუნია. რალაი თქვენ ბრძანეთ, ვინლა მოუშლიდა!

ექიმი. კარგი გიქნიათ... რაც აიჩემოს, შეძლებისადაგვარად აუსრულეთ ხოლმე! იმას აწი აღარათფერი აწყენს.

ხათუნია. კი, ბატონო, მაგრამ ეს ორი დღეა, რაც მისთანას აღარას თხოულობს.

ექიმი. მაშ წუხელი რალა აშფოთებდა?!... ხომ არა სტკიოდა რა?

ხათუნია. არა, ბატონო! რალაი არჩილის დაბრუნება გაიგო და თქვენი პასუხიც მოუვიდა, გუნება ეცვალა: ისე გახდა, რომ ჭკუა-შეშლილს დაემსგავსა. ხან თუ ბავშვივით ატყუდებოდა ხოლმე, რომ „კიდევ ვთხოვ ჩემს არჩილსაო“... მერე ისეე მოიწყენდა და მოჰყვებოდა ხოლმე ტირილს: „ნახვით ენახავ, მაგრამ მე რომ კი ისეე აღრინდულად ველარ დავუხვდებიო?“ ჩვენ, რაც შეგვეძლო, დავაკავეთ, მაგრამ ვერა გავაწყეთ რა... ისე იშფოთა მთელი ღამე.

ექიმი. ხეელა აღარა ჰქონია?

ხათუნია. ხანდახან! ვათენებისას კი მოიხედა: დამშვიდდა... საჩქაროდ ხელ-პირი დაიბანა, მოიხთო-მოიკაზმა, ერთი სტაქანი ჩაიც დალია და ლოყებიც ისე წამოუწითლდა, რომ გეგონებოდათ, მის დღეშიაც არა სტკენია რაო... გაიარ-გამოიარა: მიეყრდნო მუთაქაზე და თვალეზი კი კარებისაკენ ეჭირა, სანამ არ დაეძინა.

ექიმი. ჰმ!... იყოს!... ნუ გააღვიძებთ!

(ხმა კარების უკანიდან) რას დაგდებულხარ აქ, შე სულწაწყმედი-
 ლო, ნავაზივით რა ფეხებში ებორძიკები გამვლელს და გამომვლელს?
 კინალამ დამცი... წაეთერი აქედან!... ნუ აგდიხარ აქა!...

მეორე განცხადება

ივინივე და ჯამალ-მოურავი (შემოდის, ხანჯალზე ხელს დაიბჯენს, გაჩერ-
 დება და ისე შეჩურჩებს ექიმს, რომელიც უცდის. ჯამალ მხოლოდ ახველებს)

ექიმი. რა გნებაესთ?

ჯამალ. თქვენი კარგად ყოფნა, შენი ჭირიმე!

ექიმი. გმადლობთ!—ჩვენ კარგად ვახლავართ!...

ჯამალ. ისემც კარგი დაგეშართოსთ და ღმერთმა ნუ მოვიშა-
 ლოსთ!... (შესჩერებიან ერთმანეთს)

ექიმი. ბატონო, მეტს აღარას გვიბრძანებთ?

ჯამალ. თვითონ ბატონო და თვითონ გვიბრძანებთ, შენი ჭი-
 რიმე!

ექიმი. რა გნებაესთ?

ჯამალ. მე არაფერი, შენი ჭირიმე.

ექიმი. მაშ! ისე დასახედავად მობრძანდით?

ჯამალ. არა, შენი ჭირიმე! ბატონმა გაახლათ ჩემი თავი.

ექიმი. ვინ ბატონია?

ჯამალ. ქალბატონი... კულურო-ხანუმი, ბატონო.

ექიმი. რაო?

ჯამალ. (ახველებს) მოგახსენათ, შენი ჭირიმე: თქვენ არ შეგა-
 წუხებდითო, მაგრამ ჩვენი ექიმი ვალის გაჰყოლია სადღაცაო და
 სხვა ექიმი კი თქვენს მეტი ხელად აღარავინ დაგვრჩაო...

ექიმი. რა მინდაო?

ჯამალ. თამარ ვახლავსთ ცოტა უქეიფოდ და...

ექიმი. რა ემიზეზება?

ჯამალ. ცოტა თავის ტკივილი აჰყვა და გუნებაზედაც ვერ
 ვახლავსთ.

ექიმი. გუნებანაქცევად ხომ არ არის?

ჯამალ. ჰმ! თქვე დალოცვილო!

ექიმი. არა უშავს-რა! ძილი დააკლდებოდა. მოახსენე, რომ ჯერ
 არა მცალია; მიძიე ავადმყოფი მყავს და იმას ვუცდი-თქო.

ჯამალ. ეწყინება, შენი ჭირიმე.

ექიმი. მოახსენე, რაც გითხარი!

ჯამალ. იპ, არ ივარგებს, შენი კირიმი: ბატონიშვილი გაჯავრდება.

ექიმი. ცივ წყალში დაასველოს ხელსახოცი და თავზე შემოიღვას! არგებს ტკივილს!

ჯამალ. თქვენ კი არ წამობრძანდებით?

ექიმი. არა მცალია! ვერ გაიგე?

ჯამალ. მშვიდობით ბრძანდებოდეთ, ჰო, ბატონო! (მიდის. კარებს უკან მისი ხმა) აქავე ხარ?! აქავე ხარ, შე ქოფაქო?! ვერ გაიგე, რაც ვითხრეს? აეთერ აქედან! აქ ნუ აგდინხარ!...

ესმას ხმა. არა, აქ უნდა მოვიკლა ჩემი თავი, აქ უნდა ამომხდეს სული და კი არსად წავალ.

ჯამალის ხმა. ქალბატონის ბრძანებაა, რომ სულ ფეხის თრევით წავიღონ აქედან.

ესმას ხმა. მე აქ ვეგდო ჩემთვის, ვის რას ვუშავებ? თქვე უღმერთოებო! თქვე სასიკვდილოებო!! ისემც დაიშხოს და ამოვარდეს თქვენი ოჯახი, როგორც ჩემი ელენეს გულ-ღვიძლი თქვენ ამოქამეთ. ღვთის რისხვებო, თქვენა!...

ექიმი. რა ამბავია? ვის ეჩხუბებიან?

ხათუნია. არავის, ბატონო! მოჟურავი უჯავრდება გადიას: ნებას არ აძლევს, რომ კარებთან იწვეს.

ექიმი. ვინ გადია?

ხათუნია. ელენეს გამძვლი გახლავსთ!... აქ აღარ უშვებენ ელენესთან, და კარებთან ზის... აღარ შორდება.

ექიმი. რატომ არ უშვებენ? ელენეს არა ჰსურს?

ხათუნია. არა, ბატონო! ელენემ ორჯერ-სამჯერ კიდევაც მოიკითხა, მაგრამ ასე მოვახსენეთ, რომ გადია სოფელში წავიდა და ჯერ არ დაბრუნებულა-თქო.

ექიმი. მაშ რათ აუკრძალეს აქ შემოსვლა?

ხათუნია. ქალბატონი გაწყრება.

ექიმი. რათა?

ხათუნია. მიტომ, ბატონო, რომ ამას წინეთ წასულიყო სალოცავზე, დაეგრიხა წმინდა სანთელი და ისე სახალხოდ გადაეცა ქალბატონი, რომ ჩემი ელენე იმან მომიკლა, იმას ბარობით დამიხსნულდაო.

ექიმი. მაგის მეტი ხო არა დაუშავებია-რა?

ხათუნია. არა, ბატონო!

ექიმი. ელენეს ხომ არ ეწყინება, რომ შევიდეს ხოლმე იმასთან?

ხათუნია. როგორ ეწყინება?... მისი გაზრდილია!

ექიმი. მაშ კარგი, უთხარი, შემოვიდეს. ექიმი გიბრძანებს-თქო.

(ხატუნია გადის)

გადია. (დაგლეჯილი ტანისამოსით, ფეხშიშველი შემოვარდება გიჟივით და ექიმს ეხვევა მუხლებზე) ამას კი ვენაცვალე! ამას კი შემოვევლე თავს! ამის ქირიმე!

ექიმი. რა ამბავია? რა გატირებს, გამძლეო?

გადია. უიმე! როგორ თუ რა გატირებს? რაღა სასაცილო პირი მაქვს, შენ კი ვენაცვალე? ჩემს ელენეს დღე ელევა, მე კი თვალი-თავ აღარ უნდათ მიჩვენონ.

ექიმი. ვის შეუძლია, რომ დაგიშალოს?

გადია. უიმე! ვის არ შეუძლია? ვინ არის, რომ მე ძალღივით არ მიტატანებდეს? ამ ოჯახში დღეს ყველასაგან გასაკიცხავი და სათრევი შევიქენი... აქამდის კი ყოველიღერი მე ვიყავი... უკანასკნელი წიწილებიც კი მე დამიზრდია, მაგრამ მე ჩემს თავს როგორღა ეინაღელი, რომ ჩემი მშვენიერი ელენე ისე გამიუპატიურეს! მომიკლეს! მომიკლეს! შეულოცეს!... გული და ღვიძლი ამოუქამეს!... ცოცხლად გამიღალეს! ხეზეულად დამიდნეს. იმას კი ვენაცვალე... იმას კი შემოვევლე!...

ექიმი. კარგია, კარგი! ახლა რა გინდა? რა გსურს?

გადია. მინდა, რომ ერთი შემოვევლო თავს და მისი ქირი მე წაეიღო.

ექიმი. მეტი არაფერი?

გადია. ცოტა ხანს ფეხთით დავფუჯდები, თუ ნებას მომცემთ, იმას კი ვენაცვალე, ფეხზე ხელს წაუუსვამ... ბუზებს მოვუგერებ, იმისი ქირიმე!...

ექიმი. ეგენი არც ერთი საჭირო არ არის! ისე-კი შეგიძლია შეხვიდე და იქ იყო. არ გამოალევიძო კი!

გადია. უიმე! არა, შენი ქირიმე... არა!

ექიმი. ტირილს ნუ მოჰყვები, თორემ გამოალევიძებ!

გადია. არა, გენაცვალე! სულს გაენაბავ... ხმას გავიკმენდ... გავკვავდები, ოღონდ კი იმას ვუყურო, იმას კი შემოვევლე!...

ექიმი. მაშ კარგი!... წაიყვანე გოგო და შედი ელენეს ოთახში.

(გადიან)

გადია. (გამობრუნდება) თავს რომ შემოვევლო და შევულოცო, ხომ არ გამიჯავრდებით? თქვენს წამლობას ხომ არას აწყენს?

ექიმი. არა, არა! შეგიძლია, მაგრამ არ გამოალევიძო კი როგორმე.

გადია. არა, ამისი ქირიმე! ამას კი ვენაცვალე (ხელებზე ჭკობის. შედიან)

ეჭიმი. (მარტო) საბრალო! სრული დარწმუნებულად, რომ შენც თუ შემოეცლო და შეულოცა, ფეხზე წამოაყენებს! მეტი აღარ უნდა! ჰე!... გამდელსაც პატივი ახდია!... ანგარიში... ყველგან ანგარიში!... სხვა ვალი და სხვა ლამაზი! სხვა მიმინო და სხვა ჩიტი! წავიდა ძველი ვალი და გათავდა ელენობაც, მოვიდა ახალი ვალი და შეიქნა ისევ თამარობა!... ქვეყანა ჩარხია! ტრიალებს! თამარ ახლა სასახლეს ამშვენებს და ელენე კი აქ ფლიგელში გდია ყველასაგან მიტოვებული და დავიწყებული, ვილას რაღად უნდა?... მისი დრო წავიდა, აღარ მობრუნდება! მოკვდება და გულის შემატკივარიც არავინა ჰყავს!... (არჩილ შემოდის) აა! კარგ დროს მოხვედი! ეხლა შენხედა ვფიქრობდი.

არჩილ. გამარჯობა! ჩემზე ფიქრობდი?

ეჭიმი. დიახ, მაგრამ დაოგვიანე! აკი თორმეტ საათზე მოვალო?...

არჩილ. (იკით-აქეთ იხედება. ჯდება) ჰმ!..

ეჭიმი. რაო? ვის ათვალეიერებ? ჯერ ვერა ჰნახავ! სძინავს.

არჩილ. (სიჩუმის შემდეგ) კინალამ სასახლეში შევედი! როგორ მოვიფიქრებდი, რომ ერთს დროს სასახლის სამკაულს დღეს სამოახლოში გადმოიტანდნენ... სძინავს?... დღეს როგორღა არის?

ეჭიმი. ჯერ არ მინახავს... ამბობენ, რომ მოხედვით არისო, მაგრამ...

არჩილ. მაგრამ?

ეჭიმი. განა არ იცი?... გუშინ არ გითხარ?... მოიხედავს თუ არა, ერთია: დიდი ხნის სიცოცხლე მაინც აღარა აქვს! კარგი ჰქენი, რომ მოხვედი სანახავად და გულში არ ჩაარჩინე...

არჩილ. სრულ გრძნობაშია?

ეჭიმი. რასაკვირველია. ეს იმისთანა სნეულებაა!... (სიჩუმე) პაპიროსს არ მოსწევს?... რა გემართება, ხელი გიკრთის? ავად ხომ არა ხარ?

არჩილ. არაფერია! წუხელის არ მძინებია და...

ეჭიმი. თვალეშიც გემღვრება? ეჰ! ვინ შენ და ვინ ძგეები? გაგულჩვილებულხარ!

არჩილ. ყველას თავისი დრო აქვს და ადგილი: სიხარულსაც და მწუხარებასაც.

ეჭიმი. მესმის!... მესმის!... ჩნანს, რომ სიყვარული ისევ გიტრიალებს გულში!... ვერც დროსა და ვერც სიშორეს ვერ გამოუწუნებია.

არჩილ. მე რომ არ გითხრა, განა თვითონ კი ვერ მიჰხვედები?! გამომწუნდა კი არა, იმ დიდ სიყვარულს დღეს სიბრალოლიც ზე დაერთო და ის მიწუხებს გულს.

ეჭიმი. არ გამტყუნებ! უნდა გამოგიტყდე, რომ ელენე ყოველთვის საყვარელი ადამიანი იყო და არის!... შეუცდომელი ქვეყანაზე

არავინ არის და არც შენ უნდა მიგეტეხა ისე ჩხირი და არ უნდა გადაკარგულიყავ; მით უფრო, რომ, როგორც თვითონვე ამბობ, სიყვარული არ გაგჭრობია!... ეჰ, რაც მოხდა, მოხდა, რაღა გაეწყობა!... განა სხვებს კი არ დაჰკარგვიათ სატრფო?

არჩილ. ჩემსავით?...

ექიმი. შენ რაო, ვითომ?

არჩილ. ის, რომ მაშინ ის ელენე დავკარგე და მომიკვდა, რომელიც სულს უყვარდა და სწამდა ამ დროის ქართველი ქალის იდეალად, და დღეს ისიც კი ჰქრება, რომელიც მხოლოდ გულს შერჩა, როგორც ქალი მარტიყად... ჩემი მწუხარება ორკეცია! ჰე, რა გაეწყობა! რა გაეწყობა! რა გამოვა, რომ ვიჩივლო?!

ექიმი. ეგ არი!

მესამე გამოცვლა

ისინივე და ხათუნია.

ხათუნია. ელენემ გამოიღვიძა და გამოსვლას ნდომულობს... შეიძლება გამოვიყვანოთ?

ექიმი. ხომ არ გითქვამსთ არჩილის აქ ყოფნა?

ხათუნია. არა, ბატონო, ჩვენ არც კი გვეცოდნია!

ექიმი. მაშ, კარგი! არაფერი უთხრათ! ჩემი კი მოახსენეთ, რომ გიცდის თქო! კარგ გუნებაზე წამოდგა?

ხათუნია. უკეთესი აღარ შეიძლება! გადიას ნახვაც იამა. (მოდის)

ექიმი. მეშინია: ვაი თუ უცბად შენს დანახვაზე ნამეტანმა აღლვებამ აწყინოს!... არ შეიძლება, რომ ცოტა ხნით გახვიდე ამ ოთახიდან? აი, იქ შედი, იმ ოთახში, სანამ არ დაგიძახოს!

არჩილ. ბატონი ხარ! (გადის ნელ-ნელა)

ექიმი და ელენე (გამოჰყავთ გადიასა და ხათუნის ხელმოკიდებული და დივანზე აწვენენ)

ექიმი. (მიუახლოვდება) როგორ ბრძანდებით, ელენე? ხომ კარგად გეძინათ?

ელენე. ოჰ, დილა მშვიდობისა, დოქტორო! დიდი ხანია აქა ხართ? უკაცრავად, რომ გაცდევინეთ! დღეს ძალიანაც კარგადა ვარ.

ექიმი. ღვთით თანდათან უკეთესობაში შეხვალთ, რომ ვაზაფხულდება.

ელენე. (ნაღვლიანის ღიმილით) ჰო! იმედი მაქვს, რომ მანამდის მოვრჩე!... კარგია, ექიმო, ნუგეში, მაგრამ მისთანასთვის, რომელსაც

სჯერა, როცა ატყუებენ... განა მე თვითონ ვერ ვატყობ ჩემს თავს?!... მაგრამ ისიც კარგი ღვთის წყალობაა, რომ ჯერ კიდევ კარგადა ვარ... დოქტორო! დღეს აღარ გინახავს? თითქო მოსვლას აპირებდა?

ექიმი. უთუოდ მოუა, მაგრამ მე კი შეშინია თქვენი! ვაი თუ ვერ აიტანოთ და...

ელენე. რა ვერ ავითანო?

ექიმი. ვაი-თუ აღელდეთ მის დანახვაზე, და არ გარგებსთ.

ელენე. სიტყვას გაძლევთ, რომ თავი შევიმაგრო. მაგრამ ეს კი მითხარი: კიდევ აქვს ჩემი ხსოვნა? ნებით მოინდომა ჩემი ნახვა, თუ თქვენ შეაბრალებთ ჩემი თავი?

ექიმი. გარწმუნებთ, რომ თქვენს სიყვარულს მოჰყავს. მისი დაბრუნების მიზეზი თქვენს გარდა სხვა არა ყოფილა-რა... მაგრამ ახლავე რომ შფოთავთ, მერე რაღა იქნება... როგორ მოვიყვანო?!

ელენე. არა... არა მიშავს-რა!... არ აეშფოთდები, ოღონდ კიდამენახოს...

ექიმი. მაშ, კარგი! დიდი ხანია, ისიც აქ გიცდის! არჩილ! არჩილ! (არჩილი შემოდის და მიიწვევს ელენესკენ ძალდატანებულის დიმილით) მადლობა ღმერთ...)

ელენე. (შეჰკვივებს და წამოვარდნას დააპირებს) არჩილ!...

არჩილ. (მივარდება) ელენე!...

ელენე. კიდევ შენა გხედავ?! არჩილ, შენა ხარ? (უნდა რომ მოეხეოს და ბოლოს ვითომც ხელსა ჰკრავს) არა, არა!... მე შენი ელენე აღარ ვარ!... დამავიწყდა, რომ... ის ელენე!.. ის... (დაიწყებს ტირილს და ხველას)

ექიმი. არ გითხარით?! განა მაგას ჰქვიან თავის შემაგრება?... წყალი, წყალი! რა ყმაწვილობა არის?! ხომ იცით, რომ გაწყენსთ ეგ ალტაცება და აღელვება? (ხათუნას მოაქვს სტაქნით წყალი)

ელენე. (სვამს) დოქტორო, ეს ცრემლები გულს მიმძიმებდენ... დიდხანს მეგუბენ ნაღვლად. ადრე თუ გვიან უნდა გადმონთხეულიყვნენ... აი, ახლა უკედა ვარ. (სცილილობს, რომ გაიღიმოს)

არჩილ. ელენე! განა მაგრე უნდა შეხედენ ერთმანეთს დიდი ხნის უნახავი მოყვრები? ნუთუ ჩვენი ძველი მეგობრობიდან აღარა დარჩენილა-რა, რომ სიახლოვესაც აღარ მიკარებ?

ელენე. ეგ თქვენ უნდა გკითხოთ და ჩემგან კი განა სხვაგვარი შეყრა მოითხოვება თქვენი ბარათის შემდეგ?

არჩილ. გულისწყრომის დროს ნამოქმედარი სასაყვედურო არა არის-რა! მართალია, იმ გახურებულ გულზე გზიდან მოგწერე ცხარე წერილი, მაგრამ მერმე კი შევიანანე და იმ შენანებას შენც მიხედვბოდი შემდეგის წერილებიდან.

ელენე. როგორ თუ შემდეგის? განა იმ გულსაკლავი ბარათის გარდა სხვებიც მომწერე?

არჩილ. რამოდენჯერმე, და არც ერთხელ კი პასუხი აღარ მიპილია.

ელენე. მართლა?

არჩილ. ელენე, განა არ იცი, რომ, ვინც უყვართ და ვისაც პატივსა-სცემენ, არ მოატყუებენ?

ელენე. ჩემმა ბარათებმა მაინც ვეღარ მიგახვედრეს, რომ შენი წიგნები არ მომსულია?

არჩილ. საქმეც ის არის, რომ მეც არ მომდიოდა! სჩანს, რომ სასტიკი ცენზორი გვეყოლია ორივეს!... აქაც დეიდაშენის მანქანებას უმუშავნია, ეტყობა.

ელენე. რასა მწერდი?

არჩილ. განა არ იცი! რას მოიწერებოდა მეგობარი? (სიჩუმე)

ელენე. არჩილ! ვიცი, რომ დიდი ხნის სიცოცხლე აღარა მაქვს. ამას შენც კარგად ჰხედავ და გებრალეები... მაგრამ შებრალეებით ნუ მეტყვი, როგორც შენს სინიდის ეკადრებოდეს, ისე მითხარ პირდაპირ, დაუფარავად: კიდევ გიყვარვარ?

არჩილ. გარწმუნებთ!

ელენე. აღრინდულად?

არჩილ. სიყვარულით? თუ არ მეტად, ნაკლებ არა!

ელენე. სიყვარულითო? ჰმ! პატივისცემაც ძველებურად გაქვს?

არჩილ. (ცოყმობს) რა დროს მაგაეპზე ლაპარაკია?... მიყვარხარო და...

ელენე. არა, პატივისცემა ისევ აღრინდული გაქვს? ჰაა? რას გაჩქმდი! მითხარ და გაათავე!... მივხვდი... მივხვდი, რასაც გრძნობს შენი პატიოსანი გული! (გაჩუმდება) გმადლობ, არჩილ, რომ არას მეუბნები. „ვინც უყვართ და ვისიც პატივისცემა აქვსთო, იმას ტყუილს არ ეტყვიანო“ განა? (ხელს უშვერს) გმადლობ! სჩანს, ჩემი პატივისცემა კიდევ შეგრჩენია... მადლობა ღმერთს, ახლა კი შემიძლია, რომ ისევ გულგახსნით მოველაპარაკო ბევრს რამეზე. (ახველებს)

ექიმი. კმარა! ეგ აღელვება ძნელია თქვენთვის, თორემ მაგდენს ვეღარ აიტანთ! ცოტა შეისვენეთ! განა შემდგომში ვეღარ მოესწრებით ერთმანეთთან საუბარს?

არჩილ. ელენე, ვეთაყვა, ახლა მაგის დრო არ არის. განა მერე ვეღარ მოვესწრებით? სულ ერთად არ ვიქნებით?!

ელენე. არა, სანამ ჩემს აღსარებას არ გეტყვი, მოსვენება არ შემიძლია! დატვირთულია ჩემი გული და ვეღარ შეიძლებს სიმძიმის ატანას. თუ ეხლავ არ გავხსენი გული და არ შევიმსუბუქე ის ტვირთი...

ექიმი. ცოტა მაინც შეისვენეთ, თორემ ვერ აიტანთ: მეტად დასუსტდით და...

ელენე. არა მიშავს რა!

არჩილ. მართლა, შეისვენე ცოტა! დამშვიდდი და მერე...

ელენე. არა, არა! ან ახლა და ან აღარაოდეს: (აბეჯღებს) რაი შენ მომშორდი, მის შკმდეგ ბევრი უსამართლო გაკიცხვა, დევნა და ტანჯვა მოვითმინე... ბევრი რამ იქორეს ჩემზე, მაგრამ ხვას არავის ვცემდი: ჩემთვის ერთი იყო, ვისაც რა უნდა ეთქვა. მათთან თავის გამართლება ჩემი თავის დამდაბლება იქნებოდა. მხოლოდ შენ იყავი ერთი, ვისთვისაც უნდა გამეხსნა გული, მაგრამ შენც შორს მეგულბოდი და მეგულბოდი გულგრილადაც ჩემზე. ახლა კი, რაღაი ბედმა ისევ შეგვყარა, ამთავითვე უნდა გიამბო ყოველიფერი.

ექიმი. შვიდობით ბრძანდებოდეთ! (გადიას და ხათუნას) აქ, მგონი, აღარც თქვენ იყოთ საჭირო.

ელენე. არა, დოქტორო! მე თქვენ გთხოვთ, რომ დარჩეთ. მისთანა საიდუმლო არა მაქვს-რა, რომ სახალხოდ მისი გამოთქმა შემრცხვის. მე მსურს, რომ თქვენც აქ დაგვესწროთ!..

ექიმი. (ჯდება) თქვენი ნებაა!

ელენე. წყალი მომეცით! (სვამს)

არჩილ. მაშ, რადგანაც აღარ იშლი, ჯერ მე გიამბობ ჩემ თავგადასავალს, ჩემს მოგზაურობას... მანამდის შენც შეისვენებ და მერე უფრო კარგად იტყვი, ჩემო ელენე!

ელენე. არა, არა! არა მიჭირს-რა!... (აშფოთებული ამბობს და თან აბეჯღებს)

ექიმი. მე გთხოვთ, რომ ცოტა შეისვენოთ!

არჩილ. მართლა, რა ქინია? რა სულწასულობაა!... ხომ არსად მივდივართ?!

ელენე. ვიცი! ვიცი! აი, ახლა კარგადა ვარ. აი, ხომ ხედავთ, არა მიჭირს რა! დამშვიდებული ვარ... (აბეჯღებს). გახსოვს ის შავი დღე, როდესაც შენ თვალები ამიხილე და მომშორდი?... შენს შემდეგ ბერი ხანი აღარ გასულა, ვაჩნდა ვალი. მე მივედი და ყველაფერი ვუთხარი, რაც გულში მქონდა, დაუფარავად... განრისხებულმა ვალმა ჩემზე ძალა მოინდომა. მაშინ მომავონდა შენი სიტყვები... მიეხედი და გაქცევა დავაპირო... თურმე დეიდაჩემის ჩვეულებრივ ვერაგობას თადარიგი მიელო: კარები გარედან გადაეკეტა და მოსამსახურეებიც აქეთ-იქით გაეგზავნა. (აბეჯღებს) დაერჩით მარტო ვალთან ერთად, ოთახში დამწყვდეული, როგორც ჩიტი ვალიაში. ოჰ, რო იცოდე, თუ რა მდგომარეობაში ვიყავი და რა შემართებოდა!.. არც რჩევა, არც ვედრება, არც მუქარა, არც ფიცი და არც მოტყუება არ გამივიდა იმ ბინძურთან (აბეჯღებს)

ექიმი. ცოტა შეისვენეთ!

არჩილ. ვიცი! ვიცი! სხვა რამეზე ვიმუშაოთ!... ახლა მაგის დრო არ არის!...

ელენე. მომითმინეთ! ერთილა საშუალება დამრჩა და ბოლოს იმას მივმართე: შევეარდი ჩემ საწოლ ოთახში, სადაც ხანჯალი მეგულეობდა, დავატანე იმას ხელი და მოვინდომე გამხეცებული ვალის მოკვლა... მაგრამ, მეც რომ მის მოკვლის შემდეგ სატანჯველში არ ჩამეგდო თავი, წინდაწინ საწამლავეი დავლიე...

ექიმი. საწამლავეი?!

არჩილ. საწამლავეი?!

ელენე. დიას!.. ხანჯალი რომ დაინახა იმ გარყვნილმა, გაქცევა დააპირა, მაგრამ, ვაი რომ კარები იმასაც ჩემსავით დაკეტილი დაურჩა... მაშინ გული მირჩევედა, რომ მომეკლა, მაგრამ მიუჩვეველი ხელი კი აგვიანებდა. ამასობაში მეც რაღაც უცნაური გრძნობა მომავრა გულზე: სურვილი შემეცვალა, თბილმა და ტკბილმა ერთანტელმა დაძაბა მთლად გვამში... სწორხედველობა დავკარგე... ასე მეგონა, თუ მაღლა, საღდაც ედემში, დავფრინავ-თქო!... რაღაც უცნაური მემართებოდა... მხოლოდ შენ გხედავდი იმ დროს, შენ გეალერსებოდი და შენს ტკბილს ხევენაში ვიყავი. დიდხანს თურმე ვიყავ გრძნობადაკარგული და, რომ გამოვფხიზლდი, ვნახე, რომ დეიდაჩემი საზოზარის ლამილით მეალერსებოდა და ნუგუმს მაძლევდა... მაშინ მომავონდა... მივხვდი, თუ რაც გადახბდა, და დანაშთენი კი შენმა ბარათმა შემატყობინა.

გადია. (უცხად იკივლებს) უი! დამქოლეთ მე სულწაწყმედილი და მომჭერით ეს დასამიწებელი ხელები! შვილო! შვილო!... აკი მე ვყოფილვარ შენი დალუპვის მიზეზი?!

ჰველანი. რაო? რა დაგემართა?!

გადია. უი! მე სასიკვდინეს! რალა რა დამემართა!... საწამლავეი კი არა, სიყვარულის წამალი დაუღვეია... იმას გადაურეგია! უიმე! უიმე!...

ექიმი. რას ამბობ! ხომ არ გავიყენდი?

გადია. ნეტავი მართლა გავვაყებულოყავ და ამ დღეს კი არ მოსწრებოდა ჩემი წაწყმედილი სული!.. ვიცოდი, სადაც ჰქონდა ჩემს ელენეს შენახული საწამლავეი... და ქალბატონმა გამომაცვლევინა და მაგიერად სიყვარულის წამალი ჩამადებინა. სამხურვალო შაქრის ყინულის ფხვნილი. უიმე! შვილო! შვილო! (ჰველანი გაკვირვებით მისჩერებთან)

ექიმი. ჰმ, ახლა კი ცხადია, რაც ამბავი ყოფილა! გესმის, არჩილ?...

არჩილ. განა ეს შესაძლებელია?

ექიმი. ვერა ჰხედავ, თუ რა ყოფილა? ჰმ!...

არჩილ. (ხელს ჰკიდებს ელენეს, რომელიც უცნაურად ჰღელავს) ელენე, გესმის?...

ელენე. (თავის ჰრვეით) გვიანლა არის!...

არჩილ. (ცოტა ხნის სიჩუმის შემდეგ) ელენე! წელან, რომ მეკითხებოდი: „გაქვს თუ არა კიდევ ჩემი პატივისცემაო?“ შემიძლია ახლა გიპასუხო? (ელენე თავს უჩვენებს) აბა, იცოდე, რომ ერთი-ორად მეტი, ჩემო სიცოცხლე! მაგრამ მაგიერად მე კი ჩემი თავი შემძულდა... ოჰ, რა დანაშაული ვარ შენთან, ჩემო ელენე!... ვერ დავიმორჩილე ჩემი უგნური თავმოყვარება და უგნურად შემოვიტანე შენზე ეჭვები!... არა, არა, ელენე! ახლა კი ვხედავ, რომ მე არასოდეს არ ვყოფილვარ შენთან მეგობრობის ღირსი!...

ელენე. (თვალვრებლიანის ღიმილით) ნუ!... ნუ! მაგას ნულა იტყვი, ჩემო არჩილ! განა შეიძლება, რომ მოყვარემ მოყვარეს გული არ ატ... (აბეულვებს) უჰ!... (ცოტა-ხნის შემდეგ) ატკინოს. (ხელს ჰკიდებს)

ექიმი. არჩილ! შენ მაინც ურჩიე, რომ ცოტა თავი შეიმავროს!...

ელენე. არა, დოქტორო! აწ მე აღარა მიჭირს-რა. ტვირთი მომცილდა... იმედია, რომ აწ აღარ მოგვკვდები?

ექიმი. ბუნება ძლიერია!...

ელენე. დიახ, მრწამს! ჩემი არჩილ ისევ ჩემია? უნდა... უნდა დიდხანს ვიცოცხლო!... რა ნება მაქვს, მოგვკვდე?... განა, არჩილ, აღარ მოგვკვდები? განა? დიდხანს... დიდხანს ვიცხოვრებთ ერთად და კიდევ მოვესწრებით იმის... იმის...

არჩილ. დარწმუნებული ვარ!... (თავისთვის) თურმე კი ყოფილა მისთანა შემთხვევაც, როდესაც, ვინც უყვარსთ და ვისაც პატივს სცემენ, კიდევ ატყუებენ...

ელენე. ჰო?... გაზაფხულზე ზღვის პირად სადმე წავიდეთ... მერე უცხო ქვეყნებში მე თანდათან გამოვჯობინდები და... (სუსტდება)

გადია. (წუწუნით) შენ კი მორჩები, გენაცვალე, მაგრამ მე კი უნდა წავილო მაგიერად შენი ჰირი: ხუთჯერ-ექვსჯერ ვარ თავშემოვლებული და შენი ჰირწანალები, შენ კი დაგენაცვლოს შენი გადია!

ელენე. (ანიშნებს, რომ წყალი ასვან) ხხხ...

ექიმი. (აწოდებს წყალს) არა უშავს-რა, არა! არაფერია!...

ელენე. (ხელს უპოტინებს არჩილს, არჩილ აძლევს ხელს. ელენეს დიდხანს უჭირავს მისი ხელი და შესჩერებია) იცი, რა გითხრა... როცა... რო... (დააწყებინებს ხრიალს და მოკვდება).

არჩილ. (ხელს ადებს) გათავდა!...

ექიმი. კიდევ იცოცხლებდა რამოდენიპე დღეს, რომ ასე არ აღილეებულიყო.

გადია. მომიკვდა?... უი! (დაეცემა გულშემოყრილი, ხათუნია გავარდება კარში).

ექიმი. ჰე, ყველას ეს ბოლო მოგველის! (მიდის და სკდილობს გადა მოაბრუნოს, არილ გაშტერებით დასჩერებია ელენეს).

კუდურ-ხანუმ. (შემოიჭრება თმაგაშლილი) უიმე! ეს რა მესმის?! მართალია?! ჩემი მშვენიერი ელენე აღარა მყავს!... მომიკვდა?! უი! უი! გამწარებულ დეიდამისს! ელენე! ჩემო ბედნიერებაე! მაგას მოველოდი შენგან? შენს მშვენიერ ხელებს უნდა დაეყარა ჩემს გულზე შავი მიწა და შენ რა გიქნია ეს? რათ მომასწარ შენ სიკვდილი? აკი გეუბნებოდი, შვილო: ჩამოეთხოვე იმ ურჯულოებს... იმ სობტებს, თორემ კარგს არას დაგაყრიან-თქო? ვიცოდი!... ვიცოდი, რომ მაგრე დაგემართებოდა მათ ვადამკიდეს!...

არჩილ. ბატონიშვილო! კმარა ამდენი თვალთმაქცობა!... ეყოფა, რაც სიცოცხლით ვაპკიცხეთ ეს საბრალო!... აწ მაინც მოასვენეთ და ნულა ჰბლაღავთ ამ წმინდა გვამს ფარისევლურის ცრემლებით!...

კუდურ-ხანუმ. (გულმოსული) რაო? შენ ვინა ხარ, რომ ჩემს ოჯახში მბრძანებლობ და ჩემის სისხლისა და ხორცის ტირილს მიკრძალავ? არ იცი, რა იყო ეგ ჩემი?

არჩილ. მსხვერპლი! სხვა არაფერი!! საერთო სხვა რა უნდა ყოფილიყო თქვენში? არა, ბატონიშვილო! შეგიძლიათ სხვები მოატყუოთ და ჩვენთან ეგები აღარ გამოგადგებათ!... თუ ელენე თქვენი ყოფილიყოს, მაშინ ეს დღეც აღარ დაადგებოდა. ესეც იმ გარყვნილების მორევში, რომელსაც უმეტესობა შეჭნატრის და მიაჩნია ცხოვრების იდეალად, ისეთი მომცურავი სიროინოზი იქნებოდა, როგორც ბრძანდებიან დღეს სხვები, თქვენგან გაწრთვნილ-გამოზრდილები! მაგრამ, ჩვენი რომ იყო, მიტონაც შეიქნა უდროვო მსხვერპლი!... ეს პირველი მსხვერპლი ხომ არ არის თქვენის ძლიერებისა? თქვენთან ბრძოლაში ამისთანეებს ჯერ კიდევ ბევრს დაგვკარგავთ, მაგრამ უფროსხილდით კი მომავალს!...

კუდურ-ხანუმ. რაო? რაო? ბრძანეთ! ბრძანეთ! აღარ გადათქვათ კი მერე, რომ მთავრობის წინააღმდეგობას ჰქადაგობთ სახალხოდ!...

არჩილ. (ძალდატანებულის სიცილით) ხა! ხა! ხა! ხა! ხა! ეგ კარგი იარაღი გიქირავსთ ხელში! ეგ არის თქვენი ძლიერება! ხმალადაც გარგიათ და ფარადაც... მაგრამ აქ-კი, ამ შემთხვევაში, გამოუდევარია.. (ხურგს შეაქცევს და მოუბრუნდება) მშვიდობით, ჩემო ელენე! შენ კი გადაარჩი ამდენ საძავლობას, მაგრამ რა ჰქნას იმან, ვისაც შენის დაკარგვით მწუხარება გაუორკეცდა?... მშვიდობით! (დაიჩოქებს და ფარდა დაეშვება)

მედი

(1895)

მ ე ლ ი ა

ხუთმოქმედებიანი დრამა

მოქმედი პირები:

იათა, კოლხეთის მამასახლისი.
გეკადა, მამასახლისის მეუღლე.
მეღია, მათი ასული.
იასირ, მათი ძე.
თირთა, იათას და.
ძიძა მეღიასი.
ძუძუდა, მეღიას დობილი.
იასონ, ბერძნის მთავარი.
მოკრი, მოკიდავე.
ქლიბი, მჭედელი.
მთავარკაბდელი.
ტჰჰე.
სახლთხუცესი.
მოციქული.
გამზავებელი.
მთხრობელი.
სასახლის კაცები ორივე სქესისა.
ხალხი და კაბდელები.

მოქმედება პირველი

სცენა: ბუხრიათი და სარკმლიანი ძველებური ოთახი

გამოსვლა 1-ლი

ძიძა (კვარს ანთებს)

რა საოცარი რამ ღამე იყო!...
 აქ ირყეოდა მთლად მთა და ბარი
 და იქ ქვესკნელი ისე კენესოდა,
 თითქოს ჯოჯოხეთს აეშვას ზარი!...
 ზესკნელ ქვესკნელის ბანის მომცემად
 ცა, მრისხანებით გადმომქუხარე,
 აღიადებდა ქვეყნს გასაქირს
 და დედამიწა თრთოდა მწუხარე!...
 ტანჯვის დროს წამიც საუკუნეა...
 თითქოს ჩაჰყლაბა ნათელი ბნელმა,
 სანამ მეორედ არ დაიყვილა
 ტკბილ განთიადის მახარობელმა. (დაფიქრდება)
 ამირან-გმირო, მთა და ბარს არყეე!...²
 ეს ყველაფერი შენი ბრალია!
 მაგრამ ძნელია ჯაჭვის გაწყვეტა,
 სანამ ღმერთები შენზე მწყურალია!...
 და, თუ ახლაც-კი არ მოგიტხრია
 ის უცნაური საჯაქვო პალო,
 ამიერიდან მაგ შენს სატანჯველს
 აღარ ექნება კეთილი ბოლო!...
 (აღმოსავლეთისაკენ გააღებს სარკმელს და იქედება)
 ბნელა!... ჯერ კიდევ არა თენდება!
 (დაიჩოქებს, ხელებს ააპრობს)
 ო, მზეო!... მზეო!... მაღალთა შინა
 ხილული, მაგრამ მიუწდომელი
 რომ აგიგია ბრწყინვალე ბინა,
 შენ გივედრები ქვეყნით ცოდვილი:
 შეუქდიდებულო და გულმბურვალე,
 წინამორბედი შენი ვარსკვლავი
 გამოგვიგზავნე!... ისწრაფე მაღე,

რომ ცის კამარას გაულოს კარი,
ააღლფეროს მისი ლაქვარდი
და შენს სავალ გზას, მნათობთა-მნათო,
შენ სადიდებლად მოჰფინოს ვარდი!...
შენც ამობრწყინდი და უთვალავი
ისარ-სხივები მალლით დაგვტყორცე!...
მით, სამკურნალოდ, შეშინებულ გულს
ტკბილი ნუგეში თან შეახორცე!...
მაშინ ყოველი შენი მმოსავი
ფერხულს დააბამს, დასძახებს „თინას“²
და შენც, მაარსო ყოველთა არსთა,
ზეშემოფრქვევით გეტყვის „მზეშინას“.
ნუ მოიფარებ პირბადეს რისხვით,
რომ ერმა არ სთქვას: „არ გვიბილაო“,
და აღარ მოსთქვას, საკინძ-ჩაწყვეტით:
„ო, დილა, დილავე, ო, შევდილაო!“
(დაემბობა და ლოცულობს)

გამოსვლა მე-2-ი

იგივე და თირთა (გამოდის მეორე ოთახიდან შემკრთალი)

თირთა

ხომ არ მომკედარა საბრალო შიშით,
ასე თავდაღმა რომ დამხოპილა?
ვაი მას, ვინც ამ უგნური ქვეყნის
ბუნდში გაზრდილა, ბაელში შობილა!...
ძიძა!

ძიძა (ადგება)

რას ბრძანებ, ბატონის დაო?

თირთა

რას განართხულხარ? რა ამბავია?

ძიძა

ლოცვად ვიდექი, ჩამოვატყავე³
სადაც-კი ჩვენი სალოცავია!...
ამდენი ხნის ვარ და ჯერ არ მახსოვს
ლამე ამგვარად გარისხებულის!...

მიკვირს, რომ შიშმა არ გადაშრია
და კიდევ შემჩრა აწ პირში სული!...

თირთა (იციხის)

ცხოვრების ჩარბი, რიგზე მბრუნავი,
ცოტა ხნით ოდნად გამრუდებული,
ისევე ჩადგა სწორ კალაპოტში,
რომ დაიმშვიდოს ქვეყანამ გული...
და რაღას შიშობ? მორჩა, გათავდა!...
ხომ ხედავ დაცბრა ცა და ქვეყანა?...
ბედის ვარსკვლავი თუ არ მომწყდარა,
დაუშვებდა კაცს რამე განა?

ძიძა

თაფლი მაგ შენ პირს, გასახარელო!...
ყველა შენ უკეთ მოგეხსენება!... (ცოტა ხნის უკან)
შიშის ბუდეა ღამის წყვედიადი
და შორსაც არის ჯერ გათენება!...

თირთა

რაღა შორს არის? მამალი ყვივის,
ღამე მაგდენიც არა დარჩა-რა,
დროა წახვიდე ქალიშვილებთან,
გამოალევიც ორივე ჩქარა!...
მორთე-მოკაზმე ჩვეულებრივად
და გამოაწყვე, როგორც იცოდი,
თიხის ქურტლები გამოურეცხე,
ისარ-კაპარტიც თან მიაწოდე.
(ძიძა გადის. თირთა, დაფიჭების შემდეგ)
ღღეს გახაფხულის ბუნიაობა
დადგა და ღამე ღღეს უსწორდება:
არც ნათელს, არც ბნელს არ სურს დაკლება,
საზღვარს არც ერთი აღარ შორდება!...
ამ დროს მიწისძვრა და ზღვათა ღელვა
ჩვეულებრივი არის მოვლენა!
მაგრამ წუხელი კი მეტი იყო
და ვაგვირავდა მრისხანე ზენა,
რომ უჩვეულო და უცნაურ ძალს
არ მოეხიბლა ცა და ქვეყანა:

გაისმა რალაც უცხო საკრავის
საამო მღერა, ვით ტკბილი „ნანა“,
მან გაიტაცა მთელი სამყარო,
შეწყდა მდინარე, შეჩერდა ქარი,
და ყურს უგდებდენ სულგანაბული...
აღარ იძვროდა არც მთა, არც ბარი!... (დაფიქრდება)
მიკვირს, ვფიქრობ და ვერ გამიგია:
რა უნდა იყოს, რა საგრძნევლო,
ჯერ არავისგან არ გაგონილი
ჩვენ ქვეყანაში, ხმა უჩვეულო?...
თუ რომ მთიები არ ჩამოსულან
მალლით ამ ქვეყნის დასამშვიდებლად,
მაშინ ორთეოზ“ გამოგვჩენია
აქ ჩვენც კოლხეთის გასადიდებლად!... (დადის და ფიქრობს).

გამოსვლა მე-3-ე

თირთა, მედია და ძუძუდა

(გამოდინან, ხელში თინის პატარა ქორბულები უჭირავთ და მხარზე ისარ-
კაპარტი აქვთ გადაცმული. უკან ძიძა მოსდევთ)

თირთა

გამოწყობილან?

ძიძა

მღვიძარი დამხვდენ.

თირთა

არ გძინებიათ?! მაშ უნდა გკითხოთ:
ნაშუალამევს ტკბილია ძილი!
თქვენ-კი ფხიზლად ხართ და რამ დავიფრთხოთ?

მედია

რამ და სიზმარმა, ჩემო მამიდა!...

თირთა

სიზმარმა?!

მედია

დიახ, ჩვენება ვნახე.

თირთა

რაღ გაგახსენდეს, ნურას დაფიცავ,
 მიამბე, შეილო, და დამისახე!...
 ზოგი სიზმარი ამქვეყნიური
 ხარბი ოცნების მონადენია,
 ზოგი ციური განცხადებაა
 და მნათობისგან მონაფენია!...
 გარჩევა უნდა მათ ერთმანეთში
 და მერე ახსნა... ეს არც ძნელია:
 გონების შუქი იქ უფრო გასჭრის
 და გაანათებს, სადაც ბნელია.

მელთა

მართლა, რომ რალაც ჩვენება იყო,
 ცხადის ნამსგავსი, გასაოცარი:
 მიწა იძვროდა და მასთან ერთად
 მთლად ირყეოდა სულ მთა და ბარი!
 უნდა ქვეყანა მტვრად ქცეულიყო!
 სიკვდილს ველოდი გულგახეთქილი,
 მაგრამ უეცრად რალაც საკრავის
 გაისმა ჟღერა წყნარი და ტკბილი...
 გავედი გარეთ, ძუძუდაც გამყვა;
 მაღლა ჰაერში გაისმოდა ხმა
 და მიწაზე-კი იქვე, მახლობლად,
 იდგა უცნობი, საარაკო ყმა!...
 მისმა დანახვამ მე თვალი მომჭრა
 და დამებეჭდა გულის ფიცარზე!...
 თავბრუ დამეხვა... რომ წაგებარბაცდი,
 იქვე სიჩქარით მივეყრდენ ქარზე...
 შემომამჩერდა, დიდხანს მიყურა,
 არ მაშორებდა აღარც ის მე თვალს!
 პირველად ვგრძნობდი უჩვეულოსა,
 მაგრამ შემბოროკველ... უმაღლესსა ძალს;
 აღარ მქონია მე საკუთარი
 აღარც სურვილი და აღარც ნება!...
 სიკვდილ-სიცოცხლე, არარაობა
 ჩემთვის სუყველა იყო ოცნება!...
 ბოლოს წავიდა ის უკან-უკან,
 ხელით მანიშნა, რომ წაყეოლოდი,

მაგრამ მე ვიდექ ისე უძრავად,
 თითქოს ზედ თავზე მწოლოდეს ლოდი...
 სად, ან ვინ ვიყავ, — აღარ ვიცი...
 აღარც ცა იყო ჩემთვის, არც მიწა!...
 ამ დროს კალთაში ჩამავლო ხელი
 ძუძუდამ და — მეც გამომეღვიძა...
 მაგრამ მღვიძარსაც ისევ მესმოდა
 ხმა მომხიბლავი, მიძგერდა გული!...
 ძუძუდაც თავზე მადგა მღვიძარი,
 უძრავად, უხმოდ, გაშტერებული!...

თირთა

ეგ ხომ კეთილად ასაბდენია!...
 მე მაგგვარ სიხმრებს უბრალოდ ვსახავ,
 გაჩნდება ვინმე აქ საკვიდლოდ
 შენი გულისთვის და იმას ნახავ.

მედია (შეშინებული)

არა, მამიდა!... მე ეგ არ მინდა...
 რომ იქიდაოს არც შეიძლება!...
 იმისთანაებს არ შეეხება
 ჩვენი პირობა და ჩვეულება:
 ის მიწის შეილი არ არის, ვფიცავ,
 თვით მნათობია ცით ჩამოსული!...
 ღმერთი ძლიერი და შეგინიერი,
 მხოლოდ დროებით სხეულშესხმული!...

თირთა

უი, გეთაყვა, დამიდგეს თვალი,
 რა უცნაურად აღელვებულხარ!...
 თბიზლად ფრთხილი და წინდახედული,
 ძილში რა მალე მოტყუებულხარ!...
 ამდენ ხანს როგორ ვერ გამოერკვი,
 უბრალო სიხმრით გატაცებული?

მედია

ყურში მიწივა ის საამო ხმა...
 ვერ მოვიბრუნე, არ იქნა, გული!...

თირთა (ძუძუდას)

შენც გაიგონე?

ძეძუდა

კი, ქალბატონო,
მეც ყურს ვუგდებდი გაოცებულნი.

თირთა

შენ, ძიძავ?

ძიძა

არა, რას გავეგებდი,
დამფრთხალი, შიშით გატაცებული!

თირთა

სჩანს, რომ ესენიც მოტყუებულან
მეტის სურვილით... ქარბი გულისთქმით:
გაზაფხულია, სისხლი თამაშობს
და უჩურჩულებს ყურებში სხვის ხმით...

(ქალიშვილებს)

ნუ აპყობიხართ მაგ ფუჟ ოცნებას,
უსაქმურობის უკულმართ ნაშობს!...
ჩვეულებრივად რომ მოემზადოთ,
საქმეს შეუდგეთ, ახლა ისა სჯობს.
სანამ ფუტკრები მძინარ ყვავილებს
გააღვიძებდენ ბზულით მწარით
და ამოსწოვდენ გულიდან სიტკბოს,
თქვენ უმალ მოდით და დაასწარით,
რომ უხმარ ბამბით ამოუწმინდოთ.
სუნნელოვანი, ცვრიანი გული!...
ის ამირანის ცრემლები არის,
მარგალიტებად ზედათხეული...
რომ გაიყინათოს ბამბა სრულიად,
ჩასწურეთ ხოლმე მაგა კტრკლებში.
მაგაში ჩავლეს მეც სამკურნალო
წამლებს, გასაჯდომს რბილსა და ძვლებში.

(ჩამოიღებს ჯამს)

ახლა მოდით და ჯამში ჩაუწეთ
თქვენი ისრები!... შეასვით შხამი,
რომ გაკაწრულმა მაგითი მტერმა
ველარ იცოცხლოს ვერც ერთი წამი.
თუ დაინახოთ ცაში არწივი,
მაშინ შეილდ-ისარს მოავლეთ ხელი,

სტყორცით ხელმარჯვეთ, გაუპეთ გული
 და ამოჰგლიჯეთ მწარე ნალღველი!
 სწორედ მესამე მამლის ყვირილზე,
 რომ ირიერაქოს იქ უნდა იყოთ,
 მოსაკრეფად-კი ყვევილ-ბალახებს
 მზის ამოსვლამდის ხელი არ მიჰყოთ!
 ახლა-კი წადით და გამარჯვება
 თქვენ გამოსთხოვეთ სისხლის მოყვარეს,
 იმ ძლიერსა და თავმდაბალ ღმერთსა,
 რომელიც ლაქვარდ ცის არემარეს
 მწყისის და აძოვებს მოელვარე „ვერძს“,
 ჩვენი კოლხეთის საკუთარ-მფარველს.⁶
 სთხოვეთ ორივემ და შეევედრეთ,
 ის არ აგაღებსთ სხივით მოსილ ხელს... (მიდიან)
 ძიძავ, შენც წაჰყევი!... (ძიძა მიდის)
 (თირთა დაფიქრდება) ჩემს გარდა სხვებსაც
 გაუგონიათ, მოუკრავთ ყური!
 არც ჩანგურს ჰგავდა და არც სალამურს
 ის ხმა, უცნობი და უცნაური!...
 მე ეს მაკვირვებს, ვინ უნდა იყოს
 ასე ხმატკბილად ჩანგის დამკვრელი,
 რომ გაიტაცა ცა და ქვეყანა
 და დაამშვიდა წყვედიადი ბნელი!...
 ლამეც რომ ასე გადაიღრია,
 ნეტავ ვიცოდე, რას მოასწავებს?! (დაფიქრდება)
 გავიდე ერთი, ზეცას შევხედო
 და დავეკითხო ციმციმ ვარსკვლავებს...
 გადავიკითხო ცის კაბადონზე,
 ხვალინდელი დღე თუ რას გვიპირებს?
 მზე გავვიცინებს, თუ მოგვიღუშებს?
 ნუგეშს გვცემს ლხენით, თუ აგვატირებს?
 (გააღებს კარებს და შეჩერდება. ხმაურობაა)
 ჩუ! ხალხის ხმა... აღრე ამდგარა...
 და ან, ეგება, არც სძინებია!...
 ბუნიაობის გადაჭარბებულ
 სასწორის რყევის შეშინებია!!
 და რომ დამშვიდდეს, გაიქროს შიში,
 სალოცავისკენ მიეშურება.

ოჰ, ნეტავი მას, ვინც თავმინდობით
 ყოვლის შემძლებელს ემსახურება!...
 აღარას შიშობს დამფრთხალი ბავში,
 დედის კალთაში თუ ჩადვა თავი!...
 ხალხიც ბავშია და დედის კალთა
 — მისი საყდარი და სალოცავი.
 ხელი-ხელ ძმურად გადახვეული,
 ფერხულჩაბმული მიიმღერიან!...
 მხოლოდ გულია მათი მრჩეველი...
 რაც არ უნახავთ, ყურს უჯერებან.
 ორპირად მღერენ. (მოისმის სიმღერა სათვალავით:)

„თინა-თინაო!

მზის გულში რომ გაქვს წმინდა ბინაო,
 გამოიღვიძე და გადმოგვხედე,
 ბნელმა უკუნმა შეგვაშინაო!
 თინა-თინაო! ნათელმდინაო!
 მზემ ქვეყნის თვალად გაგაჩინაო!...
 გაჰტანტე ბნელი, ზარის ამშვეები!...
 შეგვხუთა... ცრემლი მოგვადინაო!...
 მზისა და მთვარის წამონაშობო,
 შეუხებელო, თინა-თინაო,
 პაღლი შენ სახეს და დიდება მას,
 ვინც ჩვენ ნუგეშად გაგაჩინაო!“ (მიწყნარდება ხმა)

აი, სიმღერა სამკურნალო რამ,
 დამცბრობი მათი სატკივარ-წყლულის!...
 მაგრამ მე სადღა ვპოვო წამალი
 ურწმუნო ფიქრის და უნდო გულის?
 სად და რა იყო ჩვენი წარსული?
 ან რა იქნება აწ მომავალი? (დაფიქრდება)
 ეჰ, ჯერ ხომ აწმყოც ვერ შეგვიზნია,
 არეული გვაქვს აქ გზა და კვალი.
 თუ რომ მსოფლიო ბვანჯის გაიხსნა
 არ არის ჩვენგან შესაძლებელი,
 მაშ ნეტავი მას, ვისაც სასინჯად
 არ შეუხია ჯერ მისთვის ხელი...

ფარდა

მოქმედება მეორე

სცენა: კოლხეთის ქალები. შორით კავკასიის მთები მოსჩანან. იალბუხსა და მყინვარს ღრუბელი გადაჭყრია და ლაპლაპობენ.

ბამოსცლა 1-ლი

იაზონ (ალტაცებით შეჭყურებს არემარეს)

დღეს ჩემმა თანამოგზაურებმა
 ფაზისის⁷ პირად ძილს მისცეს თავი,
 რომ მოიხადონ დაღალულობა
 და მერე ნახონ ეს სანახავი. (ხელს აშვერს არემარეს)
 მე-კი ახლავე წამომიტყუა
 უცხო ბუნების მშვენიერებამ!...
 ამფროთოვანა, ზემიტაცია...
 სრულად გამმეველა მით ნეტარებამ!...
 მშვენიერია ჩვენი ელლადა,
 მაგრამ ეს მცირე ბარბაროსთ მხარე
 ისე სჯობია მას შედარებით,
 როგორც ვარსკვლავებს—გავსილი მთვარე!...
 შეეჩერებვიარ ატეხილ ქალებს,
 ბორცვს, ყვაეილებით შეფერადებულს,
 გორებს, ქოჩორა ტყით დაბურვილებს,
 და მთებს, ზეცამდე თავამაღლებულს!...
 საკვირველია!... აქ—ეს სიმდიდრე!...
 ბუნების ღზინი, მაყრულ-ქორწილი!
 იქ-კი—ღრუბელი, თოვლი და ყინვა,
 არარაობა და მკედრული ძილი!...
 ამდენ სხვადასხვა სანახაობას
 ველარ უმართავს ხორციელი თვალს...
 სჩანს, ამ ქვეყნისთვის რომ მოუტლია
 შემოქმედების დიად ძალთაძალს!... (დაფიქრდება)
 გუშინ რომ რალაც დიდი ფრინველი
 გზაში მოგვდევდა, „არგო“⁸ დაჩრდილა,
 აქ უნდა იყოს იმისი ბუდეც,
 უტყველია, რომ აქ გაზრდილა! (მალლა იხედება)

ეს კი ორბია!... თვალს არ მაშორებს,
 ხან ძირს ჩამოდის, ხან მალლა აღის,
 თავზე დაჯდომას ხომ არ მიპირებს?
 სამეფო გვირგვინს ხომ არ მიქაღის?!

(ორბი წამოვა მალლიდან ტრიალით და იახონის ფეხთან დაეცემა. მკერდში ორი ისარი ურჭვია ერთად. იახონ გაკვირვებული და ჩერებია)

ამას რას ვხედავ?! სწორედ ღმერთებმა
 მალლით დაისრეს, უჩიად რომ ფრენდა,
 თვარა აქედან ვინმე სულდგმული
 იქამდე ისარს ვით მიაწვდენდა?!

გამოსვლა მე-2-ე

(იაზონ, მედია და ძუძუდა გამოიჭრებიან ტყიდან. იახონს რომ დაინახავს... მედია შეჩერდება. იახონიც შეკრთება და ორივე ერთმანეთს შესჩერებიან გაჭავჭავბულეებით. ძუძუდა მივა, ორბს აიღებს, გამოზრუნდება, ხელს მოავლეებს მედიას... გაიტაცებს და შევლენ ტყეში)

იაზონ (გონს მოდის)

მალალო ზეესო, ნუ თუ დიანა¹⁶
 აქ სანადიროდ გადმოფრენილა?!
 ელლინად მიცნო და გაუკვარდა,
 უცხო მხარეში მეც რომ მიხილა?
 ის-კი აქაურს ჰგავდა მიწის შვილს,
 გამოსაზრდელად ღეთისგან აყვანილს...
 და მონადირედ მისგანვე გაწვრთნილს!...
 ვის უნდა ვკითხო? ვისგან გავიგო,
 რაც ასე უცბად ჩამეჭრა გულში?
 წავალ, იქნება იქ ვნახო ვინმე,
 კვამლი რომ მოსჩანს გამოქვაბულში.
 (შიდის მარცხნივ და შედის განოქვაბულში)

გამოსვლა მე-3-ე

(მედია და ძუძუდა გამოდიან ტყიდან)

მედია (აშფოთებით)

არა!... ის იყო!... ის იყო, სწორედ!...
 ჩემი ჩვენება, ჩემი სიზმარი!...
 მინდა, რომ ერთხელ კიდევ შევხედო!...
 საით წასულა, ვნახოთ, სად არი?

(ხელი-ხელ ჩაკიდებული გაიზრუნენ იქითკენ, სადაც იახონი იდგა და შევლენ ტყეში.)

გამოსვლა მე-4-ე

(იაზონ გამოდის გამოქვაბულიდან და თან გამოჰყავს დაქვრივი შუქელი).

იაზონ

მითხარ, ვინა ხარ?

შუქელი

ვინ ვარ და ქლიბი¹¹
შავ მთას ხომ ხედავ? იმის გადაღმა
დიდ ხეობაში ვცხოვრობთ დიდ თემად
და განთქმულია ყველგან ჩვენი ხმა.

იაზონ

რითი?

შუქელი

მკედლობით!... ჩვენ ერთი მთა გვაქვს,
„ქედისი“ არის მისი სახელი,
რკინის გული აქვს, რკინის ძარღვები,
გარს ახვევია მთელი სოფელი.
ის არის ჩვენი ყველას მრჩენელი,
ხერხელები შეგვეყავს, ვაცლით რკინის გულს,
გამოგვაქვს და მით სხედასხვანაირს
ვაკეთებთ ხოლმე ფოლად-რკინეულს.

იაზონ

ეს რა მხარეა?

შუქელი

კოლხეთის მხარე,
დიდ იბერიის მცირე ნაწილი;
სიმდიდრით ყოველად მოუღალავი
მშვენიერებით გარშემოსილი!...

იაზონ

ვინ ჰულობს?

შუქელი

იათა მამასახლისი,
მისი სიმდიდრით ქვეყნად განთქმული,

ვისაც სიუხვით და ვაჟაკობით
მოგებული აქვს კოლხეთის გული!

იაზონ

ესეც მითხარი: აქ ხომ ღმერთები
არ ჩამოდიან, რომ ინადირონ?

მკედელი (გაოცებით)

განა კოტა აქვთ მალლა ადგილი,
რომ დაბლა თავი არ დაიმკირონ?!

იაზონ

იმიტომ გკითხავ, რომ მონადირე
ქალღმერთს მოვკარი მე დღეს აქ თვალი!...

მკედელი (იციინს)

ის მედიაა, მამასახლისის
მზეთუნახავი და პირშივე ქალი.
აქ დადის ხოლმე, ამ ტყე-ქალებში,
ჰკრეფს და აგროვებს ყვავილ-ბალახებს,
რომელიც წამლად-კი გამოდგება¹²...
და რომელიც არ—ხელსაც არ ახებს!....

იაზონ (განცვიფრებით)

მედია?!... ვისაც მშვენიერებად
მთელი ქვეყანა დღეს აღიარებს...
რომელიც საქმროდ, თუ არ უძღვევს,
სიახლოვესაც არვის იკარებს?

მკედელი

ჰო! ჰო! სწორედ ის! და შენც გეტყობა,
რომ საქმიანად გამოწყობილხარ!...
ახლა შენც სხვების ბედი მოგელის,
თუ სხვა ვარსკვლავზე არა შობილხარ!... (დაფიქრდება)
მაგრამ სხვა ბედის კი უნდა იყო... (ამოიხვნეშავს)
ტყვეობის მიტომ აღარ მრცხენია...
თვარა სხვა ბევრი შენისთანები
უროთი დაბლა დამიწვენია...
და შენ-კი იმ დროს შემომეპარე,
რომ არ შემეძლო ამოღება ხმის,

მოსაგერებლად ხელის ხმარება
 და მით გატება მკედლების ალთქმის.
 დღეს არის სწორეთ ამირანის დღე
 და ვამაგრებდი იმის ჯაჭვ-პალოს.

იაზონ

ვინ ამირანი?... რის პალო-ჯაჭვი?
 ნუ გრებ... ნუ ხლართავ სიტყვებს უბრალოს!

მკედელი

გეტყობა მეტად შორეული ხარ,
 რომ ამირანზე არა იცი-რა.
 ვაქეცი იყო ის უძლეველი,
 ღმერთებთან თავი არ დაიმცირა!...
 წინასწარ-მკვერეთი და შორს-მხედველი,
 ჯინჯვლებს სამართალს დაბლა უჭრიდა
 და მაღლა ღმერთებს, ყოვლის შემძლებლებს,
 შეუპოვრობით თავს არ უხრიდა.
 გარისხდენ ურჩზე, შური იძიეს
 და ცხადად მტრობა რომ ვერ გაბედეს,
 მხოლოდ ღალატით დაიმორჩილეს
 და მიაქედეს ამირან მთა-კლდეს...
 მათი ბრძანების ასასრულებლად
 ვერვინ შეახო ვაგლახად ხელი,
 რომ მიეჭედა!... სანამ არ გაჩნდა
 ერთი გრძნეული კოჭლი მკედელი...
 იმ დღიდან კლდეზე მიჯაჭვულია,
 ველარას შველის მისი გონება...
 მაგრამ ურჩი და შეუპოვარი
 ღმერთებს კი მაინც არ ემონება!
 მიჩენილი ჰყავს შავი ყორანი,
 ის არ ასვენებს... უფრთხოვს მწარე ძილს,
 ბრქვალებით უპოვს გულ-მკედრს დატანჯულს...
 ნისკარტით სწიწნის ყოველდღე გულ-ღვიძლს!
 მაგრამ შებმული და მიჯაჭვული
 მოსაგერებლად ვერ ხმარობს ხელებს,
 მაგრამ თან ახლავს პატარა თინა,
 ის ულოკავს წყლულს და მით უმთელებს...

როდესაც ტკივილს ვეღარ აიტანს,
 მაშინ ინძრევა, რომ აიწყვიტოს
 და, კოჭლ მკედელზე გარისხებულმა,
 რაც მკედლები ვართ—სულ ამოგეწყვიტოს!...
 მაგრამ დღეის დღეს ჩვენ ყველა ერთად
 სამჯერ ზედი-ზედ, უზმოდ და უბრად,
 კვერს ვურტყამთ გრდემლზე, რომ შერყეული
 პალო ჩაერქოს ისევე მაგრად...

იაზონ

საკვირველია! ახლა მითხარი
 მელღაზედაც რამე ამბავი!...

მკედელი

არა ვიცი რა ბევრი და ტყუილს
 მაინც ვერ ვიტყვი, ვინდ მოჰქრა თავი!
 ეს ვიცი მხოლოდ, რომ მაშიდა ჰყავს
 მაგას გამზრდელი დიდი გრძნეული:
 ცა და ქვეყანა ხელის გულზე აქვს
 გამოცნობილი, გამოკვლეული!
 სიკვდილ-სიცოცხლის მბრძანებელია...
 ავი და კარგი არ გაეცდება...
 რომ გაუსწორდეს მაგას სხვა ვინმე,
 ტყვილად ნუ ჰფიქრობს და ნუ ეცდება.
 ამბობენ: ვითომც, ერთხელ, ბოროტ სულს
 მტრობით ეცდინოს კეთილი სული...
 და თირთაია ბატონიშვილი
 იყოს იმათი ღვიძლი ასული.
 იმან იშვილა პირზე მელღა...
 მისი გაზრდილი და გაწრთენილია:
 გრძნეულობითაც სახელგანთქმული,
 თუმც ხნოვანებით ჯერ ყმაწვილია.
 თანშეზრდილი ჰყავს მას ძიძის შვილი
 დაზე უტკბესი, უსაყვარლესი!...
 ერთად ეძებენ ორივე წამლებს,
 ჯამ-ჭურჭლებშიაც ერთად ჩამლესი.
 ამაზე მეტი თუ გასურს შეიტყო,
 აგერ ხომ ხედავ ხეს ქვეშ დედაბერს?

ის მოიკიდე შენ დედობილად,
 მაშინ გაიგებ მისგან ყველაფერს.
 მიდი, უკბინე მძინარს ძუძუზე
 და მიაძახე: „კმარა ძილი-თქო...
 ნუ გასტენ ქვეყნის ძველ ჩვეულებას,
 შენ დედა იყავ და მე შეილი-თქო!“

იაზონ

ვინ დედაბერი! ვინ იაზონი!...
 და უსუსურად ძუძუზე კბენა?!
 მაგრამ სურვილი ძლიერი არის,
 ვით ჰერკულესის მძიმე მარჯვენა!
 (მწვედელს ხელს უშვებს. მიდის ძიძასთან და ძუძუზე ჰკბენს)

ძიძა (წამოვარდება დამფრთხალი)

ვინა ხარ? და ან რა სულიერი?

იაზონ

უცხო ქვეყნიდან გადმოხვეწილი!...

ძიძა

რა გინდა ჩემგან?

იაზონ

ის მინდა მხოლოდ:
 შენ დედა იყო და მე კი შეილი...
 ნუ შეტყვი უარს, დედა-შვილობას!...

ძიძა

რისთვის გარჯილხარ, რა გაქვს სურვილი?

იაზონ

რომ ვიჭიდაო და მოვიპოვო
 ან მეღვინა და ან სიკვდილი!...

ძიძა

ტყვილა გამცდარხარ... ვერას ვახდები!...
 მომსვლელი სხვებიც ბევრი მინახავს,
 მაგრამ წამსვლელი-კი აღარაფერ...
 აქვე სტოვებენ ჩვენ სარებზე თავს...

ამ მაღალ სერზე რომ ვადიხედო,
 ძირს გამოჩნდება ქალაქი „ია“,
 სადაც თანასწორ ზაფხულ და ზამთარ
 გადაშლილია ვარდი და ია.
 იქ დაინახავ ერთ დიდ სასახლეს,
 ოქროს გალავნით გარსშემობურულს,
 და მის უთვალავ მესერ-სარებზე
 კაცის ხმელ თავებს მაგრად ჩამოცმულს.
 ისინი ყველა მედიას სურვილს
 გადაჰყოლიან... უსინჯავთ ბედი!...
 შენც, შეილო, მათი დღე დავადგება,
 შენც მოვატყუებს გიჟი იმედი.

იაზონ

არ მეშინია, ნუ შესწუხდები!...
 შენ მხოლოდ მარტო ის კი მასწავლე,
 თუ როგორი გაქვთ წესი და რიგი,
 რომ მოციქული მივგზავნო მალე.

ძიძა

მაგისი, შეილო, არა ვიცი-რა...
 ვერც დაგპირდები, იცოდე, შეელას,
 ისიირ ნახე, ბატონიწვილი
 და ის გიამბობს, რაც გინდა, ყველას.
 აქვე იქნება მახლობლად საღმე,
 უყვარს ქალებში ბურთის გაგდება...
 ჯერ თუ არ არის კიდევ მოსული,
 უეჭველია მალე გაჩნდება.
 მიდი, როგორმე დაუქმობილდი:
 თავს შემოეველე, აკოცე მხარზე,
 და ის გაგიწევს შენ ძეგობრობას,
 თვითონ მიგეყვანს სასახლის კარზე. (ტყვიდან ხმა მოისმის)

ერთი მხრიდან ხმა

უუუ! სად ხარ, ძიძავ?

მეორე მხრივ ხმა

უუუ! სად ხარ დედავ?

ძიძა

ჩუ! მეძახიან. (მალა აიხედავს) ამოსულა მზე... (იაზონს)
 შენ, შეილო, ბეერს კი ნუ აგვიანებ,
 ახლავე წადი საბურთალოზე! (შედის ტყეში)

იაზონ (მარტო)

რაები მესმის!! საკვირველებით
 საესე ყოფილა აქაურობა!...
 გმადლობ, პელეოს¹², რომ შენ მიჩრჩიე
 ხანგრძლივი... შორი მოგზაურობა...
 (დიდხანს დაფიქრებულია. მერე თავისთვის)
 თვარა ეს არის ის მედეია,
 ოთხივე კუთხით ქვეყნად განთქმული,
 ვის გულისთვისაც ამდენმა გმირმა
 აქ უპატრონოდ დალია სული,
 ისე, რომ მკედართა საოხებელი
 აღარ რგებიათ რიგი და წესი:
 არც ცრემლით მოთქმა! არც სისხლი მსხვერპლად,
 ღმერთებისათვის ტკბილზე უტკბესი?!...
 გვამი დაეხრწნათ, როგორც პირუტყვებს.
 უპატიურად და დაუწველად!...
 თავი ბურთივით გასაგორებლად...
 მალალ სარების წვერის სარქველად!...
 მათი სულეები უკუნ-ბნელებითში
 მსხვერპლს მოელიან, შფოთვენ, წვალობენ
 და, ნათლის შუქის ვერ შემბედველნი,
 ღამ-ღამით ქვეყნად დატანტალობენ...
 ხან ერთს აფრთხობენ და ხან მეორეს,
 ვისაც-კი შიში შეუფა გულში,
 და, მამლის ყივილს რომ ყურს მოჰკრავენ,
 მიისწრაფიან ისევე უფსკრულში...
 ვაი, თუ მათი დამადგეს მეც დღე,
 ვერ მოისვენოს ჩემმაც აჩრდილმა!...
 ნუთუ მიმტყუნა და ამატროვა
 ბედმა, მიკბინა მწარე სიკედლიმა? (დაფიქრდება)
 არა!... არ შეენის გმირს აჩქარება...
 ვერ გავიმეტებ ვერც ხორცს და ვერც სულს!...

მივყვები რჩევას იმ დედაბრისას
 და ვამოვნახავ სადმე უფლისწულს,
 რომ ჩვეულების მიხედულობით
 დავუძმობილდე, დავემეგობრო
 და შესასწავლად ამ უცხო მხარის
 გამოვიყენო უფრო მეტი დრო!...
 შევიტყო ხალხის რიგი და წესი,
 ავწონო მათი ზნე-ჩვეულება,
 ღმერთებს მივმართო და ჩემ სურვილებს
 შევუკავშირო მათი უფლება...

ფ ა რ დ ა.

მოქმედება მესამე

სცენა: შუაგულ ტყეში წალკოტი. ერთ მხარეს, აღმოსავლეთისაკენ, გეჰადას საყუდარი და კაბდულების სადგურები. შუაში დიდი მუხა, „კუნდიდად“ წოდებული. წინ თლილი ქვის სამსხვერპლოა, სადაც ასვენია «შარაენდედი», ოქროს გულად გამოჭანდაკებული: ერთ გვერდზე დიდი თვალი აზის და მეორეზე ყური. ირგვლივ ოქროს სხივები აყრია. აქვე მახლობლად სვეტზე კაცია მიკრული, წითელ სუდარაში გამოხვეული.

გამოსვლა 1-ლი

(შემოდის იაზონ დაფიქრებული. ათვლიერებს)

იაზონ

საიდან და სად ჩამოვარდნილვარ?!
 აღარც ძილი მაქვს... არც მოსვენება!
 აქ, ვხედავ, ყველა ცხადი ყოფილა,
 რაც იქ მეგონა სიზმარ-ჩვენება!...
 ღმერთების წალკოტს მიმსგავსებია
 საკვირველებით საესე ქვეყანა,
 და გრძნულ ხალხის ყოფა-ცხოვრება
 ხვანჯ-ნასკვი არის და გამოცანა...
 თვით მედეია, მთელი ხმელეთის
 საოცნებო რამ, ტკბილი ზღაპარი,
 ვით გადაშეტი საკვირველების
 სანათელ-სხივო არის ლამპარი!
 თვალის მომჭრელი, ხელშეუხები
 მახე, გმირების მიმტყუებელი,
 სარკე სიცოცხლის და ნეტარების,
 მაგრამ სიკვდილის მაჩვენებელი!...
 მისკენ მივყავარ მეც ბედს... და ვხედავ,
 რომ ფეხს წაამტვრევს ჩემი გმირობა,
 თუ ხერხს მეც ხერხი არ შევუფარდე
 და არ დაეცარე მათი პირობა... (დაფიქრდება)
 რათ დავარღვიე გმირობის წესი:
 ვეშვილობილე ვილაც დედაბერს

და სუსტი ბავში ძმად მოვიკიდე,
 თუ ვერ შევიტყობ მათგან ყველაფერს?!
 მართალი არის, ბევრი რამ მითხრა,
 მაგრამ ეს ყველა მაინც არ კმარა!
 ვნახოთ, რას გვეტყვის დღეს სხვასაც კიდევ!
 აქ დამინიშნა... აქ დამიბარა...
 აი, ფეხის ხმა!.. მგონია, მოდის...
 არა, სულ სხვაა! დავიმალეები! (ეფარება ხეს)

გამოსვლა მე-2-ი

(მთავარკაბდელი გამოდის. უკან აჩრდილივით ვიღაც მოსდევს შორიახლოს. ცას შეტყუებს.)

კაბდელი ¹⁴

ამდენი ჭერტით, მაღლა ყურებით,
 გამომიშტერდა მხოლოდ თვალები,
 და მაინც ბევრი ვერ გავიგე-რა,
 სულ არეულან დღეს ცის ბურჯები:
 „სასწორი“ მეტად დაბლა დახრილა,
 „ვერძს“ დაბნევია სავალი გზები...
 „ლომი“ შემკრთალა, „კირჩხიბი“ არ სჩანს
 და „მოსისხლესაც“ მისი ისარი
 პირდაპირ დაბლა დაუშვევრია,
 რომ დედამიწას თავს დასცეს ზარი!...
 ეს ყველა კარგს რომ არ მოასწავებს,
 ძნელი არ არის ამის შეტყობა,
 მაგრამ ვინ არის ხელის შემშლელი?
 რაც იყოს, იყოს! რა გაეწყობა!
 ჩვენ მაინც კიდევ სოფლიურ ზრახვებს
 უარს ვერა ვყოფთ! ვერ ავადებთ ხელს!...
 როგორც გვიზორავს, ისევე ვზორავთ
 და ვინუგეშებთ მით წუთისოფელს. (აიხედავს მაღლა)
 გათენებამდის არა დარჩა-რა! (მეორეს)
 კაცუნო! დროა... უნდა შეხვიდე!
 უგნური ქვეყნის ავი და კარგი
 ახსენი ყველა და გადასწყვიტე! (იციინს)
 ხომ გახსოვს მტკიცედ, რაც დაგარიგე? (მერე თავს უქნევს)
 ნურაფერს იტყვი გარკვევ-გადაჭრით!...

როცა პირდაპირ გკითხავენ რასმე,
 შენ გადუხევი მაშინ სულ სხვა მხრით,
 რომ ბოდვას ჰგაედღეს შენი პასუხი
 და შიგ არ იყოს არც „ჰო“, არც „არა“...
 მერე მე ვიცი იმათი ახსნა...
 ხომ გესმის?... აბა, შეძვერი ჩქარა!...

(გამოალებს სამსხვერპლოს უკანა საიდუმლო კარს და შეაძვრენს)
 (მიიხედავს) ეს ვინლა კენისის? ჰო... ტყვე სამსხვერპლო!

ტყვე

მიშველეთ! წყალი! ვამიშრა პირი!

(კაბდელი ყურადღებას არ აქცევს, წასვლას აპირებს, იაზონ დაიჭერს)

იაზონ

შეჩერდი!

კაბდელი

ვინ ხარ? (შეშინდება)

იაზონ

არ წადგა ბიჯი!...

ხმაც ჩაიწყვიტე, ტყვილა ხუ ყვირი...!

კაბდელი

ვინ ხარ?

იაზონ

ელლინი!

კაბდელი

უცხოხს რა გინდა

ასე უდროვოდ ამ წმინდა ადგილს?

იაზონ

ის მინდა, რომ აწ ბოლო მოვუღო
 თქვენს ცბიერებას... საქვეყნო ტყუილს!...

კაბდელი

როგორ თუ ტყუილს?!

იაზონ

ეგ ვინ დამალე?

კაბდელი

ღმერთების სიტყვას ვინც იმეორებს!...
 ქადაგ-მკითხავი.

იაზონ

თქვენი რჩევით რომ
 ხალხს მოატყუებს და მოალორებს?...
 ყველგან ერთი ხარო, წვერებწყეულო!...
 სუყოიელ მხარეს და ყოველ ერში:
 ცბიერი, ქვეყნის თვალის ამხვევი,
 მოხერხებული ყოველიფერში!...
 მაგრამ ახლა-კი გიმტყუნათ ბედმა...
 ჩაგიგდე ხელში!... ველარვის აენებ!...
 მაგ თქვენს... და ვითომ უმაღლეს ძალას
 დღესვე საქვეყნოდ გამოვამტლავებ!...

კაბდელი

შენ რას დაეძებ ჩვენს ყოფა-ქცევას,
 გადაღმელო და გადამთიელო?!
 ის არ სჯობს შენთვის, რომ შენს ქვეყანას
 გამოესარჩლო და მიეშველო?

იაზონ

აქაც მე ჩემი ანგარიში მაქვს...
 სხვა რამეს ვეძებ და გამოველი!
 შენც სსსუ! და მეც სსსუ! სჯობს, რომ ერთმანეთს
 საშველად მივცეთ ორივემ ხელი.
 მე ვარ მემკვიდრე თესალიისა,
 იაზონია ჩემი სახელი;
 მედიასათვის გადმოვხვეწილვარ
 და დახმარებას შენგან მოველი.

კაბდელი (სიტყვას აწვეუებებს)

ის გინდა, რომ მაგ შენ ქვეყნა სურვილს
 ზეტით ღმერთებმა(ც) დართონ თანხმობა? (დაფიქრდება)
 ჰმ!... ძნელი არის! როგორ იქნება
 ერთად სულის და ხორცის დაგმობა?!

იაზონ

ეგ შენვე იცი!... ნაცვლად მოგელის
 საუნჯე, შენი თავისვე წონა!

კაბდელი (დიდხანს ფიქრობს)

რა გაეწყობა! ბრძანე, რაცა გსურს!
 შენ უფალი ხარ, მე შენი მონა!...

იაზონ

წადი „არგოზე“, აქ დაპირებულს
სრულად მიიღებ... მეც მოვალ მაღე.
ეს ტყვეც აუშვი, თან წაიყვანე,
გაპარვა ლმერთებს გადააბრაღე!...

ტყვე (აუშვებენ. იაზონს)

ჩემო დამხსნელო!...

იაზონ

დროს ნულა ჰკარგავ!
ამის წაჰყევი, თან იახელი, (წასწორებულს)
გზიდან რომ არსად გადაუხვიოს,
მარჯვედ კალთაში ჩაჰკიდე ხელი! (კაბდელს)
შენც სსსუ და მეც სსსუ, ხომ გარგად გახსოვს?
სიტყვის გატება ახლა ძნელია!...

კაბდელი

მეტი რა გზაა?... სწორედ ლმერთებს სურს!
წაიღე ჩქარა, სანამ ბნელია! (მიდიან. იმაღება)

იაზონ (მარტო)

ჩემმა ძმობილმაც დაიგვიანა...
ჩუ! კიდევ რალაც ხმაურობაა!
არ მინდა მნახონ... (შეჩერდება. ფიქრობს)
ვითომ მე ვარ ტყვე...
(გამოეხვევა წითელ სუდარაში და მიეყუდება სვეტს)
რომ ვინმემ მნახოს, რა ხუმრობაა?!

გამოსვლა მ-3-მ

(შემოდინ მეღია და ძუძუღა)

ძუძუღა

აღრე მოვედით... არავინა სჩანს,
საყუდრის კარი დაკეტიღია...
კაბდელღებს სძინავთ...

მეღია

კიდევ ინათღა
მტრედისთრად ცამ ღა რა დროს ძიღია?

ძუძუდა

არა გვიშავს რა... სჯობს შევისვენოთ...
 ცოტა არ იყოს, დალაღული ვართ!...
 გულამომჯდარის და დაქანცულის
 ლოცვა-ვედრება არც ღმერთებს უყვართ.
 (დაჯდებიან ქვის საჯდომზე)
 ნეტავ რას ბრძანებს დღეს ბატონის და,
 ჩვენს ნამუშევარს რომ ველარ ნახავს?

მედია

იპ, ვილასა აქვს იმისი გული?...
 ახლა მაგისტვის არ მოვიკლავ თავს...

ძუძუდა

კიდევ ეგ არის, რომ ჩვენ თვალ-ყური
 სხვა მხრით გვიჭირავს... სულ სხვას დაეძებთ
 და სადღა ვნახავთ ამირანის ცრემლს
 და ან ყვავილებს როგორღა მოვკრებთ?

მედია

რა ვქნა, დობილო, დღეს წყაროშიც-კი
 არ დამინახავს ეს ჩემი სახე!
 სამაგიეროდ ის მეჩვენება!...
 ის წარმომიდგა... ის დავინახე!
 ყოველთვის... ყველგან თვალ-წინ მიდგია...
 ლოცვის დროს ღმერთსაც წინ დაეთარა...
 ვერ გამიგია, რა მემართება,
 ეს უცნაური რა შემეყარა!...

ძუძუდა

სიყვარულია, სხვა არაფერი!...
 იმან გაგმჭვალა და დაგიმონა.

მედია

ნუთუ ეს არის?! წარმოიდგინე,
 რომ სიყვარული სულ სხვა მეგონა!...
 მაშ, იასირი შენც ისე გიყვარს?

ძუძუდა

არა!... სულ სხვაა ის სიყვარული:
 ჩვენ ერთმანეთი გვიყვარს და-ძმურად
 და შენ სხვა გრძნობით ხარ გამჭვალული...

მელა

მერე არ გიკვირს? ცოტა მინახავს
 უცხო-ქვეყნელი, ჩემთვის მოსული,
 რომ მე სუყველას ვეკრძალებოდი,
 არ მიმდიოდა არც ერთზე გული?!...
 ეს, ვიცი, მხოლოდ მოჩვენებაა
 და მაინც ასე დამრია ხელი!
 ლამის გადავეყე თან ფუჭ ოცნებას...
 იმას დავეძებ... იმას მოველო!

ძუძუდა

მართალი არის, რომ იმ დღეს ვნახეთ
 ისე უძრავად გაქვავებული,
 მაგრამ მე მაინც კაცად მეჩვენა
 და ახლაც ვარ დარწმუნებული.
 არ შეიძლება, ამ მოკლე ხანში
 რომ არ გამოჩნდეს ხელახლა სადმე!...
 და, თუ ჩვენება იყო, გულიდან
 შენც გადაივდე... როგორმე დასთმე! (გაიხედავს ტყისაკენ)
 ხედავ იასირს? ამ დილა-ადრე
 რამ გააღვიძა, ვინ ააყენა?

გამოსვლა 80-4-0

(ისინივე და იასირ)

იასირ

ო, გამარჯობა! აქ რა გინდოდათ?
 თქვენა ხართ მართლა, თუ მომეჩვენა?!

მელა

რა გაგიკვირდა? ლოცვა გვინდოდა,
 მაგრამ ჯერ ცოტა ადრე დაგვირჩა...

ძუძუდა

შენ დღეს როგორღაც მხიარულად ხარ,
 ცმუტავ და დახტი, როგორც რომ სკვინჩა!..

იასირ

მელა, იცი რა უნდა გითხრა?

მელა და ძუძუდა

რაო?

იასირ

კარგი რამ, რომ გაგაოცო! (ყურს უგდებენ)
 ერთი ვილაცა... მაგრამ არ ვიტყვი,
 სამახარობლოდ უნდა მაკოცო!...

მედია

რა დროს ეგ არის?

იასირ

არ მაკოცებ და
 დედა მომიკვდეს, თუ რაშე გითხრა!...

მედია (ჰკოცნის)

ჰა, გიგო, გიგო! არც ახლა იტყვი?
 რა შეგიტყვია, გვიამბე ჩქარა!

იასირ

მოსულა ვილაც უცხოქვეყნელი ..
 მაგრამ რას ვამბობ? კინალამ წამცდა...
 შენ რომ მოგვიყვე, მარტო ხომ არ ხარ?
 და გაიგონებს ყველას ძუძულა!...

მედია

განა მაგასთან კი არ ითქმება?

იასირ

არა, სანამდის არ მაკოცინებ!...
 შერგება კიდევ... რომ გაიგონებს,
 გაუკვირდება და ბევრს იცინებს.

ძუძულა

მე საყიდელი არაფერი მაქვს!

იასირ

არ გაქვს და კარგი! რა მენალღელება?
 მე ჩემთვის, აჰა, და თქვენ თქვენთვისვე!... (ძუძულას)
 ვნახოთ, ვინ გეტყვის?!... (ვითომ მიდის)

მედია (ძუძულას)

რა გენალღელება,
 ერთი გაკოცოს, ჩემო დედა!

ძუძულა

ეჰ, შენტვის, თვარა არ ვაკოცინებ,
ვინდ დამაყაროს ვარდი და ია...
(იასირ მივარდება და ჰკოცნის)
გეყოფა! კმარა! ჩვენი პირობა
ამდენი, გიჟო, რომ არ ყოფილა?

იასირ (იცინის)

რა გაეწყობა! სულმა წამძლია,
როცა ეს ერთი მეტად მეტკბილა...
ჰე, ახლა გეტყვი: ერთი მთავარი
კარისკაცებით ჩვენში მოსულა,
იმისი მსგავსი მშვენიერება
არც გაგონილა და არც ნახულა!...
მე გავიცანი,—გადამეხვია,
თავს შემომველო, დამემობილა...
როგორც შევიტყვე მაგის ამბავი,
თურმე, ვინ არის და ვინ ყოფილა?
მთელ საბერძნეთში არ დარჩენილა
მაგისი ტოლი და შესაფერი!
და მაგის ხათრით სულსაც ვერ ბერვენ
ვერცა მოყვარე და ველარც მტერი!...
ნავით მოსულა, ფაზის წყალში დგას,
იქ წანიყვანა და, რომ შევედით,
ზეზე წამოდგენ მისი მხლებლები...
მე-კი მაშინვე მომისვა გვერდით;
მერე უბრძანა ყველას დაჯდომა,
უამბო ჩვენი დამშობილება.
თავი დამიკრეს და მომილოცეს,
შევატყვე ყველას კმაყოფილება...
ყველა მათგანი თავ-თავის თავად
ყოფილან, თურმე, შესანიშნავი:
ნავში სცხოვრებენ სუყველა ერთად,
და არც მინახავს მისთანა ნავი!...
ერთი მათგანი მოსაკრავია,
ისე ხმატკბილად აელერებს ჩანგურს,
რომ მოხიბლული ცა და ქვეყანა
სულგანაბული უგდებს ხოლმე ყურს!...

მედია

ჩვენც რომ გვესმოდა, ის იქნებოდა!...

ძუძულა

რალა თქმა უნდა!

იასირ

ნუ მართმევთ სიტყვას,

მეც გავიგონე მისი სიმღერა...

კლდეს გააპობდა... გახეთქავდა ქვას!...

რომ გამიკვირდა, სიცილით მითხრეს:

ჯერ არ გინახავს, ეს რა არიო?

საკვირველებით გატენილია

ჩვენი სამშობლოს მთა და ბარიო...

მაშ, ღმერთმა ნუ ჰქნას, რომ არ წავიდე

და ჩემი თვალით არ ვნახო ყველა!...

როცა მედიას წაიყვანებენ,

მეც თან წაუყვები... თუ რომ მეშველა!...

ძუძულა

მედიასო?!

მედია

მე?!

იასირ

ჰო! არ იცოდი,

რომ შენთვის არის აქ წამოსული?

ჭიდაობა ჰსურს და მზადაც არის,

რომ მოგვიგზავნოს ხვალ მოციქული!...

მედია (შეშინებული)

არა, არ მინდა, რომ იჭიდაოს!

ალარ ვთხოვდები... არ მინდა ქმარი!

კმარა, რაც გაწყდა ჩემი გულისთვის...

ვგ მოიწვიონ, როგორც სტუმარი!...

იასირ

რომ ნახო, მაგას ალარ იტყოდი...

გათხოვებაზე არ აიღებ ხელს!...

მარტო ერთ კოცნას მისას გემრიელს

მთლად შესწირავდი ორივე სოფელს!...

რომ იქიდაოს, რა გენალღება?
გამარჯება ხომ იმას დარჩება!

ძუძუღა

ვინ მოგახსენა? ჩენს მოქიღავეს
ვინ გაუძღებს და ვინ გაღურება?

იასირ

ჩემი ძმობიღი სულ სხვა კაცია!...
ის სხეებისთანა კი ნუ გგონია!...
ბევრი უნახავს ქირიცი და ლხინიცი,
უძღვეღობით თავმოწონია.

მეღია

აქ რომ დამარცხღეს?

იასირ

არ შეიძღება!
როგორც ძმობიღის, მინღოღა შეღლა
და საიღუმღო ამ ჩენი მხარის
შევატყობინე მე იმას ყვეღა:
იცის, რომ მისი მოპირღაპირე
ქაღია, მხოღოღ კაცად აცვია,
და, თუ ძუძუში მოავღეს ხელი,
ძირს დაეცემა, როგორც რომ ტყეღა.

მეღია (შეწინეღული)

ეგ რა გიქნია!? ხომ დაგიღუბავს!...

ძუძუღა (შეწინეღული)

და შენც მასთანვე კარგი არ გღის!...

იასირ

ჩვენ არვის ვეტყვით! ნურც თქვენ გაგვამეღელთ
და მაწინ ყვეღას ლმერთი გვიშეღის!
ის გაიმარჯვეღს... ცოღად შეგირთავს,
წაგიყვანს და მეც თან წამოგყვეღი!...
ძუძუღა, შენც ხომ ჩვენთან იქნეღი?
მეღიას იქაც არ მოწორღეღი?

ძუძუღა (ღიმიღით)

მე იქ რა მინღა? რად წამოვიღე?
ვინ მთხოღს და ან ვინ მეპატიეღა?

იასირ (შემკრთალი)

რაო?! რას ამბობს, გესმის, მედია?... (ძუძუდას)
იქ უშენობა როგორ იქნება? (თითქოს ტირის)

ძუძუდა

კარგი, კარგი! მეც თან წამოგყვებით,
როგორც იქნება... ძალით ან ნებით!...

იასირ

მართლა?... ერთმანეთს არ დავშორდებით?
რა მიხარია! ერთად ვიქნებით!...
(მოავლებს ხელს ჯერ ერთს და მერე მეორეს, ჭკონის ხტუნვით)
ახლა კი წადით! უნდა მოვიდეს...

მედია

ვინ?

იასირ

ის, აქა მყავს დაპირებული.

მედია

ვინ ის? არ იტყვი?

იასირ

ვინ და იაზონ,
ძმად და მეგობრად შეფიცებული!...
მიკვირს, აქამდეც რომ არ მოსულა!
თუ გადუხვია და გზა დაებნა?!
მეტი გზა არ მაქვს... უნდა წავიდე,
უდაბურ ტყეში დავუწყო ძებნა. (მიდის)

გამოსვლა მე-5-ე

მედია და ძუძუდა (გაოცებულები დგანან)

ძუძუდა

რას გამოშტერდი? ხომ გაიგონე?
მისი სიცხადე არც ახლა გჯერა?

მედია

მესმის! და გონსაც ველარ მოვსულვარ...
გულმა არევით დამიწყო ძგერა!
სული მეგუბვის... არ ვიცი, რა ვქნა?!

ძუძუდა

„შარავანდედთან“ მიდი, ილოცე,
უყვართ ძლიერებს მორჩილ-მონება!

მედია

(მიდის და მუხლებს მოიყრის „შარავანდედის“ წინ)
გულთამბილაყო, მიშუამდგომლე
ღმერთებთან, ვნება გულის რომ ეძლიო!...
(უცხად წამოვარდება) ძუძუდა, გესმის ხმა განგებისა:
გადაარჩინე სიკვდილს მსხვერპლიო?...

ძუძუდა

აღბად, ღმერთებს სურთ, რომ საბრალო ტყვე
ახსნა, გაუშვა, თავს შემოივლო!

მედია

ავხსნა... გაუშვა... ზოგორ გაებეღო
წინააღმდეგი ქვეყნის და რჯულის!...

ძუძუდა

მიდი, გაბედე... მონა არა ვართ
ღმერთების ნების და სასწაულის?
(მედია მიდის. უნდა ახსნას. იახონ გადაიშლის სუდარს და გამოვა,
მედია შეერთება)

მედია

უცხო სტუმარი!! (უკან-უკან იწეეს)

იაზონ

(ხელებგაშლილი ბიჯს წადგამს წინ) მედია!?

ძუძუდა

აი, ოცნება და საიდუმლო!...

ფარდა ეშვება ნელ-ნელა

მოქმედება მეოთხე

სცენა: ბუკა სცემენ და საყვირის ხმა ისმის, ხალხი გროვდება საკიდაოზე, სასახლის წინ. ოჭროს ტახტზე სხედან მამასახლისი იათა და დიასახლისი გეჭადა. მესამე ადგილი ცალიერია. იქვე მახლობლად მეორე მხრით თირთა და მედია ორივე სქესის კარის-კაცები; ღირსეულები სხედან და სხვები ფეხზე დგანან.

ბამოსვლა 1-ლი

მესაკრავეები შემოუძღვებიან იაზონის მოციქულებს.

ერთი მათგანი

(წინ წადგება და თაყვანსა სცემს მამასახლისს)

მემკვიდრე ვინმე თესალიისა,
ძე აზონისა, იაზონ გმირი,
ვისაც სახელის მოსახვეჭელად
შემოუვლია ხმელეთის პირი,
დღეს აქ მოსული, მოკითხვას გაძღვნისთ,
ჟუბო კოლხეთის დიდო მთავარო,
და ისე სწყურის თქვენი დიდების
ხილვა, ვით მწყურვალს ირემსა წყარო!

იათა

კურთხეულ იყოს მისი სტუმრობა!
მოგვეგებებით ჩვენც სიხარულით,
როგორც შეგვეშენის და მას შეფერის:
„კაბდულ“ ვალობით, ზევსურ-მაყრულით...
შევანმატბილებთ სხვადასხვა საკრავს:
წინწილ-სალამურს და საყვირ-ბობლანს,
რომ ჩვენ სასახლის ლიტანიობას
გულიც ქვეყნისა აძლევედეს ტკბილ ბანს!
მაგრამ ჯერ უნდა შეგვატყობინოთ
წინდაწინ მისი სურვილ-განზრახვა,
რომ ერთმანეთის არ გვეუცხოვოს
პირველი შეყრა, ნახვა-მოკითხვა!..

მოციქული

როგორც მზის შუქი ცა და ქვეყანას
 მიეფინება და ანათებს ბნელს,
 ისე მოუცავს მთელი სამყარო
 თქვენი ასულის ბრწყინვალე სახელს!...
 თვით აფროდიტა, ღმერთი მშვენიების,
 შურით აღძრული, ღვრის მწარე ცრემლებს
 და ბედს უცარავს, უკარგავს ძღვეას
 გმირებს, მედიას თაყვანის მცემლებს!...
 მაგრამ მაინც კი უკვდავის რისხვას
 გმირები აღარ ერიდებიან,
 მოისწრაფიან ყოველი კუთხით
 ბედის საცდელად და აქ კედებიან!...
 ერთი მათგანი არის იაზონ,
 ბედის საცდელად კარზე მომდგარი
 და ითხოვს თქვენგან, ჩვეულებრივად,
 სტუმართმოყვრობის გაულოთ კარი! (თაყვანსა სცემს)

იათა

კეთილი! მაგრამ შეტყობილი აქვს
 საყოველთაო მკაცრი პირობა?

მოციქული

შეტყობილი აქვს და არად აგდებს
 ჯერ უძლეველი მისი გმირობა!

იათა

შემოიყვანეთ! შევიდეს წრეში
 ორივე მხრიდან გამზავებული
 და მოსამართლედ ჩვენვე ვიქნებით,
 რომ მათ უჯეროდ ვერ ახლონ ხელი!

(საკრავის ხმა. ხალხი სულგანაბულია. ერთი მხრით იაზონ შემოდის, მეორეთი მოჭრი. გამზავებული შემოაყვება. თაყვანსა სცემენ იათას)

ხმა ხალხში

კარგი ყოფილა!... მშვენიერია!!

გეჰადა (იათას)

ოღვაა, სწორედ, მაგის გალახვა!...

იათა (ჩუბჩუბით)

ახლა პირობა იღარ გატყდება...
 სასწორ-ლარია ვაყვაცის სიტყვა! (იაზონს)
 შორით მოსულო, ბედის საცდელად
 და საჭიდაოდ მომზადებულო,
 ნერგო სამთავროვ, ელლადის გმირო,
 სახელმოხვეჭით ამაღლებულო!
 შეხედე იმას, ვისთვისაც თავს სდებ! (მიუთითებს მედიაზე)
 თვალით ნახული შეუწონე თქმულს!
 ნუ აარიდებ თვალს ნურც ამ სარებს
 და ზედ ხმელ თავებს მწკრივად ჩამოცმულს!...
 და, თუ მაშინაც არ დაგიშლია
 და გული გირჩევს მაინც გმირობას,
 შენი ნებაა!... ჩვენ უბრალო ვართ!
 ველარც ჩვენ შევშლით წესს და პირობას!...

იაზონ

მესმის, მთავარო!... ხმა ერთ ქვეყნიდან
 სხვა ქვეყანაში გადატანილი,
 მრავალკეცდება და ფერადდება,
 გადახეანჯული, გზაში გაზრდილი.
 მაგრამ კანონი ეს საზოგადო
 დღეს აქ ოდნადაც არ გამოდგება,
 რა არის მისთვის ქება უბრალო,
 ვისაც შეშვენის ქებათაქება!...
 ჩვენდაში ოდნად მოუწვევიათ
 მხოლოდ მის სხივებს, ძლიერო მეფე,
 და მნათობი-კი აქ დარჩენილა
 თვის ელვარებით, სხივმოიფე!... (თაყვანი მედიას)
 გაფრთხილებისთვის, ჩემო ხელმწიფე,
 უგულითადესს გიძღვნით მადლობას!...
 ეს ასე შეენის კოლხეთელების
 სტუმართმოყვრობას და მასპინძლობას!
 მე-კი, ჩემი მზრით, სხვას ვერას გეტყვით:
 გამომივლია ხმელეთი და ზღვა,
 ბევრჯელ ჩავარდნილს მწარე საფრხეში,
 არ ამცდენია შაბედის რისხვა!...
 მაგრამ ამ ჩემ გულს, გათამამებულს,
 ჯერ არ უგრძენია შიში და სიმბღლე!...

და განა, სურვილგადიდებული,
 დღეს უნდა შეგვკრთე ყოველ ღირთა მძლე?!...

მოქრი

ბევრი მყოლია მოპირდაპირე...
 ჰკითხე ამ თავებს, თუ დამკლებია? (ხელს აწვევს სარებს)
 მაგრამ არც ერთი, უნდა გამოვტყდე,
 შენსავეთ ჯერ არ შემბრალებია!...
 შენს ღმერთს მიმადლე, გულს ნუ აპყვები,
 გებრალებოდეს შენი მზეობა!...
 თვითონ ღმერთებსაც არ შეუძლიათ,
 რომ მოგაწოდონ რამ შემწეობა:
 ელვის სისწრაფე და მების ძალა,
 თვით შემოქმედის ნება-განგებით
 მონიჭებული მაქვს ყველა ერთად!...
 ამას არ ვამბობ მე თავის ქებით...
 მხოლოდ გაფრთხილებ!

იაზონ

მაგრამ მე მაინც

არაფერი მაქვს მეტი სათქმელი...
 სიტყვა გადავდვით!... საქმეს შევუდგეთ!
 აჰა ბურთი და ჰა სარბიელი!...
 (დაუჯრავს საჭიდაოს და გმირები ერთმანეთს შეებმიან)

ხმები ხალხში:

— ჩვენი წააქცევს!...— ვინ მოგახსენა?
 — ვერ ხედავ მაგის გულმკედრს და მხარ-ბეჭს?
 — ის კი მაგაზე რალა ნაკლეა?
 რომ გაიმეტოს, ქორივით გაგლეჯს!...
 — რომელი გაგლეჯს, ის ღმერთმა იცის,
 ჯერ კიდევ ძნელი შესატყობია...
 დღეს რომ თამამად ველარ ბრძანდება,
 ჩვენს მოჭიდავეს კი დასტყობია!...
 — ხედავ, ერთმანეთს ერიდებიან?
 განზე დგებიან, უტრიალებენ.
 — საყურებელი მაშინ იქნება,
 ერთმანეთს ხელს რომ წამოავლებენ!
 — პო! პო! პო! პო! პო! შენი ღირიმე!
 რა ვაჟკაცურად მოავლო ხელი!!

— რა გამოვიდა? ისიც მზად დახვდა,
 არც ის დარჩება ხელცარიელი...

— ამდენ ჯახება-ტრიალ-ტრიალში,
 ვგონებ, სპილოსაც დაესხას რეტი!
 იმათ კი ბუზიც არ აფრენიათ,
 უძრავად დგანან ისე, ვით სვეტი!

— წამოიკიდა! ვერ გადიტანა!
 ვერ ატყობ ბერძენს, რომ ეძალება?
 ჩვენი ატყუებს, ეთამაშება...

იცის, რომ მალე დაილალება...

— ცუდად ჩაავლეს ერთმანეთს ხელი
 და საძრაობას აღარ აძლევენ!...

თითქოს ერთმანეთს შეაჭვავდნენო,
 ჯერ ერთმანეთის ძალას იკვლევენ...

— ეს ჭიდაობა აღარ გამოდის!
 სჯობს გააშველონ,— უეჭველია!
 ჯერ შეასვენონ, მერე დასჭიდონ...
 ორივეს ძალა გამოეღია!...

(აშველებენ და მერე ისევ ჭიდაობენ)

იათა (თავისთვის)

რა ემართება ჩვენს მოჭიდავეს?!

როგორ ვერ სძლია, მიკვირს, ამდენ ხანს! (ხმამალა)

რა ამბავია?! ვერ ხედავთ ხალხის

ამ უზრდელობას და ამდენ ყაყანს?!

(იაზონი დააჩოქებს ცალ მუხლზე მოჭრის)

ფეხი აუსხლტა... და... გააშველონ! (აშველებენ)

მეღა (თირთას)

ახლა რაღა დროს გაშველებია,

როცა ნახევრად წაქცეული ჰყავს?...

თირთა

ის უკეთ ხედავს!... მისი ნებაა!.. (ანიშნებს იათაზე)

შენ, როგორც ვატყობ, აღარა ხუმრობ!

უფრო ბერძნისკენ მიგიწევს გული

და ჩვენ შერცხვენას აღარად აგდება:

გინდა ის დარჩეს გამარჯვებული?

მედია

უსამართლობა არ ვარგა, თვარა
 ჩემთვის ერთია, ვინც უნდა იყოს...

თირთა (ლიმილით)

მაშ, გაამხნევე ტკბილი ლიმილით,
 მესამედ ბრძოლა როცა დაიწყოს!...

(კიდაობენ მესამედ, მოჭრი დასცემს ორივე მუხლებზე იახონს)

ხმა ქალებში

ვაი, საწყალი!... გადააბრუნებს...
 რომ გააშველონ ახლა, მადლია...

(მოჭრი გადაბრუნებს უპირებს, მაგრამ იახონ ძუძუზე მოავლებს ხელს და
 დასცემს. ხმაურობაა)

ხმა კაცებში

ოჰო-ჰო-ჰო-ჰო! ხედავთ, რა უყო?!
 ეკვი არ არის, წმინდად დასძლია!
 (კაცებს წყენა ეტყობათ და ქალებს სიხარული)

იაზონ

მოკაკე თითი...

მოჭრი

გემორჩილები!...

მეტი რა გზა მაქვს!... დაცემული ვარ,
 მაგრამ, თუ ღმერთებს არა უთქვამს-რა,
 სწორედ, ლალატით გაცემული ვარ!
 რა გაეწყობა! მიწის შვილი ვართ!
 ერთი დრო ქვეყნად ვის შერჩენია?
 ამდენი გმირის სისხლს, აქ დათხეულს,
 თუ მაზღვევინებ, ნება შენია!...

იაზონ (აუშვებს)

არა, არ მოგკლავ!... გეყოფა! წადი!...
 შემომივლიხარ თავზე სამადლოდ!
 და, ვინც ღმერთებმა დღეს მომანიჭეს,
 იცოცხლე იმის ქირის სანაცვლოდ!...

იათა

მძლეველო, შენით ამალღებული
 სახელს იხვეჭავს შენთან ელლადა!

ეს ოქროს ტახტი, შეუხებელი,
 ვითა ღირსეულს, შენ მოგელოდა!
 გილოცავთ ყველა მაგ გამარჯვებას
 და მოგიწოდებთ ტახტზე ჩვენს გვერდით!...
 ქება-დიდება ყოვლის შემძლებელს,
 მხოლოდ ლოდინში რომ არ ჩაებერდით!...
 და მოგვევლინა სასიქადულო
 დღეს უძლეველი სასიძოდ გმირი,
 რომ შევასრულოთ ღმერთების ნება
 და არ გავტეხოთ არც ჩვენი პირი!
 (იაზონ ტახტზე ადის, ხალხი „ვაშა-ვაშას“ იძახის)

გეჰადა

შვილო მედია, გასათხოვარ ქალს
 შვენის მოკრძალვა და მორიდება,
 მაგრამ ცოლ-ქმრობის პირობა რადგანც
 მთოვარის¹⁵ ნებით ცაში რიგდება,
 ყოვლის უარის უთქმელად უნდა
 დაემორჩილო „უქრობს და უშრეტს“,
 იმ მიუწდომელ სიმაღლიდან ვინც
 ქვეყნიურ ავ-კარგს სიმართლით უქვერეტს.
 ბრძანე, მოგართევან ოქროს გვირგვინი,
 თვალ-შემკულობით სწორუპოვარი
 და, ნიშნად თქვენი მტკიცე ცოლ-ქმრობის,
 თავზე დაადგი, ვით საწინდარი.

(ქალიშვილებს მოაქვთ ოქროს ბონჩით გვირგვინი. მედია წინ მოუძღვის
 იაზონ დაიჩოქებს, მედია თავზე დაადგამს გვირგვინს და გაბრუნდება)

გეჰადა

გილოცავთ, შვილო, ბედნიერებას!
 შენს სურვილს ჩვენიც ტკბილად დაერთო...
 თქვენი სიცოცხლე, პირი და ღბინი,
 ამიერიდან იყოს საერთო!

იათა

ისმინოს მზემან და ნუ მოგაკლოსთ
 მისი სხივები და ელვარება!
 მედიას სატრფო და საყვარელი,
 ნაშობ შვილივით ჩვენც გვეყარება.
 (იაზონს) მედიასია, ჩემ სამთავროში
 რასაც საკადრისს-კი ვეგულები:

თვალ-მარგალიტი, ოქროქსოვილი
 და ოქროქედნილ სამკაულები!...

იაზონ

ჩემო ხელმწიფე! ვინც ბუნებისგან
 ქვეყნის საოცრად არის შემკული,
 რა საჭიროა მისთვის ზედმეტი
 მორთვა-მოკაზმვა და სამკაული?...
 თვით აფროდიტას სარტყელ-ქამარი,
 რომლითაც ის თავს იმშვენინიერებს,
 მედიას სრულქმნილ თვალტანადობას
 ოდნადაც ვეღარ გააძლიერებს!
 სულ სხვა რამე მაქვს შემოსავედრი,
 როგორც ელლადის თქვენთან მოციქულს,
 და ველი თქვენი დიდსულობისგან,
 არ გამისტუმრებთ მე გაწბილებულს!
 „ოქროსმატყლოვან“ ვერძს ვითხოვ თქვენგან,
 უნდა ელლადას ის დაუბრუნოთ
 და ორი ქვეყნის ძმური კავშირი
 შეჰკრათ საერთოდ და საუკუნოდ!
 მათ საკუთრებას რომ მათვე მისცემთ,
 ამით მოიგებთ თქვენ ელლადის გულს!
 მეც—ცოტა სახელს... და მედია-კი,
 როგორც მიზეზი, — ქვეყნის სიყვარულს...

იათა

სიამოვნებით! მაგრამ რა ვქნათ, რომ
 არ შეიძლება შეუძლებელი!
 ზოგჯერ, ნამდვილის ვეღარ შემტყობი,
 ჰორის ბუდეა ეს ცრუ სოფელი...
 ჩვენ ქვეყნის ამბავს თქვენდამი მხოლოდ
 ჰორად და ზღაპრად მოუწევია
 და თქვენც მაშინვე დარწმუნებულხართ,
 ისე, ვით ყოველ ერსა სჩვევია!
 აქ რა უნდოდა საბერძნეთის ვერძს
 და მასაც კიდევ ოქროსმატყლოვანს? ¹⁶
 ამგვარ ზღაპრებით კოლხეთელები
 ბავშებს ვაძინებთ ჯერ მცირეწლოვანს!
 ტყავებით ვიჭერთ ჩვენ ოქროს სილას,
 მდინარეების ჩამონატარებს,

ერთად ვაგროვებთ შესაკრებელში
და გარეშეებს ვუკეტავთ კარებს.
იქვე დაუდგამთ ჩვენ მამა-პაპებს
ვერძი ოქროსი, ხატჩამოსხმული,
ზეციურ ვერძის წარმომადგენლად
და მისვე სახედ გარშეკაზმული.
მნათობ ციურ ვერძს, კოლხეთის მთარველს,
ამით თაყვანს სცემს ჩვენი ქვეყანა!
და აჰა, თქვენი ტკბილად მზიბლავი,
უცხო ზღაპარი და გამოცანა!

იაზონ (დიდიხნის სიჩუმის შემდეგ)

თუ ხელქმნილია... ეგ უკეთესი!...
იმისი მსგავსი ჩამოასხით სხვა,
რომ აიცილოთ თავიდან ქვეყნის
სამდურავი და ღმერთების რისხვა!
და ეგ დიდიხნის სადაო ნივთი
თან გაატანეთ თქვენ ქალს საჩუქრად,
და გულნატკენი ზღაპრით ელლადა
მით გაიხადეთ ისევ მეგობრად!

იათა

კი, მაგრამ შეილო, ვინ გამოიტანს?
არ ეკიდება ვაგლახად ხელი!...
ყოველ წამს და წუთს თვალ-ყურს ადევნებს,
თავზე ადგია საშიში მცველი:
რქებმოქედელი ბასრი ფოლადით
გარს უტრიალებს მას ორი კურო...
იმათი შებმა და მათთან ბრძოლა
ნურვის ჰგონია საქმე სახუმრო!
მეორე მცველად გველეშაპია,
პირიდან კომლის ამომსუნთქველი!
უნდა ამ სოფელს გამოეთხოვოს
ზედ მიშბედავი, მისი შემბმელი!...

იაზონ

მე შევებმები, თუ თქვენც ინებებთ,
საშიშ მცველების არ მეშინია!...
განგებას ვინც-კი არ გაუწირავს,
მისთვის ზღვა ჭაა, ლომი—ფინია.

გეჟადა (წყენით)

რას ამბობ, შვილო?! მათი მორევა
ხორცშესხმულს მალლით არ უწერია!

იაზონ

მხდალი, უნდობი მოწყალე ბედის,
ნაცარქექია... თავის მტერია!
რათ მოვიმდურო მე ჩემი ბედი,
უხვად მომღებე ჩემზე წყალობის,
და გავუწილო მეცადინობა
ჩემთვის ღმერთებთან შუამდგომლობის!

გეჟადა

დღევანდელ ძლევით გათამამებულს,
შენი გკონია ცა და ქვეყანა!
მაგრამ ვერ შეშლი იმ წესსა და რიგს,
რაც უძლეველმა ერთხელვე ბრძანა...
ყოვლის შემძლებელ მნათობთ-მნათობმა...

იათა (უკმაყოფილოდ აწყვეტინებს სიტყვას)

დედაკაცს მისცა სუსტი ბუნება,
რომელიც მარად ყურში ჩურჩულით
„არაო“ და „ნუ“ მას ეუბნება.
ურწმუნოა და ბუნების მგომბი,
გმირულ სურვილის ხელის შემშლელი!...
(იაზონს) შენი ნებაა, შეები, შვილო,
და მოგიმართონ ღმერთებმა ხელი!
რომ დაგიშალო, შენც არ დაიშლი!
ვხედავ, რომ რჩევით ვერას გავაწყობ!

მედია (უცბად წამოიძახებს)

აჰ, არა! არა! ნუ წახვალ!... მოგკვლენ!...

იათა (პრისხანედ)

მედია!... შენ აქ მეტი ხარ, გატყობ!...
(მედია მიდის თავჩაღუნული, ქალთა დასი გაჰყვება)
(იაზონს ღმილით) ეგვეც ქალია! საექვოდა აქვს
შენი გმირობა და გამარჯვება,
მაგრამ რომ განახავს ძლევაშემოსილს,
გაუდიდდება ლხენა და შვება.

ყურს ნუ ათხოვებ და ნუ აპყვები
საქალაქუნო, სათუთ ქალის გულს!
წადი ახლავე, ნუ იგვიანებ
და ხვალ მოგელი მიძლე-გამარჯვებულს!

(იაზონი ეთხოვება და მიდის. ხალხი დაიშლება. საკრავის ხმა და ხმაურობაა. დარჩებიან მარტო იათა, გეჰადა და თირთა, რადგანაც კარისკაცებს იათა ანიშნებს წასვლას)

გეჰადა

რათ გაიმეტე?! რისთვის ჩაავდე
მაგგვარ საფრხეში ის ცოდვის შვილი?

იათა

მე რა ბრალი მაქვს? თვითონ ისურვა
და ავასრულე მისი სურვილი!

გეჰადა

კი, მაგრამ განა დაგავაწყდა, რომ
ალარ ექნება მას იქ საშველი?

იათა

კარზე მომდგარი უბედურება
რომ ავიცდინო, მეც მაგას ველი!...

გეჰადა

რას ამბობ მაგას?! რა ხუმრობაა?!

იათა

მე იმას ვამბობ, რაც სათქმელია!
ნუთუ შენთვისაც, ჩემო გეჰადა,
შორსმკვრეტელობა ისე ძნელია,
რომ ველარ ხედავ ჩვეულებრივად,
ბერძნის მოყვრობით თუ რა მოგველის?!
ვისგან ნახულა ქვეყნად ნაშობი
კრავი ფოცხვერის და მტრედი გველის?
განთქმული არის ქვეყნად ბერძნების
გაუტანლობა, უმადურობა...
სხვა ქვეყნის ერის არად ჩავდება
და თავის ტომით მედიდურობა!
სადაც ვერ ნახვენ მათ ქვეყნისებურ
რიგს ცხოვრებისას, წესწყობილებას,
ის ერი ერად არ მიაჩნიათ,
ვერც გრძნობენ მათთან კმაყოფილებას!
იმათი ქალი პირად მონებას

ქმრისას ჯერეთაც ვერ ასცდენია:
 კარდაკეტილში ზის, ართავს და ქსოვს...
 უმნიშვნელოა, ქვეყნის რცხენია!
 კოლხეთის ქალაქ ქვეყნის შვილია
 ქვეყნის ავ-კარგში მონაწილობით,
 რჯულითაც სხვაა, ჩვეულებითაც,
 შეუფერები ბერძნის ზრდილობით!
 წარმოიდგინე, რა დღე მოელის
 იქ ჩვენს მედიას, ცოცხალ-ცქრიალას?
 ეგ ვერ აიტანს ბერძნის ქალობას,
 ვერ დაიჩაგრავს სულ-ხორცის ძალას...
 აღარ ექნება წამს მოსვენება,
 იმ უცხოეთში ათვალწუნებულს,
 და, თავისიანს რომ ველარ ნახავს,
 ვილას მიანდობს სანუგეშოდ გულს?

თირთა

ეგ მართალია! მაგრამ მედია
 სიყვარულით რომ გამჟვალულია,
 ყველას აიტანს, შეისისხლობრცებს!
 სიყვარულს ბევრი რამ შეუძლია!

იათა

ჰმ!... სიყვარული! ის წამიერი
 გრძნობა-გონების ცრუ გატაცება?
 ისე დაქენება, როგორც ყვავილი,
 თუ აღარ ებმის იქ, სადაც ება!

გექადა

ეგ აღრე უნდა გეფიქრებია,
 გვიანლა არის შეშლა პირობის!
 მით უმეტეს, რომ მოსისხლე ღმერთი
 თავდებ-მოწამე იყო გმირობის.

იათა

ღმერთები ხედვენ გულში დაფარულს
 და გაარჩევენ ავ-კარგის მიზეზს!...
 მშობელ-ნაშობის ხორციელ კავშირა
 თვით არ უდებენ სამართალს და წესს?
 ვინ მომცა ნება, გავწირო შვილი,
 როცა წინათვე ვხედავ განსაცდელს?

დეე, ღმერთებმა, რაც უნდათ, ის კნან!...
 მე ვერ დავაკლებ ხერხს და საცადელს.

გეჟალა

ქვეყანა?

იათა

დეე, ისიც მოსტყუვდეს...
 განა ძნელია ახვევა თვალის?
 ბრბო რას გააჩვენს, აწმყოთი მგრძნობი,
 ყოუ გადასრულის, ბრმა მომავალის?
 ჯერ საქორწინოდ ვიწყოთ მზადება,
 უმეცარ ქვეყნის დასანახავად,
 და, რომ მოგვივა ცუდი ამბავი,
 ჩვენც შევიცხადოთ ავი რამ ავად!
 გამოვიგლოვოთ! მერე-კი ისევ
 ვიფიქროთ ქალის გათხოვებაზე,
 და მივათხოვოთ სიამით მცხეთის
 მამასახლისის შვილს, ჩვენს ნებაზე.
 გარწმუნებ, მხოლოდ გვარტომობაა
 თავდები ქვეყნად ბედნიერების,
 ჭირის და ლხინის მარად საერთოდ
 შეთანახმების... შეთანსწორების.
 (თირთას) დაო, ერთგულო ჩენი სახლობის,
 კეთილნაღვაწო, ნაამაგარო...
 ახლაც შეგშენის, რომ ეს სურვილი
 გონების სხივით შენ გაამყარო:
 მედია შენ გყავს შვილად გაზრდილი,
 გამორჩილება და შენი სჯერა,
 დღესაც ურჩიე და შეიგონე...
 შენ ხელში არის მის ბედისწერა.
 (გეჟალას) და ჩვენ-კი, ჩემო თანამეცხედრევე,
 წავიდეთ ერთად! ღმერთებს მივმართოთ!
 ჩვენ ჩვეულებრივს ლოცვა-ვედრებას
 ზედ სინანულის ცრემლები დავროთოთ,
 რომ მოგვიტეონ უნებლაეთი
 ჩენი შეცდომა, დანაშაული!
 შევწიროთ მსხვერპლი სადიდებელი
 და დავიმშვიდოთ შემკრთალი გული! (მიდიან)

მოქმედება მისთვის

სცენა: ძვირფასად მორთული სასახლე ოქროს სვეტებითა და ოქროს სელ-ტაბატებით. ოთხი კუთხით შადრევანები სცემენ.

გამოსვლა 1-ლი

(მედია შემოიჭრება ჯოხით ხელში და უკან ძიძა მოსდევს)

ძიძა

მოიცა შევილო... აბა რად გინდა?
შენ ისეც დახტი, როგორც კალია,
და მე-კი ფეხიც ვერ გადამიდგამს.

მედია

მერე და, ეგ რა ჩემი ბრალია?
ჩემო ძიძუნა, განა არ იცი,
რომ მოხუცებას ვერე სჩვევია?
ხორცშესხმულს სტუმრად არ ასცილდება
ავი სიბერე და შენც გწვევია.

ძიძა

და მერე მიტომ მართმევ მაგ ჯოხს, რომ
ხელი შეუწყო ამ ჩემ სიბერეს?

მედია

განა სხვა ჯოხი არ იშოვება?
გამოგიჭრიან ტყეში მეორეს...

ძიძა

კი, მაგრამ ეგ ხომ საკუთრად ჩემთვის
შელოცვილია?! ნაჩუქარია!
სხვის ხელში მაინც ხომ ვერას გასტრის
და, აბა, შენთვის რა სახმარია?

მედია

ვინ შეულოცა?

ძიძა

მამიდაშენმა,
გველ-უნასების მოსაგერებლად...
თუ ეგ ხელში მაქვს, არ მეშინია,
დავდივარ ყველგან დაურიდებლად.
ძალიანაც სჭრის: მაგის გასმულ ხაზს
შხამიანი რამ ვერ გადასცდება;
თუ მოასწარი, გარშემოხაზე,
მოიგვერგვება, რგოლში დარჩება.

მედია

კარგი ყოფილა! მაგისთანა რამ,
რომ გაფთხოვდები, მეც დამჭირდება.

ძიძა

რად გინდა, შვილო, მაშინ, როდესაც
სადედოფლო ტახტს ბედი გპირდება!

მედია

ვინ იცის?! ბედი ცვალებადია:
დღეს რომ ერთია, ხვალ კიდევ სულ სხვა!...

ძიძა

ღმერთები იყონ შენი მფარველი
და აგაცილონ წყევა და რისხვა!...
მოიტა, შვილო, ნუ მაგვიანებ!...
უნდა მივხედო იქაურობას...

მედია

აჰა, წაიღე! არ გემეტება...

ძიძა

იჰ, ვენაცვალე მაგ შენ ხუმრობას!... (მიღის)

გამოსვლა მე-2-ი

მედია და თირთა (შემოდის)

თირთა

რა ამბავია და რას საუბრობთ
მაგრე ხმამაღლა და აღტაცებით?
აწ, სადაც არის, მიმასახლისიც
გამობრძანდება კარისკაცებით!...

მედია

ჯერ ხომ ადრეა და რას დაეუშლით?

თირთა

მაინც, რა გქონდათ სალაპარაკო?

მედია (იციინს)

ძველი ამბავი, მაგრამ ძიძისთვის
გასაოცარი და საარაკო...
ჯობი მიჩვენა გამოხარული,
რომელიც მისთვის გიჩუქებია!...
ასე ჰგონია, თუ ის ხელობა
ჩემთვის ჯერ არც-კი გისწავლებია!

თირთა

აბა რა, შვილო?

მედია

გველის შელოცვა...

გამოსადეგი ჩემთვის, საჭირო,
რომ გათხოვილმა უცხო მხარეში
ხალხი გავკურნო და გავაკვირო...

თირთა

„გათხოვილმაო?“ აღარ უარობ,
დაგიჯდა ჩემი აზრი და რჩევა?
გისმინოს ზეცამ და ნუ მოგაკლდეს
ყოვლის შემძლებლის ლოცვა-კურთხევა!...

მედია

თქვენ უკეთ იცით, ჩემთვის რაცა სჯობს!...
მე მხოლოდ მმართველს დაგემორჩილოთ,
რომ ჩემ ბედს და თქვენს გამოცდილებას
მივინდო გულით საშვილიშვილოდ.

თირთა (ალტაცებით)

მაგას ველოდი შენგან, მედია!
გონიერი ხარ!... შორს გამკვრეტელი!
დღეიდან შენით თავს მოიწონებს
შენი მამიდა, შენი გამზრდელი...
ქკუსის ურჩობა, გულის მონება,
საყოველთაოდ დედათ წესია,

მაგრამ მედიას ჭკუა-გონება
 ყოველ გრძნობაზე უმტკიცესია:
 არ გადაჰყვება წამიერ გრძნობას,
 პირველ საამოს, მერე სატანჯველს...
 არც შეუფარდებს ცხადს—საოცნებოს
 და საეჭველზე არ სცვლის უეჭველს...
 წადი, მიმართე საყდარ-სალოცავს,
 მადლი შესწირე ყოვლის შემძლებელს,
 რომ გაგიმტკიცა ჭკუა-გონება
 და ავაშორა ხვედრსა მანებელს.
 მეც წაფალ, მშობლებს ვუმახარობლებ
 მაგ შენ თანხმობას... შენს აღსარებას...
 და შევეუერთებ ჩემ სიხარულსაც
 იმათ მშობლიურ დიდ ნეტარებას.
 (თავისთვის) ოჰ, რა კარგი ხარ, ახალგაზრდობაე!
 გუშინ ტიროდა, დღეს მზიარულობს!
 მხოლოდ ჭაბუკის, გამოუცდელის
 სიციცხლე მძლავრობს, და გული გულობს!...

მედია (გააყოლებს თვალს)

არა, მამიდა! ყოველთვის ვერ სჭრის
 ჩვეულებრივად ჭკუა-გონება:
 როცა სურვილი გახელმწიფდება,
 გონებაც გრძნობას დაემონება...
 რომ დამიჯერე, თუ არ სურვილმა,
 რამ შეგაცდინა და მოგატყუა?
 სად არის შენი გამჭრიახობა
 ქვეყნად განთქმული... და შენი ჭკუა?
 ვინც მიყვარს, უნდა მას ვულალატო?
 უარყო გრძნობა... გავტეხო ფიცი...
 და ვილაც მცხეთის მამასახლისის
 შვილი შევირთო, რომ არც-კი ვიცი?!
 მაშინ, როდესაც ახლა შევიტყვე
 ცხოვრების სიტკბო... სიციცხლის ფასი!...
 და სიყვარულმა, მოუყირჭებელ
 სამოთხის წყარომ, ამივსო თასი?!
 არა, დიდია ჩემთვის ეს მსხვერპლი,
 შეუძლებელი და უსაშველო!...

გული, მეურჩე სიყვარულისა,
 ისე დასკვნება, ვით ჩრდილში მდებო!
 (მივა სარკმელთან და გაჟურებს დაფიჭრებული)
 მშვიდობით, ჩემო ტყბილო ჭვეყანა!...
 მშვიდობით, ჩემო სამშობლო მხარე!
 მშვიდობით, ჩემო სალოცავებო:
 მზევე, ვარსკვლავებო და ნაზო მთვარე!
 მშვიდობით, ჩემო კარგო დედ-მამავ!...
 ჩემო მამიდა და ჩემო ძიძა!...
 მშვიდობით... თვალთ რასაც-კი ვკვრეტდი:
 ცაო ფიროუზო და ზურმუხტ მიწა!...
 შევეკონე ცრემლით სხვადასხვა გრძნობა
 და ჩაეიშარხე ყველა ამ გულში,
 რომ გულთან ერთად გადაჰეტანა
 ერთ სხვა გრძნობაში და სიყვარულში.
 წარსულის, აწმყოს და მომავალი
 გრძნობის ის არის შესაკრებელი:
 იაზონია მისი სახელი,
 სიკვდილ-სიკოცხლეს ვისგანაც ველი...
 „შარავენდედის“ წინ მალის ფიციტ
 გავიერთძალეთ სული და გული,
 რომ სიკვდილამდე ერთს მეორესთან
 აღარა გვქონდეს რამ დაფარული!
 ჩვენს ფიცსა და მტკიცს, საშვილიშვილოს,
 დაშრილებდა „ქყონდიდი“ — მუხა!...
 ზეცამაც თვისი დაგვრთო თანხმობა:
 ცამ გაიელვა და დაიჭუხა!...

გამოსვლა მე-3-ე

მედია და იასირ (შემოიჭრება)

იასირ

მედია, მზად ხარ?

მედია

აი, მოვდივარ!

იასირ

მაშ, მალე!... მალე! ნუ აგვიანებ!...

ეტლი მზად არის და შენს თეთრ ჯორებს¹⁷

მე თვითონ გაერეკ და გავაქანებ!

გამოსვლა 80-4-0

(ისინივე და წინ შემოეფეთებათ სახლთხუცესი).

სახლთხუცესი

სად მიბრძანდებით?

იასირ

სად და საყდარში!

ვერ ხედავ, კიდეც გვიგვიანდება?! (მიდიან)

სახლთხუცესი

ჩქარა დაბრუნდით, თვარა, ხომ იცით,
მალე ბატონიც გამობრძანდება. (მიიხედ-მოიხედავს)
კარისკაცები ჯერ არ მოსულან,
და ბატონი-კი არ აგვიანებს!...
სჩანს, უჩვეულო რაღაც აშფოთებს!
ენახოთ, რას გვეტყვის და რას გვიბრძანებს!
სუ!... მობრძანდება!...

გამოსვლა 80-5-0

ისე და იათა, გეჭადა და თირთა

(გამობრძანდებიან მსლებლებით. კარისკაცები შემოვლენ სხვადასხვა მხრიდან. იათა
გეჭადა და თირთა ტახტზე დაჯდებიან. ორივე კუთხით-კი ღირსეული. სხვები
ზეზე დგანან)

იათა

ააა! სახლთხუცესო!

ახალს რას გვეტყვი?

სახლთხუცესი

კარგად მყოფობას!

ღმერთებმა ძლევა ნუ დაუღიონ
თქვენს ბატონობას და თქვენს მეფობას!...

იათა

არა იცი-რა?

სახლთხუცესი

ჯერ არა, მაგრამ

ამბის შემტყობი გაგზავნილია...
აწ, სადაც არის, უნდა გიახლოსთ
და მოგახსენოსთ, რაც ნამდვილია!

იათა

უმძველია, გუშინდელსავე
 ძღვეამოსილი დაგვიბრუნდება!
 თქვენ, დიდებულნი! წინ მიეგებეთ!
 შეასხით ღირსი ქება-დიდება,
 რომ საკრავების სხვადასხვა ხმები,
 ერთ სალხინო ხმად შეხავებული,
 ცამდის უწევდეს და ტკბილად სძგერდეს
 მისი გამგონე ამ ქვეყნის გული...
 შედგენ სერებზე მეგანგაშენი,
 საკიდისკიდო დასცენ საყვირი
 და მთელ სამთავროს შეატყობინონ,
 რომ მოგვევლინა სასიძოდ გმირი!...
 გმირი, რომელიც უძღვევლ ძალთა
 დაიმორჩილებს და ითაყვანებს!

სახლთხუცები

(რომელიც ერთ კარისკაცს ეწურობოდა)
 აგერ, მთხრობელი კიდევ გზლებიათ!

იათა

შემოიყვანეთ! რას აგვიანებს?

გამოსვლა მ-6-ი

ისინივე და მთხრობელი

იათა

შენ ხარ მთხრობელი? აბა, რას გვეტყვი,
 რომ მოვისაჯოთ სამახარობლო?...
 ჩვენი სასიძოს გმირულ განზრახვას
 კეთილი მოჰყვა, თუ ცუდი ბოლო?
 რამ დაგაბუნჯა?! ენა ჩაგვარდა?...

მთხრობელი

უბრძანეთ, მომქრან ცოდვილი ენა!...

გეჭადა

როგორ?! გვიმტყუნა განა დღეს ბედმა
 და გაგვირისხდა ბრწყინვალე ზენა?!

იათა

დამარცხდა?

მთხრობელი

არა, ჩემო ხელმწიფე!

იათა (შემკრთალი)

მაშ გაიმარჯვა?! რა სათქმელია!

მთხრობელი (წყენით)

რაც, დამსწრეს, ჩემის თვალით მინახავს,
 ბატონო, რაღა საეჭველია?

მამაცს, შეჭურვილს საგმირთაგმიროდ,
 გვერდში მისდევდა ვილაც დამკვრელი,
 მის ჩანგის ჟღერამ და ტკბილმა ჰანგმა
 მოხიბლა, შეჰკრა მთლად მთა და ველი!
 შავი მოზერების მოსახიბლავად
 მან თეთრი ძროხა წინ წაიძლოლა,
 და მათაც, ვნებით დაქანცულგმა,
 ველარ შეიძღეს რქენა და რჩოლა!
 მხეცებს დაუცხრო მან გულის წყრომა,
 მოინადირა და მოცახიბლა,
 და იაზონმაც სწორედ ამ წამით
 ისაშუალა და ისარგებლა... (სიჩუმე)

იათა

და გველეშაპი?

მთხრობელი

ბურთი ესროლა,

ლურსის გუდათი გამოტენილი,
 და, რომ ებღღვირა ძილის წამალი,
 მას მოერია სამი დღის ძილი.

იათა (შეშფოთებულად, მრისხანედ)

აქ ლალატია! წყეულიც იყოს
 ჩემი ორგული!... გამცემი ქვეყნის! (მოვა გონებაზე)
 და გამარჯვებულს მეტი რა ეთქმის?
 ასრულდეს მისი აზრი დიდი ხნის!...
 სჩანს, რომ ღმერთებიც მისიკენ ყოფილან
 და ნდომებით მისთვის მელდია...
 ყოველი საქმის ბოლო-გვირგვინი
 ამ ქვეყნად მხოლოდ ვარსკვლავ-ბედია!...
 სად არის გმირი?

მთხრობელი

ის გაემგზავრა,

მხოლოდ სამშობლოს მადიდებელი...

წაიღო კრავი და მასთან ერთად

მთელი საუნჯე შესაკრებელი...

(საზოგადო აშუოთებაა, ყველანი ზეზე წამოცვივდებიან)

იათა (სასოწარკვეთილებით)

ვაი, სირცხვილო!... მთელი კოლხეთი

გახდა ბერძნების აწ სასაცილო!

ამ სასჯელს განა ის არ მერჩია,

რომ ვყოფილიყავ სულაც უშვილო?!

(თირთას) დაო! შენს გარდა იცოდა ვინმემ

ჩვენი სასახლის ის... ს:იღუმლო?

თირთა

მხოლოდ მედიამ და სხვამ არავენ,

ვით მცნება, მარტო საუფლისწულო!

იათა

მედიამ?! წადით, ეხლავ მომგვარეთ!...

რატომ არ არის აქ იასირი?

მთხრობელი

იმ ბერძენს გაჰყვა! იმასთან თურმე

სამმო-სამოყვროდ შეუყრავს პირი...

იათა

მდევარი!!

მთხრობელი

კიდევ გამოვუყენეთ.

მაგრამ დაბრუნდენ ხელკარიელი!...

იათა

ჩქარა!... მომგვარეთ! შემოიყვანეთ!

რა ანბავია, გავიგო!... ველი!... (შემოჰყავთ მდევარი)

ვეტყობათ, მტერი გაგიწყვეტიათ,

რომ ტყვეს ვერ ეხედავ ჩემთან მოყვანილს!!

ჰმ?! რას გაჩუმდით? კრიკა შეგეკრათ?...

რატომ არ გახსნით მაგ ჩასამტვრევ კბილს?!

მღევარი

ჩემო ხელმწიფე, როგორც გავიგეთ,
 დაუყოვნებლივ მივდიეთ კვალში,
 მაგრამ გაგვასწრეს. აუშეეს ნავი
 და შეაცურეს შუაგულ წყალში.
 ჩვენ სანამ კიდეს მივადგებოდით,
 დაეშვენ წყალ-წყალ, იხვივით ცურვით!...
 ჩვენ დავრჩით ხმელზე ხელცარიელი,
 ტირილით, მოთქმით, ვაით და ურვით...

გამოსვლა მ-7-მ

ისინივე და ქალიშვილები (შემოდინან)

ქალიშვილები

ვძებნეთ მედია და ველარ ვნახეთ!
 იქ სალოცავში აღარ დაგვიხვდა...
 მასთან ძუძუდაც აღარსადა სჩანს!
 ძიძაც ბევრს ჰფიქრობს და ვერას მიხვდა!...

მღევარი

მედია ნავში იჯდა მტირალი,
 თმა გაეშალა... უწუხდა გული!...
 ძუძუდაც თავზე დასტრიალებდა
 და აბრუნებდა, გამწარებული.

იათა

განა მედიაც მოუტაცნიათ?!

გექადა

რაში არა ჰგავს?... ვინ იფიქრებდა?!
 ნებაცოფლობით რომ გაჰყოლოდა,
 რათ იჯავრებდა და იტირებდა?

მღევარი

იასირს ჰგლოვდენ!...

ხველა

როგორ თუ ჰგლოვდენ?! (გაკვირვებით)

მღევარი

აღელვებულ ზღვის დასამშვიდებლად
 თავისიანი რომ ვერ გასწირეს,

იასირ დასდევს ბერძნებმა მსხვერპლად:
 ჩაეგდოთ წყალში... ჩვენც შიგ შევეცურეთ,
 რომ სულთამბრძოლი გამოგვეყვანა,
 მაგრამ, დეზბედით და მკვდარი იყო,
 ყელში გაერჭოთ მსხვერპლისთვის დანა!
 თან წამოვიღეთ... (შემოაქვთ საკაცებე დადებული)

გეპალა

ვაიმე, შვილო,
 თუ მამიშენის წყევლამ გიწია!!
 აღარც დედაშენს უნდა სიკოცხლე...
 ისიც შენთანვე დასამიწია!! (უნდა გადავარდეს, მაგრამ ქალე-
 ბი ექერენ. ეხვევიან გარს და აბრუნებენ გულშეწყურებულს)

იათა (ხარდაცემული)

მიმტყუნა ბედმა და მომდგენ მკაცრად
 ცისა და ქვეყნის ძალთაძალები!!
 ეს დასადგომი და დასაშრეტი,
 ამას რას ხედვენ ჩემი თვალები?!
 მნათობთამნათო! ყურს რათ იყრუებ,
 როდესაც გესმის ლოცვა-კურთხევა,
 და ელვაზედაც უსწრაფესი ხარ,
 თუ გაიგონე კრულვა და წყევვა?!
 რათ შეისმინე უკნური სიტყვა,
 კოდვილი პირის გამონათქვამი?
 და წინ დამიდევ ცეცხლმოსადებად
 უსუსურ ბაეშის საბრალო გვამი?
 რაღა ვარ ახლა და რაღა მქვიან:
 ცაში გარისხულს, ქვეყნად უპიროს,
 უძღურ-უღონოს და უსისხლ-ხოროკოს
 სასომიხდილსა და უშვილძიროს?!...
 სიკვდილი მხოლოდ ჩემდა ნუგეშად!
 (უნდა მახვილი ჩაიკეს შეაჩერებენ)
 მაგრამ რას ვამბობ? რა საჩქაროა!...
 ჯერ შური... შური!... შურისძიების
 დამაცხრობელი სისხლის წყაროა!...
 სიკვდილი ბერძნებს!... მუსრი საბერძნეთს!
 ხომ გესმის, მზეო, ყოვლად ძლიერო?!
 უნდა გავმზნევედე... ვიკოცხლო, გავძლო,
 რომ გადვუხადო სამაგიერო!...

ვინ სთქვა, ნეტავი, ჩემი სიბერე,
ჩემი სისუსტე და უძლურება?
არა!—ვგრძნობ, ძალა მიორკეცდება
და ვყმაწვილდები!... სიბერე ჭრება!...
ვინ არის მეფე ზღვათა და ხმელთა,
იათა მთავარს რომ შეეძაროს...
გადააქარბოს შურისძიებით
და უკიდო ზღვად სისხლი დაღვაროს?!
მალლით მთიებსაც-კი ეხარბება
ამქვეყნიური ჩემი დიდება!...
და მე ვასწავლი, თუ როგორ უნდა
სისხლის აღება!... შურისძიება...
ვამ საბერძნეთს, ამიერიდან...
დედებს ამის დღეს რომ დავაყენებ! (ათითებს გეჭადას)
მამებს ჩემსავით გულს დავუთუთქავ
და მკედრებს საფლავში არ მოვასვენებ!...
ხა-ხა-ხა-ხა-ხა!... თქვენ, კოლხელებო!
გესმისთ?—მზადა ხართ? ხელი მშვილდ-ისარს!...
ქვეყნის გაწყვეტით და აოხრებით
შეუპოვარი ზეცას დავცემ ზარს!...
შვილებო, თქვენ ხომ არ გეწყინებათ?
დამეთანხმებით თქვენც, იმედია...
ხომ გესმის კარგად, შვილო ისირ?!
ხომ გაიგონე, ჩემო მედია?!
ხა-ხა-ხა-ხა ხა!...

თირთა

ციურნო დასნო!...
უბედურებამ ხელი დარია!...
ვამ მას, ვინც რომ არ ურევია
ალარც ცოცხლებში და არც მკვდარია!...

იათა (არვულაჟ, თირთას)

ხომ გრძნეული ხარ შენ, თირთაია,
ყოვლის მოქმედი და შეძლებელი?
მიცვალებულის სულის ჩამდგმელი...
ცოცხლის გამთირავ-გამქვევებელი?
გამოიჩინე ამ შავი დღისთვის
საქირბოროტო ძალა, გრძნეული,

რომ მტერს ხმელეთი ზღვად გადაექცეს
 და ზღვა დაუხედეს გაქვევებული...
 შიგ მოჰყვეს მტერი და მოლალატე...
 (ფედრებით) გადარჩეს მხოლოდ ჩემი ასული!...
 ჩემი შედია! და იასირსაც
 ხელმეორედვე ჩაუდგი სული...
 ხა-ხა-ხა-ხა-ხა!...

თირთა

ვია ამ სიცილს!...

იათა

მალე!... რას უცდი!... არ გინდა განა?
 მაშ, ჩემს ღალატში შენც გარეუღბარ!
 მახვილი გულში და ყელში დანა!... (მიაშურებს მახვილით)

თირთა

იქით!... შეჩერდი, შე უბედურო!...
 მახვილი გინდა ჩემზე იხმარო?...

(მისჩგრებიან თვალებში და ღელავენ. იათა მახვილი გადაადგდებს და ძირს ეცემა)

აი, შემთხვევა მოულოდნელი,
 საუბედურო და სამწუხარო!... (თავისთვის)
 სწავლა და ცოდნა, რაც კი ამ ქვეყნად
 ჰქუა-გონების განაწონია,
 ბრბოს სათვალთმამაჰკო და საგრძნელო
 მიუწოდომელი რამე ჰგონია!...
 მე შემძლია, ვთქვათ, ჩემდა თავად
 ეს მომაკედავი გამოვაბრუნო (ათითებს გვექადას)
 და კარგის მოვლით და ხელშეწყობით (ათითებს იათას)
 გადარეულიც ერთ ღროს ვაკვურნო...
 მაგრამ ვინ მომცა იმდენი ძალა,
 რომ მე შევშალო წესი ბუნების:
 აქ გავაცოცხლო მკვდარი იასირი
 და იქ დიდება დავცე ბერძნების?
 (მიუბრუნდება კარისკაცებს)
 თქვენ, კოლხელებო!... წაიღეთ მკვდარი!...
 გადაუხადეთ რიგი და წესი!
 ოქრო და ვერცხლით შექედეთ მუხა,
 მრავალშტოვანი და უდიდესი,

ზედ ჩამოჰკიდეთ უსულო გვამი ¹⁸,
 რომ ყოველის მხრით სცემდეს ნათელი!...
 და გლოვის ნიშნად, ჩვეულებრივად,
 ტანთ შეიმოსეთ მხოლოდ წითელი!...
 წინ წაუძღოლეთ კაბდელთა დასი
 ზორვით, კაბდურით, საყვირ-განგაშით,
 რომ მით მალლა ცა დაკმაყოფილდეს
 და დედამიწა აქ ძრწოდეს შიშით!
 ჩამოიწყვიტეთ ყველამ საკინძი!...
 „ჰოი, შაფდილაე“ დასძახეთ ზარად
 და მეც მოვიგლეჯ ჩემ თავსაბურავს
 ნიშნად გლოვისა მარად და მარად!...

(მოიგლეჯს საბურავს, გარედან გალობის ხმა მოისმის. შემოაქვს „ზარა-
 ვანდედი“ და უკან ზორვითა და აწიებულ კვარებით კაბდელები მოსდევენ. ხალ-
 ზი ნელ-ნელა თავდაღმა ემხობა)

ფარდა ნელ-ნელა ეშვება.

ავტორის უანიშნავი

1. ისტორიის წინასწართქმულობისა და მითების სამშობლოდ საზოგადოდ საბერძნეთია ცნობილი.. უმეტესობა დღემდისაც დაჯერებულია, რომ ისინი შექმნა ელლინების აღტყინებულმა ფანტაზიამ და მერე გადმოსცა მთელ კაცობრიობას. მაგრამ ჩვენ-კი დარწმუნებული ვართ, რომ, პირიქით, ბერძნებმა გაიტანეს სხვა ქვეყნებიდან სულ სხვა ხალხების ამბები, შეისისხლხორცეს, თავისებურად გადააკეთეს და ფერცვლილი უკანვე დააბრუნეს. ამას ნამდვილად გვიმტკიცებენ, ხვათა შორის, ძველისძველი მითები „პრომეთეოსზე“ და „იაზონ-მედეიაზე“. ერთიცა და მეორეც ჩვენი ქვეყნის შვილია: აქ შობილან, აქ გაზრდილან და კოლხეთით ასე გადასულან ზღაპრულად ელლადაში. ავიღოთ პირველი: ბერძნების სიტყვით, „მთავარღმერთისაგან“ ურჩობისთვის გარისხული პრომეთეოსი კავკასიის ქედზე იყო მიბმულ-მიჯაჭვული. მიჩენილი ჰყავდა მტანჯველად ქორი, ანუ ორბი, რომელიც გულ-ღვიძლს უწიწკნიდა, მაგრამ გმირი არ კვდებოდა; წყლული უმთელდებოდა, რომ ხელახლად ევლიჯა მის ჯალათს — უზარმაზარ ქორს — და საბრალო ტყვის სატანჯველს დასასრული არ ჰქონოდა. ეს ამბავი საქართველოში, მთელ კავკასიაში სხვადასხვა ვარიანტებად მოდებულა, განსხვავება მხოლოდ ის არის, რომ აქ პრომეთეოსს ამირანი ეწოდება. ბერძნულად სიტყვა „პრომეთეოსი“ ნიშნავს „შორსმჭვრეტელს“, აქაც ამირანს „შორსმხედველობას“ აწერენ: „ცაში არა გამოეპარებოდა-რა და ქვესკნელში ჭიანჭველებს ხედავდაო“, გვარწმუნებს ზეპირგადმოცემა. ბერძნები აღარ ამბობენ, თუ რა მანქანებით უმთელდებოდა წყლული პრომეთეოსს; ჩვენში-კი უფრო სრულად არის გადმონაცემი: ერთი ვარიანტი ამტკიცებს, რომ პატარა ფინია ძალი ულოკავდა წყლულს და ურჩებოდაო. მეორე ამბობს, რომ ქორის შემდეგ ყოველთვის ფასკუნჯი მიდიოდა, ფრთას უსვამდა და ჰკურნავდაო. ბერძნების გმირი დაუბმელი დარჩებოდა, რომ ხერხიან კოკლ გეფესტს — ერთ ღმერთთაგანს — არ შეეყარა მისთვის ბორკილი. ჩვენს გმირსაც ვერაფერს მიაკრავდა ქედზე, რომ არ გამოჩენილიყო ერთი გრძნეული კოკლი მჭეველი. ამიტომაც საზოგადოდ მჭედლებზე გარისხებული ამირანი დღესაც ცდილობს, რომ თავი აიშვას, აიწყვიტოს და, რაც ქვეყანაზე მჭედლებია, ერთად ყველას

მუსრი გაავლოს... ეს ისე სწამსთ, რომ დღესაც კიდევ მკედლები ჩვენში დიდ-ხუთშაბათს დილას სამკედღურში უზმოდ და უბრად სამჯერ ზედიზედ ურტყამენ უროს გრდემლზე, რომ ამირანის საჯაქვო პალო ყოველწლობით გაამაგრონ ხოლმე და თავი არ ააშვებინონ.. ბერძნის წყურღები ამტკიცებენ, რომ პრომეთეოსი ამარანტის მთაზე იყო კავკასიაში მიკრულიო. მესამე საუკუნეში ქრისტეს წინ აპოლონ როდოსელი ამტკიცებს, რომ მდინარე ფაზისი ამარანტის მთიდან გადმოდისო, სადაც პრომეთეოსი იყო მიბმული. რა მთა არის ეს ამარანტა, ბერძნებისაგან მოხსენებული, რომ დღეს აღარ ვიცით? ეს ის მთა არის, რომელსაც ჩვენი ზეპირიტყვაობა „ამირან-მთას“ ეძახის და სადაც ამირანი იყო მიბმული. აღარ გამოვუღვებით წვრილმან რამეებს: ჩვენი აზრის დასამტკიცებლად, რაც ითქვა, ისიც საკმაოა. — ნეორე ამბავი „იაზონ-მედიაზე“ კიდევ უფრო ამტკიცებს ჩვენს აზრს თავისის უქველობით. ელლინების გმირმა, თესალიის ბატონი შვილმა იაზონმა, შეჰყარა გმირი ამხანაგები, გააკეთებინა ნავი „არგო“ და წამოვიდენ კოლხიდისაკენ, ვითომც-და მათი ქვეყნიდან დაკარგულ ოქროსმატყლოვან ვერძის საძებრად. შემოცურეს ფაზისის მდინარეში შავი-ზღვით. იმ მდინარის პირად იყო საუცხოვო ქალაქი გაშენებული, რომელსაც „ეა“ ეწოდებოდა. იქ იჯდა მეფედ „აეტა“, ჰყავდა ერთი ქალი „მედია“, გრძნეული მამიდის გაზრდილი. იმ მამიდას ერქვა სახელად „თირთეია“ ანუ „ციროცეია“; ამან ასწავლა თავის გაზრდილს ძმისწულს, მედიას, გრძნეულობა და სხვადასხვა სამკურნალო, თუ საწამლავ ბალახების ხარშვა... აქვე, აეტის სამთავროშივე, იმწყსოდა ის ოქროსმატყლოვანი ვერძი, რომლის საძებნელადაც იყო იაზონი წამოსული. იაზონმა მედიას დახმარებათ მოიტაცა ის ვერძი და მედიაც თან წაიყვანა ცოლად. ამ ბერძნულ გადმოცემაში, როგორც ადგილს-სახელები, ისე თვით ქალაქებისაც, ერთი ყურის მოკვრით უცხოა, მაგრამ, თუ ჩაუკვირდებით, გამოდგება, რომ ყველა ჩვენებურია, „ქართული“, მხოლოდ მათებურად, ბერძნულად, გადაჩქორთულებული. რა წყალია ეს ფაზისი, რომლის დღეს ხსენებაც აღარსად არის?... — რა და რიონი, რომელიც ფასის მთიდან გამოდის და რომელსაც იმ სათავეში დღესაც ფასის წყალს ეძახიან. აქ გადასხვაფერებულიც არა არის რა. ბერძნული „ფაზის“ იგივე „ფასის“ არის. — რა იყო და რა ქალაქი იყო ბერძნების „ეა“, სადაც წლის განმავლობაში მცენარე ჰყავოდა? — ნაქალაქევი, ანუ ზღაპრული „იას“ ქალაქი, ის „იას“ ქალაქი, სადაც, ზღაპრის სიტყვით, „ღვთისაყარ“ მონადირე მივიდა და ნახა, რომ ზამთარში იქ ია და ვარდი იშლებოდა. — ბერძნული „ეა“ და ჩვენებური „ია“ ერთი და იგივე უნდა იყოს. ვინ არის „აეტა“ მეფე? — კოლხეთის მთავარი,

იას ქალაქში მჯდომარე „იათა“ მამასახლისი. ამგვარ შემთხვევაში ქართული ენის თვისებაა მრავლობითი რიცხვის ხმარება. თავის დღეში არ იტყვის „ზღვის მეფეო“, „ხმელეთის მეფეო“ და სხვანი ამბობს: „ზღვათა მეფე“, „ხმელთა მეფე“, „ვარდთა მეფე“, „იათა მეფე“ და სხვანი. „აეტა“ და „იათა“ ერთი და იგივეა. ცირცვია და თირთვია ერთი და იგივეა, რადგანაც უცხოელები „თანს“ „სანად“ გამოთქვამდნენ ხოლმე. მაგალითად, პლინიუსი, 29—79, ამბობს: კოლხიდაში არის ერთი მდინარე ცირუსი, რომელსაც ადგილობრივი მცხოვრებნი ცირის წყალს ეძახიან, შიგ რაც უნდა ჩაადლოთ, გაქვადებთ. ეს წყალი დღესაც არის შორაპნის მახრავში, ქიათურის მახლობლად და ისევ იმ თვისების მექონეა. თირი ძველებურ ქართულად ქვა არის, გათირვა—გაქვავებას ნიშნავს. იათას დასწამებდნენ გრძნეულობას, რომ ადაპიანის, როგორც განკურნება, ისე გათირვა-გაქვავება შეუძლიაო, და ამიტომაც დაურქმევიათ თირა, ანუ თირთაი. ადვილი საგულისხმოა, რომ ეს ორი სიტყვა: თირთაი და ცირცვია ერთი და იგივეა. ამგვარადვე აიხსნება სახელი მედიაც. სიტყვა „ქალი“ მხოლოდ მერვე საუკუნიდან შემოსულა ჩვენში. არაბულად „ქალიმ“ ნიშნავს დედაკაცს, მანამდის ქართულად დედაკაცს „ღია“ ერქვა. აქედან წარმოსდგება სიტყვა: „ღიასახლისი“ და კინობითი „ღიაცი“. ჯერ კიდევ დღესაც ბევრს შეხვდებით ჩვენში, რომ „ქაცვია“ ანუ „მეგვარკაცი“, „ქალია“, ანუ, „მეგვარქალი“ ერქვას.—და თუკი „მეგვარქალი“ შეიძლება სახელად, რატომ „მედიაც“ კი არ შეიძლებაოდა, რომელიც ერთსადიამავს ნიშნავს? ჩენი „მედიაც“ „მედეად“ გადაკეთებულა ბერძნულად. რომელი ერთი მოეთვალათ? რაპდენი რამ არის ბერძნებისაგან გადათარგმნილი ანუ გადაკეთებული ქართულიდან: მაგალითად, ჩენი ქვეყნის ერთი მდინარეთაგანის ბერძნული სახელი „ჰიპიუს“, იგივე ცხენის-წყალი არ არის? ის „ქვენაქრი“, რომელიც დასავლეთით უბერავს კოლხიდას, ე. ი. ჩენს „კოლხეთს“, იგივე „ქვენაქრი“ ანუ ქვენაქარი არ არის? „მოლი“, სამკურნალო ბალახი, რომელსაც მედია აგროვებდაო, იგივე ჩვენებური მოლი არ არის?... ძილისმომკვრელი წაშალი მცენარეო... იგივე ძილისგულდა სოკო არ არის, ჩენ რომ ვეძახით? და მეგრელები კი ლურსის გუდას ეძახიან, რადგანაც „რული“ ანუ „ლური“ ძველებური ქართულია და მკირე ხანს წაძინებას ნიშნავს! ამგვარ რამეებს რომ გამოვუდგეთ, შორს წაგვიყვანს და ამიტომ ჯერ თავს ეანებებთ უფრო დაწერილებით გამოკვლევას! ჩენ გადაწყვეტილი გვაქვს „მედიას“ ტრილოგიად დაწერა: „მედიაც კოლხიდაში“, „მედიაც ელლადაში“ და „მედიაც სამშობლოში დაბრუნებული“. როცა სამივეს ერთად გამოვცემთ, მაშინ უფრო ვრცელს გამოკვლევას ჩავუტო-

თავთ ზემოთქმულის შესახებ და დღეს-კი მხოლოდ იმას შეგნობა შეგნობა რაც საჭირო იქნება ამ პირველი ნაწილისთვის...

2. როცა გამწარებული ამირანი ჯაჭვის გაწყვეტას და თავის აშვენას მოინდომებს და გაინძრევა, მაშინ იძვრის ხოლმე დედამიწა-ცო, — ჭფიქრობდენ ძველად კავკასიელნი.

3. ძველად კოლხელები ცის მნათობებს აღმერთებდენ და მთიებსა სცემდენ თავყვანს, მაგალითად: მზეს, მთვარეს, ვარსკვლავთ გუნდს. ცის ბურჯებს, დილას, განთიადს და სხვათა. მათ-მათ შესაფერად უგალობდენ ლოცვის დროს: „მზეშინას“, „თინას“, „ოდილას“, „შავდილას“ და სხვა. ეს მაშინდელი მათი საგალობელი დღესაც სიმღერად არის ჩვენში დარჩენილი.

4. კერპთაყვანისმცემლობის დროს მოუციარს კერპის წინ ჩამოკიდებულ ზვარაკსათვის ტყავი უნდა გაეძრო, ანუ ანთებული ლამპარი გაეძრო სულის შებერვით: „ფუ“-ო უნდა შეებერა სული... აქედან წარმოსდგა სიტყვა „ფუცი“, ანუ „ფიცი“ და აგრეთვე ხატებისა და სალოცავების ჩამოტყავება, რომელსაც ხალხში დღესაც ხშირად ამბობენ.

5. ორთეოზ, საბერძნეთის გამოჩენილი მესაკრავე და მომღერალი, რომელიც ყოველგვარ ცხოველ არსებას ჰხიბლავდა. იაზონ რომ კოლხეთისკენ გამოემგზავრა, თან იახლა და ისიც არგონაველებში ერიაო.

6. აქ ზოდიაკები, ანუ ცის ბურჯებია დასახელებული. „არეი“ ანუ „ვერძი“ განსაკუთრებით სალოცავი იყო კოლხელების და მართო მის სახედ ჩამოსხმული ოქროს ვერძი ედგათ ბომონში. — მოსი. სხლე ღმერთად უწოდებდენ „მარებს“ და ეჯერათ, რომ ის, თუმცა მრისხანე იყო, მაგრამ მასთანვე თავმდაბალი და მათ „ვერძს“ მწყემსავდა ცის ლაქვარდში.

7. პინდარი, 522—442 ქრ. წინეთ: არგონაველები შევიდენ ფაზისში და იქიდან აეტის სამფლობელოში.

8. აპოლონ როდოსელი, 250—200 ქრ. წინეთ: გზაში არგონაველებს თავს დასტრიალებდა, როცა კავკასიის მთები გამოსჩნდენ, ერთი უზარმაზარი ქორი, რომელმაც ნავი „არგო“ დაჩრდილა. ის იყო პრომეთეოსის მტანჯველი ქორი.

9. ძველად ეჯერათ, რომ ვისაც უეტრად ორბი თავზე დააჯდებოდა, — მეფობას იშოვნდა.

10. ნადირობის ქალღმერთი ბერძნებისა.

11. ხალიბები ბერძნულად და ჩვენებურად — ქლიბები, ქართულად — ტომის ხალხი, კოლხეთში ცხოვრობდენ ერთ ხეობად. ყველაზე პირველად იმათ დაიწყეს რკინის ხელობა. ესხილი (525—456 ქ. წ.) აი

რას ამბობს მათზე: „პონტის მარცხენა მხარეზე ცხოვრობენ რკინის მოხელე ხალიბები. აკეთებენ რკინის იარაღს, რომელსაც ქლიბი ჰქვია და მოაქვთ ელლადაში გასაყიდად“. ამასვე ამტკიცებს არიან ნიკომიდიელი: ყველაზე აღრე ხალიბებმა შეისწავლეს რკინის ხელობაო. დღესაც არის ისევე ჩვენში, რაქის მახრაში, ერთი მთა, გული რკინის მადნისა აქვს და უხსოვარი დროიდან მცხოვრებნი მკედლობის მეტს არას აკეთებენ. ამ მთას ჰქვია „წედისი“ ანუ „ქედისი“.

12. ფსევდო-პლუტარხი: კავკასიაში იზრდება პრომეთეოსის ბალახი; როგორც კლენტი ამტკიცებს, მედეია ამ სამკურნალო ბალახსა ჰკრეფდა. კლავდი კლავდიანი, ჰმნ ქ. შემდეგ: მე კარგად ვიცი ზოგიერთ ბალახებისა და მკენარეების შხამიანი წვენი, კავკასიაში რომ იზრდებიან. იმას აგროვებდენ სასტიკი მედეია და ცბიერი ცირკეია.

13. პოლიდორი, 140 ქ. წ.: პელეოსი ურჩევდა იაზონს, რომ ის წასულიყო კოლხიდაში ოქროსმატყლოვან ვერძის საძებრად.

14. კაბდელეზს ეძახდენ ჩვენში კერპობის დროს მღვდლებს. ისინი ზორვის დროს, ე. ი. კმევის დროს, ჰგალობდენ. იქიდან წარმოდგა ჩვენებური სიტყვა „ზარი“ და „კაბდური“, რომელსაც დღესაც კიდევ აქა-იქ სამეგრელოში მღერაინ.

15. მთვარე სიყვარულის ღმერთად მიაჩნდათ და საცოლ-ქმრო პირობებსაც ძველად მის წინ სდებდენ.

16. აპიან, 150 ქ. წ.: ადგილობრივი მცხოვრებლები კოლხიდაში ცხვრის ტყავებით იჭერდენ ოქროს სილას და ეს იყო ოქროსმატყლოვანი ვერძი.

17. აპოლონ როდოსელი, 250—390 ქ. წ.: როდესაც კი შენიშნა მედეიამ ცისკარი, დაიწნა თმები, იცხო სუნნელება და ჩაიცვა ძვირფასი ტანსაცმელი. თავი მოიბურა თეთრი თავსაბურველით, ტანზედაც სუნნელოვანი. ზეთი იცხო, იახლა თორმეტი მოახლე, შეაბმევიანა თეთრი ჯორები, ვითომდა გექადას საყუდარში სალოცავად მიდიოდა, მაგრამ გაიპარა და პრომეთეოსის ცრემლებისაგან შეხვეებული წამლებიკ თან წაიღო.

18. ძველად კოლხელები მხოლოდ ქალებს მარხავდენ მიწაში და მამაკაცთ-კი ხეზე ჩამოჰკიდებდენ ხოლმე. ამას ამოწმებს ელიანი და ნიკოლოზ დამასკელი.

კატარა-კახი

(1889)

პატარა-კახი

ხუმორქმედებიანი ისტორიული დრამა.

მოქმედი პირები:

კახეთის მეფე თეიმურაზ II.
დედოფალი თამარ, მისი მეუღლე.
პატარა-კახი, მისი ძე, მემკვიდრე.
გივი ჩოლაყაშვილი, პატარა-კახის გამზრდელი.
ლევან ქვაბულიძე.
რევაზ ბებურიშვილი.
მწყემსი.
მოხუცი ბრმა, გელად წოდებული.
ტურფა, მისი ქალი.
თედო რამაზიშვილი, რევაზის მსახური.
ელენე, ლევანის და.
ბადურ-კუტი.
მუშები,
შოკრიკები
და
ამალა.

მოქმედება პირველი

დიდი ტყე, წინ ვაკით. შორით უზარმაზარი მთები მოსჩანან, ერთ პატარა გორაზე
 ზის მწყემსი და სალამურს უკრავს.

გამოსვლა 1-ლი

მწყემსი

(ჩამოდის ვაჭრე და მარჯვნივ ტყისკენ იყურება)

დაიგვიანეს, ჯერ არსად სჩანან!
 მაგრამ სალამურს თუ მოჰკრა ყური,
 ანდამატურის ძალით გამოსწევს
 აქეთკენ მის გულს ხმა უცნაურა.
 (დაფიქრდება. ნაღვლიანის ღიმილით)
 ვინ ქვაბულიძე და ვინ მეცხვარე?!
 იქ, ბარში, ყველა ჩემი ტოლები
 მტრებში ვეფხვივით დანაეარდობენ
 და მე-კი ცხვარში აქ ვიმალები!...
 ისინი მტრის სისხლს ჰღვრიან უწყალოდ,
 ზიზღით ევსებათ მრისხანე გული,
 მე-კი ქალივით აქ ცრემლებს ვაფრქვევ
 და სიყვარულით მიძგერს გლახ-გული!...
 მერე როგორ დროს? მაშინ, როდესაც
 სხვა უდიდესი წინ გვიძევს ვალი!... (დაფიქრდება)
 მაგრამ ეს მოხდა ჩემს უნებურად,
 გულთამბილაყო, და არ მაქვს ბრალს!...
 კიდევ არ სჩანან... ეგებ წავიდენ,
 გაიარეს და ვერ მოვკარ თვალი?
 აჰ, ღმერთო ჩემო! ჯერ უმისოდაც
 დაბნეული მაქვს მე გზა და კვალი!
 (მიბრუნდება და მყვალს დაუწყებს კრფას)

გამოსვლა 80-2-რბ

ბრმა მოხუცი და ახალგაზრდა ქალი.

მოხუცი

აქ შევისვენოთ!

ქალი (აქეთ-იქით იყურება)

თქვენი ნებაა!

სწორი, ვაკეა... ჩრდილიც ყოფილა...

წამოწექ!... მუხლზე დამადევ თავი

და დაიძინე!... აქ კიდეც გრილა.

მოხუცი

მუხლზე? კი, მაგრამ რომ გეტკინება!

ქალი

მაშე ქვას მოვიტან... სადმე იქნება...

მოხუცი

აჰ! არა, შეილო, რა საჭიროა?

უსასთუმლოდაც დამეძინება (ჯდება).

საკვირველია, თითქოს გაგრძელდა

ეს პატარა გზა დღეს ერთიორად;

ამასთან კიდეც მხარიც მომექცა

და მომეჩვენა უსწორმასწორად. (ამოქნარებს)

ასე სკოდნია თურმე სიბერეს:

დააუძღურებს თვალებსა და ყურს...

ერთი ხანია ყურიც მიწივის,

თითქოს უკრავდენ სადღაც სალამურს!

ქალი (გაწითლდება)

ეგ, მამავ, მართლაც სალამურია.

მოხუცი

სალამურია?! მერე ვინ უკრავს

იმ დროს, როდესაც ურიცხვი მტერი

ამ ჩვენ ქვეყანას გარშემო აკრავს?!...

მაშინ, როდესაც ბარში ქვრივ-ობლებს

მტრები მუსვრენ და სარზე აგებენ,

აქედან ჩვენი ეს მთიულები

სალამურის კვრით უპასუხებენ?...

ქალი

მწყემსები უკვრენ და თავს იქცევენ:
 ხელში კომბლებით აქ უდგიან ცხვრებს.

მოხუცი

ეგ უკეთესი!... ვაჰ, ჩემს მოსწრებას!!
 რა ესმის ამ ჩემს დასადგომ ყურებს?...
 ამისთანა დროს იმ შერცხვენილებს
 რა ემწყემსებათ და რა ეცხვრებათ?!
 მაშინ, როდესაც იმათ მოძმეებს
 მძიმე ბორკილი ფეხში ეყრებათ... (დაფიქრდება)
 ეჰ, თეიმურაზ! რა მტყუანი ხარ,
 რომ მოაშურე ამ მთის სიმაგრეს
 და ბარელები ოხრად დაჰყარე,
 რომ არ უყურო იმათ სიმწარეს
 შენ რომ გულს იტეხ, მტერი თამამობს
 და შეუპოვრად ქართველს აძრობს ტყავს!...
 დამნაშავე ხარ!... მაგრამ მეფე ხარ
 და ვინ რას გეტყვის? ვინ რას მოგკითხავს?...

ქალი

კარგია, მამავ! მაგდენს რომ შევითავ,
 კიდევაც მიტომ არ გეძინება.

მოხუცი

მგზავრმა რა გითხრა? ქოშის გორამდე,
 მისასვლელი გზა შორი იქნება?

ქალი

არა!... ასე სთქვა: „აგერ არისო“,
 თუ მართალია და არ მოჭორა!... (სიჩუმე)
 მამილო! ვისი აგებულია
 და ან რათ ჰქვიან მას ქოშის გორა?

მოხუცი

ძველი დროების ამბავი არის,
 მე ზღაპარივით გამიგონია,
 და გეტყვი, შეილო, რადგანც სურვილი
 მაგის შეტყობის გულში გქონია:
 ამბობენ, ვითომც რომ თამარ მეფემ
 ერთ დროს არავინ ინახულაო;

ორმოცი დღე და ორმოცი ღამე
 აქ, შუამთაში, იმარხულაო.
 რომ გაიწმინდა სულით და ხორციით,
 ქოში გაიძრო მოქედლილო,
 აავსო მიწით და თან წაიღო,
 რომ დაენიშნა ის ადგილიო,
 სადაც ერთ დროში კახელ ყმაწვილებს,
 თავი დაედევთ წამებულადო,
 და იქ დაჰყარა ნაკურთხი მიწა
 ძღვნად და საკურთხად დიდებულადო.
 იმის მაგალითს სხვებზეც მიჰბაძეს:
 ყოველი კუთხით იწყეს დენაო;
 გაკეთდა გორა და ზედ თამარმა
 წმინდა ტაძარი ააშენაო.
 როდესაც თურმე პირველად სწირეს,
 მაღალმა მთებმა იწყეს დრეკაო
 და თამარ მეფეს, ნათლით შებურვილს,
 ზეცით მოესმა ზარის რეკაო!

ქალი

ნეტავი იმ დრ.ის და მაშინდელ ხალხს,
 რომ სასწაული თვალთ უნახავს!...
 მამილო! ახლა ქართველ ქალებში
 თამარისთანა აღარავინ გვყავს?

მოხუცი (იციწის)

რას ამბობ, შვილო? იმისთანები
 განა ყოველთვის იზადებიან?!
 ოცნებასავით სამაგალითო
 ვარსკვლავებივით ნათლად ჰქრებიან!...
 (სიჩუმეა. რალასაც იგონებს)
 სიტყვა უდროოდ გამაწყვეტინე!
 არ მაგონდება... შვილო, დავბერდი...
 ჰო, ქოშისგორა, ვის სახელზეა?
 ის უნდა მეთქვა... მაზე გავჩერდი...
 ტაძარი ყოვლადწმინდის სახელზე
 სულ ჩუქურთმებით აგებულია
 და სასწაულის მოსაგონებლად
 ხვალინდელი დღე დადებულია.

მეივალთ და ენახავთ იმ ძლიერ ტაძარს...
 გულს დაეიმშვიდებთ სიწმინდის ნახვით!...
 ჩვენც გვმართებს, შვილო, რომ სხვებთან ერთად
 ღამე ვათიოთ ლოცვით და მარხვით.

ქალი

მაგას რაღა სჯობს?! მაგრამ თუ, მართლა,
 ამაღამ ძილი არ შეიძლება,
 აქვე რომ ცოტა გამოიძინო
 და შეისვენო... რა გენალვლება?
 მეც ცოტა ხნობით ტყისაკენ წავალ,
 სოკოს მოძებნი, ან მოგკრფე მაყვალს.
 მაგრამ აქვე-კი ახლოს ვიქნები,
 არ მოგაშორებ არც ერთ წუთას თვალს.

მოხუცი

ჰო, კარგი, შვილო! მაყვალს კი ნუ სკამ,
 რომ დასუნთქული არ ჩაატანო.
 მანამდე მეც აქ თვალს მოვატყუებ,
 მაგრამ შენ კი არ დამავიანო. (მიწვება)

ქალი

(მიდის ტყეში და აქეთ-იქით იხედება).
 რა ამბავია, რომ აღარ მოდის?
 ამდენ ხანს რისთვის დაიგვიანა?
 რომ არ მოვიდეს? როგორ არ მოვა?
 ჩემს უნახავად დღეს გასძლებს განა?
 არა! კი მოვა, მისი ჭირიმე!
 მაგრამ, ვაი, რომ, როდესაც ვხედავ,
 გულში ბევრი მაქვს მასთან სათქმელი
 და პირადად კი ვერას ვუბედავ!...
 გული მიტოკავს და რაღაც ყელში,
 როგორც რომ ბურთი, ისე მჭრება...
 ენა მებმევა... ხმას ველარ ვიღებ,
 სიცხეს მაძლევის და პირი მიშრება!...
 ჩუ!... სალამური... სწორედ ის არის!...
 იშ!... შეხედვასაც რომ ვერა ვბედავ!...
 მაყვალს დაფუწყებ ჩემთვის აქ კრეფას,
 ვითომ არ მესმის!... ვითომ ვერც ვხედავ...
 (ზურგს შეაქცევს და მაყვალს დაუწყებს კრეფას)

გამოსვლა 3-ში

ისინივე და მწყემსი გამოდის მარჯვნივ

მწყემსი (მიუახლოვდება)

ტურთავ!

ქალი (შეერთება)

უიმე!

მწყემსი

რამ შეგაშინა?

მე ვარ, ვერ მხედავ, შენ გეთაყვანე?

ქალი

ჟეცრად შეეკრთი... აღარ გელოდი...
ამდენ ხანს რისთვის დაიგვიანე?

მწყემსი

მე კი არა, თქვენ დაგიგვიანდათ.
დიდი ხანია, რაც მე აქ ვიციდი.

ქალი

ვერ მოვატანეთ... გზა გაგვიგოძელდა.
რადგანაც განგებ ბევრჯელ გადავცდი.

მწყემსი

გადასციდი? რათა?

ქალი

როგორ თუ რათა?

ბრმა არის, მაგრამ არ ავიწყდება...
სულ იმ ერთი გზით რომ მოვიყვანო,
დაუკვირდება და მიგვიხვდება.
რაც შემიძლია, ვუბნევ გზა და კვალს!...
კიდევ კარგი, რომ გზა გამწრალია!...
ხან აღმა მიმყავს და ხან თავდაღმა,
ვატყუებ, მაგრამ შენი ბრალია!...

მწყემსი

შენ გენაცვალოს ჩემი სიკოცხლე,
რომ ჰკვიანი ხარ!... მოხერხებული!...
მაგნიარ ცოდვას ზეცაც არ გიწყენს...
თავდები არის თვით სიყვარული.

ქალი

მეც მაგრე ვფიქრობ, რომ ბევრს შეუნდობს
და აპატივებს კაცს სიყვარული...
მაგრამ რა ვიცი, რომ ამ ჩვენ ორში
ერთი არ არის მოტყუებული?
უფროსებისგან გამიგონია:
კაცები ქალებს აბრევიებენო
და, სიყვარულს რომ გაოსტყუებენ,
გულგრილად ხელსაც აიღებენო.

მწყემსი

ეგ მართალია!... მოხდება ხოლმე,
მაგრამ მე სხვა ვარ!... ნუ გამრევ მათში!...
მაშინ შემირცხვეს გეარისში... ჩემი...
ჩემი ბიჭობა და წვერ-ულვაში!...
(გამოივლევს ულვაშის ღერს და აძლევს)
აი, წაიღე! ეს სიყვარულის
საწინდარია!... შენ შეინახე!...
თუ გიღალატო, „ფუ!“ უთხარ, დამგმე!
შემარცხვინე და ცუდად დამსახე!
მამაპაპური ეს ჩვეულება
დღეს რჯულად არის გადაქცეული
და, ვისაც ქუდი ახურავს თავზე,
ვერ გასტეხს... თუ არ შეჩვენებული.

ქალი

არ ვიცი, რა ექნა? ერთი ხანია,
რალაცა ძალი გარს შემომედო...
ჯერ ვინაობაც შენი არ ვიცი,
მაგრამ გული-კი სრულად მოგენდო.
შენგან მოხიბლულს და დამონებულს,
რასაც-კი ამბობ, უიქვოდ მჯერა,
ამას გიმოწმებს დღეს ჩემი სახე,
ჩემი თვალები და გულისძგერა.
ახლა შენ იცი და შენმა ღმერთმა...
შენ მოგაბარებ ამ ჩემ გულისთქმას
და ჯერ, სანამდის ჯვარს არ დავიწერთ,
ისე გენდობი, როგორც ჩემ ღვიძლ ძმას!

მაგრამ მაინც მსუსრს, რომ შემოგფიქო...

(გამოიძრობს თმას, გამოსკვნის და აძღვეს)

აჰა, წაილე ჩემგანც საწინდრად!
 თუ დაგივიწყო, ჩააგდე ცეცხლში,
 რომ შეც დავიწვა და ვიქვე ნაცრად.

მწყემსი (აღტაცებით)

ოჰ, ნეტარებაე! სიტკბოების ზღვაე,
 გაუზომელო, სივრცით უძირო!
 თვით უკვდავების კამკამო წყარო,
 ჩემთვის ცისა და ქვეყნის კავშირო!...
 შენ შემოგველოს გარს ჩემი თავი!
 უშენოდ ქვეყნად განა-კი გავძლბ?
 ასი სიცოცხლეც რომ მქონდეს, ერთად
 შენ შემოგწირავ!... შენ დაგანაცვლებ!!
 (უპირებს მოხვევას)

ქალი (ხელსა ჰკრავს)

უი!... რას შერები?

მწყემსა

მინდა გაკოცო.

ქალი

ჯვარის წერამდის? ცოდვა რომ არი?!
 აჰ! არა! არა!... წადი... გამშორდი!...
 ვერა!... ჯერ, სანამ არა ხარ ქმარი...

მწყემსი (დაღონებით)

მოგშორდე? კარგი! შენი ნებაა...

ქალი (აღშფოთებით)

ჰო! წადი... წადი... მომშორდი მალე!...

(მწყემსი მიდის)

მიდიხარ? კარგი, მაშ იქ ამოდი...

ქოშისგორაზე... შენ გენაცვალე!...

მიდის!... წავიდა... არა, ნუ წახვალ!...

(მივარდება და მივკრის გულზე, შერე ისევ მოშორდება)

ოჰ, ღმერთო ჩემო, რა შემართება?! (ხელს ჰკრავს)
 ახლა-კი წადი!... ნულარ მოიციდი..

ნუ! ნუ! ხომ ჰხედავ? არ შეიძლება!..
 (თვლებზე ხელს იფარებს. მერე ისევ მობრუნდება)
 წასულა!... აგერ მთაზე გადადის...
 აი, მობრუნდა და იყურება...
 ნეტაე, რათ არის ერთს და იმავ დროს
 ტკბილიც და მწარეც ბედნიერება?..
 (ჩაჯდება, თავს ჩალუნავს, ხელებს მიიფარებს და
 ტირილი აუვარდება)

მოხუცი (წამოვარდება ზეზე შემ-
ფოთებულად)

რა ამბავია?... აქა ვარ, შეილო!...
 რა დაგემართა? რამ შეგაშინა?
 ძაღლმა ხომ არსად შემოგიტია!
 წყეულმა გველმა ხომ არ გიკბინა?

ქალი

არა, მამილო, არაფერია!..

მოხუცი

მაშ, შეილო, მაგრე რამ მოგაწყინა?

ქალი

მარტო რო დაერჩი, ჯავრმა წამილო
 და უნებურად გული მატკინა.
 მწარე ნალველიც, კრემლში ჩართული,
 თვალთ მომეჩქეფა, გადმომეწურა!...
 თვითონ არ ვიცი, რა ძალა იყო,
 რამ ამბატირა... კრემლად დამწურა!

მოხუცი

ჰმ!... სულ ეგ იყო, სხვა არაფერი?
 მივხედი!... ეგ, შეილო, არაფერია:
 სისხლი თამაშობს მოჭარბებული
 და გულიც მისგან ანაძკერია.
 მოგწყინდა განა? რალა თქმა უნდა:
 სულ მარტოობა ვის იამება?...
 მე ჩემს მომვლელად ამიყვანიხარ
 და შენ-კი გულა სხვას გეუბნება.
 შენი ყვავილი ახლა იშლება,
 ჩემი ფესვებიც კი დამზრალია

და ერთ უღელში რომ გაბმული ვართ—
 ეს, მე რომ ბრმა ვარ, მისი ბრალია!
 მაგრამ, ეჰ, შეილო, მოიცა ცოტა:
 ჩემი ცხოვრების გზა გავლილია,
 აწ, სადაც არის, მომიკითხავენ,
 ჩემი დღეები გამოთვლილია!...

ქალი

აბა, რას ამბობ?!... კიდევ ეგ არის,
 რომ მე მატირებს და სულს მიხუთავს!
 შენ გეპირვება ყურის მგდებელი
 და მაგისტანა კი არვინა გვყავს.
 მწყემსი რომ ჩვენ არ მოგვშველებოდა
 იმ დღეს, ძაღლების მოსაგერებლად,
 ხომ დაგვწიწკნიდენ სულ ლუკმა-ლუკმად
 და გავხედებოდით ყვავ-ყორნის მსხვერპლად?
 არა, მამილო, ქალი სუსტია,
 კაცის ოდნობას როგორ შეიძლებს!
 ნეტავი ერთი ვაჟი გყოლოდა!

მოხუცი

ეჰ, რათ მაგონებ დაკარგულ შვილებს?
 ვაი მათ მომგონს!... ვანა არ მყავდა,
 მაგრამ არ შემჩრა! გამიწყდა ყველა!...
 სამი ერთს ომში ერთს დღეს მომიკლეს
 და ეს თვალებიც მან დამიბნელა;
 ცოდვა არ არის, მე კიდევ ვიყო
 და ისინი კი?!... (ტირის. სიჩუმეა)

ქალი

ნეტავი ერთი
 ყმაწვილი ვინმე გეშვილებოდეს,
 რომ ჩემთან ერთად შენ ყურს გიგდებდეს,
 სულ შენთან იყოს! თავს გველებოდეს...
 მაშინ მეც..

მოხუცი

შენ რა? შენ რას იზამდი?...
 განიზიარე შენი გულისთქმა!

ქალი

იმას, რომ... მაშინ მეყვარებოდა
 შენი გულსთვის, როგორც ღვიძლი ძმა.

მთხუცი

ჰმ... მესმის! მესმის, თუ რა ღვიძლი ძმა!

ქალი

როგორ თუ რა ძმა?.. ეგ რა სიტყვაა?

მთხუცი

ვიცი, რაც არის! განა ვერ მიეხვდი?
 შენ რომ ძმას ამბობ, ის ძმა სულ სხვაა! (იციანს)

ქალი

იჰ, რაებს ამბობ! (მორცხვობით) რა დროს ეგ არის?
 მზემ შუბის ტარზე გადმოიხარა.

მთხუცი

მართლა? მაშ ახლა-კი დრო ყოფილა,
 აბა, ჰე, შეილო, წავედეთ ჩქარა! (მიდიან)

მოქმედება მეორე

გამოსვლა 1-ლი

(ტყიდან გამოდის პატარა-კახი და აღტაცებით იხედება აქეთ-იქით)

პატარა-კახი

ძლივს მარტო დავრჩი!... ოჰ რა კარგია
 სამოთხის ნიჭი, თავისუფლობა!!
 რად მინდა, რომ ვარ ბატონიშვილი?
 და რალად მიღირს უფლისწულობა,
 თუ ჩემს ნებაზედ ბიჯსაც ვერ გავდგამ?
 უნდა მივდიო ქვეყნის მაცდურ ხმას!...
 მძიმე უღელი დაედგა ჩემს სიყრმეს
 და შევაკვეცო ფრთები გულისთქმას!

(შორიდან სალამურის ხმა მოისმის)

ჩუ!... სალამური!... მწყემსია, სწორედ.
 აი, სად არის ბედნიერება:
 სცხოვრებს თავისთვის ბუნების შვილი
 და გულს უსრულებს, რაც ენატრება.

(დაჯდება და ყურს უგდებს სალამურს)

ვიშ! რა კარგია ეს სალამური!...
 როგორ იტაცებს გრძნობა-გონებას!...
 სიამით ჰზიბლავს უსაზღვრო სურვილს
 და აფერადებს მაცდურ ოცნებას!!
 მიგვაფრენს სადღაც ლაქვარდ უფსკრულში,
 ედემის კიდით შორეულ მხარეს
 და აქ აერთებს ნათლის კავშირით
 ჩვენს სიტკბობას და ჩვენს სიმწარეს.

(დაფიქრდება და ყურს უგდებს სალამურს)

გამიგონია, ვითომც ლერწამი
 ობლის საფლავზე ამოსულიყოს
 და თავის ქნევით, დამუქრებული,
 მალლა ზეცისკენ ის წასულიყოს,
 რომ მიეტანოს იქ ჩვენის ქვეყნის
 მწარე ამბავი და საჩივარი;

მაგრამ იმავ დროს, ეშმაკის სული,
 დასტაკებოდეს გრივალი ქარი,
 გადაელუნოს, გადმოელუნოს
 და მოეთხაროს სულ ძირიანა;
 მერე ენახოს მწყემსს წაქციული,
 ხელში აელოს პატარა დანა
 და გამოეჭრას მას სალამური,
 რომ მოწყენის დროს სული ჩაჰპეროს,
 და მთა და ბარის დასატკობელად,
 ააკვნესოსო და აატიროს...
 ეს უნდა იყოს ის მაცდური ხმა,
 პირველ მწყემსისგან მოგონებული!
 აქ ისმის ცის და ქვეყნის ამბავი,
 ერთად შეთხზული, შეხავებული!...

ხმა ტყიდან

ბატონიშვილო!... უუუ!

პატარა-კახი (შეკრთება)

უჰ, ღვთის რისხვა!
 რომ არ მომნახო, არ შეიძლება?!
 დარბაისლური ზრდილობით მოხვალ,
 რომ მომიწამლო ტყბილი ოცნება!...
 უუუ! აქ ვარ!... აქეთ წამოდი!...

გამოსვლა მშ-2-ად

ოგივე და გივი.

გივი

ბატონიშვილო, სად ბრძანდებოდი?
 ერთხანს გეძებე ამ უტეხ ტყეში
 და, რომ ვერ გნახე, შიშით ვკვდებოდი!...

კახი

რამ შეგაშინა? მგელი შემჭამდა?
 რისთვის ჩამომჩრი? ვისი ბრალია?

გივი

წინ შენხვდა ერთი მოხუცებული,
 იმასთან შევდექ, შემეყოლია.

კახი

მართლა?!... მეც შემხვდა... ვგონებ, გიჟია!
 ან დღეს უთუოდ სადმე დამთვრაღა:
 ფული მივეცი მას სამოწყალო,
 იუკადრისა და დამამწყრაღა!

გივი

რომ სკოდნებოდა, თუ ვინ ბრძანდებით,
 კადნიერებას ვერ გაბედავდა.
 მაგრამ ბრმა არის ის, უსინათლო,
 და ბატონიშვილს ვერა ჰხედავდა!...

კახი

გლახაკი, ბრმა და ამპარტავეანი?!

გივი

გლახა არ არის, თუმც-კი გახლავს ბრმა:
 სახელოვანი იყო ის ერთ დროს
 და დღესაც სხვაა მაგის გულისთქმა!...
 სხვას რამეს ითხოვს მაგისი გრძნობა,
 სხვაგან მიჰყურინავს მაგის გონება!
 მაგისი ღვაწლი და სამსახური
 სამოწყალოთი არ იწონება!...
 გიორგი არის... გვარად ხმალაძე...
 ჰშვენოდა სიმხნე და მამაცობა...
 მტერთან საომრად მაგას დაჰყავდა
 დაბალი ხალხი და გლეხკაცობა...
 მთაში და ბარში სწორად ნაქებსა.
 დღესაც იგონებს მაგას სუყველა;
 გასაოცარი ვაჟკაცობისთვის
 მეტი სახელი დაარქვეს „გელა“.

კახი

ეგ არის გელა?

გივი

დიახ, ეგ გახლავს.
 დაბრმავებულია ერთი ხანია...
 მიკვირს, აქამდის რომ ცოცხალია,
 რაც მაგას ქირი აუტანია.
 ამდგარა, დადის სოფლიდან სოფლად,
 წინ დაუძღვება პატარა ქალი,

და გლებჯაცობას ურჩევს, რომ იმათ
გამოახილონ ამ ცუდ დროს თვალი
და მიეშველონ ძმურად ბარელებს,
მტრისგან დაჩაგრულს და დამონებულს!
გულის გასახეთქ საყვედურებით
მათაც აშფოთებს და უღელვებს გულს.

კახი

ხალხი რას ამბობს?

გივი

სიტყვას უჯერებს:
ემზადებიან მტერთან საომრად
და, მეთაური თუ გამოუჩნდათ,
თან მიჰყვებიან ყველა ერთპირად.

კახი

მეთაურიო?... მერე ბატონი
თეიმურაზი რაღასა ბრძანებს?

გივი

ჯერ ლოცვაშია!... ხალხს ღმერთს ავედრებს
და მტერთან ბრძოლას კი აგვიანებს!

კახი

მერე და არ სჯობს, რომ უპატრონოს
და ყური უგდოს დაჩაგრულ მოყმებს?
ცრემლით ვედრება და წირვა-ლოცვა
მიანდოს მხოლოდ მან წმინდა მამებს?

გივი

ეგ მართალია! მაგრამ ბატონი
გულის ფრიალმა დაასწულა...
დღეს ქვეყნის თვალი თქვენ შემოგყურებს
და მხოლოდ თქვენზე იმედობს ყველა.

კახი

მე?

გივი

დიახ! და თქვენც გმართებთ სიფრთხილე!...
დღეს ჩაგვაშხამეთ კინალამ დილა:
დაკოდილ დათვზე ხმალდახმალ მისვლა
ვისგან ნახულა? სად გაგონილა?

კახი

მინდოდა მკლავი გამომეცადა,
 ერთის მოქნევით გამეპო, მსურდა,
 და ის მაწუხებს, რომ უღონობით
 ჩემი სურვილი ვერ შემისრულდა.

გივი

რას ბრძანებთ?! მაგრე მტერს რო შემოჰკრათ,
 თვით ბუმბერაზსაც ჩამოავდებთ ძირს.

კახი

ნეტავ პირველად ჩემი მახვილი
 მტერს მოხვედროდა და არა ნადირს.

გივი

განა მაგას-კი ვერ მოესწრებით?!
 ვინაა მტერი?

კახი

რალა დროს, ჩემო მოჭირნახულე?
 მეჩვიდმეტეში ვადამდგარი ვარ!...
 თექვსმეტი წელი დღეს შევისრულე.
 მაგრამ მორჩილი რომ ვარ ტანადად,
 მიტომ გგონივართ ყველას პატარა
 და ნადირობით გინდათ გამართოთ!...
 ტყვილა ნუ ჰფიქრობთ!... ახლა-კი კმარა!
 საკუთარ ტანჯვად მე მიზაჩნია
 ჩვენი საშობლოს უბედურება
 და ვერ ვუყურებ გულდამშვიდებით,
 როცა ამდენი სისხლი იღვრება!...
 რა დროს ლხინია და ნადირობა?!
 განა ეს არის დღეს ჩვენი ვალი?!
 წადი, მშობლებთან მიშუამდგომლე:
 გზა დამილოცონ, მიკურთხონ ხმალი!

გივი (აღტაცებით)

გმადლობ, ღმერთო, რომ ამ დღეს მომასწარ!
 ამას ელოდა მოხუცი გივი!...
 და, კირნახული რომ არ წამიხდა,
 ბედს არ ვემდური! აღარას ვჩივი!...
 ბატონიშვილო, ეგ სიტყვებია,
 შენგან რომ მსურდა მე გამეგონა...

მომეცი ხელი, რომ გვამბორო! (იჩოქებს)
შენ წინ მუხლს ვიდრეკ, ერთგული მონა.

კახი

ნუ! ნუ! ადექი!... ჩემო გამზრდელო!
ეგ შენს ქალარას არ ეკადრება... (აყენებს)
მამაშვილური შენი მოხვევა
გულსა სწყურია!... სულს ენატრება!
(გადაეხვევიან ერთმანეთს და ჰკოცნიან)
ახლა-კი დროა, ჩემო გამზრდელო,
საქმეს შევუდგეთ... დრო ძვირად გვიღირს!..
რევაზმა რისთვის დაიგვიანა?
სათათერაკო ეგებ რამე სჭირს!...

გივი

არა, ბატონო, თქვენს დაკოდილ დათვის
ის გამოუდგა წელან კვალდაკვალ...
შორს არ იქნება და, თუ მიბრძანებ,
მე დავეუძახებ, ახლავე წავეალ!

კახი

კარგი იქნება! მანდ, ვგონებ, ახლოს
მწყემსია ვილაც, სალამურს უკრავს,
და გადასძახე, რომ ჩამოვიდეს,
მაგრამ ნუ ეტყვი ჩემს ვინაობას!
(გივი ვადის. კახი დიფიქრდება და ცოტა ხნის შემდეგ ამბობს)
რაები მითხრა ჩემმა გამზრდელმა?
გული დამწყვიტა და ამიძგერა!...
ღვთისმშობლის ზეედრი საქრისტიანო
რომ ამოვარდეს—სწორედ არ მჯერა!...
მაშინ, როდესაც ბრმაც თურმე სცდილობს,
რომ აუხილოს ქვეყანას თვალი,
მე თავზედობად რათ ჩამეთვლებო,
რომ აეასრულო სამეფო ვალი?
თუ მამაჩემი, ნამდვილი გმირი,
სახელგანთქმული და თავმომწონე,
ღღეს სნეულებამ ისე დასძლია,
რომ მიხდილი აქვს ძალი და ღონე...
მე აქ არა ვარ?... შვილი არა ვარ!?
იმისი ვალი მე არა მზდება?

რა მშობელია მამა, რომელიც
 ნაშობისაგან არ ითავსება?
 კმარა მონება! კმარა მოთმენა!
 დრო არის ადგეს ერთპირად ერი,
 ან ბრძოლის ველზე სული დალიოს,
 ან მოიგეროს მოსული მტერი!...
 მონას რად უნდა კრული სიცოცხლე?
 ვისთვის აანთოს წმინდა ლამპარი?
 სჯობს მონებაში გადიდკაცებულს
 თავისუფლების ძებნაში მკვდარი!

გამოსვლა მე-3-ში

ისე და მწყემსი (მოუახლოვდება)

მწყემსი

ბატონი შვილო!... (თავს უკრავს ქედმოხდით)

კახი

თითქოს მეცნობა!...

გამარჯობა! შენ მწყემსი ხარ, ვგონებ?

მწყემსი

მწყემსი გახლავარ, შენი კენესამე!

რისათვის მიხმე და რას მიბრძანებ?

კახი

მაგდენს არაფერს! — ის შენ იყავი,

რომ აკენესებდი წელიან სალამურს?

მწყემსი

შე გახლდი!

კახი

მარტო შენთვის უკრავდი.

თუ სხვაც გიგდებდა აქვე სადმე ყურს?

მწყემსი

ჩემთვის ვუკრავდი, ჩემო ბატონო,

მწარე ნაღველის გასაქარვებლად.

კახი

კი მაგრამ, შენთან რა უნდა ნაღველს?

მთებში დადიხარ აქ, თავისუფლად!

მწყემსი

ეჰ, დალოცვილო, რა გამოვიდა,
 რომ ვიყო მარტოდ თავისუფალი...
 მაშინ, როდესაც მთელს ჩვენს ქვეყანას
 რისხვით დაჰყურებს მალლით უფალი?...

კახი

სჩანს, ბარელი ხარ?

მწყემსი

არა, ბატონო!

კახი

მაშ აქაური თუ ხარ, მთიული,
 რალა გაწუხებს ამ სიმაგრეში?

მწყემსი

იქაურებზე შემტკივა გული!...
 განა მარტო მე? მთლად მთიულები
 იმათი ცოდვით იდაგებიან!
 მაგრამ ვერ ჰხედვენ ვერსად მეთაურს
 და თავისთავად რას გახდებიან?...

კახი

ბატონი მეფე?

მწყემსი

აქ ამობრძანდა...
 თავი აქ მოსცა, ამ სიმაგრეში,
 და ბარელები ოხრად დაჰყარა,
 სულ უპატრონოდ, თათრების ხელში
 კიდევ კარგი, რომ ამის მნახველი
 ჯერ არ იტყვენ მთიულები გულს
 და იმედი რამ პატარა-კახის,
 როგორც მომაკვდავს, მათ უბრუნებს სულს.

კახი

პატარა-კახის?

მწყემსი

დიახ, ირაკლის —
 ძალიან რამეს მოვახსენებენ.

ჯერ მისი საქმე არვის უნახავს,
 მაგრამ ისე კი მეტად აქებენ!
 განავრობით!... ასე ამბობენ:
 ვივის გაზრდილი სხვა იქნებოა
 და არ შეარჩენს თათრებს ჩვენს სირცხვილს,
 ღმერთმაც წყალობა თუ ინებოა.

კახი

მართლა? მაშ რო სთქვას ბატონიშვილმა:
 „მტერზედ მივალო“, ხალხი გაჰყვება?

მწყემსი

განა კაცები მართო? ქალებიც
 თან გაჰყვებიან... არვინ დარჩება!...

კახი

შენც თან გაჰყვები?...
 მწყემსი

მე რა დამიშლის?

კახი

ცხვრებს რაღას უზამ, ჩემო ძამია?

მწყემსი

ცხვრებს რაღას დავდეგ?... ამისთანა დროს!...

სუყველა მგლებსაც დაუქამია.

ნეტავ-კი მართლა მოვესწროთ იმ დროს,

რომ წინ გვიძლოდეს ბატონიშვილი

და ქართველებიც თან მოსძახოდენ:

„ან გამარჯვება და ან სიკვდილი!“

კახი

ამინ! გისმინოს ღმერთმა... ინებოს!

ვგრეც რომ მოხდეს, კი შეიძლება... (დაფიქრდება)

მწყემსი (თავისთვის)

მოედვა!... (სიჩუმე)

კახი

დაცხა!... წყალი მომწყურდა!.. (მწყემსს)

ახლოს ხომ წყალი არ გეგულება?

მწყემსი

ცოტა შორს გახლავს... კარგი წყაროა,
 მაგრამ როგორ ვქნათ? არ გვაქვს ქურჭელი.

კახი

აი, თანა მაქვს, აგერ, მათარა,
 და ეს წაიღე! მოჰკიდე ხელი!...

(გადაუდგებს; მწყემსი აიღებს და გაუდგება გზას)

(ფიჭვის შემდეგ)

ჰე! ვერა ჰხედავთ, რას ამბობს მწყემსი?

თურმე იმასაც კი სტკივა გული,

რომ უცხო ხალხი შემოგვესია

და ჩვენც თავს ვუხრით სულგანაბული!...

მაგრამ ჯერ კიდევ, მაღლობა უფალს,

არ შესჩვევია ხალხი მონებას

და საქვემძრომოდ არ ავარჯიშებს

მონურის ხერხით ჰკუა-გონებას!..

ღიას, მონობას მიუჩვეველი

ჯერ კიდევ გული სხვას გვეუბნება

და საეაყაყო პირდაპირობას

მოითხოვს მუდამ მტკიცე ბუნება!!

ჩვენც თუ ახლავე არ მივაწოდეთ

სამართლიანი მას სულის საზრდო

და ხანგრძლივობამ თავისი კვალი,

ნელ-ნელ შეპარვით, ერთხელვე დასდო,

მორჩა, გათავდა... ამოიფხვრება...

ტყუილიდაა მერე იმედი...

და ის სჯობს, ბარემ ახლავე ვნახოთ,

რასაც გვექადის მერმისთვის ბედი.

(დაფიქრდება)

გამოსვლა მე-4-ში

ისე, რევაზ და გივი

კახი

რევაზ? სად იყავ?

რევაზ

თქვენ დაკოდილ დათვს

გამოუღდექი, კვალში მიყვები,

თუმც სასიკვდილოდ არის დაქრილი,
 მაგრამ გადავლო ის დიდი ხევი
 და ჩაიმალა ისეთ ნაპრალში,
 რომ ადამიანს არ მიესვლება.

კახი

ყორნები ხომ კი ჩაფრინდებიან?
 დეე, ილხინონ, ჰქონდესთ უფლება! (იციინის)

რევაზ

ყორნებს, ბატონო, რომ არ სცალიათ?
 ჯერ კაცის ხორცსაც ვერ ერევიან!..
 გადაფრენილან აქედან ბარში
 და ჩვენს მოძმეებს თავს დასჩხავიან!..

კახი

რევაზ! რათა გაქვს ეგ მწარე ენა?
 სიტყვას არ იტყვი, თუ არ დაშხამულს!..
 არ იცი, რომ ეგ შენი პასუხი
 ეკლად ესობა ჩემ ნაღვლიან გულს?

რევაზ

რა ექნა, ბატონო, რომ მეც ამ გულში
 ჩამგუბებია მწარე ნაღველი
 და ტკბილად ველარ მისველებს ენას,
 რომ ტკბილ რამესი ვიყო მეც მოქმელი!
 ღმერთმა ხომ იცის...

(დაინახავს მწყემსს, წყალი რომ მოაქვს და შეკრთება)

ჰა! ეს ვინ არის?!

ამას რას ხედვენ ჩემი თვალები?
 ახლა-კი გიცან, ვინც ხარ, შე მხდალო!..
 გაჩერდი! ველარ დაშემალეები!
 (ხმაღს ამოიღებს და მიაშურებს)

მწყემსი

რევაზ! მიცანი? კეთილი! მაგრამ
 ხომ არ გაშინებს ჩემი კომბალი?
 აჰა, ესეც-კი გადამიგდია,
 რომ არ წავიხდეს შენ შიშით თვალი!
 გინდა ხელებიც მქონდეს შეკრული,
 მაშინაც მაგ ხმლით ვერ შემაშინებ!

დრო გაქვს მოხვიდე ხელცარიელზე,
ძღვეა დაგრჩება და გაიცინებ!...

რევაზ (ხმაღს ჩაიგებს)

ჰა, დედაბერო! შენ მაგ სიტყვებით,
იცოდე, დღეს თავს ვერ შემაბრალებ!...
ხანჯალი ხომ გაქვს? მოჰკიდე ხელი!
მეც მარტო ხანჯალს დავატრიალებ.
(იღებენ ხანჯლებს და იწვევენ ერთმანეთზე)

კახი

ეი!... შეჩერდით!... არ იცით, სად ხართ?
მაგ თავხედობას აქ ვისთან ჰბედავთ?
დაგვიწყებიათ, ან თქვენ ვინა ხართ,
და ან მე ვინ ვარ? ველარა მხედავთ?
ვფიცავ თავს და მზეს დედიჩემისას,
თუ წინ წავიდგამსთ აწ კიდევ ფეხი,
მაშინ თქვენ ჩემი ძლიერი რისხვა
თავზე გადატყდესთ, როგორც რომ მეხი!...
გივო! რას ნიშნავს ეს მოქმედება?

გივი

მტრები გახლავან ერთი-მეორის!

კახი

ბებურიშვილი?! მტერია მწყემსის?!
ვილაც მეცხვარის, ვილაც მეღორის?!
გივი

ვგ მწყემსი ლევან ქვაბულიძეა...

რევაზ

ჩემი ძმის მკვლელი, ჩემი მოსისხლე!

კახი

მართლა?!

ლევან

მე მოვკალ სწორედ მაგის ძმა,
მაგრამ არა ვარ მაგის მოვალე.
და სასახლიდან გამოგდებულდი...

გივი (სიტყვას აწყვეტინებს)

აღარ შეეძლო მეფეს ჰხლებოდა.

რევაზ

ამდენი ხანი თურმე მწყემსებში,
სჩანს, უსირცხვილოდ იმალებოდა!...

ლევან

სცდები!... არ ეთქმის უსირცხვილობა
იმას, ვინც ჩვენში ამისთანა დროს
ტყეში გაჭრილა ყაჩაღად მისთვის,
რომ ქვეყნის მტრებზე მან ინადიროს.
ურცხვი ის არის, ვინც დღეობებში
ლხინებს უნდება და აშიყობას!...
გლახაკად დავრჩე, ის მიჩვენია,
თუმც-კი დიდკაცობ, შენსავით ყოფას.

რევაზ

თუ კაცი იყავ და წვერი გესხა,
უმაღ მე უნდა გამსწორებოდი.

ლევან

პირადი მტერი არა ვყოფილვარ
და უბრალო სისხლს ვერიდებოდი.

რევაზ

როგორ? ნოდარი შენ არ მოჰკალი?
და ის ჩემი ძმა განა არ იყო?

ლევან

ეს მხარეც ჩემი სამშობლო არის
და ვალად მედვა სისხლი ამელო.

კახი

რაები მესმის?

ლევან

დიახ, ბატონო!

ის იყო ჩემი გულისტკივილი,
რომ თავს დაგვესხენ მტერნი, თუ არა,
მათ მიეკედლა ბებურიშვილი...
ქართველობაზე უშვერდა მათ თითს
და, თავმომწონედ, ქიზიყის მხარეს
ურცხვად აძლედა ბოროტ მაგალითს!

რევაზ

სტყუი!... ის მხოლოდ მტერს იტყუებდა,
თვალეებს უბამდა... და დროს ეძებდა...

ლევან

გულში რა ჰქონდა, ეგ ვინ რა იცის;
და საქმით-კი სულ სხვას გვიჩვენებდა.

რევაზ

აგრეც რომ იყოს, შენ არ შეგეძლო
მაინც ჩემი ძმის გასამართლება!

ლევან

ქვეყნის ორგული რომ არ დაზოგოს,
ყოველ კაცსა აქვს სრული უფლება.

გივი

ეჰ, ყმაწვილებო, ყური დამიგდეთ!
უადგილოა სიტყვები მწარე!...
გიტყვით უბრალო ჭეშმარიტებას...
მას დამიმოწმებს ყველა მეცხვარე:
როცა მეცხვარის ძაღლებს მოუვიათ
ჩხუბი და მწარედ ერთმანეთს ჰკბენენ,
მაშინ პატრონსაც აღარ ჰზოგავენ,
თუ მიეშველა... მასაც უღრენენ...
მაგრამ იმავ დროს, თუ გაჩნდა მგელი
იმ არემარეს, სადმე მახლობლად,
შესწყვეტენ ბრძოლას და ყველა ერთად
იმ მტერს მისდევნ მოსაგერებლად.
თუ-კი ოთხფეხსაც ჰქონია, ვხედავთ,
ამდენი გრძნობა და მოსაზრება,
მაშ ადამიანს... მაღალ ქმნილებას,
განა შეჰშვენის და ეკადრება,
რომ მთლად გადაჰყვეს მის პირადობას,
შინაურებზე არისხებდეს გულს
და ვერ ჰხედავდეს, მეტის სიუცხით,
მის დასალუპვად მტერს, მასზე მოსუოს?
ნუთუ ვერ ჰხედავთ, რა დღე გვადგია?
რამ დაგავიწყიათ თქვენ თქვენი ვალი?
გინდათ დაჩლუნგოთ თქვენ ერთმანეთზე
მტრის სასიკვდილოდ ნალესი ხმალი?!

ეგ ლალატია და დრო-კი სხვას ვთხოვს...
 მიეცით ხელი ერთმანეთს ძმურად,
 და წმინდა სისხლი ერთად დასთხიეთ
 მამულისათვის, მამა-პაპურად!

ლევან

თუ არ მაგ მიზეზს, სხვას რას შეეძლო,
 რომ ქვაბულიძე გამოეცვალა. (ტანზე იხედება)

რევაზ

აღარას ვიტყვი! დრომდი მოვიცდი!...
 რა გაეწყობა: „აღმაროს ჰხნავს ძალა!“

კახი

ბებურიშვილო! ვერვინ დაგძრახავს,
 რომ გულს გიკლავდეს დამკლისუფლობა
 და მიტომ უფრო გეკუთვნის დღეს შენ
 მოთმინებისთვის ჩვენი მადლობა!...
 შენ, ქვაბულიძე! კარგად ვერ გიცნობ,
 მაგრამ ისე კი ბევრჯელ მსმენია,
 რაც შეგმთხვევია ქვეყნის გულისთვის
 და ან სიმდაბლით მოგიომენია...
 ხომ გაიგონეთ გივის სიტყვები?
 იმასთან ერთად მეც პასუხს ველი!
 და წინდაწინვე ვიცი, ამ რჩევას
 რომ ვერ უარყოფს ვერა ქართველი!
 დიახ, თქვენ გმართებს, რომ ერთად, ძმურად,
 მტრის შესარცხვენად მისცეთ ხელი ხელს
 და ვაჟაკობა თქვენი მიუძღვნათ
 ამ ჩვენს ქვეყანას, როგორც ტკბილ მშობელს.
 მინდა, რომ თქვენთან მეც ერთად ვიყო,
 საასპარეზოდ მოგცეთ მხარი მხარს
 და ჩვენს მაგალითს ყველა მიჰბაძავს,
 ვისაც სამშობლო კი სწამს და უყვარს!
 მტერი დაგვეცინის!... ჩვენ ხმას არ ვიღებთ!
 რა დროს შიშია? და რა დროს ძილი?
 წავიდეთ! საქმეს შევუდგეთ ერთად!
 ან გამარჯვება და ან სიკვდილი!...
 (მიდის და ისინიც თან მიჰყვებიან)

გვი (მარტო)

გმადლობ, უფალო, ახლა-კი ვხედავ,
 არ წამხდენია მე კირნახული!
 პატარა-კახის გმირულმა სიტყვამ
 რაღაც იმედით ამივსო გული!...
 თუმცა უდროოდ დაგვისწეულა
 ძველი არწივი, თეიმურაზი,
 და მის შემყურე მამულისშვილებს
 გულს სასალბუნო დააჩნდათ ხაზი,
 მაგრამ მის ნაკვლად მალლით ბუდიდან
 გადმოფრენილა დღეს შევარდენი!...
 ახლა-კი დროა სვიმონივით ვთქვა:
 „აწ განმიტევე მე, მონა შენი!“

მოქმედება მისამე

სცენა პირველი

(მალღობზე შორით ქოშის გორა მოჩანს, ზედ ეკლესიით. თემობაა. დაბლა ვაკეზე, გზის პირად. მუშები სიმინდს სთოხნიან და მღერიან)

გამოსვლა 1-ლი

მუშები

ყანაო, მუშის სამოთხე,
 გლეხის დიდება, ყანაო!
 ცისკრის სხივებმა შეგმოსეს
 და-ნამმა გადაგბანაო,
 დაგქროლა დილის ნიავმა,
 ალერსით გითხრა ნანაო,
 ეუფუნა წვიმამ ზედ დაგკრა,
 ზურმუხტად აგამწვანაო!

მეთაური

აბა, ბიჭებო, თქვენი ჭირიმე!
 ნუ შეჩერდებით ჯერ!... ნუ დალაღდით!
 ეს ერთიც კიდევ ჩამოვუაროთ!...
 სულ ჯარასავით დაუტრიალდით!...

მუშები

ნუ გეშინია! წაგვიძებ! გასწი!...
 არ ჩამოგრჩებით ჩვენც, მეთაურო!...

1-ლი გლეხი

ხომ ხედავ, ისეც აღმური აგვდის?...
 რათ გინდა, უფრო რომ გაგვახურო?

მეთაური

ჰო! მაგრე! მაგრე! თქვენ დაგენაცვლეთ!
 დაჰკარით, სანამ მიწაც სველია!...

მოხუცი

ეს ყველა კარგი, მაგრამ უქმს რომ ვტებთ,
 ეს განა კარგი საქციელია?

ახალგაზრდა

ვითომ რა იცის?

მოხუცი

როგორ რა იცის?

მაშ ალარ არის მადლი და ცოდვა?

მღვდელმა რა გვითხრა?...

ახალგაზრდა

მღვდელს რას უყურებ?!

ასე იციან სულ იმათ როტვა.

2-რე გლეხი

იმან თუ არ სთქვა, ჩვენ-კი არ ვიცით,
რომ უქმის ტეხა, მართლა, ძნელია!

3-მე გლეხი

ნეტავე, რას ამბობ? რა დროს ეგ არის?

გეტყობა, საქმე შემოგელია!

ვერ ჰხედავ, ბარში რა ამბავია?

თესლად მარცვალიც არსად ვარდება!

ჩვენ რომ აქ ახლა უქმეს მივდივით,

ბარი შიმშილით ამოვარდებთ!...

4-ხე გლეხი

ახლა სხვა დროა! ღმერთიც არ გვიწყენს:

შრომა მისივე ნაბრძანებია!

ახალგაზრდა

კარგია ერთი! რაებსა ჰბოდავ?

ვგონებ, სიზმარი დაგზმანებია!...

მეთაური

გაუსვით ჩქარა!... ტყვილა ნუ სცდებით!

ცოდვა ჩემ თავზე მე მიმილია!

ახალგაზრდა

აბა, დავიწყით ისევე მუშური

და ბანი გვითხარ შენ, პირადია!...

მუშები

ყანაო, გულ ხელგაშლილო,

ქვეყნის მოკეთევე, ყანაო!

მოყვრულად შემოგსვევივართ,
 მტრულად გიმეტებთ ვანაო?
 გაემარგლავეთ ბალახ ბულახსა,
 გაგთოხნით ყოველგანაო...

(ბუკს აყვირებენ)

ახალგაზრდა

რა ამბავია?

2-რე გლები

რა უნდა იყოს?
 ხატობაა და ბუკს აყვირებენ.

ახალგაზრდა

ვითომ რათაო?

3 მე გლები

აყვირონ, თვარა
 მაგითი ყეენს გააკვირებენ...

მოხუცი

ველა იქნება! უთუოდ უნდა
 შეჰყაროს ხალხი და უთხრას რამე..

მეთაური

აბა, ბიჭებო... გაუსვით ჩქარა!...
 მომყევით წყობით (ახალგაზრდას), შენც მხარი მამე!

მუშები

ზედ უფლის თვალი დაგყურებს,
 შენი ბარაქა ბრძანაო!
 აგშორდეს გვალვა და სეტყვა,
 მოსაელის გამოცანაო!...
 ყანაო, ოქრო ზურმუხტო,
 ყანაო, ჩემო ყანაო!
 მალალმა ღმერთმა აკურთხოს
 სხვაეც ბევრი შენისთანაო. (შეჩერდებიან)

მეთაური

ბიჭოს!... სამხრობა წამოგეპარვია!..
 ახლა-კი დროა, რომ შევისვენოთ!
 წავიდეთ ჩრდილში! სამხარი გველის,
 მოეწყინება მარტო, უჩვენოდ!...

მობუცი

ჩვეულებაა და ვერ შესცვლიან!
 ქვევით ბარში ჰყავთ დაყინებული
 დიდკაცებს მათი ბედაურები...
 წესის გატეხა ძნელია, შვილო!
 სასწაულს ავრე ნუ ეხუმრები!
 იპ, ვენაცვალე იმის ძალს და მადლს,
 რომ არ სჩვევია კაცის გარჩევა:
 გინდ დიდი იყოს, გინდა პატარა,
 ერთია მისი რისხვა-ქურთხევა!...

ქალი

რა ხალხი იყო!!

მობუცი

სულ დიდკაცობა!...
 ბატონიშვილიც იქ ბრძანდებოდა?

ქალი

ასე ამბობენ... იმდენი ხელი
 სუყველა იმას შესჩერებოდა!

მობუცი

შენ რომელს უფრო შესჩერებოდი:
 იმას, თუ იმის ვილაც შინაყმას?
 ჰა?... რათ გაჩუმდი? რაღათ მიმაღავ
 გულისპასუხებს შენს მშობელ მამას?

ქალი

აკი გითხარი!

მობუცი

ჰმ... სულ ის იყო?
 სწორედ მაკვირვებს, სად მიგიგნია?
 და, დიდკაცის შვილი რო იყო,
 ვითომ აქამდის არა გკოდნია?

ქალი

რას მივხვდებოდი და რა ვიცოდი?
 უბრალო მწყემსად თავს მაჩვენებდა,
 უკან დაგვდევდა ყველგან ლანდივით,
 გზაში გვხვდებოდა, არ მასვენებდა.

მობუცი

პირველად, შვილო, სად გაიცანი?

ქალი

არ გახსოვს, ძალი რომ მოგვიგერა?!

მობუცი

მაშ იმ ტყეშიაც ხომ ის არ იყო,
 უეცრად გული რომ ავიძგერა?...
 ახლა კი მესმის!... ესეც მითხარი:
 მწყენსურად რაღათ იმოსებოდა?

ქალი

აკი გაიგე წუხელი?! თურმე
 ბატონის რისხვას ემაღებოდა.
 მაგრამ, რაღაი ბატონიშვილმა
 იცნო, ვინც იყო, და თან იახლა,
 ტანისამოსი გამოიცივალა
 და თავსაც აღარ იმაღავს ახლა.

მობუცი

შენ რაღა გითხრა?

ქალი

რა უნდა ეთქვა?
 ღიცი ხელახლად გამიმეორა.

მობუცი

ეგები უნდა გაცდინოს, შვილო,
 და ყმაწვილურად რამე მოჰორა?...
 თორემ სად ჩვენ და სად დიდი კაცი?
 შორი-შორს გვიძგეს, შვილო, საზღვარი!
 შენ არ შეგირთოს, განა ცოტაა
 თავადის ქალი გასათხოვარი?

ქალი

ის ასე ამბობს, რომ სიკვდილამდე
 არ გაგეყრები... ჯვარს დავიწერო.

მობუცი

აჰ, არა, შვილო, გულში ნუ იდებ
 მაგ სიტყვებს!... სჯობს, რო არ დაიჯერო!

ქალი

იცი, რა მითხრა: „გელას ქალი ხარ,
 მერე დედოფლის მონათლულიო
 და, რომ შევირთო, ვერვინ დამძრახავს,
 ვერც მცირე და ვერც დიდებულიო!“

მოხუცი

ეგ მართალია!... ღმერთმა ქნას, შეილო!
 მაგაზე კარგი რაღა იქნება?

ქალი

არა, მამილო, რომ არ მატყუებს,
 გული მარწმუნებს და მეუბნება.

მოხუცი

რატომ აქამდის არ მითხარი-რა?

ქალი

მეუბნებოდა: „ჯერ დავფაროთო,
 მერე უეცრად, ჯვარისწერის დროს,
 მოხუცი მამაც გაგახაროთო!“...

მოხუცი

ქრისტემ ახაროს და აძლიეროს,
 თუ ცბიერობით არ ამბობს ტყუილს!...
 ქვაბულიძეა... სიტყვა, ვგონებ, რომ
 დაეჯერება მამამისის შეილს!
 მამამისს ზაალს კარგად ვიცნობდი,
 ერთხელ სიკვდილსაც გადავარჩინე!...
 როდესაც ტურა რამაზიშვილი
 მის წინ სატევრით ძირს დავაწვინე.
 თუ არ მომეკლა, ჰე, ის ის-იყო
 ზაალს მოჰკლავდა ის მოლაღატე,
 მაგრამ მივესწარ, დღე დავუმოკლე
 და იმისი დღე ზაალს შევმატე.
 ის რომ მოვკალი, მისი წუნკლები,
 ლეკებიც, შეკრთენ... გაიქცა ყველა!...
 და მეტსახელად მაშინ დამერქვა
 ვაქაიკობისთვის გულადი „გელა“.

გამოსვლა მე-3-ე

(რევაზ ბებურიშვილი და თედო რამაზაშვილი ჩამოვილიან და შორიანლოს დგებიან: ათვლიერებენ ქალს)

რევაზ

ეს არის? მართლა, კარგი ყოუილა!...

თედო

მე განა ტყუილს მოგახსენებდით?...
კარგია, მაგრამ რა გამოვიდა?
ამ დაწყველილთან რომ ვერას გავხდით!..

რევაზ

ეგები, ბიჭო, თავპატიეს იღებს:
მაგითი უნდა მეტი დაგეცინცლოს!....

თედო

რა ბრძანებაა! ცოტა ვაძლიეთ?
არ მიიყარა, არ იქნა, ახლოს!
იმდენი ფული და სამკაული
გადმომიყარა, თავში მახალა!
„მე შენი გულის არ გავხდებოი!...
დამეთხოვეო!“ შემოგითვალა.

რევაზ

ნეტავ, რას ნიშნავს ეგ გულმაგრობა?!

თედო

ლევანზე არის გადარეული:
იმას იგონებს, იმაზე ჰფიქრობს
და მისთვის უძგერს უტუფორად გული..

რევაზ

მე-კი ლევანზე რალა ნაკლე ვარ?

თედო

მეც ეგ არ მიკვირს! მაგრამ თვალთა:
ჯერ ერთს შეჰხედავს, მოეწონება,
მერე მეორეს... ეგეც ქალია!...
მე კიდევ ისევ იმ აზრზედა ვარ:
რომ მოვიტაცოთ, კარგი იქნება!
მაგრამ ლევანი გადაირევა,
რომ გაიგონებს და ეწყინება!...

რევაზ

ლევან ვინ გდია? იმას რას დაედევ?
 ნეტავ შემეძლოს, გულზეც ვავხეთქო!
 ერთხელაც არის, ხომ უნდა შევხედეთ...
 და სასიკვდილოდ უნდა ვაფეთქო?!...
 მე იმას ვფიქრობ, რომ სასახლეში
 ეუსხოებათ, გაჯავრდებიან!...

თედო

თათრობა არის... შათ დაპპრალდება...
 ექვს ვინ აიღებს? რას მიჰხვდებიან?
 სულ მარტოდმარტო, შორს მთაში ცხოვრობს
 მოხუცებული ჩემი მამიდა...
 რომ მოვიტაცოთ, იქ მივიყვანოთ
 და იქ დავმალოთ! მეტი რა გვინდა?
 მაშინ სულ სხვაა.. მამიდაჩემი
 დაგვეხარება, რაც შეიძლება...
 და დაგნებდება, როცა იქნება:
 ქალია, გული გამოეცვლება.

რევაზ

კარგი, მაგრე ვქნათ! რა გაეწყობა?
 უნდა ვუცადოთ უნებურად დროს!
 ახლა-კი უნდა ისევ წავიდეთ:
 ბატონიშვილმა არ ჩამოგვასწროს! (მიდის)

თედო

ჰმ, გელავ! გელავ! მე შენი სისხლი,
 დიდი ხანია, უნდა ამეღო,
 მაგრამ, ბრმა რომ ხარ, დრომდის ვიცდიდი, —
 და მოთმინება ახლა-კი მეყო!
 რომ მომიკალი, რა იქნებოდა?
 რაღას ჰგოდნობს კაცი, როცა გაქრება?
 არა, ამგვარად ვალის გადახდა
 არ იქნებოდა შურისძიება!...
 ქალის დაკარგვით, ამ სიბერის დროს,
 უნდა დაგტანჯო და გაგამწარო
 და მამიჩემის მკვლელის, ამგვარად,
 გულიდან ჯავრი ამოვიყარო!...

ბამოსვლა მ-4-მ

ჩამოდინან: გივი და ბაადურის აყვანილი მიჰყავთ

ბაადურ

სადა ხარ, ჩემო ყმაწვილკაცობავ?...
როგორ დავკუტდი!... როგორ დავებრდი!...
სადაა ის დრო, ჯეირანივით
აქ რომ ავირბენ-ჩამოვირბენდი?!

გივი

მეც მაგას ვჩივი, ჩემო ბაადურ!
ვინ დაგვიბრუნებს ისევ გაზაფხულს?!
მხოლოდ სხეული ძალას ვერ ატანს,
თორემ სურვილი შერჩენია გულს!

ბაადურ

შენ-კი რა გიჟირს ჯერ, ჩემო გივო?
მაინც ვერ დაგრევეს ჯერ ხელს ქალარა...
მე თუ ასე ვარ... განა სიბერიით?
უფრო ჭრილობამ დამასაპყარა.
რალა ვარ ახლა? აღარ ვეკუთვნი
აღარც აქ ცოცხლებს და აღარც იქ მკვდრებს!...

გივი

ცოტა მიგიძღვის განა აქ ღვაწლი?
უმსახურობას ვინ დაგაყვედრებს?!...
რასაც გვინიშნავს ბედის ვარსკვლავი,
გადუვალია ჩვენ თავზე ყველა... (სიზუფა)
ჩვენ რომ ვეძებდით, ა, სად ყოფილა!
აქ ჩამოსულა, ეგერ ზის გელა.

ბაადურ

აქ, არის? მართლა, მაშ მიმიყვანეთ!
აღარ მინახავს დიდი ხანია...
ბრძოლის ველიდან ბევრი დაჭრილი
ორივეს ერთად გაგვიტანია.
(ქალი განზე მიდგება. მიიყვანენ)
ვის ვხედავ კიდევ? გმადლობ, უფალო!
ჰა! გამარჯობა! რასა იქ, გელა?

გელა

ღმერთმა გაცოცხლოს, მაგრამ ველარ გცნობთ:
უსინათლო ვარ... ჩემთვის დღეც ბნელა.
ზმასაც რომ ველარ ვარჩევ, ბატონო?!
შელახული მაქვს სიბერით ყური...
კოტათი, ვგონებ, კი მენიშნება:
ხომ არ ბრძანდებით თქვენ ბაადურე?

ბაადურ

გამოიცანი! სწორედ ისა ვარ!
შენ ბრმა ხარ და მე დაკუტებული!...
სხვებ ხომ კარგად ხარ? რასა იქ, გელა?
არ გაგტეხია განა ჯერ გული?

გელა

გული რომ მერჩის, იმის ნახევრად,
ნეტავ, მიჭრიდეს ძალი და ღონე.

ბაადურ

გული მეც მერჩის, მაგრამ სიბერეს
თავი მივეცი და დავემონე...
წავიდა, გელავ, ჩენი დრო, გაქრა,
სულ სხვა დრო არის და სხვა კაცები!...

გივი

მეც ეგ მაწუხებს, ჩემო ბაადურ,
და გულს მიწულულებს, ღმერთს გეფიცები!...
ღროსაც სკოდნია დაჩიავება:
ალარავინ ჰგავს თავის წინაპარს...
და ამ მიზეზით წაქეზებული
შემოგვეხვია მტერი მედგრად გარს!

გელა

არა, უფალი სულ არ გასწირავს
ღვთისმშობლის წილ-ხვედრ საქრესტიანოს!
შოლოდ გამოსცდის, რომ შეცოდება
მან იგულისხნოს და შეინანოს!...

(ქედს იხდიან და პირჯვარს იწერენ)

გამოსვლა 80-5-0

პატარა-კახი, რევაზ, ლევან, თედო და სხვა მხლებლები.

კახი

ხედავთ, ბებრები სადა ყოფილან?
ეგერ თავისთვის ლაპარაკობენ!..

რევაზ

უთუოდ ახლა ჩვენს დროს ჰკიცხავენ
და თავისას-კი დიდად ამკობენ!

კახი

განა არა აქვთ, რომ ვთქვათ, სიშართლე?

რევაზ

კი მაგრამ, მაგით რა გაკეთდება?

ლევან

ძველი ამბავი მოხუცებულებს
სულსა და გულზე მალამოდ ხედება.

კახი

ეგ მართალია! (გაჩხუდავს) ე, დაგვინახეს -
გივი წამოდგა... მოხუციც ღვება.
მივიდეთ, ვუთხრათ თქვენი ამბავი.
რომ გაიგონებს, გივს იამება! (მიდიან)
გიგო, ერთ რამეს გიმახარობლებ.
რალა თქმა უნდა, რომ ვიამება!
ლევან და რევაზ დღეს შევარიგე
და მათი შუღლი აწ გათავდება.
ერთი-მეორის დაშორებული
აქამდის მეტის შურით და მტრობით,
დღეიდან უნდა შევაკავშირო
საშვილიშვილოდ ტკბილის მოყვრობით:
ჩვენ გადავწყვიტეთ, რომ ქვაბულიძემ
ცოლად შეირთოს ამ რევაზის და...

ქალი

უი! (ხელებს მიიფარებს პირზე)

ყველანი

რა იყო, ნეტავ, რა ამბავია? (მისცივდებიან)

კახი

რამ შეგაშინა, ქალო, რა მოხდა?

მოხუცი (თავისთვის)

ვიცი, რაც არის! (ქალს) რას შერები, შეილო?

ქალი

ბუზი!... კინალამ ბუზმა მიკბინა!..

ლევან

ბუზი კი არა, ფუტკარი იყო.
მეც დავინახე! რამ შეგაშინა?
მაგის ნაკბენი დიდხანს არ გასტანს,
წყლული ადვილად მოგიშუშდება!
ახლა რომ გულში ჩაითქვა რამე,
გამიგონია, ავისრულდება.

კახი

იცი, ვინ არის ეგ ქალი, ლევან?

ქალი (თავისთვის)

რა მომივიდა, ვაი სირცხვილო!...

რევაზ

გელას ქალია. (ხელს ადებს გელას)

კახი

გელა ეგ არის?

გელა

გახლავარ, ჩემო ბატონიშვილო!...

გივი

დიახ, ეს გახლავსთ და მისი ქალიც
ბატონ-დედოფლის მონათლულია!

გელა

სწორედ!... და ესეც, დიდი ხანია,
მათი დანახვის მონატრულია.

კახი

მართლა? მაშ რატომ თავის ნათლიას
არ ამოუყვან და არ აჩვენებ?

იცოდე, ხვალეე ამოიყვანე
და დღეს-კი დედას მე მოვახსენებ.
(ქისას იღებს და ჭკირავს ხელში)
შენ, ჩემო გელავ, გუშინაც შევცდი,
რომ მოგაწოდე ეს სამოწყალო...
მაგრამ ნათლულს-კი ნება მაქვს ნივცე;
ჰა, გამომართვი ეს ქისა, ქალო!

გელა

ბატონიშვილო, ნუ გამიწყრებით!
ვინ ბრძანდებოდით, არ გამიგია,
თორემ, ვიცი, რომ თქვენი წყალობა
ტალახიანი ჯოხიც კარგია.
სადა ხარ, შვილო? შოდი! იახელ!
და მოეხვიე მუხლებზე ბატონს!
ღმერთი მოხედავს მაგ შენს ობლობას
და გამოგვიჩენს მუარველს და პატრონს!
(ქალი უპირებს მოხვევას, ირაკლი არ აძლევს ნებას)

კახი

მაგას ნუ იზამ, სულიერო დავ!
მოდი, როგორც ძმას, მომხვიე ხელი!
(თვითონ მოჰხვევს ხელს ქალს და ჰკოცნის)
აბა, მოხუცო, არ დაგავიწყდეს!
ხვალ სასახლეში უთუოდ გელი!... (მხლებლებს)
დროა წავიდეთ აწ, ყმაწვილებო!

რევაზ

თქვენი ნებაა! როგორც გვიბრძანებთ!...

გივი

ჩვენც გამოგყვებით, ჩემო ხელმწიფე!

ბაადურ

ვიახლოთ, ნურც ჩვენ დავიგვიანებთ!
(მიდიან, რევაზ და თედო ჩამოსხდებიან)

რევაზ

რა უთხრა გელას ბატონიშვილმა,
ხომ გაიკონე, ახლა შენ იცი!
სულ ორი ბიჭი და ერთი ცხენი...
ჩამოართვი კი ორივეს ფიცი! (მადის)

თედო

მესმის, ბატონო! განა არ ვიცი?
 ეგ სულ ადვილი სამსახურია... (თავისთვის)
 მეც გადაგიხდი სამაგიეროს,
 გელავ! მე შენი სისხლი მწყურია!...

გამოსვლა მ-6-მ

მოხუცი და ქალი.

მოხუცი

შვილო, რა იყო, რომ შემარცხვინე?

ქალი

რა ვქნა, მამილო, უცვრად შევკრთი!

მოხუცი

აკი ვამბობდი: ტყუილია-თქო!
 გენიშნა, განა? ახლა ხომ მიხვდი?
 რაღა რევაზის დას დანიშნავდა,
 თუ ნდომებოდა ჯვარის დაწერა?...

ქალი

არა!... მგონია აქ სხვა საქმეა,
 რომ მილალატოს, მაინც არ მჯერა.
 ფუტკრის არაკი რომ მოაყოლა,
 ჩემ გასაგონად სთქვა და არა სხვის!
 ა, აკერ მოდის, დაბრუნებულა,
 და ვნახოთ, თვითონ, აბა, რას იტყვის?

გამოსვლა მ-7-მ

ისინივე და ლევან, მობრუნებული.

ლევან

დავბრუნდი, რომ შენ გისაყვედურო:
 ისე შეკრთომა განა იქნება?

ქალი

გული ბუდიდან ამომივიარდა!
 ახლაც კი მიძგერს!... შენ გეცინება?...

ლევან

სიხანს, არ ყოფილხარ ჩემ სიყვარულზე
ჯერ კიდევ კარგად დარწმუნებული,
თორემ რას დასდევ, ვინც რა უნდა სთქვას?
ნუთუ საგულეს არა გაქვს გული?

გელა

გაფიცებ, ლევან, მამიშენის სულს,
ამ საცოდავ ქალს ნუ ეხუმრები!
მართალი არის, ბრმა კი ვარ, მაგრამ
გონების თვალით ჯერ ვიყურები:
თქვენ მხოლოდ ხუმრობთ...

ლევან

(სიტყვას აწყვეტინებს) როგორ თუ ეხუმრობ?
ვკონებ თვითონ შენ მწუხრობ სასიძოდ!

გელა

მე თქვენს სიძობას ვერ დავიჯერებ,
რა ექნა? ხატზედაც რომ შემომფიცოთ!...

ლევან

შენ, ჩემო გელავ, კარგად ვერ მიცნობ:
სიტყვის გატეხას არ ვარ ჩვეული
და სათამაშო, საბავშვო ბურთად
არ მიმაჩნია ეს ჩემი გული!
უცნაურ ძალით და უნებურად
შემყვარებია ეგ შენი შეილი,
და რალა გაგვეყრის ამიერიდან
უკუნისამდე, თუ არ სიკვდილი?

გელა

კარგი!... იმაზე მაშ რალას იტყვიით,
ბატონიშვილმა რომ აქ გიბრძანა?

ლევან

იმან რო ბრძანა, მერე რააო?
ვალდებული ვარ დავთანხმდე, განა?
თუ საჭიროა მე და რევანის
შეკავშირება და დამოყვრება,
მეც მყავს ერთი და: განა ელენე
რევანს საცოლოდ არ ეკადრება?

იმათ საცოლ-ქმროდ დაახლოვებას,
 რაღა თქმა უნდა, რომ მეც ვეცდები!
 და, თავის დროზე, ჩემ საიდუმლოს
 ბატონიშვილსაც გამოვუტყუდები!

ქალი

მაშ არ შეირთავ იმ რევაზის დას?

ლევან

რომ მკითხავ, თვითონ ვერა გრძნობ, ვანა?

ქალი

ვიცი!... ვიცი, რომ არ მომატყუებ,
 გინდა გაცრუდეს ცა და ქვეყანა!
 მაგრამ მამა-კი ვერ დაეჯერე,
 გულგატეხილი სხეას მეუბნება!

ლევან

ნუ გაუგონებ, ჩემო სიცოცხლე,
 ჩემო იმედო, ჩემო ოცნებაე!
 მოხუცი ყველა იკვირანია
 და არ იჯერებს, რაც მართალია...
 მაგრამ ხომ ნახავს?... ახლა მშვიდობით!
 მათ უნდა დაეწედე, არა მკალაა! (შიდის)

ქალი

-აბა, რას იტყვი, ხომ გაიგონე?
 მაგის სიტყვები არც ახლა გჯერა?

გელა

რა ვიცი შეილო... ველარას ვიტყვი!
 შემთხვევა არის და ბედისწერა...

გამოსვლა მე-8-ში

ისინივე და მუშები მოვლენ.

მუშები

ჰაა... გამარჯობა! რასა იქ, გელა?
 არაფერს გვეტყვი დღეს ახალ ამბავს?

გელა

ცოტა რომ აღრე მოსულყავით,
 თვითონ ნახავდით კაი სანახავს:

აქ ბრძანდებოდა პატარა-კახი
დარბაისლებით... დიდის ამალით!

მოხუცი გლეხი

მართლა? ნეტავი ერთი მენახა
მობრძანებული აქ, ჩემის თვალით!

ახალგაზრდა

მართლა რომ კარგი სანახავია!...

მეთაური

რაო? რა ბრძანა? რასა ჰფიქრობენ?

გელა

ვაუკრავსთ პირი თავადიშვილებს!...
რალაცა ამბავს კი აპირობენ...
ამბობენ: „კმარა, რაც უსჯულოებს
ვემონებოდით ამდენ ხანსაო!
ახლა-კი დროა, რომ მათი სისხლით
წითლად ვღებავდეთ ალაზანსაო!“

პირველი გლეხი

ეტყობა, ახლა აღარ ხუმრობენ.

მეორე გლეხი

ემზადებიან!...

მესამე გლეხი

ჩვენ რალას ვშრობით?

მოხუცი გლეხი

რალა უნდა ვქნათ? ჩვენც კაცები ვართ
და ქუდი გვხურავს, რათ ჩამოვრჩებით?

მეოთხე გლეხი

განა როდისმე ჩამოვრჩენილვართ?

მესამე გლეხი

ან უკან როდის დაგვიხევია?...

მეთაური

მათ ხმალთან ერთად უჭრია ჩვენსას
და ფარიც ერთად დაგვიხევია.

მოხუცი

კი, მაგრამ ყველას რომ აღარა გვაქვს
თოფ-იარაღი?

ახალგაზრდა

რათ გვინდა მეტი?
ჩარეულ ომში რაღა ნაკლეა
შენს ხმალ-ხანჯალზე ქვები და კეტი?

პირველი გლეხი

ცული და წალდი ხომ ყველასა გვაქვს?

მეორე გლეხი

და ეს-კი განა არ გამოდგება?...
(უჩვენებს თოხს)

პირიც კარგი აქვს, ყუაც კარგი აქვს,
გამომდგარია... რათ უნდა ქება?...
ვითომ გიმტყუნოსთ?!... თქვენ არ მომიკვდეთ!
ნუ გეშინიათ, დაატრიალეთ!

გელა

თქვენი ჭირიმი, ბიჭებო, თქვენი,
რომ მაგას ამბობთ!... თქვენ გენაცვალეთ!

პირველი გლეხი

ჩენი მამები თუ კი ომობდენ,
იმათზე ნაკლე ჩვენ რილათი ვართ?
თუ წინ წამძლოლი ვინმე გვეყოლა,
გულდაგულ მივალთ!... ყველა მზადა ვართ!

გელა

წინამძლოლს ეძებთ? მე აქ არა ვარ?...
რათ გავიწყდებათ ნაცადი გელა?

მეთაური

კი, მაგრამ დღეს რომ ველარა ხედავს,
საუბედუროდ მისათვის ბნელა?!...

გელა

ეგ არაფერი!... მართალი არის,
ველარას ვხედავ, დამიდგა თვალი,
მაგრამ, სანამდის გვერდში მიდგია
და ხელსაც მკიდებს ეს ჩემი ქალი,

არა მიჰირს რა, ისეც გულადად
 მივეგებები ჩვენი ქვეყნის მტერს.
 გელას დანახვა ჩვეულებრივად
 მათ შეაშინებს და შეუცვლის ფერს.
 თქვენ-კი მოწყევით!... მაგრამ ჯერ უნდა
 ჩვენს მეზობლებსაც შევატყობინოთ
 და სავაეკაცო ჩვენი განზრახვა,
 წასაქვებულად, ყველგან მოვფინოთ.
 არა გვიშავს რა, ჩვენი ქვეყანა
 ისე მაგრად სდგას, როგორც რომ მუხა:
 მტერი ბუმბულივით ეხვევა, მაგრამ
 ჯერ ვერ გაახშობს, თუმც შეაწუხა...
 „მუმლი მუხასა“ მუშურს რომ ვამბობთ,
 არ ვმღერთ უაზროდ და უადგილოდ:
 არა, იმაში სიბრძნეა ხალხის,
 გადმონაცემი საშვილიშვილოდ.

მუშები

შენი გამჩენის ჰირომე, შენი,
 რომ მაგრე გიჰირს ქეჟა, გონება!
 ეგ შენი კარგი სიტყვა-პასუხა,
 გულს რომ გვიმთელებს, სულს ეფონება!
 წავიდეთ, აბა, რაღას ვგვიანობთ?

მეთაური

მართლა, აწ დროა წავიდეთ ყველა!
 ეს გზა სიმღერით გადავიაროთ!
 აბა, წაგვიძებ ისეც შენ, გელა!...

(თოხებს გაიდებენ მხარზე. გელა ქალს მიჰყავს წინ და სიმღერით მიდიან)

მუმლი მუხასაო
 გარს ეხვეოდაო!
 გარს ეხვეოდაო,
 ვერას აკლებდაო!
 მუმლი წყდებოდაო,
 მუმლი ჰრებოდაო,
 ხე არ ხმებოდაო,
 ხედვე რჩებოდაო!
 მუმლი მუხასაო,
 გარს ეხვეოდაო!

მოქმედება მეოთხე

სცენა პირველი.

სასახლის წინ.

გამოსვლა 1-ლი

რევაზ და სასახლის-კაცი.

რევაზ

ჯერ გამობრძანდა მეფე, თუ არა?

კაცი

იქა ბრძანდება დარბაისლებით,
 გივი თან ახლავს და ბაადურიც
 ახლა შევიდა.

რევაზ

ჩვენც ვიახლებით.

კაცი

ვერა, ბატონო! არ შეიძლება!...
 ნაბრძანები მაქვს, სხვა არ მივიღო.

რევაზ

ბატონიშვილის მოციქული ვარ
 და როგორ მიშლი? რას ამბობ, ბრძიყვო?!

კაცი

მაინც ვერ შეხვალთ, ჯერ მოიცადეთ!

გამოსვლა მე-2-ად

ისინივე და თედო შემოიჭრება.

თედო

ბატონო! გეძებთ თავიქუდმოხდილი...
 სასახლეშიაც გახლდით, ვერ გნახეთ!
 ლამის გავგიჟდე მე ცოდვის შვილი.

რევაზ

რა ამბავია?

თედო

რაღა რა არის?
ვერა ვარ კარგი მახარობელი!...

რევაზ

მოკვდა?

თედო

ავადაც არა ყოფილა,
იმას წაუწყმდეს შემქმნელ-მშობელი!

რევაზ

და ეგ არა სჯობს?

თედო

იპ, როგორ თუ სჯობს?
ამდგარა ჩუმად და გაპარულა!

რევაზ

სად გაპარულა?

თედო

ღმერთმა ნუ იცის...

რევაზ

მერე მამიდა?...

თედო

მოტყუებულა!...

ახლა-კი ტირის და თავში იცემს,
მაგრამ ტირილით რაღას გააწყობს?
დიღას მღვრები გამოვუყენე...

რევაზ

ეტყობა, კარგად იცნობს ავადმყოფს!
შენ რაღას უცილი წადი, მონახე!
უმისოდ ნულარ დამენახვები,
თორემ ურმით ვდევ!...

თედო

წავალ, ბატონო.
თუ ვერ ვიპოვნე, თან გადავყვები!
(მიდის)

გამოსვლა მე-ჰ-ე

რევაზ, ლევან შემოდის.

ლევან

რას შერები, რევაზ? ბატონიშვილი
 მოულოდნელად მიელის პასუხს!

რევაზ

რომ არ შემიშვეს?!... დარბაისლები
 შეუყვანია და გული უწუხს.
 შეყრილან ერთად ნათუსალები
 და მეფე იმათ ეთათბირება!...

ლევან

რა დროს ეგ არის! იმ დალოცვილმა
 არ იცის ახლა, რა გვეკირვება?

რევაზ

კიდევ ეგ არის, რომ კარგად იცის,
 გულსაც ეგ უტეხს და ეგ ალონებს;
 სიფრთხილე ჰმართებს ამისთანა დროს
 და პატარა-კანს რას დაუჯერებს?
 მართლაც თათრებთან პირდაპირობა,
 უნდა გამოვტყდეთ, საეჭველია!...

ლევან

მე ალისკანტი უფრო მაფიქრებს:
 ლეკებთან ბრძოლა უფრო ძნელია!...

რევაზ

მეც მაგას ვამბობ... ამდენი ჯარი
 ერთად ჯერ კახეთს არ მოსდგომია.

ლევან

მეტი რა გზაა? უნდა გავბედოთ!...
 ერთი წამალი მხოლოდ ომია:
 ან გავიმარჯვებთ, ან სულ გავწყდებით,
 მოვიდეს, რაც რომ მოსასვლელია!...
 თორემ ამდენი ტანჯვის ატანა,
 სწორედ სიგლახე-სისულელია!...
 (ცოტა სიჩუმის შემდეგ ხელს დაადებს რევაზსა)

რევაზ! მე ერთი სათხოვარი მაქვს,
ის უნდა გთხოვო და ამისრულე!
თუ გამაწბილო და დაივიწყო,
ლეთის და კაცის წინ იყო მოვალე!

რევაზ

რა?

ლევან

ალისკანტის ჯინი მიჰირებს,
იმან მომტაცა სწორედ ის ქალი...
და, თუ სანაცვლო არ გადვუხადე,
მე რაღად მინდა თავი ცოცხალი?
დავლურში მინდა გამოვითხოვო,
ან უნდა მოვკვდე, ან შევაკვდები!
თუ, ვინცობაა, მე დამამარცხოს,
შენ მოერიდე, ნულარ გაჰყევი!

რევაზ

რას ამბობ, ლევან? შენ ჩემ წინ მოგკლან
და ავიტანო ის მე გულგრილად?

ლევან

სწორედ!... ორგვარი გაწევეს შენ ვალი,
რომ არ აჩქარდე და იყო ფრთხილად:
პირველი ის, რომ თავის გაწირვით
ველარას მარგებ, კარგად იცი, მკვდარს!...
და მეორეც ის, რომ შენ მაგიერ
ვინღა მოუვლის ჩვენ ცხენოსან ჯარს?
ერთსაც ამას გთხოვ, თუ, ვინცობაა,
ის ქალი კიდევ სადმე გამოჩნდეს,
შენ უპატრონე, ჩემ მაგიერად,
როგორც ღვიძლი და, გებრალეზოდეს!

რევაზ

ნეტავ რას ამბობ? რა დროს ვგ არის?
ღმერთმა გაშოროს, ძმაო, სიკვდილი!

გამოსვლა მე-4-ე

ისინივე და შიკრიკი შემოდის.

შიკრიკი

გეცდიან!... გთხოვენ, მალე მობრძანდეთ!

რევაზ

ვინ გეცდის?

შიკრიკი

ვინ და ბატონიშვილი!...

(მიდიან)

სცევა მეორე.

დარბაზი.

გამოსვლა 1-ლი

მეფე, დედოფალი, გივი, ბაადურ და სხვანი.

ბაადურ

საპყარი მოველ, ვერ გადავუდეგ
ბატონიშვილის მოციქულობას...
და თქვენის რისხვით, ჩემო ხელმწიფე,
ნუ შეურაცხყოფთ შუამდგომლობას!

მეფე

ჩემო ბაადურ! რა უნდა გითხრა?
მაგის პასუხი ახლა ძნელია!...
სიჩქარით „ჰო“ და „არა“ არ ითქმის,
როდესაც საქმე საეჭველია.
უანგარიშოდ და უფიქრელად
საშიში არის ბედის მინდობა!
ვაი, თუ უფრო გავაზვიადოთ
ახალგაზრდების ჩვენ თაეხედობა!

გივი

გვიანდა ვახლავსთ ახლა სიფრთხილე!
ამდენ მუქარას და ამდენ სირცხვილს

არ გვირჩვენია, ღმერთი ვასხენოთ
და დავეთანხმოთ დღეს ბატონიშვილს?

მეფე

თქვენ, დედოფალო, რაღას გვიბრძანებთ?

დედოფალი

გვის ვეთანხმები, რადგან ფრთხილია
და, ძნელ საქმეში წინდახედული,
ყველაზე უფრო გამოცდილია.

მეფე

აქამდის სწორედ მაგრე მეგონა,
მაგრამ დღეს ეგვიც კი შემცდარია:
ჯერ უმისოდაც წამხდარი საქმე
მაგან სულ უფრო არივ-დარია!
ვერა ხედავდა, რომ ჯერ ირაკლი
ამოდენ ჯარს ვერ მოგვიგერებდა?
რათ არ ურჩია? როგორც მის გამზრდელს,
მაგას ხომ სიტყვას დაუჯერებდა?

გივი

ჩემი ხელმწიფევე, ეგებ ის სჯობდეს,
ბატონიშვილი რასაც აპირებს!

მეფე

როგორ თუ სჯობდეს?! შენი პასუხი
ვერ გამიგია, სწორედ მაკვირვებს:
ავად, თუ კარვად, დღემდის ვუძლებდით
შინ შემოსულ მტრების მონებას,
და დღეიდან-კი გარისხებულნი
გამოგვაცლიან ყოველ ქონებას.
ვერ გაიგონე, რა შემოთვალეს?...
როგორი სიტყვა და რა მუქარა?
დღეიდან მაგათ დასამშვიდებლად,
ხარკი რომ მივცეთ, ის აღარ კმარა...
ულელზე კიდევ ულელს დავადგმენ,
აუტანელი გახდება ტვირთი!...
თუ გავუძაღდით, სრულად წაგვლეკავს
მაგათი ღელვა, მაგათი ზვირთი.

დედოფალი

ჩემო ხელმწიფე, არც მაგრე ვარგა
 გულის გატეხა და შეშინება!

ბაადურ

ბარემ სულ გავწყდეთ, ის გვირჩვენია!...

გივი

ჩვენ გავცემთ პასუხს, გვიბოძეთ ნება!...
 საშვილსაშვილოდ რომ ამოვვარდეთ,
 აგრე ღმერთს როგორ დავაფიწყდებით?
 უთქვამთ: „ცდა ბედის მონახვერეა!“
 ან გავიმარჯვებთ, ან სულ გავწყდებით!

მეფე

კერძოდ თუ მკითხავთ, მეც თანახმა ვარ,
 როგორც მეფეს-კი—არ მაქვს უფლება:
 ჩემ ხელში არის მთელი სამეფო,—
 ბედის გამოცდა არ შეიძლება!...
 როგორ გავწირო მთელი ქვეყანა,
 ღმერთთან და კაცთან დავრჩე მოვალე?!...
 ეს დრო და ჯამი ცვალებადია!...
 დღეს ვინ რა იცის, რას გვეტყვის „ხვალე“.
 თუ ყმაწვილობით ბატონიშვილმა
 მოულოდნელად ცეცხლში ჩაგვყარა,
 რომ გაასწოროს აწ ის შეცდომა,
 მოვალე არის ჩვენი ქალარა.

დედოფალი

რას იტყვი, გივო, ხომ გაიგონე
 ბატონი მეფის ბრძნული ბრძანება?

გივი

თანახმა არ ვარ, ჩემო ხელმწიფე,
 და პასუხს ვკადრებ, თუ მომცა ნება!...

მეფე

სიტყვი და მოვისმენთ!

გივი

გმადლობ, ბატონო!

ღმერთმა გიკურთხოსთ დიდსულოვნება!
 ყველა ვხედავდით, რაც ჩვენს ქვეყანას

მოადგა მტრისგან ტანჯვა და ვნება...
 ყოველ სოფელში, ყოველ ციხეში,
 ჩამდგარი იყო იმათი ჯარი;
 აღარ რჩებოდათ შეუბღალავად
 არა სიწმინდე, ხატი და ჯვარი.
 სიამტკბილობა და მოთმინება
 ჩვენი იმათთან არ გადიოდა,
 ქვეყნის ორგულებს პატივსა სცემდნენ
 და ერთგულს ყველას ცრემლი სდიოდა;
 ამით უნდოდათ, რომ საქართველო
 ზნეობით სრულად დაცემულიყო
 და საუკუნოდ, მონების ჯაჭვით,
 მომხიბლველ მტერთან გადაბმულიყო!...
 დღეს და ხვალობით ცოტ-ცოტად სენი
 გაუჯდა მხარეს რბილში და ძვალში!
 რომ ცოტა ხანი კიდევ დასცლოდა,
 სიკვდილს უქადადა მას მომავალში.
 მაგრამ გამოსჩნდა მკურნალად გმირი,
 რომ ზნეობითი შეეცსო ნაკლი
 და უწინამძღვრა...

დედოფალი

(სიტყვას აწყვეტინებს) ეს გმირი იყო
 პატარა-კახი! ჩემი ირაკლი?

გიგა

დიახ, ირაკლი! ანდამატივით
 გარს შემოისხა ყმაწვილკაცობა
 და მათ უჩვენა სამაგალითოდ
 პირადი ღვაწლი და მამაცობა:
 დაჰყო ცალ-ცალკე გუნდებად ჯარი,
 ყველა-კი მასვე ეთანხმებოდა
 და მტერს, თუ სადმე შეიგულებდა,
 მოულოდნელად თავს ესხმებოდა.
 ციხე-კოშკებში ჩაემწყვდა მტერი,
 გარეთ გამოსვლას ველარ ჰბედავდა...

მეფე (სიტყვას აწყვეტინებს)

ყმაწვილკაცობაც წაქეზებული
 მწარე მომავალს ველარ ჰბედავდა!

დაავდო მტერმა სიმაგრეები
 და აქ მოგვადგა ზეერთელულად,
 რომ სრულის ძალით, ბარემ ერთთავად,
 საშვილიშვილოდ გაგვსრისონ სრულად!

გვი

ეგ მართალია! მაგას ჰფიქრობენ
 და აღისკანტიც იმათვე ჰშეელის,
 მაგრამ არ სძინავს არც პატარა-კახს!...
 მომსვლელს, იცოდეს, დამხვედრიც ელის!...

ბაადურ

ჩემო ხელმწიფევე, იყო დრო, როცა
 დიდსულოვნებით მეც მიგდებდით ყურს;
 დღეს სნეულ-საპყარს რალა შეკითხვის?
 მაგრამ არ იშლის გული სამსახურს!...
 მეც უნდა გკადროთ უგნური სიტყვა,
 რომ არ ჩავიკლა გულში უთქმელად;
 ამ დროში ყველა არ გამოდგება,
 რაც სასარგებლო ყოფილა ძველად.
 ცვალებადია წუთის სამყარო...
 რაც-კი არსებობს, ყველა იცვლება!
 წარსული არ ჰგავს აწმყოს, მომავალს,
 სხვადასხვა არის მოთხოვნილება.
 ჩვენი დროება სულ სხვა დრო იყო,
 ახლა-კი სულ სხვა დრო და ეამია!
 მადლობა უფალს, ავად თუ კარგად,
 ჩვენ ჩვენი პური მოგვიჰამია!
 ეს დრო მივანდოთ ახალთაობას,
 იმის რიგია, იმან განავოს!
 წაახდენს რამეს, თუ გააკეთებს,
 ღეთის და კაცის წინ პასუხიც აგოს...
 წინდახედული პატარა-კახი
 არას ჩაიდენს სასინანულოს!
 არ იკისრებდა პირდაპირობას,
 თუ არ ხედავდეს სასურველ ბოლოს.

მეფე (დედოფალს)

თქვენ რალას ბრძანებით?

დელოფალი

თქვენს დიდ გონებას,
 რაღას შემატებს სიტყვა და რჩევა,
 მაგრამ სიბრძნესაც კი ეჭირვება,
 ზეცის თანხმობა და ღვთის კურთხევა.
 თვით მამაჩემი, მეფე ვახტანგი,
 ამის მაგალითს გვიჩვენებს ნათლად:
 სიმხნით და სიბრძნით თანსწორ განთქმულმა
 თავი შესწირა მის სამშობლოს მტლად.
 მისი სულის დგმა, მისი გულისთქმა,
 ქვეყნისთვის ჰქონდა მას შეწირული...
 ყოველი მისი ბიჯის გადადგმა
 თვით სიბრძნე იყო, წინდახედული!...
 მაგრამ შავ ბედის უკუღმართობა
 მას ხელს უშლიდა ყველგან, უეცრად,
 და მის ყოველი მეფური ღვაწლი,
 ბოლოს რჩებოდა მტვრად და ნაცრად.
 და უცხო მხარეს, იმ ნათლით მოსილს,
 სიკვდილის წინეთ ეს წარმოეთქვა:
 „აქვე დამმარხეთ და საქართველო
 გულზე მედება, ვით სამარის ქვა!
 ზედ ეწერება: „სადაც ველარ სჭრის
 სიფრთხილე და შორსგამჭვრეტელობა,
 იქ სჯობნებია გამბედაობა
 და ღვთის ნანდობი საეჭველობა“...
 დღეს ამ დღეშია სწორედ სამეფო!...

შეფე

თქვენც მაგას ბრძანებთ?

დალოფალი

დიახ, ბატონო!

შეფე

მაშ გავიწირავს, რაღა, ქვეყანა?
 მაგრამ მსურს ერთიც რამ მოგაგონო:
 ჩვენ ქვეყანასთან ხომ უნდა იქნეს
 პატარა-კახიც თან განწირული
 და, როგორც დედას ერთი შვილისას,
 რას გეუბნება, რას გირჩევს გული?

დედოფალი

როგორც ქართველ ქალს, ჩემი ირაკლი
 ქვეყნის სამსხვერპლად გამომიზრდია
 და სხვა დედებთან მეც ერთად ჩემი
 მოვალეობა გადამიხდია!
 გადახდეს მასაც გადასახადი,
 ქვეყნის სამსხვერპლო სესხი და ვალი!...
 და ჩვენც ღმერთს ვთხოვოთ: აუმჯობესოს
 მისი ვარსკვლავი და მომავალი.

მეფე (დიდის ფიქრის შემდეგ)

მაშ კარგი! ახლა მეც გეთანხმები!
 უკუმივდია ჩემი სურვილი!...
 ნება გაქვს, გივო, ახლავ წახვიდე
 და შემომგვარო თავხედი შვილი.

გამოსვლა მ-2-რე

ისინივე და პატარა-კახი ამალით.

მეფე

დარბაისლების მოციქულობამ
 და დედაშენის სურვილმა გასქრა!...
 მაგრამ ხომ ჰხედავ, რომ სწეულობამ
 ასე უეცრად გულს ისარი მკრა?
 არ შემოძლია ჩვეულებრივად
 რაზმის დაწყობა... ომში ტრიალი...
 და მოახერხებ შენ, რომ იკისრო
 წინდახედულად დღეს ჩვენი ვალი?

კახი

ვიცდები თქვენის ხელმძღვანელობით.

მეფე

კეთილი! მაგრამ რისი იმედით?
 იმათი ჯარი უთვალავია!

კახი

არა გვიჭირს რა, ჩვენც მზადა ვართ ღვთით...
 მართალი არის, იმათი ჯარი
 ჩვენსაზე ცხადად უფრო ბევრია,

მაგრამ გავუძღვებთ მათ ვაჟკაცობას!...
 რიცხვით მეტობა არაფერია!...

გივი

იმათზე უფრო მე ალისკანტი
 მეჩოთირება და ის მაფიქრებს:
 სამიათასი ლეკით მოსულა
 და მისასვლელზე მტერს ზურგს უმაგრებს.

ბაადურ

დალახვროს ღმერთმა! რა მედროვეა?!...
 რომ ვედარ გაძღა .ის ჩვენი სისხლით?!...
 ნეტავ შემეძლოს, ახლაც დავლურში
 რომ გამოვიხმო, თქვენის სიციცხლით!
 ჩემ დროში მაგას ბევრი სხვა სჯობდა,
 მაგრამ სუყველას დედა ვუტირე!...

კახი

ნუ გეშინია... იმას ამ დროშიც
 გამოუჩნდება მოპირდაპირე!...

მეფე

თუში ბევრი გყავს?!

კახი

სამასი კაცი!

მეფე

ფშავ-ხევსურები?

კახი

ცხრაასიოდე!

მეფე

სარდლად მიეცი მათ ჰაეჰაეძე!...
 ლეკებს ეომონ, მხოლოდ, იცოდე!

კახი

ჩვენც ეგ დავსკვენით...

მეფე

მემარჯვენე სარდლად
 ვინა გყავს, შეილო, გამორჩეული?

კახი

ქვაბულიძეა, ლევან...

მეფე

მემარცხნედ?

კახი

მემარცხნედ რევან ბებურიშვილი.

მეფე

მიმშველი ჯარის?

კახი

ჯანდიერია!

მეფე

მოწინავესი?

კახი

მე ვარ, ბატონო!

მეფე

შენა ხარ? ეგ-კი უხერხულია!
 არ შემიძლია, რომ მოგიწონო!
 შენ უნდა დარჩე მთავარსარდალთან,
 რომ ყოველის მხრივ: გეჭიროს თვალი!
 სარდალს არ ჰფერობს მოწინაობა,
 როდესაც სულ სხვა იწოდებს ვალი...

კახი

თქვენი ნებაა!

მეფე

მაშ კარგი, შვილო!

ახლა-კი დროა გზა დაგილოცო!...
 ეს მინდა, გულზე რომ გადაგკიდო...
 ჯერ-კი მუხლმოყრით უნდა აკოცო
 ამ ძელქეშმარიტს და ამ სასწაულს!
 ეს იყოს, შვილო, შენი მთარველი!
 ახლა-კი ადექ, მომიახლოვდი,
 გადაგეხვევი, მომხვიე ხელი! (ჰკოცნას)
 მშვიდობით, შვილო! მალაღმა ღმერთმა
 გიწინამძღვროს და მოგმადლოს ძლევა!

ახლა დედასთან მიდი... იახელ
 და გამოსთხოვე ლოცვა-კურთხევა! (ცრემლები ვრევა)

დედოფალი

დედაშვილობის გამჩენმა ღმერთმა
 გაკურთხოს, შვილო, გზა წარგიმართოს! (ჰკიცხის)
 გივო, გაბარებ უკანასკნელად
 და ნუ გაუშვებ საომრად მარტოს!

(ეთხოვებიან. ირაკლი გადის ამალით. გივი გაჰყვება. სინუშეა; მეფე
 აღფლავებულია და ორივე ხელეში გულზე აქვს მიდებული; დედო-
 ფალი ცრემლებს იწმენდს; ქალები ჩუმად ჭვითინებენ)

ბაადურ

როგორ ბრძანდები, ჩემო ხელმწიფევ?
 გულის ფრიალმა გიკლოთ, თუ არა?

მეფე

ლამის მამიდნოს, ჩემო ბაადურ!
 ახლა კი ცოტა გადამიარა. (სინუშე)
 (დედოფალს) მტერი მიიღებს პასუხს თუ არა,
 უეჭველია ბრძოლაც ასტყდება
 და დედა-წულის აქ დატოვება
 საშიში არის... არ ევარგება!...
 ჩვენც, დედოფალო, უნდა წავიდეთ,
 აქ აღარავის მოგვასვენებენ.
 სუყოველიფერ აქაურ ამბავს
 იქ შიკრიკები მოგვაცხენებენ.

დედოფალი

ჩემო ხელმწიფევ, მე სუყოველთვის
 ვყოფილვარ თქვენი სურვილის ძონა,
 მაგრამ დღეს უნდა სიტყვა შეგკადრო
 და შემისრულეთ ეს ერთი თხოვნა:
 მინდა, რომ შვილის მახლობლად დავრჩე...
 მის მოქმედებას თვალთ ვუყურო
 და თანდასწრებით, ან მწუხარების,
 ან სიხარულის ცრემლები ვღვარო!

ელენე

დიდო ხელმწიფევ, ჩვენც გადავწყვიტეთ,
 რომ აქვე დავრჩეთ ყველა მახლობლად,

ჩვენის ქმრების და ჩვენის შვილების
 სანუგეშოდ და გასამხნეებლად.

ბადურ

ბატონო მეფე! მეც მინდა, დავრჩე,
 ამათი ხვედრი გავიზიარო;
 რომ ფეხალაგობ, შემომსევ მტერზე,
 ეს ძველი ხმალი კიდევ ვიხმარო! (სიჩუმეა)

დედოფალი

პასუხს მოველით და რას გვიბრძანებ?

მეფე

რალა უნდა ვთქვა? (აღღებებით) მეც თქვენთანა ვარ!
 (დედოფალს) ერთად სიციოცხლე! ერთად სიკვდილი
 ჩემის გვირგვინის გვირგვინო, თამარ!...

ფარდა დაეშება

მოქმედება მესუთე

სცენა: მალლობი ადგილი.

გამოსვლა 1-ლი

მეფე (დურბინდით გადაჭურვებს)

საკვირველია, ამ სიშორიდან
ისე სჩანს ყველა, თითქოს სარკეში:
ალაზნის პირად დამდგარა ჯარი,
მხოლოდ ლეიკები ჩამსხდარან ტყეში.

დედოფალი

ომი დაიწყო?

მეფე

დიდი ხანია...

შემოკრული ჰყავს მტერი ქართველ ჯარს
და იერიშით პატარა გუნდი
ტყისკენ აწევა ლეიკების საფარს...
მაგრამ ეს მცირეც შუა გაიყო!...
ნეტავ რას ნიშნავს, ვერ შემიტყვია?!
თუშის ჯარსა ჰგავს, ჩამოშორდა სხვებს
და მარჯვნივ განზე გადაუხვია!

ბაადურ

ეგ ნოშრევანის ხერხი იქნება:
გამოსძებნიდა სადმე სუსტ მხარეს
და, ორთა შუა თუ მოიმწყვდია,
მტერს დააყენებს სიცხე-სიმწარეს!

დედოფალი

ღმერთო, მოგვებდე წყალობის თვალით!

ქალები

ნუ მოგვაკლებ ღღეს შენს მოწყალებას!

ბაადურ

ამინი!... უფალო! გადაგვარჩინე,
მათ მწარე უღელს და ამ წვალელებას!

მეფე

დაიძრა ლეკი... მინდვრად გამოდის...
მიკვირს, საფარში რომ ველარ ღგება?!

ბაადურ

არ მოგახსენეთ?! უთუოდ სხვა მხრით
თუში მოექცა და ის აწვება.
გაიქცენ?

მეფე

არა, წინ არ უშვებენ,
ყოველი კუთხით შეუკრეს გზები.

დედოფალი

ოჰ, ღმერთო, შენს მადლს! ღმერთო, მოგვხედე!

მეფე

როგორ მისცვივდენ ფშავ-ხევსურები!

ბაადურ

ჰიი, თქვენს გამჩენს კი ვენაცვალე
და თქვენს მარჯვენას, თუშ-ფშავ-ხევსურო!

მეფე

ლეკის საფრიდან გამოდის ჯარი,
თუში ყოფილა, თუშმაც მოასწრო!
ჰა, ჩაერიენ... გუნდი გუნდს ებრძვის...
გაერთდენ! ომი ხელდახელია!
ორივე მხარე საოცრად იბრძვის,
ჯერ გამარჯვება საექველია.
აგერ ვილაცა ლეკის რაზმიდან
გამოდის... ცხენი გამოახტუნა...

ბაადურ

დავლურში იწვევს უთუოდ ჩვენსას,
მაგრამ თუ ერთი ბედმა უმტყუნა...

მეფე

გაჰყვა ვილაცა... მაგრამ ჰო! ჰო! ჰო!
მისვლის უმაღლე ძირს ჩამოვარდა.
შეორე გადის... ესეც დამარცხდა!
რა ექნა? ჩვენებს დღეს რა დაემართა!

გვი

ვაი, თუ თვითონ აღისკანტია?
 ბევრს გააფუჭებს შერყენებული!...
 მოდი და ახლა, ამის გამგონეს,
 ნუ მოგიკვდება, ბაადურ, გული!

(თავს იქნევს)

მეფე

ორი გავიდა ერთად... პირველმა
 მოატრიალა უკანვე ცხენი...
 ძირს ჩამოვარდა... მეორემ მოჰკლა!...
 ეჰე! ჩვენსასვე ჰკლავს ისევ ჩვენი?

ბაადურ

მტერი იქნება! ალბად ვერ ჰხედავთ...

მეფე

კიდევ აპირებს ვილაც გამოსვლას
 და არ უშვებენ, გარს ეხვევიან...

ბაადურ

შერყენებულმა ეგეც არ მოჰკლას!

მეფე

ვერ უეიკავეს... გამოდის... ლმერთო!
 ამას რას ეხედავ?... ვგონებ ირაკლი!...

დედოფალი

ირაკლი?...

მეფე

დიახ, ირაკლის მოჰგავს!

ბაადურ

ლმერთო, შენ მიეც ძლევა და მადლი!

მეფე

მოჰკლეს!

დედოფალი (იკივლებს)

ირაკლი?...

მეფე

მოპირდაპირე—
 ნუღარა სწუხარ აწ, დედოფალო!

დედოფალი

სჩანს, ბედი ისევ ჩვენსკენ ყოფილა.
 დიდება შენდა, ღმერთო-უფალო!...

ბადურ (ალტაცებით)

არ გაჰყვებოდა პატარა-კახი,
 თუ არ ჰქონოდა გული საგულეს.

მეფე

გატყდენ ლეკები! აღარ იბრძვიან...
 ახლა-კი სწორედ ჩვენებმა სძლიეს!
 ლეკებთან ერთად სხვებიც შეჩერდენ.
 პირი იბრუნა, გაიქცა მტერი!
 ჰა! დაედევნა ცხენოსანთ ჯარი,
 რა საოცარი აფარდა მტვერი?...
 თვალით აღარა იხედება-რა!...
 მაგრამ ცხადია, რომ დაგვრჩა ძლევა!...

ქალები

წმინდა გიორგი ალავერდისა,
 მოგვმადლე შენი ლოცვა-კურთხევა!...

გამოსვლა მე-2-ი

ისინივე და შიკრიკი შემოდის.

შიკრიკი

ბატონო მეფევე! ნუ მოგიშალოს
 ღმერთმა დიდება და გამარჯვება!
 დამარცხდა მტერი... გაიქცა კიდევ
 და შიშით უკან ვერ იხედება!...
 თუ ლეკებს არა, ჩვენ აქამდისაც
 დავამარცხებდით ყოველგან თათარს,
 მაგრამ ლეკებმა ნამეტანი ჰქნეს:
 სამავალითოდ უმაგრებდენ მხარს!
 საოცრად ჰბრძოდენ, სანამ აღისკანტ
 არ მოჰკლეს, მათი ბელადი-ლომი;
 მაშინ-კი სწორედ შეშინდა ლეკი,
 ზარი დაეცათ და შესწყდა ომი.

მეფე

საპირდაპიროდ რომ გამოვიდა,
 ის ალისკანტი ხომ არ ყოფილა?

შიკრიკი

სწორედ ის გახლდათ, ჩემო ხელმწიფევე,
 და ჩვენის მხრითაც ბევრი იმსხვერპლა.
 ვინც-კი გავიდა, ზედიზედ მოჰკლა!
 გაძნელდა მისი პირდაპირობა!...
 ბოლოს გავიდა ლევანიც, მაგრამ
 აღარ დასცალდა მისი გმირობა:
 თან გაჰყვა ლევანს ბებურიშვილი,
 რომ გასაჭირში მოხმარებოდა,
 მაგრამ, როდესაც ლევან ბელადის
 შუა გაპობას ეპირებოდა,
 გავარდა თოფი იმ დროს რევანის
 და უცაბედად ლევან დაიჭრა.

ელენე

უი! ჩემს თვალებს! (გულს ეყრება. ჭაღები მისცივდებიან)

დედოფალი

მხოლოდ დაჰკრილა...

შიკრიკი

ნუ გეშინიათ, არა უჭირს რა!...
 შეშინებულმა ლეკმა რომ ნახა
 მოულოდნელად სხვისგან დაჰკრილი,
 გული მოეცა და იქვე მოკლა
 ხმალდახმალ რევანს ბებურიშვილი...

მეფე

მერე გავიდა ბატონიშვილი?...

შიკრიკი

ბევრი უშალეს, არ დაიშალა...
 მასაც მოასწრო წყეულმა თოფი
 და მოსულს უმაღ გულზე ახალა.

დედოფალი (იკივლებს)

ირაკლი დასჭრეს?...

შიკრიკი

არა, ბატონო!

მის ძელქეშმარიტს მოხვდა ის ტყვია,
 ხატი გაჰქეცა და ბატონიშვილს
 არც-კი უგრძენია, არ შეუტყვია.
 მიაგდო ცხენი ხმალდახმალ მტერზე,
 შუა გაჰკვეთა ერთის შემოკვრით
 და მაშინ მტერმაც ომი შესწყვიტა
 ყოველის კუთხით და ყოველის მხრით.

ბაადურ

გაიქცენ?

შიკრიკი

დიახ, და ჩენი ჯარიც
 უკან მოექცა, აღარ ასვენებს.

დედოფალი

გივი სად არის?

შიკრიკი

ბატონიშვილთან!
 ორივე ერთად წინ უძღვის ჩვენებს.

გამოსვლა მე-3-ე

ისინივე და მეორე შიკრიკი შემოიჭრება.

მეორე შიკრიკი

ბატონო მეფევ!

მეფე

რა ამბავია?

მეორე შიკრიკი

ცუდი ამბავი! დამარცხდა ჯარი!....

მეფე

კი, მაგრამ ვისი?

მეორე შიკრიკი

ჩენი, ბატონო!
 გამარჯვებული დარჩა თათარი!

მეფე

თათარი?! (1-ლ შიკრიკს) აკი ჩვენ გავიმარჯვეთ?

პირველი შიკრიკი

მე რომ იქ გახლდით, მტერი გაიქცა!

მეორე შიკრიკი

გადატრიალდა ხელახლა ბედი
და რისხვით თავზე დაგვატყდა ზეცა:
ალაზნის პირად, ერთ ხეობაში,
მტერი ყოფილა ჩასაფრებული,
ჩვენ არ ვიცოდით... იქ შეგვიტყუეს
და ასტყდა ბრძოლა გამწარებული.
დიდძალი ჯარი ამოგვიწყვიტეს,
გივი მოგვიკლეს და ჯანდიერი.
ბატონიშვილი დარჩა შუაში
და გარს ეხვევა ურიცხვი მტერი...

მეფე

ვაიმე, შეილო!

დედოფალი

უი შენს დედას!

ქალები

ვაი და უი! ამ დღის მოსწრებას!

ზაადურ (მსახურებს)

წამილეთ ჩქარა, იქ მიმიტანეთ,
რომ მივეგებო უბედურებას!...

დედოფალი

მეც წამიყვანეთ! ჩემ ირაკლისთან,
რომ მისი ბედი გავიზიარო!

მეფე

მე-კი ვილასთვის და რალათ დავრჩე?
წავალ, რომ მათთან სისხლი დავღვარო!

ელენე

ჩვენ რალას ვუცდით?

ქალები

წავიდეთ ყველა
ჩვენ ძმებთან, ქმრებთან და ჩვენ შვილებთან!

ელენე

და მათთან ერთად პირნათლათ წარდგეთ
შეურცხვენელად იმ ჩვენ ძველებთან!
(ღეჩაქებს მოიხდიან და მიდიან)

გამოსვლა 80-4-ბი

ისინივე და პატარა-კახი.

ჟველა

ამას რას ვხედავთ?

კახი

გამარჯვებული,
თვითონ მოედევარ მე მახარობლად!
ისე გავწყვიტეთ მთელი ლაშქარი,
რომ აღარ დარჩა არც ერთი მთხრობლად.

დედოფალი

რას ამბობ, შვილო?

კახი

ძლევას გილოცავ!

მეფე

მაშ ეს შიკრიკი?

კახი

მე გაახელით
მაშინ, როდესაც იმედმიხდილი
სიკვდილს ვფიქრობდი ჩემივე ხელით:
მოულოდნელად შემოგვერა მტერმა,
გზა აღარ გვექონდა ჩვენ წასასვლელი,
ველარ ვითვლიდით მკვდრებს და დაჭრილებს,
ისე აივსო იქ ტყე და ველი!...
მაგრამ მოგვესმა შორით გუგუნნი,
ხმა „ჰკა მაგასა“ და ზედ კიჟინა;
მოზღვავედა უცბად სულ გლეხკაცობა,
მტერს მიესია და დაუშინა!
შეიქნა ქვების ზუზუნ-ზუზუნნი,
თოხის და კეტის გაჩნდა ტრიალი;

ამ უცნაურმა სანახაობამ
 მტერს წაუხდინა გული და თვალი:
 დაჰყარეს შიშით მათი ფარ-ხმალი,
 მხოლოდ სიცოცხლეს გვევედრებოდენ
 და, გასაქცევი გზა რომ არ ჰქონდათ,
 ალაზანშიაც კი ვარდებოდენ!
 გადაწყდა ომი! მტერი მოისრა,
 ნუ მოგეშალოსთ შვება და ლხენა!...

მეფე (აღტაცებით)

აკურთხოს ღმერთმა შენი გმირობა
 და სასიკეთოდ გიძღოდეს ზენა! (გზვევა)

დედოფალი

აქ მოდი, შეილო, ჩამეკარ გულში!
 შენ გენაცვალოს ეს ძუძუები!
 შენგან გამოხსნილ ჩვენ სამშობლოსთან
 მეც ერთად, შეილო, დღეს ვიბადები! (გზვევა)

ბადურ

გვიბოძეთ ხელი, რომ გეამბოროთ
 და სიხარულის ცრემლი დავღვაროთ!

კახი

მაგრამ სიხარულს ნაღველიც თან სდევს,
 საუბედუროდ და სამწუხაროდ!...
 ნათლის გვირგვინიც უფერულია,
 თუ გარეშემო აღარ აქვს სხივი!
 რაღაა ჩვენი დღეს გამარჯვება,
 როცა აღარ გვყავს მოხუცი გივი?
 არ დაუგდია მას ბრძოლის ველი,
 თუმც სასიკვდილო გულს აჯდა ტყვია;
 და, გაქცეული რომ ნახა მტერი,
 უკანასკნელად გადამეხვია!...
 მითხრა: „მშვიდობით, ჩემო გაზრდილო,
 გახსოვდეს ღმერთი და საქართველო“.
 ეს სთქვა და მეტი აღარ დასცალდა,
 წითლად შეღება მან მწვანე მდელო.

მეფე

ღმერთმა აცხონოს!...

დედოფალი

აცხონოს ღმერთმა!
ჩენის ქვეყნისთვის უძგერდა გული.

ბაადურ

და ღირსეული ღირსად მომკვდარა
სამაგალითო მამულისშვილი!...

კახი

ბედმა ეს ტანჯვა რომ არ მაკმარა?!
გამიორკეცა გულის ტკივილი:
ლევანი, ჩემი მარჯვენა ხელი,
მეტად საეპეოდ არის დაჭრილი!...
ნაბრძანები მაქვს, აქ მოიყვანონ...
რომ მოვუაროთ, ჩვენი ვალია!... (მოჰყავთ)
ა, კიდევ მოჰყავთ! ხომ ცოცხალია?

მსახურები

თქვენს სასახლესთან სული დალია!

ელენე

უი, მიშველეთ! (ქალები მისცივივდებიან)

ქალები

სსსუ! დაგავიწყდა?
სადა ხარ, ქალო? ვის ეკადრება?

კახი

ვაიმე ძმაო!... შენი დაკარგვით
გამიორკეცდა დღეს შწუხარება!...

მსახურები

ბატონო, ვილაც უცხო ყმაწვილი
ვნახეთ დაჭრილი, ტყის პირად ეგდო
და შეგვეხვეწა: „ნუ დამაშორებთ,
ლევანთან ერთად მეც წამიღეთო“.

მეფე

ვინ ყმაწვილია?

კახი

ერთი ვილაცა,
უცხო ჩვენ ჯარში გამოერია:

იმის მშვენიერ, ბავშურ სახეზე
 ჯერ არც უღვაში და არც წვერია;
 ლევანს დასდევდა, არ შორდებოდა,
 ნაცნობს ვერავის ვერ მივამგვანეთ!...

მეფე

ვინც უნდა იყოს... ჩვენი ყოფილა!...
 მოდით და ახლავ შემოიყვანეთ...

გამოსვლა მ-5-თ-მ

ისინივე და შემოაქვთ დაქრილი.

დაქრილი

სად არის ლევან? აბა მიჩვენეთ!
 ეს არის, აგერ რომ ასვენია?
 რისთვის მიშორებ, შენ გენაცვალე?
 რომ მიმატოვე, არა გრცხვენია?!...
 „ერთად სიცოცხლე, ერთად სიკვდილი“,
 ასე არ იყო ჩვენი პირობა?
 და შენ კი გინდა სიტყვა გასტეხო?
 ამას იფერებს შენი გმირობა?
 აჰა, გიბრუნებ შენსვე საწინდარს,
 (იხსნის გულს, აიგლეჯს რალასაც და გულზე ადებს)
 თვით ღმერთი იყო ჩვენი თავმდები!...
 შენ-კი აქავე მიშორიებდი,
 მაგრამ მე იქაც არ მოგშორდები!...
 წავიდეთ ერთად... (ჩაეკვრება და კედება)

მსახური

ქალი ყოფილა!

ჟველა

ქალი ყოფილა?!!

მეფე

ვინ არის, ნეტავ?

გამოსვლა 80-6-სმ

ისინივე და მოხუცი შემოდის მედიდურად.

მოხუცი

ვიცი, ვინც არის, ჩემო ხელმწიფე!
 უსინათლო ვარ და მინც ვხედავ...
 მაგრამ მაგისტვის ჯერ არ მცალია...
 ბატონო მეფევე, ძლევამოსილო,
 აღიღოს ღმერთმა შენი მეფობა!
 და შენც გმირთგმირო, ბატონიშვილო,
 ამიერიდგან საშვილიშვილოდ
 კურთხეულ იყოს შენი სახელი,
 რომ შენთან ერთად იდიდებოდეს
 შენი მშობელი, შენი გამზრდელი!...
 დღემდის ტანჯული ჩენი ქვეყანა
 შენით სულს ითქვამს აწ თავისუფლად,
 და შენც, უფალო, ამდენი ტანჯვა
 სამარადისოდ იკმარე მსხვერპლად!...
 ახლა-კი, შვილო, შენთან მოვდივარ!...
 აბა, მიჩვენეთ, მივიდე, ვნახო,
 რომ ხმალიძიანთ უკანასკნელს მსხვერპლს
 უკანასკნელად ხელი შევახო. (დაუჩოქებს)
 აქა ხარ, შვილო? ეს ვინლა არის?
 შენი ლევანიც აქა გყოლია?
 მადლობა, უფალს, რომ მაგის ჯავრი
 სამარეში თან არ ჩაგყოლია!
 ერთად წასულხართ... აქ არ გელირსათ
 ბედნიერება, შეება და ლხინი,
 მაგრამ იმ სოფელს, სამაგიეროდ,
 დაგედგასთ თავზე ნათლის გვირგვინი!
 (მოხვდება. ზარების რეკა მოისმის)

მეფე

ჩუ!

დედოფალი

კარისაა ეს ლეთისმშობელი...
 პარაკლისს იხდის, სჩანს, სამადლობელს!...
 ჩვენც ღმერთს მადლობით ავუპყრათ ხელი,

რომ თაყვანი ვცეთ მის დიდ განგებას
და მოვიყაროთ მუხლები მის წინ. (იჩოქებს)

მეფე

„აღდგინ ღმერთი და განიბნინენ
ყოველნი მტერნი იმისნი!“

ყველა

ამინ!

(ისმის რეკა. ფარდა ნელ-ნელა ეშვება)

ახალი გვირი

(1898)

ახალი გვირი

დრამა ოთხ მოქმედებად.

მოქმედნი პირნი:

დათიკო სირაძე—რედაქტორი.

არჩილ კახიძე—ექიმი.

ზოსრო (იგივე ქაიხოსრო) გირკანელი—
გამომძიებელი } თანამშრომელი.

ნიკო ჩიხელი—სოფლის მასწავლებელი

ქეთო ჩიტაძისა—ახალგაზრდა ქალი.

მარო რაჭმაძისა—შემდეგში ქაიხოსროს ცოლი.

ნენე—მაჰანკალი.

ბაღდასარ ზუდალოვი.

ზაქარა—მსახური.

მოქმედება პირველი

სცენა: ღარიბულად მორთული პატარა ოთახი. მარჯვნივ სტოლთან ზის დათიკო და სწერს; მარცხნივ დივანზე, მუთაქაზე მიყრდნობილია ქეთო წიგნით ხელში იმის წინ დგას ხოსრო და რალაცას ალტაცებით ესაუბრება. განის კარები ღიაა, ოთახის ერთი მხარე მოსჩანს.

გამოსვლა პირველი

დათიკო, ხოსრო, ქეთო და მერე არჩილ.

არჩილის ხმა ოთახიდან. დათიკო! ჰაა, დათიკო! არ გესმის, ყმაწვილო?

დათიკო. (თავს აიღებს) კმმმ! რა გინდა?

არჩილ. რა დღეა დღეს?

დათიკო. შაბათი.

ხოსრო. პარასკევი!

დათიკო. შაბათია! შაბათი!

ხოსრო. არა მეთქი, პარასკევია!

არჩილ. (კარებზე მოდგება) რომელ ერთს უნდა დაგიჯეროთ?

დათიკო. თუ დაიჯერებ, შაბათია.

ხოსრო. აბა, საკედლო კალენდარს შეხედდე!

დათიკო. ეგ ხომ გუშინდელია.

ხოსრო. არა მეთქი, პარასკევია! დღეს დილით ჩემი ხელით

ავაგლიჯე ფურცელი.

დათიკო. გუშინდელი გახსოვს!

ხოსრო. მე უკეთ არ ვიცი?

დათიკო. გეშლება, გუშინ იყო.

არჩილ. დაგებნათ დღეები?

ქეთო. მე კი პარასკევი მჯონია.

არჩილ. „მგონიაობა“ ხშირად შეგვაცდენს ხოლმე.

დათიკო. თქვენ რომ პარასკევი თვალსა და ხელს შუა გამოგე-პაროსთ, ჩემი რა ბრალია? (იციინს) დახედეთ, აი, ამ საათს, შუალამე გადასულია...

არჩილ. (დაციინვით) მაშ თქვენ კატის პარასკევი ხომ არ გაგონ-დებოდათ.

ზოსრო. კატის პარასკევი რომელიღა?

არჩილ. ძეხვს რომ ვერ შესწვდა და მინც „პარასკევიო“ ამბობდა.

ზოსრო. (წყნით) მაგისტანა პარასკევები თქვენს უბანში მოიკითხეთ.

არჩილ. თქვენსაში კი სულ აღდგომა და შობაა? (ქეთოსკენ) მაშ გაფრთხილდი, ქალო, რომ დიდი პარასკევი არ დაგიდგეს!... (შებრუნდება. დათიკო წერას მოჰყვება)

ზოსრო. (ქეთოს) ე რა გესლიანი ვინმეა!

ქეთო. რაო? მე ვერა გავიგე-რა!...

ზოსრო. არცა ღირს!... (შეხედავს და, რომ დაინახავს დათიკოს თავაღუნულს, მიუჯდება ქეთოს გვერდში). რას ჰკითხულობ მაგას?

ქეთო. აი, რასა!... (წიგნს მიიჭარბენ)

ზოსრო. საუცხოვო აღგილია! (ჰკოცნის)

ქეთო. (თვალთ ანიშნებს დათიკოზე) მაგდენიც არაფერი. (დათიკო თვალს შეასწრებს და თავს ჩაღუნავს). მოკლილი თუ წაიკითხავს, თორემ ახალი აქ არა არის-რა!...

ზოსრო. ახალი არა არის-რა, მაგრამ ისეთი რამე კია, რომ კაცს თავის დღეში არ მოსწყინდება!... განა?

დათიკო. (ახველებს) ჰეე, გავათავე! ამაზე უფრო მეტი დამახინჯებაც აღარ მოხერხდება—გამიგონია, ძველად ერთმა ახალგაზრდა შეყვარებულმა თავის სატრფოს ცალი თვალი წასთხარა, რომ, ეგება, მტერმა აღარ წამართვას და ცალთვალი მინც დამრჩესო... სწორედ ისე გვემართება ჩვენც...

ქეთო. აბა, დრო ის ყოფილა და სიყვარულიც მაშინ სკოდნიათ.

დათიკო. დროსი რა მოგახსენო და სიყვარული კი სწორედ სკოდნიათ.

ზოსრო. (უღვაშების გრებით) კაცებს!...

ქეთო. ჩალებს კი არა?

ზოსრო. მაგალითი არ გადმოუციათ.

დათიკო. როგორ თუ არა?! მაშ გულთამხის ამბავი არ გავიგონია?

ზოსრო. მომიკრავს ყური ცალი ყბით, მაგრამ გულში ჩასარჩენი კი არა ყოფილა-რა.

ქეთო. მე კი პირველად მესმის. ვინა ყოფილა?

დათიკო. ჯაფარიძის ქალი. დიდი და პატარა ყველა თურმე იმას ეტრფოდა და არჩევანიც მის ხელში ყოფილა.

ზოსრო. ჰაი-გიდი, ქალო!

დათიკო. მოტრფიალეთა რიცხვში ერთი ახალგაზრდა გოცირიძე რეულა, ვარდა სილამაზისა, ყოვლად სრული, გამორჩენილი და სახელოვანი.

ხოსრო. მაგრამ მაინც კაი მასალა კი ჰკლებია.

დათიკო. გულთამზეს გონება თურმე მისკენ უჭრიდა, მაგრამ გრძნობა კი სულ სხვას ეუბნებოდა.

ხოსრო. აბა, რა! ქალი არ იყო, თუ?

ქეთო. დაგვაცა ერთი და...

დათიკო. გული თავს ეურჩებოდა, მაგრამ ქალი მაინც კიდევ დროს უცდიდა და სცდილობდა, რომ როგორმე თვალი შეეჩვია!

ხოსრო. აი, სწორედ ქალური აზირებულობა!

ქეთო. მერე, მერე?

დათიკო. ასპინძის ომში, სადაც დიდძალი იმერლობა დაესწრო, გოცირიძემ ჩვეულებრივად სახელი ნახა, მაგრამ ძვირად კი დაუჯდა ვაჟკაცობა: მძიმედ დასჭრეს და, სხვათა შორის, სახეზედაც რამდენიმე ჭრილობა დაღად დააჩნდა.

ხოსრო. (სიცილით) „არ ვარკოდა ძმარო და მიემატა წყალიო“.

დათიკო. როცა მორჩენილი დაბრუნდა იმერეთში, გულთამზემ ნახა და იცით, რა მოუვიდა?

ხოსრო. ჯერ სიცილი აუტყდა, სახეზე რომ შეხედა, და მერე კი შეებრალა.

ქეთო. (აღელვებით) ნახა და შეუყვარდა!

დათიკო. სწორედ! შეუყვარდა და ქმრადაც აირჩია.

ხოსრო. შეუყვარდა? ეგ შეუძლებელია!

ქეთო. სრულიადაც არა.

ხოსრო. მაშ მეტირობით მოსვლია.

ქეთო. ქეშმარიტის გრძნობით.

ხოსრო. უფრო ფარისევლობით.

ქეთო. წრფელის გულით.

ხოსრო. ეგ ბუნების წინააღმდეგია!... უშვერებას გული კარს ვერ გაუღებს.

ქეთო. მაშ თქვენი თვალწამოთხრილი სიყვარული რაღა მაგალითი იყო?

ხოსრო. ის სულ სხვა არის! რაღა-კი ერთხელვე გულში დაისადგურებს სიყვარული, მერე გრძნობა ყველაფერს აიტანს... მანამდის კი...

დათიკო. (გაიძახის) არჩილ! არ გესმის?

არჩილ. (გამოიძახის) ყურს ვუგდებ და მეცინება. (გამოდის) რაო, რაო? მახინჯი გრძნობაო... თვალწამოთხრილი სიყვარული კიდევ რაღაა?

ზოსრო. ვერ გაიგონე?

არჩილ. როგორ არა! (დაცინვით) კაცს ისე თურმე ჰყვარებია, რომ ქალისათვის თვალი წამოუთხრია... საუცხოვოა!

დათიკო. განა კუდი დამტკიცება?

არჩილ. ვინ ამბობს? მაგრამ თავისი თვალი რომ წამოეთხარა, მაშინ-კი უფრო სარწმუნო იქნებოდა.

ზოსრო. (თვალეების ქაჩვით და უღვაშების გრვით) მაგ მაგალითში სიყვარულის თავგანწირულება იხატება... ამფერ, კაცო!..

არჩილ. სხვისი თავის განწირვა ძნელი არ უნდა იყოს!

ქეთო. (აღტაცებით) მე მესმის ეგ გმირობა!..

არჩილ. მართლა?! მაშ ამას როგორღა გაიგებთ: ბატონს მოეწონა ყმის ბედაური; ყმას შეეშინდა: „არ წამართვასო“, და ძუა-ფაფა-რი დააკვეცა: „ეგებ ბატონმა აღარ წაიყვანოს და მე საბარგოდ მაინც გამომადგებაო“?!

დათიკო. (თავისთვის) რა ახირებული მაგალითები იცის!

ქეთო. (ზიხლით) ფუ! სიყვარული და გაკრუკილი ცხენი! რა მოხდენილი და მიმსგავსებული შედარებაა?!

არჩილ. რატომ? იქაც პირადი სარგებლობის ანგარიშია და აქაც.

ზოსრო. მაშ გულთამზის მაგალითი ხომ სულ...

არჩილ. (სიტყვას ჩამოართმევს) არა, ეგ კი სწორედ შესაძლებელია.

ზოსრო. შესაძლებელია?!

არჩილ. რასაკვირველია!... გაკერპებულ ადამიანს ბევრი რამ წარმოუდგება, ბევრი რამ მოეჩვენება და მაშინ ადვილად დააჯერებს გრძნობა-გონებასაც.

ზოსრო. ნეტავ, გულთამზეს რა ჰქონდა გასაკერპებელი? ვინ გააკერპა?

არჩილ. უთუოდ საზოგადო მოვლინებამ!... მაშ ვინ გააკერპა ჩვენი დედები, ის ოჯახის შვილები, ქვეყნის მტრებს რომ ცოლებად მაჰყვებოდნენ და რჯულზედაც კი ხელს იღებდნენ, მხოლოდ იმ განზრახვით, რომ ჩვენი სამშობლოს მტრობა სამოყვროდ შეეცვლებოდა!

ზოსრო. ეგ სხვა არის. მანდ განზრახვა მოსჩანს და არა გრძნობის გატაცება...

არჩილ. თანახმა ვარ! მაგრამ იმ დროში რომ ქალს რომელიმე გმირის ქრილობა მშვენიერების ბეჭდად და გვირგვინად სჩვენებოდა, განა შეუძლებელი რამ იქნებოდა?

ქეთო. არა თუ იმ დროში, ეგ დღესაც შესაძლებელია!

არჩილ. მაგისი კი რა მოგახსენოთ!

ქეთო. ვითომ რატომაო?

არჩილ. იმიტომ, რომ დღეს გულთამზეები აღარსად გახლავან და მხოლოდ თვალის ჩინები ბრძანდებიან.

ქეთო. (წყნით) როგორიც გოციროძეები თქვენა ბრძანდებით, მისთანა გულთამზეებიც ჩვენ გახლავართ! ჯერ გოციროძეები უნდა გამობრძანდენ ცხოვრების სარბიელზე და მაშინ გულთამზეებიც გამოჩნდებიან.

არჩილ. რა იცით, რომ გამოჩენილიც არ არიან?

ქეთო. ვინ? გოციროძეები? როგორ არა... უთვალავი გყავსთ!

არჩილ. თვითო-ოროლა ხომ ურევია.

ქეთო. თქვენს ახალგაზრდობაში?

არჩილ. დიახ!

ქეთო. ხა! ხა! ხა! ხა! მაშ რაღათ იმალებიან! და სად არიან?...

გაგონება მორკმ

ისინივე და ნიკო შემოდის ღარიბულად ჩაცმული.

ნიკო. (ქეთოსა და ხოსროს რომ ერთად დაინახეს, შვებობა. დათიკოს) სტამბა მომცდარია და მასალა კი აღარსად არის.

დათიკო. აი, გეთაყვა, წაიღე და ააწყობინე! სხვები ხომ სულ ააწყვეს? გაასწორე?

ნიკო. მოვწიჩი! (ხოსროს) თქვენი საკვირაო ფელეტონი კი დააკავეს.

ხოსრო. მართლა? ახირებულა, თუ აზრიანს აღარას დაგვაწერიინებენ!...

ქეთო. რაზე იყო?

ხოსრო. კაცის ხასიათზე და მის მოვალეობაზე.

არჩილ. უჰ, მალალი ფარდისა ყოფილა!...

ქეთო. სულ დაიჭირეს, თუ გამორიცხეს რამე?

ნიკო. მაგდენი გამოსარიცხავიც არა ყოფილა-რა. (მიდის)

არჩილ. (ქეთოს) მაგ ყმაწვილს იცნობთ?

ქეთო. ვისა? ნიკოს? ყოველ დღე არა ვხედავ?!...

არჩილ. არა, დაახლოვებით! ეგ გახლავს გოციროძე.

ქეთო. გვარად, თუ მოქმედებით?

არჩილ. საქმით.

ქეთო. ხუმრობთ.

არჩილ. არა, გარწმუნებ, რომ ერთი მათგანია.

ხოსრო. ფხხხუუ!... (იციინს)

არჩილ. რას იცინი?

ხოსრო. ბევრი არა ნდომებია—რა თქვენს გოცირობობას: საკმაო ყოფილა მიყრუებულ სოფელში სადმე ბავშვებს ანა-ბანა გაუკვეთოს და მოკლის დროსაც სტამბაში იჩხირკედელაოს.

არჩილ. მაშ როგორა გგონია! ეგეც არ იცი?

დათიკო. სჩანს, ვერ გიცვნიათ ეგ ყმაწვილი! არც სწავლით, არც ნიჭით და არც შრომისმოყვარეობით არავის ჩამოუფარდება.

არჩილ. და პატიოსნება კიდევ მეტია!

ქეთო. მაშ რათ დაუჩაგრავს მაგრე ბედს?

არჩილ. დრო და ჟამსა ჰკითხეთ!...

ხოსრო. სწორე მოგახსენოთ, ვერაფერა წარმომადგენელია ძველი გმირების!...

ქეთო. (იცინის) მეც მაგრე მგონია!

არჩილ. დროს საკადრისად და გარემოების შესაფერად, დიხაც გმირია.

ხოსრო. მაშ ვერ ყოფილა სახარბიელო ჩვენი დრო!

ქეთო. მეტად ამცირებთ.

არჩილ. (ქეთოს) სულაც არა!... ძველად გარეშე მტრებს ვიგვრებდით და დღეს შინაგანს ვებრძვით. მაშინ სისხლის თხევა იყო საჭირო, —დღეს ოფლის ღერაა და ფარ-ხმალიც განსხვავებულია.

ხოსრო. ნიკოს ფარ-ხმალი?

არჩილ. პირადობაზე ხელის აღება და საზოგადოსათვის თავის განწირვა.

ხოსრო. სიტყვაა!!! ვინც თავს ვერას არგებს, ის სხვას რას გამოადგება?

არჩილ. ხალხის ქეშმარიტებაც ეგ არის... მაგრე ამბობდენ მოციქულებზე და პირველი საუკუნის ქრისტიანებზე კერპები.

ხოსრო. ხალხსაც თავისი შეხედულება აქვს.

არჩილ. მაშ, ჩვენმა ყმაწვილკაცობამ ჯერ უნდა თავის თავზე იფიქროს: დაიწყოს ადვოკატობა და ხალხს ტყაფი გააძროს, რომ იმისვე სათაყვანო გახდეს; ან—და მიჰყოს ხელი ექიმობას, მხოლოდ იმ განზრახვით, რომ ფულები ჰკრიფოს და სასაფლაოები ასუქოს; და ან კიდევ ხელჯობიანობა იკისროს და ქვეყნის გაწირვით იდღესასწაულოს! მაშინ ხომ მათზე ძვირს ვეღარავინ იტყვის?! და ჩვენი ქალებიც წყალობის თვალით შეჰხედავენ... განა? ხა! ხა! ხა! ხა!...

ქეთო. ეგეც უკიდურესობაა და ისიც! უკიდურესობა ხომ ყველას არ მოეთხოვება?... განსაკუთრებით ქალებს!

არჩილ. მაშ, გულთამზის ამბავმა წელან ისე რათ ავიტაკათ? თქვენ არა ბრძანეთ: გულთამზეობა ახლაც შეიძლებაო?... დალოცვი-

ლო, თუკი უწინდელ ქალებს სახის დამასახიჩრებელი მშვენიერების გვირგვინად და ბეჭდად ეჩვენებოდათ, თქვენ რაღა გემართებათ, უკეთეს ყმაწვილ კაცებს თვალს არიდებთ მხოლოდ მიტომ, რომ ღარიბები არიან და კოხტურად ვერ იმოსებიან!... მაგრამ ეს!... ღირს კი ამაზე ლაპარაკი?... რისი გულთამზე და ვისი გულთანთვარე! სად არიან?...

ქეთო. (ხოსროს) ხომ არა შეუტყვია-რა?

ხოსრო. არაფერი!... მაშუალივით კი ესარჩლება იმ ყმაწვილსა და!...

ქეთო. იპ, გამოესარჩლოს, თორემ გული არ შემიცვალოს!

ხოსრო. (აღერსით) ვინ იცის?

ქეთო. (აღერსით) გრცხვენოდეს! (საათს ამოიღებს) უჰ! პირველი საათია... გამაცილებ?...

ხოსრო. ღამე მშვიდობისა, ყმაწვილებო! სხვა ფელეტონი ხომ არ დაეწერო?

დათიკო. არა, მზადა გვაქვს მეორე.

ხოსრო. არჩილის?

დათიკო. არა, ნიკოსი.

ხოსრო. ნეტავ რაზედა სწერს?

დათიკო. სიყარულზე.

ქეთო. სიყვარულზე? (არჩილს) თქვენი გოცირიძე სწერს?

არჩილ. დიახ, ჩემი გოცირიძე სწერს, რომ თქვენმა გოცირიძემ წაიკითხოს.

ხოსრო. (ხელს აშვერს არჩილს) თუ ბატონი დოქტორის მოწაფედ არის, კარვად კი ეცოდინება სიყვარული და რიგინადაც ახსნის.

არჩილ. სიყვარულს მხოლოდ გრძნობა უნდა და, თუ ცოდნა იყოს საჭირო, მაშინ ნიკო შენ მოგებარებოდა მოწაფედ და არა მე... სიტყვების რახარუხი ეცოდინებოდა.

ხოსრო. უსიტყვო გრძნობა ხომ პირუტყვებსაც აქვსთ.

არჩილ. მაგიერში უგრძნობელ სიტყვებსაც ვერ მოახერხებენ და ამით ზოგიერთ მეტყველზე უპირატესობა აქვსთ.

დათიკო. კარგია, ახლა აღარ გაათავებთ? სადაც არის, გათენება მოატანს.

ქეთო. (ღიმილით) გვითხოვ?

დათიკო. თუ მაგრე შეჰყევით, პარასკევი კი არა, კვირაც გამოგეპარებათ.

ქეთო. მშვიდობით! მშვიდობით! მართლა, რომ დროა. (მიუბრუნდება არჩილს და თავს დაუჯრავს მიმედ) მშვიდობით ბრძანდებოდეთ!... თქვენს გოცირიძეს მოკითხვა გადაეცით! (მიდიან)

არჩილ. თვენი გოცირიძე მანდერ გახლავსთ! (ხელს აშვერს ხოსროს).

ხოსრო. (შეწირდება) მე რაღასა ჯადმომწვდი? არ შეიძლება— გვიპასუხოთ?

არჩილ. დიდის სიამოვნებით!... მაგრამ ახლა დრო აღარ არის! ჯერ ეგ თქვენი გულთამზე გააცილეთ!...

ქეთო წაივლეთ, წა!... ხომ ხედავ, რა გუნებაზეა?

ხოსრო. (გაჰყვება) ილრინება ჩვეულებრივად. (კარებთან რომ მიაწევენ, დაბრუნდება) დათიკო! თუ ლმერთი გწამს, ძილს ნუ გაატეხინებ არჩილს, თვარა ხვალ კულ გუნებაზე დადგება და მტერსა და მოყვარეს გაურჩევლად მოშამავს... ჯერ ახლაც მოლესილია. (მიღიან)

გამოსვლა მესამე

დათიკო და არჩილ.

დათიკო. რა არის, რომ მაგ კაცთან გულგრილად ლაპარაკ ვერ ახერხებ?

არჩილ მეჯავრება.

დათიკო. არც მაგრე ამოჩემება ვარგა! ჩვენი აზრის კაცია, ჩვენი რაზმისა და ჩვენი მომზრე.

არჩილ. მხოლოდ დრომდე... ჩვენი რაზმი მაგისტვის კიბეა და ხიდი სხვაგან გადასაყვანი... ცოტა გვინახავს მაგისტანები?... სანამდის თავს იჩენდენ და ზურგს გაიმაგრებდენ, ჩვენ გვეკედლებიან... ჩვენთან არიან... ვითომ ერთგულად და გაბედვით ვაკეთებთ საქმესაო... თვითო-ოროლა რამესაც დასწერენ და მერე-კი...

დათიკო. შორს და მშვიდობითა?

არჩილ. მაგასაც კი აღარ გვაჯერებენ: შორს და კისრის ტეხითო! პირველ მტრებთაგანი გვიხდებიან ხოლმე.

დათიკო. ხოსროს მაგგვარი არა ეტყობა-რა.

არჩილ. აი, ენახოთ, თუ არა!... გახსოვდეს ჩემი სიტყვა, თუ მაგან ის ქალი არ გააუბედუროს.

დათიკო. მერე ჩვენ რაო?

არჩილ. ის, რომ ჩვენი სირცხვილი იქნება: ჩვენს წრეში შემოსულა, წრფელის განზრახვითა და სასოებით მოგვენდო და ერთმა ჩვენგანმა, ანუ ცრუ ჩვენთაგანმა, უნდა საუკუნოდ გააუბედუროს?

დათიკო. ჩვენ ხომ აპეკუნები არა ვართ?! ყმაწვილი აღარც ეგ არის...

არჩილ. ქალი სიყვარულში სიკვდილამდე მცირეწლოვანია.

დათიკო. ვითომ რატომმა?

არჩილ. იმიტომ, რომ კაცზე უფრო წრფელი და ბუნებათანა-
ზიარია... ადვილად მოტყუვდება... ეს საზოგადო კანონია... და ქე-
თოს ხომ უფროც ეჭირვება გაფრთხილება.

დათიკო. ქეთო რაღა არის?

არჩილ. ქეთო ჯერ კიდევ ყმაწვილია, ნიჭიერი... მაგისაგან
შეიძლება კარგი რამ გამოვიდეს... მაგრამ ატაცებული ბუნებისაა.
ისე, როგორც ყოველი ნიჭიერი, და ვაი-თუ..

დათიკო. მაშ, გვიანღა არის მაგის მოხმარება!...

არჩილ. როგორ? განა შეუტოპავს?

დათიკო. რასაკვირველია! უყვარს...

არჩილ. ჰე, ეგ კი არ მიამა...

დათიკო. არც მე მიამა, მაგრამ რა გაეწყობა? (ხელეფს შლის)

ფ ა რ დ ა

მოქმედება მეორე

სცენა: ქეთოს ოთახი. მარო ზის სავარძელში და წიგნს ჰკითხულობს. ქეთო მუდრე ოთახიდან გამოდის შლიაპითა და ქოლგით.

გამოსვლა პირველი

ქეთო. ახლა კი მზადა ვარ.

მარო. (მოუბრუნდება) მიდიხარ?

ქეთო. დიახ, ჩემი ძმა ჩამოსულა და სასტუმროში დავუბარებ-
ვარ საქმეზე.

მარო. მაშ მეც წაველ.

ქეთო. შენ რაღათ?

მარო. როცა მასპინძელი სახლიდან გარბის, სტუმარი რაღა
მოხელეა?

ქეთო. დიდი ხანია სტუმრობა დაიწყე ჩემ სახლში? მარო არ მო-
მიკვდეს, შენ შინ არავინ გაგიშვას. დღეს, შეიძლება, ჩვენმა ყმაწვი-
ლებმა აქ მოიყარონ თავი და უშენობა განა მოხერხდება?... მით უფ-
რო, რომ არ ვიცი, რამდენ ხანს დამაგვიანდება ძმასთან. შენ იმას-
პინძლე ჩემ მაგიერ (ხელს მოჰკიდებს და დააჯენს) დაბრძანდი! დაბრძანდი!
აი, ასე!... შშვილობით. (მიდის, მერე ისევ მობრუნდება) იცი, ქალო, დღეს
ერთს ვისმეს გაიცნობ.

მარო. ვისა?

ქეთო. ნიკო ჩიხელს.

მარო. ვინ ჩიხელია?

ქეთო. „სიყვარულის“ ავტორი.

მარო. მართლა?... ვნახოთ! ძალიან ატაცებული ვინმე კი უნდა
იყოს.

ქეთო. სულაც არა! ეგ ერთი დოუშაში მოუვიდა და ისიც ჩემის
მიზეზით.

მარო როგორ თუ შენით?

ქეთო. შეყვარებულია.

მარო. შენ უყვარხარ?

ქეთო. ჩემდა საუბედუროდ.

მარო. გამოგიტყდა კიდეც?...

ქეთო. რალა გამოტება უნდოდა? განა ისე კი ვერ შევატყობდი? მოცლის დროს იმასა ცდილობს, რომ სულ ჩემს მიხლობლად იყოს... დაჯდება ჩემ გვერდით მუნჯივითა, ვითომ და აქ არაფერი ამბავია, ხმას არ იღებს, მაგრამ მისი გულის ძვერა კი იქიდან აქამდე გესმის. ნერწყვს ნერწყვზედა ჰყლაპავს... ალბათ პირი უშრება ხოლმე. თანაც სცდილობს, რომ ქურდულად მიჭვრიტოს და, როცა თვალს შევა-სწრებ ხოლმე, თავსა ღუნავს.

მარო. ერთი სიტყვით, ეგ ყველა ნიშანია ახალგაზრდა შეყვა-რებულის. მომილოცავს!...

ქეთო. იპ, ნეტავი შენა! რაში მეკნაკება მისი სიყვარული?

მარო. შენ რალას ეუბნები?

ქეთო. მე რა უნდა ვუთხრა?!... არც კი შევიჩნევ ხოლმე. ფლა-ვი წინ მედგას და ლობიოს გამოვუდგე?

მარო. მერე და არ გეცოდება?

ქეთო. თუ მაგრე გეცოდება, შენთვის დამითმია! (ჰკოცნის) მშვი-დობით! მშვიდობით! დამავიანდა! (გაზრბის)

გამოსვლა მარო

მარტო მარო (გააყოლებს თვალებს)

მარო. რა ატაცებულია?!... მართებს კიდევ: სიყვარულმა გული აუფქრიალა და მიმოფრენს... როგორც სიზმარში! (წამოდგება და და-დის) შემცდარია დათიკო, რომ ქალებს უპირატესობას აძლევს კაცებ-ზე ცხოვრებაში!... მართალია, ჩვენ უფრო გულკეთილები ვართ... უფრო თავგანწირულები და ყოველ შემთხვევაში სამსხვერპლოდაც მზა, მაგრამ სიყვარულში კი... იმ ერთ საგანში უკიდურესობაა ჩვენი კა-ნონი: ჩვენთვის აღარც მშობელი, აღარც ნაშობი და აღარც მეგობა-რი!... მზადა ვართ შეგწიროთ წამიერ გულისთქმას ცის და ქვეყნის კეთილდღეობა. (დადის. მივა და დაეყრდნობა კამოდს. პირი პუბლიკისკენ აქვს) ჰმ!... აი ჩემი სიყრმიდანე თანშეზრდილი მეგობარი და დაზე უტ-კბესი ქეთო! იცოდა, ვინც მიყვარდა... გუშინ არ იყო, რომ მანუფე-შებდა და იმედს მიქაღდა? დღეს ამოუგლეჯია მოლაღატობით მისი გულიდგან ჩემი სიყვარული, თვითონ უხელთებია მისი თავი და მესა-იდუმლედაც მე მზღის. აღარ ესმის, რომ მისი ყოველი სიტყვა ეკა-ლია და ისრად მესობა გულში. ავიწყდება, რომ მეც ქალი ვარ და სიყვარულის გამო შურისძიება ქალის უკიდურესი მახვილია... არა!... ადვილად ვერავის დაეუთომო ჩემს ბედნიერებას! (თავს ჩაჰკიდებს და თვალბზე ხელს მიიფარებს)

გამოსვლა მასამ

ისინივე და ნიკო შემოდის და შუაზე შეჩერდება.

მარო. ოჰ, რა ძვირფასი ნიჟია სილამაზე!!... კაცების მომხიბლავი და მათი თვალების ამხვევი!... რატომ მეც არა ვარ ლამაზი?... რად მინდა ჩემი სიძლიდრე? იმის სილამაზე არ მერჩია? ახლა ვინც უნდა შემიყვაროს, ფულის თაყვანისმცემელი მეგონება და იქვე გულში კბენას დამიწყებს. (ნიკო ახველებს. მარო მობრუნდება)

ნიკო. ქეთოსთანა ვარ.

მარო. შინ არ არის.

ნიკო. მაშ უკაცრავად. (მიდის)

მარო. სად მიბრძანდებით?

ნიკო. აქ რალა გაგაკეთო?

მარო. ქეთომ გთხოვათ, რომ მოიცადოთ, მალე დაბრუნდება.

ნიკო. ქეთომ? მერე და რა იცოდა, რომ მოვიდოდი.

მარო. საზოგადოდ დაიბარა ვინც მოვიდესო.

ნიკო. კეთილი. (მიდის კუთხეში, ჯდება)

მარო. აქეთ მობრძანდით. მაგ სიშორეს სად მიდიხართ?

ნიკო. არა მიშავს-რა.

მარო. თქვენ ნიკო ხომ არა ხართ?

ნიკო. ნიკო სხვაც ბევრია.

მარო. (იციანს) მე თქვენდათავად გეკითხებით.

ნიკო. დიახ, ნიკო მქვიან.

მარო. ჩიხელი?

ნიკო. ჩიხელი.

მარო. „სიყვარულის“ ავტორიც თქვენა ხართ?... ჰმ, მაშ, ეხლა კი გიცნობთ ცოტათი.

ნიკო. მე კი ჩემ დღეშიაც არ მინახავხართ.

მარო. ამ ხუთის წლის წინეთ, თქვენ რომ ჯერ ისევ მოსწავლე იყავით, დათიკო სირაძემ მოგიყვანათ ჩემ საცოდავ ძმასთან.

ნიკო. თქვენი ძმა ვინ გახლდათ?

მარო. ალექსანდრე რაზმაძე... უნდა გცოდნოდესო.

ნიკო. ალექსანდრე? როგორ არა... იმას ვინ არ იცნობდა? კარგი რამ იყო! მაშ, თქვენ და ბრძანდებით?

მარო. სად დავბრძანდები?

ნიკო. არა... მისი და თუ ბრძანდებით მეთქი?... ახლა კი მეც გიცნობთ. (მიდის და ხელს აძლევს) ჰმ... მაშ თქვენ მარო უნდა იყოთ... (ჯდება)

მარო. სწორედ.

ნიკო. ამდენ ხანს ძმაზე გაცვიათ შავი?

მარო. არა, ამ სამის თვის წინათ მამაც მომიკვდა.

ნიკო. უჰ, აქამდი ცოცხალი იყო?

მარო. (წყენით) განა მაგრე მოხუცებულად გეჩვენებით, რომ გაიკვირვეთ კიდეცა? (თავისთვის) ე რა ხეპრე ყოფილა!

ნიკო. (შემერთალი ყოყმობს) არა... ეგ... რა ბრძანებაა? მე იმაზე მოგახსენეთ, რომ შვილს დაუსწრია...

მარო. დაუსწრია რა... დანაძლევებული კი არა ყოფილან.

ნიკო. არა... ვიჯობ... მამა რომ... ერთი სიტყვით, მე შიტომ ვამბობ, რომ საზოგადოდ მამები ახლა დიდხანს ველარა სძლებენ... აღრე კვდებიან. (თავისთვის) ფუ! სულ არ ავირიე!

მარო. (წიგნს ჩასჩერებია. სიჩუმეა. ნიკო ფეხაქრეფით იპარება) სად მიდინართ?

ნიკო. (ჩაჯდება) არსად! არ მინდა, რომ კითხვა შეგიშალოთ.

მარო. არა, მე არას მიშლით. (აბეჯებს)

ნიკო. (თავისთვის) ე რა ჭირში ჩავვარდი. (მაროს) მართალია, რომ ალექსანდრე კომიტეტში გაცივდაო?

მარო. არა! ანევრიზმმა იმსხვერპლა.

ნიკო. გული გაუსქდა? საკვირველია, რომ ჩენი ყმაწვილები სულ მაგრე კვდებიან.

მარო. ალბათ მძიმე ტვირთი აძევსთ და ველარ აუტანიათ.

ნიკო. რასაკვირველია. მე მგონია, რომ ჩენც ყველას ეგ ბოლო მოგველის, გარდა არჩილისა...

მარო. ის რალა არის? ექიმი რომ არის, შიტომ?

ნიკო. არა... სულ სხვა ბუნების კაცია, რკინის გული აქვს, თორემ რატომ აქამდის სულ ნაფლეთ-ნაფლეთად არ ექცა?!

მარო. ამბობენ, რომ იმას გული სულაც არა აქვსო!

ნიკო. მაგას მხოლოდ ჭიხოსრო ამტკიცებს, მაგრამ იმას კი ერთ-ნახევარი აქვს, მისმა თავის ხეთქამ!

მარო. ხოსრომ კიდევაც დაამტკიცა და...

ნიკო. ქეთოს რომ ატყუებს, მიიი?

მარო. როგორ თუ ატყუებს?

ნიკო. მაშ არა და სიყვარულით თავი უცხელდება! აბა, ფული ნუ ექნება ქეთოს, ლუ ან სიახლოვეს მიეკაროს...

მარო. განა მაგისტანაა?

ნიკო. რა ბრძანებაა! სიმდიდრეს დაეძებს... მისთვის სილამაზე არაფერია. აბა, გამოჩნდეს ვინმე ქეთოზე უფრო მზითვიანი!...

მარო. (აჩქარებით) გინდა ულამაზოც?

ნიკო. რა თქმა უნდა!... მაიმუნიც რომ იყოს, მზეთუნახავად მოეჩვენება.

მარო. ეყვარება კიდევ?

ნიკო. სინამ ფული არ გამოელევით, რა დაუშლის?

მარო. ჰმ!... ქეთოს მაგრე არ არწმუნებს! ცალი თვალი რომ წამოითხარო, მაშინაც მიეყვარებო.

ნიკო. ცალი თვალი კი არა, აბა, ცალი ჯიბე მოიჭრას ქეთომ, თუ მაშინვე განზე არ გაუდგეს!

მარო. ეგ კაი ხუმრობაა!! თუ მაგრე დარწმუნებული ხართ, რატომ მაგაებს ყველას არ ამხილებთ ქეთოს?

ნიკო. დამჯერე ვინ იქნება?! ადამიანს რომ ვინმე შეუყვარდება, კეთა-გონებას გირაოდ აძლევს თავის სატრფოს... და როგორღა შეუძლია გაარჩიოს ტყუილი და მართალი? (სიჩუმეა)

მარო. ეგ კი მართალია.

ნიკო. ქეთოს მეგობარი ბრძანდებით, მგონია?

მარო. დიდი.

ნიკო. მაშ თქვენ რომ ეტყოდეთ, არ იქნება ურიგო.

მარო. განა ჩემგან კი შეიგონებს?!

ნიკო. არა, იმა კი ნუ ეტყვით, რაც ახლა ვთქვით! ურიგეთ, რომ ქორწილი დააჩქაროს, თორემ, თუ ერთხელევე ხელიდან დაუსხლტა, მერე კი, მშვიდობით, გაუბედურდება ქალი! ჯერ დღესაც ვერ უყურებენ ქეთოს კარგის თვალით და მაშინ ხომ დედამიწასთან გაასწორებენ და ცოდვას...

მარო. მაგას რატომ თვითონ თქვენ არ ურჩევთ, თქვენიც ხომ კარგი ნაცნობია?

ნიკო. ჩემგან არ ივარგებს.

მარო. რატომ?

ნიკო. მიტომ.

მარო. მიზეზია რამე?

ნიკო. ცოტაოდენი.

მარო. მაინც? საიდუმლოა?

ნიკო. დიდი არაფერია, მაგრამ...

მარო. მაშ არ შეიძლება გავიგოთ?

ნიკო. მე რომ ვურჩიო, ვაი თუ იფიქროს, რომ თვითონ ვუყვარვარ და მიტომ მირჩევსო, უნდა ცუდად დამანახოს ქაიხოსროს თავიო.

მარო. ეგ ხომ ჩემზედაც შეუძლია იფიქროს: ჩემი საქმრო უყვარსო.

ნიკო. ეგეც კი შეიძლება.

გამოცვლა მეოთხე

ისინივე და ხოსრო შემოდის.

ხოსრო. გამარჯობა! ააა! ვისა ვხედავ?! მარო! მარო! როგორა ბრძანდებით? როდის ჩამოხვედით?

მარო. გმადლობთ!... დღეს მეორე დღეა.

ხოსრო. ამდენ ხანს სოფელში რამ გაგაჩერათ?

მარო. ასე მოიტანა გარემოებამ.

ნიკო. მამა გადაცვლია.

ხოსრო. როგორ? მამათქვენი?

მარო. დიახ, ეს სამი თვეა, რაც მიიცვალა.

ხოსრო. ოჰ, რა მოუვიდა განსვენებულს?

მარო. შვილის მწუხარება ველარ აიტანა!... მოგეხსენებათ, ძნელია ერთადერთი შვილის დაკარგვა.

ხოსრო. როგორ? მეტი ვაჟი აღარ დარჩენია?

მარო. აღარც ვაჟი და აღარც ქალი... ჩემს მეტი.

ხოსრო. ჰმ... (დაფიქრდება) როგორც გამიგონია, კარგი მამულეები ჰქონდა მამათქვენს.

მარო. სხვებზე მეტი თუ ჰქონდა, თორემ ნაკლები არა.

ხოსრო. თუ პრიკაზის ვალიც აპატიეს...

მარო. პრიკაზში არა გექონია-რა!

ხოსრო. მართლა? ეგ იშვიათია ჩვენში! (თავისთვის) რანაირად უხდება შევები!... (მაროს) კერძო ვალი უფრო უარესიც არის, დიდი თაოსნობა ექირვება.

მარო. მამაჩემს ვალი კი არა, ფულებიც დარჩა, ბარე ოთხიათას თუმნამდე.

ხოსრო. (თავისთვის) რა მოხდენია სოფლის ჰაერი!... (მაროს) გყავსთ ვინმე მისთანა, რომ ყური უგდოს?

მარო. ჯერჯერობით ბიძაჩემს მივანდე.

ხოსრო. იცის კანონები? შეუძლია აწარმოოს საქმე, საჩივარი რომ დასკირდეს?

მარო. საჩივარი რათ უნდა დასკირდეს?

ხოსრო. ვინიცობაა, გასესხებული დროზე ვერ აიღოს... ვექსილები... დავა... დარაბა... ათასი რამეები შეიძლება გამოტყვერეს მოულოდნელად.

მარო. სავექსილო არა დაგვრჩენია რა!... ფულები ბანკში ჰქონდა შეტანილი.

ხოსრო. (თავისთვის, უღვაშების გრებით) ღამაში არ არის, მაგრამ ძალიან ეშხიანი კი არის... ამ შავეებში მინც... (მარჯვნივ) მაშ თქვენ დიდხანს აღარ დარჩებით აქა?

მარო. დიან, დროებით ჩამოველ! ოჯახსაც ყურისგდება უნდა.

გამოსვლა მესამე

ისინივე და ქეთო, შემოვარდება გახარებული.

ქეთო. ოჰ, მოსულან კიდეც? უკაცრავად, დამაგვიანდა. (ნივთს) საღამო მშვიდობისა! (ხოსროს) შენთან ორი რამ მაქვს სამახარობლო; გეტყვი, თუ სამახარობლოს მომცემ.

ხოსრო. რა არის? არ შეიძლება, გვიბრძანოთ?

ქეთო. გვიბრძანეთო! ეგ რა არის, რომ მაგრე გულცივად დამიხედო?

ხოსრო. ცივად რა... ცივხლს ხომ ვერ გავაჩენ?... ნეტავი ყმა-წვილი არ იყო!... გვითხარი, აბა რა იცი?...

ქეთო. გითხრა?

ხოსრო. ჰო!

ქეთო. სამახარობლოსაც მომცემ?

ხოსრო. ბატონი ხარ!

ქეთო. იცი, რას მოგთხოვ სამახარობლოს?

ხოსრო. ჰო, კარგი! რაც გენებოს, ოღონც კი სთქვი და გაათავე!

ქეთო. ჩემ ძმას იჯარაში ზარალი უნახავს, რაც ფულები ჰქონდა წაუგია და ჩემი ფულებიც თან მიუყვლებია... გაკოტრებულა.

ხოსრო. მერე და ეგ რა გასახარელია?

ქეთო. არა.. ძმა კი შეცოდება, მაგრამ მე კი ჩემდათავად ძალიან კმაყოფილი ვარ.

ხოსრო. (შემკრთალი) რა ხუმრობაა?!

ქეთო. ახლა მე უმზითვო ქალი ვარ!... შენც ხომ ეს გინდოდა?

მარო. ვეთაყვა, მანდ სასიხარულო რა არის?

ქეთო. ეს სულ იმას მეუბნებოდა: „ნეტავი შენ მზითვედი არა გქონოდაო; ჩვენ ჩვენის შრომითაც შეგვეძლო თავი გვერჩინაო; ახლა, რომ მზითვიანი ხარ, შეიძლება შენცა და სხვებმაც ბევრმა გაივლოს გულში, რომ ფულისათვის მიყვარხარო“. მე, რასაკვირველია, ეჭვი არ მომივიდოდა, მაგრამ ზოგიერთები კი სხვაგვარად ჰფიქრობდნენ და ახლა ხომ დარწმუნდებიან! განა, ხოსრო?

ხოსრო. (გამოფხიზლდება) ჰმ!... რაო? ჰო, რასაკვირველია! რასაკვირველია! (ელიზება ძალდატანებით)

ქეთო. ეგ კიდეც არაფერი! მეორე კიდეც უფრო სასიამოვნოა, მაგრამ აქ არ გეტყვი. მაჩვენე ყური. (ფურჩულდება. ხოსრო შეკრთება) გზა-ში ვიგრძენი... ხომ გაიმა?... ა?... მაგრე რათ გაშტერდი? თითქოს ეწყინაო!... (მარს) ვიცი, ვიცი... მივხვდი, ამან ასე იცის... ვითომ და არ მიამაო! სამახარობლო უნდა შეირჩინოს... განა? მე ჩემი სამახარობლო უნდა ავიღო! (მივარდება და ჩემოვკიდება ყელზე)

ნიკო. ფხხუუუ! (აიტებს სიცილს)

მარო. ახლა კი ჩემსკენ დატრიალდა ბორბალი!

ფ ა რ დ ა .

მოქმედება მესამე

სცენა: აზიურად, მდიდრულად მორთული ოთახი ხოსროს სახლში.

გამოსვლა პირველი

ხოსრო და ზაქარა შემოდის.

ხოსრო. (სტოლთან ზის და სწერს. ცოტახნის შემდეგ ზარს რეკავს. ზაქარა შემოდის) ზაქარა!

ზაქარა. ბატონო!

ხოსრო. იყავი?

ზაქარა. ვახლდით.

ხოსრო. შეიტყვე რამ?

ზაქარა. როგორ არა! აღარავინ აღარ დადის მისას. დამწყვედულია კარდაკეტილში, მისთვის აღარც მოახლეს და აღარც ძია. თვითონვეა ყოველიფერი.

ხოსრო. გადაეცი?

ზაქარა. გადავეცი, მაგრამ, რომ ვუთხარი თქვენგან იყო, აღარც კი გახსნა... ცხვირ-პირში მახალა.

ხოსრო. სჩანს, რომ ჯერ კიდევ კარგად არ სწვევია გაჭირვება.

ზაქარა. განა მეტი-ლა შეიძლება? შიმშილით ფერი დაჰკარგვია.

ხოსრო. მაშ რატომ არ მიიღო?

ზაქარა. რა მოგახსენოთ!

ხოსრო. მაკლდეს მისი მოწყალებანი. ადრე თუ გვიან დასთანხმდება. (დადის დაფიქრებული) ის კაცი, წელან რომ მოვიდა, აქ არის?

ზაქარა. აქ ვახლავსთ.

ხოსრო. უთხარ, შემოვიდეს.

ზაქარა. ბატონი ბრძანდებით. (ზაქარა მიდის, ხოსრო სწერს)

გამოსვლა მეორე

ხოსრო და ბაღდასარ (შემოდის).

ხოსრო. ბაღდასარ!

ბაღდასარ. ბატონო, შენი კირიმე!

ხოსრო. ხომ იცი, ვინა ხარ? რას გაჩუმებულხარ? დაგავიწყდა? შენა ხარ ხეჩო ხეჩატურიანი, საკატორლო, ავაზაკი, ციხიდან გამოქცეული, გესმის?

ბაღდასარ. ვიცი, ჩემო ბატონო!

ხოსრო. დღეს ბაღდასარ ბუდალოვი ხარ... და ხომ იცი, ვინც გაგიკეთა ეგ ქალაღი?

ბაღდასარ. თქვენ, შენი ქირიმე!

ხოსრო. მაშ უნდა გახსოვდეს, რომ შენი სული ჩემ ხელშია.

ბაღდასარ. განა არ ვიცი?

ხოსრო. ჩემი გულისათვის წყალშიაც უნდა ჩავარდე და ცეცხლშიაც დაიწვა.

ბაღდასარ. მზადა ვარ, შენი ქირიმე... განა თავს ვზოგამ?

ხოსრო. მაშ კარგი!.. სატუსალოში იყავი?

ბაღდასარ. გახლდით.

ხოსრო. ნახე?

ბაღდასარ. ენახე.

ხოსრო. რაო?

ბაღდასარ. ორასს იძლევა.

ხოსრო. რეაასიდან? მიჰქარავს! ორასი თვითონ დაიტოვოს ხელის მოსანაცვლებლად, რომ მეორედაც კიდევ გაეზას... ექვსასი გამოართვი და გამოეუშეებ.

ბაღდასარ. ვეცდები და იმედიცა მაქვს.

ხოსრო. სამაგიეროდ ვის ამზადებ?

ბაღდასარ. ერთი საწყალი სოფლელი გახლავსთ.

ხოსრო. მთხრობელიც გამოჩნდა?

ბაღდასარ. მყავს.

ხოსრო. მოწმეებიც?

ბაღდასარ. მზად გახლავან.

ხოსრო. ჩვენება ხომ არ დაგებნევათ?

ბაღდასარ. როგორც თქვენ ასწავლით, ისე იტყვიან; პირველი ხომ არ გახლავსთ.

ხოსრო. მაშ კარგი, ხვალვე შევეუდგეთ საქმეს. შეგიძლია წახვიდე. (ბაღდასარ მიდის)

ხოსრო. (მარტო) არ მიდის ურიგოდ ჩემი საქმე; უფროსები კარგის თვალით მიყურებენ და ან-კი რა ძნელია მათი მოტყუება! მერე, შენზე ვინც რა უნდა სთქვას, აღარ დაიჯერებენ... დიახ!... ჩემი გამომძიებლობის სახელი თანდათან განთქმულია... ეს ერთი გამომძიებაც კიდევ სახელს მომიმატებს... მეც ხელცარიელი არა ვრჩები! (აღვება და დადის) „კოდვაო“ იტყვიან. რას მიქვიან ცოდვა, მაღლი? ესეები

ყველა უგუნურების შესაშინებლად არის გამოგონებული: კაცობრიობისათვის სულ ერთი არ არის, პეტრეს იცნობენ დამნაშავედა და მიახრობენ, თუ პავლეს?... ან ერთით რა დააკლდება ქვეყანას?... (დაფიქრდება) თუ ჩემ საქმესაც მოვრჩი როგორმე!... ჰმ, ახირებულია ქეშმარიტად! ბიძამისს, როგორც იქნა, გადავრჩი და ახლა თვითონ ქალი ამტეხია: გინდა თუ არა, ჯერ იმას გაუთავე საქმეო. გაათურებულ დედაკაცთან საქმის დაჭერას ტარტაროზის ჩხუბი სჯობია. (სათს სინჯავს) ოჰ, შვიდი შესრულებულა, დრო არის წავიდე. ზაქარო! ზაქარო!...

გამოსვლა მესამე

იგივე და ზაქარა.

ხოსრო. დღეს პოლიციელი ხომ არავინ ყოფილა ჩემთან?

ზაქარა. არავინ გზღებიათ.

ხოსრო. არც სხვა ვინმე?

ზაქარა. ქალი გახლდათ პირბადიანი, მაგრამ გავაბრუნე...

ხოსრო. პირბადიანი? ჰო, ვიცი, ვინც იქნებოდა! (თავისთვის) მარო უნდა მოსულიყო... გესმის შენ, ზაქარო!... მე ცოტა ხნით სხვაგან მივდივარ და, თუ ის ქალი კიდევ მოვიდეს, სთხოვე, მომიცადოს! სხვა მის მეტი აღარავინ მიიღო.

ზაქარა. (ღრეჯით) ბატონი ბრძანდებით!...

ხოსრო. მოიტა შლიაპა! პალტო!... (იცვამს) ახლა ჯოხიც! - აბა, თვალ-ყური უგდე აქაურობას (მიდის)

ზაქარა. (მარტო) რა ყოჩალი რამ არის ალა! დილიდან სალამომდე სულ საქმეშია ერთავად... რამდენი კაცი და ქალი აქ იმასთან მოდის, ანგარიში არა აქვს! მაგრამ, ის ერთი რომ მოდის, ის ვილაც პირბადიანი, ის სულ სხვა არი. ამას წინეთ ბევრი ვუჭკვრიტე გარედან: რას შერებიათ მეთქი, მაგრამ არა... ისეთის მოწიწებით ემუსაიფებოდა ალა, რომ თითქოს არქიელიაო! ნეტავი, ვინ უნდა იყოს და რად მოდის? (ისმის ზარის რეკა) ეჰ, ვილაც გაჩნდა! ეგება ისიც იყოს. (გარბის. ცოტა ხნის შემდეგ მისი ხმა მოისმის) მობრძანდით! გთხოვთ, მოიცადოთ... მეცმობრძანა: სხვას ნულარავის მიიღებო. მობრძანდი... მო...

გამოსვლა მეოთხე

ქეთო შემოვრბის სირბილით, პირბადით.

ქეთო. უჰ, ძლივს მივაღებინე თავი... მომიცადეო? ნეტავი, ვის ელის? იჰ, ვინც უნდა იყოს, ჩემთვის ხომ სულ ერთია. მე კი დღეს

უთუოდ უნდა დავაბოლოოვო ჩემი საქმე, ან ავადა და ან კაოგად. (ისმის ზარის რეკა) ვილაც მოვიდა... იმ ოთახში მოვიციდი. (შედის მეორე ოთახში, გარედან ზაქარას ხმა) არ შეიძლება! ვერ შევიშვებთ! ნაბრძანები მაქვს, აღარ მივილო.

გამოსვლა მახუთა

მარო შემოდის პირბადით და ზაქარა თან შემოჰყვება.

მარო. რას ტუტუტობ? ის ჩემზე არ გიბრძანებდა! მე უნდა აქ მოვიცადო და შენ წადი, აღარავინ მიილო ბატონის დაბრუნებამდე.

ზაქარა. თქვენ?! მაშ ის ვინლა არის? (მიიხედ-მოიხედავს, თავისთვის) სად მიმალულა? ე რა მასკარადია! (გადის)

მარო. რაებსა ჰბოდავს! ვინ სად მიმალულა?

გამოსვლა ემიძვისე

იგივე და ქეთო გამოდის.

ქეთო. ვინა და მე! ჩემზე ამბობდა. (მარო შეკრთება) მაგრე რათ შეკრთი? განა ველარა მცნობ? (მოუახლოვდება და პირბადეს აიხდის) აბა, შემომხედე!

მარო. ქეთო!

ქეთო. დიახ, ქეთო! შენ-კი პირბადეშიაც გიცნობ! მარო, კარგია, რომ აქ მაინც შეგვხდი.

მარო. (აიხდის პირბადეს) რა გნებავს?

ქეთო. სამჯერ ვიყავ შენთან და არ მიმიღე... წერილებს გიგზავნი და უკანვე მიბრუნებ! რა მიზეზია?

მარო. ის, რომ ჩვენის მეგობრობის კავშირი გაწყდა და საერთო აღარა გვაქვს-რა.

ქეთო. საერთო აღარა გვაქვს-რა, თუ, საერთო რომ გვაქვს, მიტომ ვერიდებით ერთმანეთს?

მარო. ეგეც შეიძლება.

ქეთო. კი, მაგრამ მე ხომ საჩხუბრად და სასაყვედუროდ არ დაგეძებდი?

მარო. მაშ, სამეგობროდა და სააღერსოდ?

ქეთო. არც მაგისათვის! საქმე მქონდა: შენგან შემწეობას ვითხოვდი... დახმარებას.

მარო. შემწეობას?

ქეთო. დიახ, როგორც უბედური ქალი ბედნიერისაგან.

მარო. მაშ მითხარ, რა გინდა?! (ჯღებთან)

ქეთო. მარო! შენ ხომ იცი, რომ მე ხოსროს ვუყვარდი?

მარო. სწორედ! მაგრამ ესეც ვიცი, რომ დღეს აღარ უყვარხარ.

ქეთო. არა თუ აღარ ვუყვარვარ, ვეზიზღები და მდეენის; დღეს შენ უყვარხარ და შენის მიზეზით აილო ჩემზე ხელი.

მარო. ისე, როგორც შენი მიზეზით ადრე მე მიმატოვა.

ქეთო. შეიძლება, მაგრამ შენი მაშინდელი მდგომარეობა და ჩემი ახლანდელი სულ სხვადასხვა არის... მაშინ შენ გიყვარდა ის შორიდან, უფლებამუხინიკებლად და მე-კი დედა ვარ! მისის მოშორებით შენ, გარდა სიყვარულისა, არასა ჰკარგავდი და მე-კი ყოველიფერსა ვკარგავ.

მარო. რა იცოდი, რომ სიყვარულის დაკარგვით მე ყოველიფერს არა ვკარგავდი?

ქეთო. გარეგნობა შენი... სახელი... სინიდისი და პატიოსნება, ყველაფერი, რაც კი ადამიანისათვის საჭირო და ძვირფასია, შეუბლალავი რჩებოდა... მე-კი დღეს ცოდვილი ვარ ქვეყნის თვალში და შეილის წინაც შემცოდე, დღეს ის შიმშილით მიკვდება.

მარო. აკი გაძლია ხოსრომ ფულები?

ქეთო. მე ჩემი თავი განა გასასყიდადა და სავაქროდ გამოვიტანე? მაგას როგორ ამბობ?

მარო. (თანაგრძობით) მაშ, მომეცი შენი შეილი და გაძლევ სიტყვას, ისე მოეუარო, როგორც ნამდვილმა დედამ, ისე გამოვზარდო, როგორც შეილი.

ქეთო. როგორ გეტყობა, რომ არ გამოგიცდია დედობა!... სხვის კარზე უნდა დავადო, ის ერთადერთი ჩემი ბედნიერება და ნუგეში გულიდან ამოვიგლიჯო? არა, არა! ეს შეუძლებელია.

მარო. მაშ რა ექნათ, ქალო?

ქეთო. შენ შეგიძლია, რომ ჩემ შეილს მამა დაუბრუნო და უკანონოს წოდება ააციდინო.

მარო. (დაფიქრდება) ხელი ავილო ხოსროზე? არ შემიძლია!... და, მე რომ კიდევაც მოვიშორო, დავეთმო, რა გამოვა? სიყვარულს მეორედ მაინც აღარ დაგიბრუნებს.

ქეთო. მე მაგას არა ვთხოვ! მხოლოდ ჯვარი დაიწეროს ჩემზე.

მარო. მერე მე?

ქეთო. შენ რასა ჰკარგავ? გამოვალთ თუ არა ეკლესიიდან, ის მისთვის და მე ჩემთვის!

მარო. მერე და ნება აღარ ექნება...

ქეთო. (აწყვეტინებს სიტყვას) მე ჩემ თავზე აღარ ვფიქრობ, მხოლოდ შვილზე ვზრუნავ. (ათრთოლებულის ხმით) გაძლევ პატიოსან სიტყვას... გაეწირავ ხელმეორედ ჩემ თავს... ეიკისრებ ყოველიფერ სადაგლობას და ჩემი უნამუსობის დამტკიცებას ხელში ჩავუგდებ, რომ კანონიერად გაყრა შესაძლებელი იქნეს... მაშინ... მაშინ... ხომ ნება ექნება შეგირთოს. (ტირის) აი, ამას გთხოვ, როგორც უბედური დედა და საუკუნოდ ბოლომოდებული ქალი. (ტირის)

მარო. (ერემლებს იწმენდს) საცოდავი და საბრალო! ოჰ, ღმერთო! რათ გაგიჩენია სიყვარული? (გადაეხვევა) ქეთო! ჩემო ქეთო! რატომ არ შემიძლია, რომ გიშველო რამე'...

გამოსვლა მეშვიდე

ისინივე და ხოსრო შემოდის.

ხოსრო. ჰა, ეს რა ამბავია? მარო! რა უნდა შენთან ცბიერს? როგორ არა გრცხვენია, მაგ ცრუსა და მატყუარას აჰყოლიხარ! (ქეთოს) ვინ მოგცა ნება აქ შემოსვლისა? ზაქარო! ზაქარო!

მარო. (მედიდურად) მე... მე შემოვიყვანე!

ხოსრო. შენ?!...

მარო. დიახ, მე! და გაძლევ სიტყვას, სანამ ამას არ გაუთავებ საქმეს, მე და შენი ცოლქმრობა არ მოხერხდება!...

ხოსრო. მარო! რას ამბობ!... როგორ თუ...

მარო. მითქვამს და განითავებია! მე ჩემ სიტყვას აღარ შევშლი, მშვიდობით! (გადის)

ხოსრო. (გამოეკიდება) მოითმინეთ... გამიგონეთ!...

მარო. არა, არა! უნდა გაასწოროთ საქმე! (გადის)

ხოსრო. (დადის აღუღებულო, მერე მივა და დაადგება ქეთოს თავზე) ეგ გინდოდა, რაღა?

ქეთო. რაც მინდა, კარგად იცი!...

ხოსრო. დედაკაცო! ქაჯი ხარ, თუ გველეშაპი? მძულხარ, მე-ზიზღები, არ მიყვარხარ და ვერ გავიგე, რას ჩამციებხარ? რას მელობები გზაზე?

ქეთო. მე შენ სიყვარულს არა გთხოვ! მინდა, რომ მოგავგონო შეილის შესახებ შენი მოვალეობა, როგორც მამას.

ხოსრო. რა მოვალეობა? გაბარების ნებას არ მაძლევ და ფულს არ იღებ.

ქეთო. ეგ არის განა მოვალეობა? ადრე მაგრე არ მიხსნიდი!

ხოსრო. მაშ რა გინდა?

ქეთო. მე დამიბრუნე სახელი და შენს შეილს გვარი მტკნარად მჯერდები!...

ქეთო. მერე მივიღებ ჩემს თავზე ყოველსავე მიზეზს, რომ გაგეყარო და შენ-კი ნება მოგეცეს ცოლის შერთვისა...

ხოსრო. ეგ სად დაგარიგეს?

ქეთო. ამით შენ რასა ჰკარგავ?

ხოსრო. იმას, რომ მეზიზღები, შენი დანახვაც კი მეზარება.

ქეთო. შეილმა რალა დაგიშავა?

ხოსრო. ვინ შეილია? რას ამბობს? დაგიყინია: შეილი და შეილიო! რა ვიცი, რომ ჩემი შეილია?

ქეთო. (აღელვებით) ახლა იმასაც უარჰყოფ?

ხოსრო. საფუძველი არა მაქვს, თუ? ქალი რომ ერთს უკანონოდ გაჰყვება, ის სხვებსაც არ უარჰყოფს!

ქეთო. უსინდისოვ! პირუტყვო!... მემართლები მაგას?!

ხოსრო. გთხოვთ, გაბრძნდეთ აქედან!

ქეთო. ფუ!...

ხოსრო. არ გინდა, გახვიდე ნებით?... მაშ კარგი! ზაქარო! ზაქარო! (შემოდის ზაქარა) გაათრიე და დაუკეტე კარები!

ქეთო. (რევოლვერს ამოიღებს, სანამ მობრუნდებოდეს ხოსრო და მიუმიზნებს) ახლა კი უნდა გავსწორდეთ! (დააცემინებს ჩახმახს და არ გავარდება)

ხოსრო. რას შერები?! (მივარდება და გამოგლეჯს რევოლვერს) დაიჭი, ბიჭო! ვერა ხედავ, მოკვლას გვიპირებს?! (იჭერენ)

გამოსვლა მერვე

ისინივე და არჩილ შემოდის.

არჩილ. ეს რა ამბავია?

ხოსრო. (შეშინებული უშვებს ხელს და ჩამოდგება) ააა! შეთქმულობაა?...
 ზაქარო!

არჩილ. ნუ გეშინია, შენს მოსაკლავად არ მოვსულვარ. (ქეთოს) ეს რა ამბავია?

ხოსრო. მოსაკლავად შემომიხტა! აი, დახედე ამ რევოლვერს.

არჩილ. არ გემართლება, თუ!...

ხოსრო. მაშ თქვენ დაარიგეთ?

არჩილ. სსსუუუ! ორ ვაჟკაცს გაგიკავებიათ ერთი ქალი და არც კი გრცხენიათ. ქეთო! ეს რა მოგსვლია?... აქ რა გინდოდა?... ვის სახლში შემოგიღვამს კიდევ ფეხი?!

ქეთო. (აშფოთებული) მინდოდა შეილის თაობაზე მომელონა...
კნა... და მაგან კი შეურაცხყოფა მომაყენა...

არჩილ. აკი ვითხარი, რომ მე მოველაპარაკები მეთქი. მაშ მე
რალად მოვედიოდი, თუ არ მაგ აზრით?

ხოსრო. ვიცი, რა აზრითაც!... აი, დამტყიცება.

ქეთო. უარპყოფს შეილსაც.

არჩილ. და შენ-კი განა სხვა რამეს მოელოდი მაგ უსინდისო-
საგან?

ხოსრო. მოწყალეო ხელმწიფეც!...

არჩილ. სსსუუუ! შენ არ გელაპარაკებიან!

ხოსრო. ჩემ სახლში?...

არჩილ. სსსუუუ! გაჩუმდი!... — შენ გინდა, რომ მაგან გვარი დაუ-
მტკიცოს და სახელი მისცეს შენს შეილს? შემცდარხარ! მაგისთანა მა-
მის სახელის ტარებას ყოველგვარი ბიწიერება სჯობია!... შეილს რათ
არცხვენ მაგითი? დეე, ისეც უთვისტომოდ დარჩეს და ღვთის შეყ-
ლად!... წავიდეთ... წავიდეთ! აქ შენი ადგილი არ არის! (მიდიან)

ხოსრო. (განჩხლებული გამოუდგება) ნამეტან ნებას აძლევ შენს
თავს... მე შენ ვერ დაგითმობ!...

არჩილ. (მიუბრუნდება) იქით! შე საზიზღარო! (მიდიან)

გამოსვლა მეცხრა

ისინივე, გარდა არჩილ და ქეთოსი.

ხოსრო. (ხარდაცემული დგას დიდხანს. ზაქარა შეჰყურებს) ზაქარო!

ზაქარა. ბატონო!

ხოსრო. ჰმ, ხედავ რა ამბავია?

ზაქარა. ე რა ოხერი ვინმე ყოფილა, შენი ქირიმე!

ხოსრო. (იღებს პორტმანს და ფულებს აძლევს) ზაქარო! აჰა, ეს შენი
საჩუქარი.

ზაქარა. რათა, შენი ქირიმე?

ხოსრო. მაგრამ იმ დროს შენ მოასწარ თვალი და გადამარჩინე
სიკვდილსა. გესმის?

ზაქარა. (მიხედვება) სწორედ მაგრე გახლდათ! შემოვიდა ქალი...

ხოსრო. ქალი არა, ტუტუტო!... ის კაცი...კაცი... და, თუ შენ
არა, ახლა მკვდარი ვიქნებოდი.

ჯაქარა. სწორედ, თქვენი რისხვა ნუ მომეცემა... თუ შე ალა...
ზოსრო. ჰო, კარგი, ახლა ბევრს კი ნულა მოჰყვები! კიდევ მიი-
ღებ საჩუქარს...

ჯაქარა. გმადლობ, ჩემო ხელმწიფე!

ზოსრო. ახლა წადი და სხვებსაც შეატყობინე. (დაფიქრდება) ესეც
კიდევ ერთი ღუშაში!... გაება!... (მიდის)

ფ ა რ დ ა.

მოქმედება მეოთხე

სცენა: უკიდურესად ღარიბი ოთახი, სარდაფისგვარი. კუთხეში ბავშვის კრაოტი დგას.

გამოსვლა პირველი

ქეთო. (საკერავი უძვეს წინ სტოლზე და თითებზე სულს იბერავს) ნემსს ხელს ვეღარ ვაკარებ. თითი თითზე ვერ მიმიტანია. უჰ, რა სიცივეა (წამოადგება) მივიდე, ვნახო, რასა შერება. (მიდის კრაოტთან და დაჰყურებს) ფშვინავს... ღმერთო, კეთილად შეარგე ეს ძილი! მაგრამ მარტო ძილით რა გამოვა? ორი დღეა, ამის პირში არა ჩასულა რა. (ცრემლებს იწმენდავს) ზედა სართულში, იქ, მაღლა, ბედნიერი ცოლ-ქმარი სცხოვრობენ განცხრომით და ვერა გრძნობენ, რომ აქ, ძირს, მათ ჰქერქვეშ, აყროლებულ სარდაფში უბედური დედა-შვილი სიცივითა და შიმშილით კვდებიან. წავიდე ერთი, საკერავი მოვათაო, რომ ეგება წამლის ფასი მაინც ავიღო. (მიდის და მოუჯდება საკერავს; რომ დაიწყო, ნემსი ეჩხვლიტება ხელში) ჰიიი! (თითზე იკბენს და შეჩერდება) რა უსამართლოა ქვეყანა! ეს ვთქვათ, რომ მასწავლებლად სახლში არავინ შემიყვანს, არც არავინ შვილს მომაბარებს, ამას ქვეყნის ფარისევლობა მოითხოვს, მაგრამ საკერავსაც რომ არ მაძლევენ? გადასაწერიც რომ ვეღარ მიშოვნია? თითქოს გადამდები რამე მჭირდეს და ეშინიათ: ჩვენც არ ვადმოგვედოსო. ოჰ, ღმერთო ჩემო! მოვიკლავდი თავს, მაგრამ ეს ვის უნდა დავუტოვო? მათხოვრობა დავიწყო? როგორ უნდა მოვახერხო, რომ დღე მრცხვენია და ღამე მეშინია, და ან კი ვინ გამომიწოდებს სამოწყალოდ ხელს, ვის შევებრალედი? ოხ, ღმერთო! ღმერთო! თუ მე მართლა ისეთი შემცოდე ვარ, მარტო მე გადამახდევინე და ჩემ შვილს ნუ მოჰკითხავ! (თავს ჩასდებს საკერავში)

გამოსვლა მეორე

იგივე და ნენე შემოდის.

ნენე. ჰა! აქა მშვილობა! რასა იქ შვილო? (ჩადრს მოიხდის, მიბრუნდება კუთხისკენ და დადებს).

ქეთო. (თავისთვის) უჰ, კიდევ მოვიდა ეს შეჩვენებული?

ნენე. (მობრუნდება) პატარა როგორა გყავს?

ქეთო. წუხელი მთელი ღამე თვალი არ დაუხუტავს და დღეს კი სულ ძილად არის მიგდებული.

ნენე. ჰო, ეგ კარგი ნიშანია! ღმერთმა გაჩუქოს, შვილო, ღმერთმა! სხვა, საკერავიც გიშოვია?

ქეთო. ვიშოვე, მაგრამ, რომ ველარა ვკერავ, სიცივემ ხელები დამაყრევინა.

ნენე. მერე, ვისი ბრალია, შვილო? რათ იჭირვებ საქმეს?

ქეთო. რა ვქნა, ასე მოუტანია ჩემს ბედს.

ნენე. ბედს რას აბრალებ: ის კარზე მოგდგომია, მაგრამ შენ კი წიხლსა სცემ.

ქეთო. თუ ღმერთი გწამს, მაგაზე ლაპარაკს ნუ დამიწყებ.

ნენე. რატომ, შვილო! იმდენი იხარე, რამდენი სული მაგისთანა ბედს შენატროდეს.

ქეთო. და ღმერთმაც მათ მისცეს.

ნენე. სად არის, შვილო! ბედი ყველას ხომ არ მიადგება კარზე. ათასში ერთთან მიაწყდება და, თუ პირი აბრუნებინეს, მორჩა და გათავდა!... მეორედ კი აღარ მიეძალება. აბა, შვილო, კარგად იფიქრე.

ქეთო. გეთყვია, კიდევ გაგიმეორებ, მაგვვარ რამეებს თავი დაანებე!

ნენე. ჯა, რათაო? გული შემტკივა შენზე, შვილო, და დედა-შვილურად მიტომ გირჩევ, თორემ მე რაო? აბა, რა არის შენი ყოფა? შენ, თუ გინდა, შენს თავს აღარ ჰზოგავ, მაგრამ ი შვილი მაინც აღარ გენანება? იმეტებ? ცოდვა არ არის, რომ იმისთანა ანგელოზი უპატრონოდა კედებოდეს? (ქეთო ტირის) არა, შვილო, შვილსაც უპატრონე და შენ თავსაც გაუფრთხილდი, ჰო, ჩემი სულის ცხოვნებამ!... ვარდივით გიყვავოდა ეგ ლოყები და ეხლა რასა გევხარ? ზაფრანის ფერი გაძივს! აფსუს, ქალო! ღმერთს კიბაეის ქალად გაუჩინხარ და შენ კი...

ქეთო. ჰო, ღმერთო ჩემო! მე წამალზედა ვფიქრობ, დოქტორი მენატრება და ეს კი ეკიბაეებზე მელაპარაკება.

ნენე. მაშინ წამალიც იქნება და დოქტორიც... „თაფლი იყოსო, თორემ ბუზი ბაღდადიდანაც მოფრინდებაო!“ ფული იყოს, თორემ დოქტორები რამდენიც გინდა, თვითონ ჯანაოზ ექიმიც წამოდგება საფლავიდან, ჰო, დედაშვილობამ... არა, შვილო, არა! მე შენ ურიგოს არას გირჩევ! ის ხულ სხვა კაცია. იცი, კიდევ რას გეტყვი... დედაშვილობამ, თუ თავს კარგად დაიქურ, ახლა კარგად როგორ? აშკარა ნურა იქნება-რა, თუ თავს კარგად დაანახვებ, შეიძლება კიდევ შევირთოს. ჰო, დედაშვილობამ!

ქეთო. რაები მესმის და რა უნდა ავიტანო! (ხელებს იმტვრევს)

ნენე. ვინ ამბობს... მართალია, შვილო, ახლანდელ დროში კაცი ძნელი სანდობია, მაგრამ ის სულ სხვა კაცია! ღვთისნიერი, პატიოსანი... სული წამიწყდეს, თუ მე რაზე მეთქოს, ისე თავისთავად ამოიღო ათთუმნიანი და გადმომცა... შენი სახლის ქირა გამორიცხე და დანარჩენი იმას მოახმარეო... ჰა, შვილო, ესეც შენი შეიდთუმან-ნახევარი. (დაუდებს ფულს წინ)

ქეთო. (ზელს ჰკრავს ფულებს და გააბნევს) დამანებე თავი! ვერ შეიტყე, რომ...

ნენე. ჯა, ეს რა ბიაბრობაა?... შენთვის თუ მეტია, ჩვენ რაღას გვერჩი? (ახვეტავს ფულებს)

ქეთო. უსირცხვილო!

ნენე. ჯა!

ქეთო. უნამუსო!

ნენე. ჯა! ჯა! უი, დამიდგეს თვალები! ე რა ესმის ჩემს ყურებს? „უნამუსოო!“ ვისგან მესმის და ვინ მიბედავს? ვერა ჰხედავთ ამლირფსა და აშარს? თვითონ ნაბიჭვრებით სახლში შემომეჩხირა და მე მეძახის უნამუსოს!... ცხონებული ჩემი თათუას მეტს ჩემი გვერდი თუ ვისმეს ენახოს, ეს სული წამიწყდეს!... და ე რაები მესმის, ჯა, უნამუსოო!

ქეთო. მაშ რა გინდა ჩემგან, რომ ამტეხიხარ?

ნენე. როგორ თუ რა მინდა? ჩამომესახლე და ქირასაც აღარ იძლევი?

ქეთო. ვიშოვნი როგორმე და მოგცემ... ხომ გითხარი?

ნენე. მიშოვნი? თუ არ დაგიშლია, ციდან ჩამოგიყრიან დოვლათს!...

ქეთო. დამაცა ჯერ! ან მოკვდეს და ან მორჩეს ეს ჩემი შვილი და მაშინ მეც ხელგახსნილი ვიქნები, შეიძლება საქმე გავიჩინო.

ნენე. როგორ არა! ნაჩაღნიკობას მოგცემენ შენ ზავედენიაში! მაგას რომ ვუყუროთ, ვინ იცის რამდენს ხანს გასტანს. ეგება სულ მაგრე იკნაოს ძაღლის ლეკვივითა... არა, შვილო, დამიცალე ჩემი ოთახი! გიყი ვიყავ, რომ აქამდისაც დაგაყენე... ხათრს გინახავდი... მებრალეობოდი, სხვას არ ვაძლევი... მუშტრები დღენიადაგ 'კარზე მადგნენ... ჰმ... უნამუსოო!... მაღლობის მაგიერია... დღესეც დამიცალე, თორემ ხვალ პოლიციას გადაყვანილებ შენს თავს! (მიდის გაანახლებული) უნამუსოო, საუცხოვოა!...

გამოსვლა მესამე

ქეთო მარტო დგას თავზარდაცემული.

ქეთო. მაგდებს სახლიდან!... მომაკვდავი შვილი კნუტივით უნდა ვადამიგდონ ქუჩაში? არა, არა, მართალი მითხრა იმ შეჩვენებულმა: „რა ნება გაქვს, რომ შვილი გაიმეტოო?“ რა დროს თავმოყვარეობაა და პატიოსნებაზე ფიქრი?... არ მინდა კალიასკა... სიმდიდრე, ფული... საცხოვრებელი... მხოლოდ წამლის ფული... წამლის... ექიმის მისაცემი... წავალ... წავალ და დავეთანხმები. (გარბის. მიადგება კარებს, შეჩერდება; მობრუნდება) არა, არა! არ შემიძლია, არა! (ტირის) ნუთუ სხვა საშვალეა აღარა არის-რა?... ჰი! (გახსენდება) მაროსთან ავალ, მაროსთან, იმას დაუფოქებ!... მუხლებზე მოვეხვევი. არ შემიბრალებს? (დაფიქრდება) შე... მი... ბრალებს? ხა, ხა, ხა, ხა! სამოწყალოს მომცემს... ან-კი ვინ შემიშვებს იმასთან? ვინ მაჩვენებს?! (დაფიქრდება) არც ერთი და არც მეორე! ისევ სიკვდილი,—მაგრამ შვილი? ის ვილას დაუტოვო? ნუთუ ქვეყანაზე მადლიანი ვინმე აღარ მოიპოვებოდეს?... ეგება ჩემი სიცოცხლე აბრკოლებდეს დღეს იმის ბედსაც და, მე რომ აღარ ვიქნე, მაშინ გამოჩნდეს ვინმე, და შეიბრალოს... დიახ, ჩემი ბრალია!... მაშინ-კი უპატრონებენ... სიკვდილი! სიკვდილილა ერთად-ერთი ხსნა. (მოიჭრება კრაოტთან, დაიხოჭებს შვილის წინ და ფეხთან თავს დაადებს)

გამოსვლა მეოთხე

ისინივე და ნენე და დათიკო შემოდინ.

ნენე. ის ორი ოთახი ხომ მოგეწონათ, ესეც მესამე იქნება... დღეს თუ ხვალ დაეცლევინებ.

დათიკო. რა შვილია! ეს განა ოთახია?

ნენე. რატომ არა, შვილო, შპალიერი აიკერის, პოლი გაიწმინდება, მებელი დაიდგმის და სულ სხვა იქნება მაშინ.

ქეთო. (თავს აიღებს) ეს ხმა!... (მოიხედავს) დათიკო! (წამოდგება)

დათიკო. (შემკრთალი) ქეთო!... შენა ხარ?

ქეთო. საიდან?

დათიკო. რა დაგმართნია? ეს რა ამბავია? შენ აქა ცხოვრობ, ამ ოთახში? როგორ ავიტანი?

ქეთო. მე-კი ავიტანი, მაგრამ პატარა კი მიკვდება.

დათიკო. შვილი?

ქეთო. დიახ, მისთვის არც წამალია და არც ექიმი.

დათიკო. ნუ გეშინია!... ყველაფერი იქნება... დაჯე, გული მოიბრუნე. აწ ღმერთი მოწყალეა. (დასვამს სკამზე. ბუმაქნიკს ამოიღებს, იქიდან ქალღღს იღებს და სწერს) დედი! არ შეიძლება, ეს ვისმეს გაატანოთ, რომ საავადმყოფოში მიიტანოს? აქვეა, ახლოს.

ნენე. აბა, შეილო, ვინა მყავს?!

დათიკო. ვინც იქნება, აი ეს ერთი მანათი მიეცი და მიიტანს... (აძლევს)

ნენე. ვის ვიცნობ... არა, შეილო! რა გაეწყობა, ისევ მე წავალ... ქრისტიანობა... განა ურჯულობა, გაჭირვებულს უნდა დავეხმარო. (შიდის)

ქეთო. რამ მოგიყვანა?

დათიკო. შემთხვევამ: ეს ორი დღეა, რაც დავბრუნდი და ოთახებს ვეძებ საჭიროად.

ქეთო. სჩანს, კიდევ არ გაუწირივარ ბედს!... თუ შენ არ მოსულიყავ...

დათიკო. (აწვევითინებს სიტყვას) რა მოგსვლია?... მაგრე უპატრონო!... როგორ ვერავის შეატყობინე?

ქეთო. რა მექნა?... ყველა გამშორდა! შენ იმერეთში მეგულე-ბოდი, ნიკო სოფელში წასულა და არჩილ კი ციხეშია... ისიც კიდევ ჩემის მიზეზით.

დათიკო. აღარა! რამდენი ხანია, რაც გამოუშვეს... მოწმებმა ჩვენება დააბნიეს და გამოძიებელმა მოსასპობლად გადასცა საქმე.

ქეთო. გმადლობ, ღმერთო!

დათიკო. იმასთან გავგზავნე...

არჩილის ხმა. აქ შეიძლება ცხვირ-პირი დაიმტვრიოს კაცმა.

ნენეს ხმა. არა, შეილო, აქეთ წამოდი, აქეთ, მე მომყე!

გამოსვლა მისთვის

ისინივე, არჩილ და ნენე შემოდიან.

არჩილ. ქეთო?! ეს რა ამბავია? სად დამდგარხარ? (ხელს ართმევს) ავადა ხარ?

ქეთო. არა, მე კი კარგადა ვარ, მაგრამ...

არჩილ. მაშ ვინაა ავად?

დათიკო. პატარა ჰყავს შეწუხებული.

არჩილ. აბა, სად არის?

ქეთო. აი, იქა სძინავს. დილას აქეთ თვალი არ გაუხელია.

არჩილ. ენახოთ! (შიდის და სინჯავს) ჰმ!...

ქეთო. რას ატყობ?

არჩილ. ფეხები გაცივებული აქვს... დედი, არ შეიძლება ცოტა ქატო გააცხელოთ ჰარკითა!

ნენე. სადა მაქვს, შვილო, ქატო?

არჩილ. არც აგური? ის მაინც გააცხელებთ.

ნენე. მაგას კი ვიშოვი.

არჩილ. შენ წადი, ქეთო, უფრო მალე იქნება... სალფეტქში გამოხვეი და გამოიტანე. (ქეთო მიდის, ნენეც თან გაჰყვება)

დათიკო. რას ატყობ? როგორ არის?

არჩილ. რაღა როგორ არის? წელქვეით კიდევ გაცივებულა. სულთამბრძოლი დედას მძინარე ჰკონებია... აჰა, კიდევ სრულდება.

ქეთო. (შემოაქვს აგური) მზად არის.

არჩილ. საკირო აღარ არის.

ქეთო. (შეჩერდება) როგორ?

დათიკო. მიიცვალა.

ქეთო. უი! (გააგდებს აგურს, მივარდება და სინჯავს) შვილო, შვილო! მე მოგკალი ჩემის ხელით! (ტირის)

დათიკო. ქეთო! (უნდა ხელი მოჰკიდოს)

არჩილ. დეე იტიროს, თორემ უფრო ცუდია. (ამ დროს ზემო სა-
რთულიდან მუზიკის ხმა მოისმის. შეკრთებიან.)

არჩილ. ოჰ, რა დროსია?!

დათიკო. ეს ქალი რათ გაჩუმდა, გულს ხომ არ შემოეყარა? ნახე!...

ქეთო. (თავს აიღებს ნელ-ნელა და ყურს უგდებს) ჩუ! გესმისთ... იქ, იქ მაროა და მისი ქმარი. წვეულება აქვსთ... ლხინი... (წამოდება) ყველანი იქ მიდიან... ულოცავენ; თქვენ აქ რათ მოსულხართ? უთუოდ გზა დაგზნვიათ... კარები შეგშლიათ. აქ სილარიბეა, კირი და უბედურება... იქ... იქ-კი სიმდიდრე... ლხინი და ბედ...ნი...ე...რე...ბა...ხა! ხა! ხა! ხა! ხა! ხა! ხა! ხა! (დათიკო და არჩილი იჭერენ)

ფ ა რ დ ა .

ს ე ნ ე ს ი ი ე

(1910)

რ ე ა ქ შ ი ა

სამმოქმედებიანი სცენები.

მოქმედნი პირნი:

ვახუშტი ცხვარაძე, სოფლელი თავადი.
ბეჟან ცხვარაძე, მისი ძმა, სამსახურში ნამყოფი.
ალექსანდრე, ვახუშტის შვილი.
დათია, ვახუშტის მოსამსახურე.
იოსებ ლაბაძე, გადაწვეარი გლეხი.
ფასია ლაშაძე, სოფლელი აზნაური.
ნატო, დიდებულობის ქვრივი.
ნინო, } მისი ქალები.
ელენე, }
გიგო ბეგლარიძე, ნინოს საქმრო.
ოთხი გლეხი.

მოქმედება პირველი

ბუზრიანი ოთახი სოფელში.

I

ვახუშტი, მარტო.

ვახუშტი. (ბუზარს უხის) დათია!

ხმა. (მეორე ოთახიდან) აქა ვარ! (დრო გადის, არავინ შენოდის)

ვახუშტი. დათია, დათია!

ხმა. აქა ვარ, აქ! (არავინ შენოდის)

ვახუშტი. (უფრო ხმამაღლა) ჰმ!... ბატონო, დავით!

II

იგივე და დათია, შენოდის.

დათია. რა გინდათ?

ვახუშტი. რა უნდა მინდოდეს! გეძახი და ხმას არ მცემ!

დათია. რა გინდათ?

ვახუშტი. მოდი, ერთი, თუ კაცი ხარ, ბუზარში ჯირკი გაასწორე! ვერ არის კარგად შედგებული... გადმოვარდნას აპირებს.

დათია. (ილრიბება) მერე და ამას რა დიდი საქმე უნდა? უჩემოდ ვერ გაასწორებდით?

ვახუშტი. ვერა, შეილო, რასაც მიჩვეული არა ხარ ყმაწვილობიდანვე, სიბერეში ველარას მოახერხებ.

დათია. (ილრიბება) ჰმ... სხვა?

ვახუშტი. სხვა არაფერი!... რომ კიდევ რამე მქონოდა დასასაქმებელი, განა გამიგონებ? წელანდელისა არ იყოს, ათასჯერ უნდა დაგიძახოს კაცმა.

დათია. წელან არ მეცალა.

ვახუშტი. რა ცალი გეკიდა?

დათია. ბეჟანის კალოშებსა ვწმენდდი.

ვახუშტი. ბეჟანის კალოშებს რა უნდოდა აქ?

დათია. ალექსანდრესთან ამოვიდა. ძალიან კი ჩაუკრავს ფეხი! ამდენი ხანია ვწმენდ და კიდევ ვერ გავაცალე ტალახი.

ვახუშტი. ახლა ალექსანდრესთან ბრძანდება?

დათია. იქ არი.

ვახუშტი. კარგი, გაუწმინდე, თუ ძმა ხარ!... (დათია ვადის, ვახუშტი თვალს გააყოლებს, სიჩუმის შემდეგ ამოიხენჭებს და თავის-თავს ეტყვის) აი, ბეჩავ, წინანდელი დროვ!... ახლა დრო მაგათია!... უნდა დავეუყვავოთ... ია-ვარდი წინ დავეუთინოთ!... თუ არ სიამ-ტკბილობით, ისე ველარას ვახდები კაცი! ჰმ, ნუ იჯავრებო, მეუბნება ის ჩემი ახირებული შვილი. მოდი და ნუ იჯავრებ! (ჩაფიქრდება) ბატონ-ყმობას რომ უპირებდენ გადავდებას, მაშინაც ამგვარი ნიშნები იყო!... სწორედ ჩამოგვართმევენ მიწებსაცა და სულ შშრალზე დავრჩებით. ღმერთმა ნუ ქნას ჩემ სიცოცხლეში და მერე მისი ნებაა: „ჩემს შემდეგ ქვა ქვაზედაც ნულარ ყოფილაო“, ნათქვამია. ორი დღე აღარ დამრჩენია, წინ ორი პარასკევი აღარ მიდევს, რათ გავინეთქო წინდაწინ გული? მერე რაც იქნება, ის შვილებმა იკისრონ! მე-კი მანამდე, თუ მოვახერხებ, ჩემს ნებაზე ვქამ, ჩემს ნებაზე, და ასე მიეუჯდები ბუხარს თბილად. (უჩიკინებს ცეცხლს და ლიღინებს)

„გამხიარულდი, ბუხარო,
 გულჩახვეული ნუ ხარო,
 ზამთრისთვის შეშა ბევრი მაქვს
 და ნულარაფერს სწუხარო“.

შეშა კი არა, ჯირკი!... ჯირკი! (უჩიკინებს)

III

იგივე და ბეჟან შემოდის.

ბეჟან. ოჰ, სალამომშვიდობისა. გეტყობა კარგ გუნებაზე ხარ!

ვახუშტი. ისე შენი მტერი იყოს! მაგრამ მინდა, რომ ვახუტრებულ ბუხარს გადავაყოლო გული... ჯავრს თავი წავართვა როგორმე.

ბეჟან. რა მოგივიდა?

ვახუშტი. სიბერე თავლადდასხმული და შერცხვენილი! მივჯდომივარ კრუხივით ბუხარს... და ველარც იქით წავსულვარ და ველარც აქეთ. ზიარება რომ გინდოდეს... მღვდელთან გასაგზან კაცს ველარ შოვილობ. ერთობაო, თანასწორობაო!... გამგონე აღარავინ არის და თვითონაც ველარ ინძრევი... ვერსად მიდიხარ.

ბეჟან. სად უნდა წახვიდე ამისთანა დროს? რომ იტყვიან, ძალი არ გაივდება კარშიო, სწორედ ის არის! თოვლ-ქყაპი, ქარი, ტალახი, სიცივე.

ვახუშტი. მერე და რამ გამოგიყვანა ამისთანა დროს სახლიდან?

ბეჟან. საქმე მქონდა შენს შვილთან, და ნაინც რა ბევრია ჩემი სახლიდან აქამდე? სულ ორი ბიჯი თუ იქნება... მაგრამ ვაღამიცდა ფეხი და ტყველება გავადინე.

ვახუშტი. უჰ! რა ხუმრობაა! ფეხი ხომ არ დაგისველდა ტალახში? ხომ არ გაცივდი? წამოიწიე ცეცხლისაკენ.

ბეჟან. (მოიჩინებს სკამს)

„ბუხარი და ერთი კაციო — ნათქვამია. —
თუ გაჭირდეს — ორი კაციო;
თუ მესამეც მიემატოს,
ადეკი და კარში გადიო“.

ვახუშტი. (იციინს) ეგ ახლანდელ ფეჩებზე უნდა იყოს ნათქვამი, თვარა ძველებურ პირლია ბუხარზე კი არა! ამისთანა ბუხარი ხუთსაც ეყოფა ჩვენისთანას.

ბეჟან. ტყვილა დასცინიან იმ იმერელს, რომ უთქვამს: „ნურც სააქაოს და ნურც საიქიოს ცეცხლი ნუ მომიშალოს ღმერთმაო“. მართლა რომ კაი რამეა ცეცხლი, თუ შენ ნებაზე ანთია.

ვახუშტი. ხუმრობ, თუ? ზამთარში მაინც რა სჯობია ვახურებულ ბუხარს? მაგრამ იმასაც თავისი ხელის შეწყობა უნდა: დაჭრილი შეშით ვერ გააძღებ, თუ ჯირკს არ შედებ. ჯირკი კი, მოგვეცა ღვთის წყალობა, მოწყობილი იყოს: საღამოს რომ შეუზიზინებ ცეცხლს, გათენებამდის გააქვს გუზგუზი! სითბო? სითბოს ისეთს იძლევა, რომ ამ ჯუჟუტანებში კარებიდან, ფანჯრებიდან თუ მალლა ქერებიდან რამდენიც უნდა უბეროს ქარმა, სიცივე ვერ შემობედავს.

ბეჟან. მართლაც რომ მხურვალეა ჯირკი. მაგრამ სად შოვობ ამდენს?

ვახუშტი. ცოტაა ტყეში? ზაფხულში მოვატანინებ, დავაგროვებ ხოლმე საზამთროდ და მორჩა და გათავდა.

ბეჟან. ბევრი უნდება ერთ ზამთარს?

ვახუშტი. ასი თავს გადადის. (სიჩუმე)

ბეჟან. ამისთანა ღამეში დარჩენილხარ სადმე გარეთ?

ვახუშტი. მე? ჰმ, ნეტავი პირაქეთ არ წამეკიდებოდეს ფათერაკი, თვარა მე რაფა შევეჩხირები?... რათ გავიჭირებ გაუჭირველ საქმეს? სხვა რამე თქვი, თვარა იმას ვერ ვიტყვი, რომ ნებიერობა დამკლებოდეს. როცა სიცხეა ზაფხულში, პერანგა ვგორავ ხოლმე ჩეროში და ზამთრობით, სიცივეში, ბუხარს ვუზივარ ასე.

ბეჟან. ნეტავი შენ!... მიტომაცა ხარ მაგრე შენახული!... შენ ხომ ათი წლითა ხარ ჩემზე უფროსი? აბა ერთი შემოგვხედოს ვინმემ, თუ მე უფროსი არ ვეგონო!... ეჰ, ან ასე რათა ვარ, რაც მე წვალება გამომიცდია!

ვახუშტი. წვალება?!

ბეჟან. ჰო! წვალება... გაჭირდება!... შენ რომ ზაფხულში ჩეროდი ჰგორავდი და სიო დაგქიქინებდა, მე იმ დროს, ვინ იცის, იმ

პაპანაქებაში, რანცმოღებული, მივდიოდი აღმართში და ვიწურებოდი ოფლში!... იმდენი წელიწადი იცოცხლე, რამდენიც მე ამისთანა ლამეში, და კიდევ უარესშიაც, გარეთ ვგდებულებო მშიერ-მწყურვალ.

ვახუშტი. ეგ როდის?

ბეთან. როდის და, სამსახურში რომ ვიყავი.

ვახუშტი. მაგიერად, შე დალოცვილო, კიი კაპიტანი ხარ, მაგერ!

ბეთან. რას მიკეთებს მერე ეს კაპიტნობა?

ვახუშტი. როგორ, თუ რას გიკეთებს? ხალხში გამოსული ხარ, პატივცემული და ბევრის ნანახი.

ბეთან. ნანახი, თვარა, მე შენ გეტყვი, რომ პაპასთან ვატარებდი დროს!... ხან იქით და ხან აქეთ დავეცილობდი დაღესტნის მთებში!... ვინ უნდა მენახა? მთებს შენც კი უყურებ აგერ.

ვახუშტი. კი, მაგრამ სამსახურში ყოფნა მაინც სხვა არის.

ბეთან. რა დაგიენინია ეგ სამსახური, სამსახური? ოცდაათი წელიწადი ვიყიალე, ჰამა არ მქონდა ჩემს ნებაზე და სნა! და რა გამოვიტანე? ნიკრისის ქარები, სხვა არაფერი!...

ვახუშტი. პენცია?

ბეთან. შევითუმან-ნახევარი წელიწადში გინდა ყოფილა და გინდა არა!... გადამეკიდა ი მამაოხრის შვილი, პოლკის კამანდირი: ხან აქეთ მიკრავდა თავს და ხან იქით. სულ ტყვეს მაჩეხინებდა, თრევამ წელში გამწყვიტა. ვიფიქრე: აქ დარჩენა ჩემი საქმე აღარ არის მეთქი. ჩემი ანგარიშით, საპენსიო ვადა გათავებული მქონდა და შევითანე ასტავკა.

ვახუშტი. მერე?

ბეთან. მომიღვეს ხრიკი: ორი თვე გაკლია და არ გერგებო! ვერ მიიღებ სრულ პენსიასო. მაშ, შემასრულებიეთ ეგ დანაკლისი ორი თვე მეთქი!... მაგრამ ვინლა გამცა ხმა? ასტავკის დაბრუნება აღარ შეიძლებაო. ამომამძულებიეს და გამომისტუმრეს ასე.

ვახუშტი. კი, მაგრამ ხათრი და პატივისცემა მაინც მეტი გაქვს! რალა შორს წაივდე? აი, ამ დღეებში რომ დაიარა სოფელი და-მსჯელმა რახმმა, შენს სახლში ვერ შემობედა. აგიარა გვერდი და მეკი პირდაპირ მომადგა: „ამ სოფლიდან მოძრაობაში გარეული ორი გვემალება და, რადგან არ გვაძლევთ, უნდა ცეცხლი წაგიკიდოთ, დაგწყვათო!“ ბიჭო! მე რა შუაში ვარ მეთქი? ძალაც თქვენს ხელშია და ბატონობაც მეთქი? წადით და მონახეთ! მე რას მერჩით მეთქი? მაგრამ, შენც არ მომიკვდე, ვერა შევაგონე რა, სანამ!...

ბეთან. სანამ?

ვახუშტი. სანამ იმათი უფროსი მუდრეგაფიციერი არ გავინმე განზე და ოცდახუთმანეთიანი არ ვუჩიჩბე! მაგრამ, მაინც რომ ველარ მოვიშორე-ყე, სანამ ბელელი არ გააღეს, რომ ყველაფერი გამოეტანათ, და მარანში არ ჩავიდნენ...

ბეჟან. მარანშიაც ჩავიდნენ?

ვახუშტი. ჩავიდნენ, შოახდევინეს ოცდაათკოკიანი, მოუსხდნ ქვევრის პირს და სვეს და სვეს! ხელოსანს ორშიმო მიეწოდებია და თავზე გადაემტვრიათ მისთვის: ეგ რად გვინდაო?

ბეჟან. აბა, რით იღებდნენ?

ვახუშტი. გაიძვრეს, თურმე, ი მაღალყელიანი ჩექმები რომ აცვიათ, და იმითი იღებდნენ, სანამ არ იჯერეს გული. რაც დალიეს— დალიეს, რაც არა და—გააუწმინდურეს და გაუდგენ გზას.

ბეჟან. არ გიჩივლია?

ვახუშტი. მეორე დღეს გადავიდა ჩემი ალექსანდრე უფროსთან და უთხრა ყველაფერი, მაგრამ...

ბეჟან. მაგრამ რაო?

ვახუშტი. „ბრიყვები არიანო, აბშიკა მოსვლიათო, თვარამ თქვენთან რა უნდოდათო? ვუბრძანებ, რომ აწ აღარ გაბედონო, მინავათ, პოეოლუსტაო!“ თურმე რომ გადავებუგეთ, მაშინაც ასე მეტყოდნ: „მინივთ, პოეოლუსტაო!“ და ამითი გამითავებდნენ საქმეს.

ქალის ხმა (გარედან). ცეცხლი! ცეცხლი წაუკიდეს სახლს. (წამო-ცვივდებიან) გვიშველეთ, ვინ ხართ ქრისტიანი!

ბეჟან და ვახუშტი. სად გაჩნდა? სად?

ალექსანდრე. (შემოიჭრება) რა ამბავია, რა ამბავი?

ხმა (გარედან). მიშველეთ, მიშველეთ! ნუ ამხლით ნამუსს!

IV

იგინივე, ალექსანდრე და დათია.

დათია. არაფერია, არაფერი! გადარეული ყვირის!

ყველა. ვინ გადარეული?

დათია. წვერადის ცოლია!... ამას წინათ მივიდნენ ყაზახები, სახლი დაუწვეს და ეგეც იმდენ ხალხში გააუპატიურეს ძალივით... „გადაეარდნილი შვილი რომ გყავს, სად იმაღებო, რათ არ გვეტყვიო“... გადაიღია და მასუკან აგრე დადის გიჟად. ხან ერთს შეუვარდება ეზოში და ხან მეორეს და სულ მაგრე გაიძახის, აი დასწყევლოს ღმერთმა, საიდან სად მოსულა აქ?

ბეჟან. ჩვენ კი გულეები გადმოგვიტრიალდა და!

ვახუშტი. მეც ისე მეგონა, თუ ამ სასახლეს წაუკიდეს ცეცხლი-თქო.

ალექსანდრე. ოჰ, უბედური! (დათიას) რა გაცინებს? თუ ღმერთი გწამს, ღამე გაათევინე! ამისთანა ამინდში ნუ გაუშვებ!

დათია. ბაწრითაც რომ დააბათ, გაჩერდება? ეგ სულ მაგრე დაწანწალობს მთელი ღამე. ახლა წასული იქნება... აქ კი აღარ მოიცილდა.

ალექსანდრე. წადი, ეგები დაეწიო... ნუ გაუშვებ, თუ ღმერთი გწამს!

დათია. ახლა იმას უნდა გამოუდგე?

ხმა (გარედან). ცეცხლი, ცეცხლი!! გამიშვით, თქვე ძაღლებო, გა...

დათია. ეჰ, საიდან იძახის... (ბეჟანს) თქვენსას ჩასულა.

ბეჟან. ცოლ-შვილი არ შემიშინოს, ჩაირბინე ერთი!

დათია. არა, დიდხანს არც იქ მოიციდის. ერთს დაიძახებს და გაუდგება გზას.

ალექსანდრე. შვილი სადღა არის მაგისი?

დათია. აფრასიონი? გადავარდნილია, ტყეში იმალება. მოუყრია თავი სხვადასხვა გადავარდნილებიანათვისაც და აღარავის ზოგავს: არც მტერსა და არც მოყვაოეს.

ვახუშტი. ასე გაუკითხავად?

დათია. მე ვინ გამოკითხა, რომ მე სხვა ვაგვიკითხოვო? სახლი აღარ მაქვს და კარიო. ოჯახი ნამუსახდილი და მეც სასიკვდილოდ დამდევნო.

ბეჟან. შენ რა იცი, მერე? სად გინახავს?

დათია. როგორ არ მინახავს? ორჯერ მოვიდა ჩვენ სოფელში, ხარჯი წაიღო.

ვახუშტი. მერე, ვერ დაიქირეთ?

დათია. მოდი და დაიქირე!... თან ჯარი ჰყავდა დაიარაღებული და, მარტოც რომ ყოფილიყო, ხელს მაინც არავინ ახლებდა. გლეხს არც არაფერს ის ერჩის და არც გლეხები ერჩიან! (შორიდან მოისმის წივილ-კვილის ხმა)

ბეჟან. ჩუ, ხმაურობაა სადღაც! (ყველანი მიცვივდებიან ფანჯარასთან და ყურს უგდებენ)

ვახუშტი. ქალების ხმაა, ალბათ ვინმე მოუკვდათ.

დათია. არა, ამ კვირაში სულ მაგრეა! ვისმეს დაეცემოდენ ასაკლებად, ცეცხლს წაუკიდებდენ და ის იქნება.

ალექსანდრე. მართლა!... აი, კიდევ მოსჩანს ცეცხლი, ჩვენს პირდაპირ გაღმა იწვის ვინღაც.

ბეჟან. შერე-და ამისთანა დროს როგორ იწვის, ასე ბღლიალ-ბღლიალი რომ გააქვს?



დათია. ხის შენობაა!... მერე იმათაც იციან ხერხი: მიასხამ-
მოასხამენ ნავთს და მერე მისცემენ ცეცხლს; რასაკვირველია, აბღღიალ-
დება.

ვახუშტი. ცოლ-შვილი? სად უნდა წავიდენ ამ სიცივეში? ზა-
ფხული რომ იყოს, კიდევ ჰო!... ტყეში მიიმალეებიან.

დათია. ცოლ-შვილს რას დაგიდევინ! ისენიც სადმე მეზობლი-
სას შეიფარებენ თავს. ნეტავ ვინ უნდა იყოს?

ბეჟან. (გაიხედავს) უჰ, ეგ ლარაძის სახლია! ვაი, უბედური!

ალექსანდრე. რას ერჩიან?

დათია. გაკეთებული გლეხია და ისენიც ამოარჩევდენ.

ალექსანდრე. რათაო?

ბეჟან. ტყვილა, ისე, რომ ხალხი შეშინდეს! ეჰ, ჩვენც ბევრი
სოფელი დაგვიწვაეს დაღესტანში.

ვახუშტი. მოდი და ნუ შეგეშინდება შენ... ესეც შენი ახალი
შობრაობა! (გამობრუნდება თავის ქნევით)

მოქმედება მეორე

ალექსანდრეს კაბინეტი. ალექსანდრე მაკიდას უხის და სწერს. დათია ოთახს ალაგებს.

I

ალექსანდრე, დათია.

დათია. მართალი გამოდგა: ლარაძე ყოფილა, ჩვენი იოსები... რომ დაუწყევთ.

ალექსანდრე. იოსები? ჰმ!...

დათია. ნაშუალამევი იქნებოდა, რომ მისი ატირებული ცოლ-შვილი ჩვენსა აქ გადმოვიდა, ბოსელში მოვათავსე.

ალექსანდრე. კარგი გიქნია.

დათია. დღეს, გათენდა თუ არა, იოსები მოვიდა, ნახვა უნდა-თქვენი.

ალექსანდრე. შემოიყვანე. (დათია გადის)

II

ალექსანდრე და იოსები, შემოდის
და განზე ვადგება.

ალექსანდრე. იოსებს გაუმარჯოს!

იოსები. (დაღონებული) ღმერთმა ნუ მომაკლოს თქვენი სიცოცხლე.

ალექსანდრე. მოიდგი სკამი. (მიაწოდებს სკამს)

იოსები. არა, თქვენი კირიმე, ასეც არა მიჰირს რა, ფეხზე! მერა მრჯის თქვენთან ჯდომას!

ალექსანდრე. (იყინის) ნეტავ არ სულელობდე ერთი!... რა პატივისცემაა ზეზე დგომა, რომ წიფელსავით დამდგომიხარ თავზე?

იოსებ. არა, შენი კირიმე, არა მიჰირს რა.

ალექსანდრე. მოდი ახლოს!... მოიდგი სკამი!...

იოსებ. (ჯდება) ვადღეგრძელოს ღმერთმა!... წუხელის მთელი-ღამე ფეხზე ვავათენე.

ალექსანდრე. მით უფრო!... შენი ფეხზე დგომა ნე ვერაფერს შემმატებს და შენ კი ისეც გეყოფა დალაღვა. რა ამბავი იცი?

იოსები. რალა უნდა ვიცოდე? წუხელის გადამწვეს და გადა-მხრაკეს.

ალექსანდრე. (შეწუხებული) ვიცი! ვიცი! რას გერჩოდენ?

იოსები. რა ვიცი, შენი ჭირიმე, ღმერთმა ნუ იცის მათი თავი და ტანი: „სუღიათ რათ იყავიო?“

ალექსანდრე. სუღიათო?

იოსები. ჰო, სუღიათო, შენი ჭირიმე! იმ ახალთაობის დროს, პოლიცია რომ აღარ იყო, სუღია და პოსრედნიკი გააუქმეს და ღრუბენატორიც გადადგა, ჩვენ გამოგვიცხადეს: ახალი დრო დადგა და ახლა თქვენ უპატრონეთ თქვენ თავსო! ჩვენც, თქვენი ჭირიმე, რალა გზა გვქონდა, ავდექით და შევეუდექით საქმეს! პოლიციაც ჩვენს ხელში გადმოვიდა და სამართალიც. სოფელმა თავისი სუღიები აიჩინა და მათ რიცხვში მიც მოვეყვი.

III

ისინივე და ვახუშტი შემოდის, იოსები წამოხტება ზეზე, განზე გადგება. ვახუშტი ჯერ გაუერთხავს და მერე დაჯდება ნაჯდომ სკამზე.

ვახუშტი. ოჰ, იოსებს გაუმარჯოს!... კაცო, რა მოგივიდა, რომ ცეცხლი წაგიკიდეს? მეწყინა, მამაჩემი ნუ წამიწყდება.

იოსები. თქვენი თავი ნუ მომიშალოს ღმერთმა! მე რაც მომივიდა, ეს თქვენს მტერს, მაგრამ რა გაეწყობა? ალბათ ღვთის რისხვა იყო ჩემს თავზე.

ვახუშტი. მაინც რა სთქვეს? რათაო?

იოსები. წელანაც მოვახსენებდი ამათ. „სუღიათ რათ იყავიო?“ რა მექნა, შენი ჭირიმე? მე ხომ ჩემი ნებით არ ვყოფილვარ? მიბრძანეს და დავდექი! სოფელს სად წაუხვალ?

ვახუშტი. მერე-და ახლა გაახსენდათ ამდენი ხნის საქმე? მიზეზი აუკრეფიათ.

იოსები. აგრე იქნება, მაინც ჩვენი სუღიობით რა წავახდინეთ, რაც არა გავაკეთეთ რა? იმ ცოტა ხანში, სანამდი ჩვენ ვიყავით, ჩვენს სოფელში ცუდი არა გაგონილა-რა!... თვარამ თქვენც მოგეხსენებათ

ალექსანდრე. კი, მაგრამ სამართალს როგორ სჭრიდით, რომ კანონების არა გავეგებათ-რა? (იციხის)

იოსები. კიდევ მიტომ. აღამიანი დაიბადება თუ არა, ავ-კარგის გარჩევა თანვე დაყვება, ღვთით. კანონები გულშია, თუ-კი სინიდისზე გაივლის კაცი! და ჩვენც არა დაგვიკლია-რა ღვთით.

ალექსანდრე. ხალხიც გემორჩილებოდათ?

იოსები. ერთობა იყო და მაშ რა იქნებოდა! იმ ორ-სამ თვეში ამ ჩვენს სოფელში ცუდი არა გაგონილა-რა! ყოველივერი უკულმართობა მოისპოვო, იტყოდა კაცი. დარისპან კობახიძეს—თქვენც კარგათ იცნობთ, სოფელმა ველარ გაუძლო!... ქურდი იყო მისთანა, რომ თვალში წამწამს გამოჰპარავდა აღამიანს. ორჯელ-სამჯერ კიდევაც დაიქი-

ჩვედენ. ახლა ხომ ვიცი, რომ არ შემარჩენენ, მომკითხვენ, გზაზე გავივლი.

ვახუშტი. იმე! რას ამბობ, კაცო? რა სარგებლობის გულისთვის?

იოსები. ჰმ! ავერ ორმოცდაათი წლის გაეხდები და, მაშინდელის მეტად, ერთხელაც არ მიგრძენია, რომ მეც კაცი ვიყავი! წამათრევედენ იმ დასაქვევ სულში; იქ შენი არავის ეყურება და შენ სხვისი... უნდა წამოუყენო შენ მაგიერი და, ის რას ამბობს, ლმერთმა იცის. კაცათ კი არა. ძალათაც არავინ ვაგდებს. და ამის შემდეგ ღვთის რისხვით არის, თუ ღვთის წყალობით, თითონვე შენ ხდები სულიათ! შენ ასამართლებ სხვებს! მოდი და ნუ იტყვი: ახალთაობის ჭირიმეო!

ვახუშტი. ჭირიმე და... მაგრე იცის იმ „ჭირიმემ“! ე სახლი რომ დაგიწვეს, მაგერ?

იოსები. თქვენი ჭირი წაიღოს! იმას ხომ მაინც ველარ ვიტყვი, რომ მთელი ჩემი სიცოცხლე ჰირუტყვად გავატარე და ადამიანური არა მიგრძენია-რა-თქო?

ალექსანდრე. (თავისთვის) აი, ხალხის ფსიხოლოგია!

ვახუშტი. ეგ ყველა კარგი, მაგრამ ახლა რომ უსახლოდ ხარ?

იოსები. ვეცდები, ან აქეთ ვეცემი, ან იქით და მოვახერხებ რასმეს. ახლაც შემოსახვეწნად გიახელი თქვენთან: ცოტა წყნელები მიბოძოთ, რომ ფაცხა მოვძაგვო როგორმე ჯერ-ჯერობით, თუ ისიც არ დამიწვეს.

ვახუშტი. ჩემი ტყიდან? ჰმ, აკი აჩებასა და აოხრებას უპირებდით იმ ჩემს ტყეს? ახლა ხომ დაგჭირდა? რომ მართლა აჩეხილიყო, ახლა ან შენ რალას მთხოვდი და ან მე რალას გიბოძებდი?

იოსები. ახალგაზდა ბიჭები გაბრიყვდენ, შენი ჭირიმე, და შექონდათ ცული, თვარა სხვა, ჭკუით მყოფი, ვინ იფიქრებდა მაგას? აკი ჩვენვე დავუშაღეთ და, რაც მოეჭრათ, იმისთვისაც დავაჯარიმეთ!

ვახუშტი. დააჯარიმეთ?

იოსები. ასი მანათი გადავახდევინეთ.

ვახუშტი. რა უყავით მერე იმ ფულებს?

იოსები. მჭადაგებლებს გადავეცი, შენი ჭირიმე!

ვახუშტი ვი! ტყე ჩემი, ჯარიმა გლენების და ფული მჭადაგებლებს.

იოსები. რა გვექნა, შენი ჭირიმე, მაშინ მისთანა დრო იყო.

ვახუშტი. კარგი, ნულარ მომაგონებ იმ დროს! ბევრი დაგჭირდება წყნელი?

იოსები. რაც ერთს ფაცხას მოუნდება.. ცოტა საძირკველიც დამჭირდება და სახურავიც.

ვახუშტი. ბარემ მთელი სახლი გაიტანო, არ გირჩევნია?

იოსები. მაგდენის ღონისძიება ვინ მომცა, შენი ჭირიმე!

ვახუშტი. არაფერია!... სოფელი ღონიერია, გამოგროგდებით, მანამდი შენც იშოვნე, დაგაცდი.

იოსები. (გახარებული) თუ დამაცლით... ღმერთმა შენი წყალობა ნუ მომიშალოს.

ვახუშტი. რატომ არ დაგაცლი? დიხაც დაგაცლი!... თუ მეზობლობა არ გვექნა—არ ივარგებს! ჩვენ უთქვენოთ ვერ ვიცხოვრებთ და თქვენ უჩვენოთ... ბატონობა სულ სხვაა.

იოსები. ღმერთმა თქვენი ჭირი მომკეს, ჩემო ბატონო! (მოდის გახარებული)

ალექსანდრე. ჭკვიანი არის ეგ იოსები!

ვახუშტი. რა გიკვირს, შვილო? ძველი გლეხები სულ მაგისტანები იყვნენ! არც ჭკუა აკლდათ და არც ზრდილობა! რომ უნდოდა, ისე ეჭირათ თავი... უმცროს-უფროსობა იცოდენ... ახლა გაფუჭდენ და ისიც თქვენი წყალობით.

ალექსანდრე. როგორ თუ ჩვენი წყალობით?

ავხუშტი. ჰო, ახალთაობის წყალობით! დაგიენიათ: „ძმობაო“, „ერთობაო“, „სიყვარულიო“ და ამით სულ გადარიეთ ხალხი.

ალექსანდრე. ეგ, თუ გინდა, მაგრე იყოს!... ჩვენ ვამბობთ მაგას... მაგრამ როდის გვიოქვამს „უზრდელობაო“?

ვახუშტი. იმათ კი ასე ჰგონიათ და... კისერზე გვიპირობენ წამოჯდომას.

ალექსანდრე. არაფერია! ეგ ყველაფერი სტიქიონურია!

ვახუშტი. რაო?

ალექსანდრე. ჰო, სტიქიონური!... იშვიათი მოვლინება, როგორც მიწისძვრა, მეწყერი, ცეცხლის გაჩენა და სხვანი! ყველა გადამაველია!

ვახუშტი. ჩვენ კი ველარ მოვესწარი და!...

ალექსანდრე. ყოველ ამგვარ მოვლინებას მოთმენით უნდა ატანა. აი, კარზე რომ პატარა მდინარე ჩამოგვიდის, ხომ დასალევედაც კარგია, საბანაოდაც და თევზიც კარგი იცის? მოჩუხჩუხებს ნელ ნელა, თითქო ამ ატეხილ ქალებს უმღერისო, თვალსაც ესიამოვნება და ყურსაც. როცა მოვარდება ხოლმე, მაშინ კი შენს მტერს!... გადმოტეხავს ნაპირებს, ატალახიანდება, აღარც სასმელად ვარგა და აღარც საბანებლად. და რომ გადარეცხავს კიდეებს, დაწდება და თავის კალაპოტში ჩადგება, მაშინ ხომ ერთი-ორად უკეთესია? ხალხიც ასეა, როცა ღელავს, უნდა მოერიდო ცოტა და დააცადო.

ვახუშტი. ჩვენ კი ვერიდებით და ვაცლით, მაგრამ ისინი რომ აღარ გვაცლიან? გაწყვეტას გვიპირობენ ყველას ერთიანად, გაუკითხვად!... ცოტა გამოათხოვეს უდანაშაულოდ წუთისოფელს?

ალექსანდრე. ეგეც ცხოვრების მოთხოვნილებათაა. სიმონთან ერთობლივად, თოხი მიტომ შეგვაქვს ყანაში, რომ ბალახი მოვაშოროთ, თორემ შამბი წაიღებს და ამოვარდება მთელი ყანა.

ვახუშტი. მერე რაო?

ალექსანდრე. ის, რომ მაშინ უცაბედად კარგი ღეროც იქრება აქა-იქ, და იმის მოფრთხილებით, რომ შეცდომით კარგი არ მოიჭრასო, თოხნაზე რომ ხელი ავილოთ, ხომ ამოვარდა მთელი ყანა? ერთი რომ მოიჭრება, იმითი ათასი სხვა გადარჩება. ასეთი ხალხიცი!...

ვახუშტი. ეგ მაგრეთა, მაგრამ წარა-მარა რომ შეიტანო თოხი და ხან მარჯვნივ და ხან მარცხნივ უპარტყუნო წინდაუხედავად, რა თავის გამართლება იქნება?

ალექსანდრე. მერე, ვის ეწამებით წინდაუხედაობას?

ვახუშტი. ვისა და იმ შენ ახალთაობას! ცოტას მოუღეს ბოლო, რომ იმათ არც ღმერთთან და არც კაცთან დანაშაული არა ჰქონიათ რა?...

ალექსანდრე. წედანაც ვამბობდი: წყალი რომ აიძვრევა და მოვარდება, თევზები ნაპირზე გამოჰყავს და ამ თევზებს გველ-ბაყაყუბიც თან მოჰყვებიან ხოლმე! ნამდვილ ახალთაობას რა წილი უძვეს კაცის კვლავში და ცარცვა-გლეჯაში? ისინი თავსა სდებენ სიმართლისათვის. ზოგნი კვდებიან და ზოგნი ციხეში ლპებიან. სხვები კი სარგებლობენ დროთი საპირადოდ და, ვინ იცის, რას არ სჩადიან ახალთაობის სახელით?! გუშინ ხომ გაიგონე, დათიამ რა ილაპარაკა ვილაც გადავარდნილზე—არავის ზოგავსო! განა ესეც ახალთაობას უნდა დაბრალებდეს?

ვახუშტი. რა ვიცი, შვილო! მოძრაობამდე კი არა ყოფილა—რა და! შენ მაინც, მოძრაობა რომ დაიწყო, სიხარულით ფეხზე აღარ იდგები: მადლობა ღმერთს, გაიღვიძა ხალხმა, თვალი გაახილაო!

ალექსანდრე. დიას!... საუკუნეზე მეტია, რაც სძინავს... მკვდრის ძილმა წაიღო! „რალა მკვდარი და რალა შინ მოუსვლელიო“, იტყვიან. „რალა მკვდარი და რალა მძინარი“, ვამბობ მეც. მძინარს, როგორც გინდა, ისე დაიმორჩილებ, დღეს ძლიერს თვალი გამოახილა ხალხმა...

ვახუშტი. (ჩამოართმევს სიტყვას) გამოახილა და ჩვენვე დაგვერია!...

ალექსანდრე. (იციინს) ეგეც არაფერია, ცოტათი დაიგეშებიან შინაურებზე და მერე...

ვახუშტი. ისეც კაი დაგემართოს, მაგრამ ვაი თუ ისე მოგვევიდეს, როგორც ბიძაშენს მოუვიდა.

ალექსანდრე. ბიძაჩემს რა მოუვიდა?

ვახუშტი. ჩადი, ჰკითხე და გეტყვის. ერთი ლეკვი ჰყავდა მწვევარი. კატებზე დაეგეშა, მერე უფრო კარგათ დაიჭერს კურდღელსო... მაგ-

რამ მისთანა შენს მტერს, როგორც ის გაიწოთენა: გარეთ კურდღელს ხმას არ სცემდა და შინ კი კატა არ გაუყვებოდა! (იციან)

ალექსანდრე. არც მაგრეა საქმე, მამაჩემო! ხალხი კვეიანია და მალე შეიგნებს, რაც შესაგნებელია, წელან ხომ ნახე იოსები?

ვახუშტი. ენახე, შეილო, მაგრამ ის კი არ მომეწონა, რომ გვერდში მოგესვა.

ალექსანდრე. თქვენ აკი წაპოგიდგათ ზეზე?

ვახუშტი. მე რა, შეილო? ჩემი პური მოკმული მაქვს, შენთვის ვამბობ, არ უნდა გაიტოლო! არ უნდა გაათამამო, რომ ბოლოს სანაჩურად არ შეგექნეს.

ალექსანდრე. არა, ის მისთანა არ არის, რომ გაბრიყვდეს: მე თვითონ აღარ მოვეშვი და ძლივს დავაჯინე.

ვახუშტი. (წამოადგება) შენ უკეთ იცი, შეილო, ახლანდელი დრო. (მიდის კარებისაკენ, მერე მობრუნდება და რაღაცას გარდასცემს შეილს) აჰა! კინალამ დამავიწყდა!... გულში-კი მქონდა... ამას შენც მოუმატე და გადაეცი საცოდავს.

ალექსანდრე. (გაოცებული) იოსებს?

ვახუშტი. ჰო, იოსებს!... აბა, რითი შესძლებს ყიდვას?

ალექსანდრე. ბარემ ისე გებოძებიათ, უფულოდ.

ვახუშტი. არა, შეილო!... ის რომ არ გაბრიყვდეს, სხვები გაბრიყვდებიან... ეგ ფული სულ შენობით გადაეცი. (მიდის)

ალექსანდრე. (გააყოლებს თვალს) ძვირად მინახავს ქართველი, რომ კარგი გულის არ ყოფილიყოს!... ჰმ... თვალი დაუდგეს დროსა და გაემოგებს, თორემ რათ უნდა ილუპებოდეს ამისთანა ხალხი!...

მოქმედება მესამე.

I

ნინო სარკის წინ ირთვება, ელენე მაგიდას უხის და წიგნს კითხულობს.

ნინო. პრიჩოსკა მიხდება?

ელენე. (თავს აიღებს) კი არ გიხდება, გშენის!

ნინო. ნუ! გშენის! (ლილინებს) შაპოჩკა?

ელენე. საუცხოვოა!

ნინო. (კიდევ ლილინებს) ეს? ხარაშო სიდიტ პლატიე?

ელენე. (უცმაყოფილოდ) კარგად, კარგად!

ნინო. (ცოტა სიჩუმის შემდეგ) ბაშმაკები როგორ მოგწონს? (გამო-
აშვრას ფეხებს)

ელენე. უჰ! შენ და შენი კოპწიაობაც!... ჩაიხედე სარკეში და მორჩი! ნუ მიშლი.

ნინო. სკაეიტე, პოეალუისტა! გიშლი! დიდ რამეს ჰკითხულობ!!

ელენე. (დაცინვით) სანინს!... ლეონიდ ანდრეევს.

ნინო. პოეალუისტა, პოეალუისტა!! ვჩუეოი აგაროდ ნე ბროსაი-
კამნი. რალაც ქართულ სისულელტსა ჰკითხულობ! კაკ ტებე ნე ნადა-
ელო! „ვეფ...ქის... ტკაოსანი“.

ელენე. შენ რას დაეძებ, მე რასა ვკითხულობ? მე ხომ შენ არას გიშლი? რაც გინდა, ის იკითხე!...

ნინო. ვა ვსიაკომ სლუჩაე, სისულელტს არ ვკითხულობ.

ელენე. რატომ შენ საქმროს არ ეტყვი მაგას?

ნინო. ეენისხ? (იცინის) ისიც შენსავით გატაცებულია!

ელენე. მაშ რათ ეუბნები, რომ სასწავლებელში მიშლიდენ ქარ-
თულს და ახლა შენ მასწავლეო?

ნინო. ჩტობ უგადიტ ეენიხუ!... დედამ მიჩია: ჯერ, სანამდე
ნევესტა ხარ, ყოლიფერში დაეთანხმე შენ ეენიხსო და მერე, ჯვარს
რომ დაიწერ, რაც გინდა—ქენიო!... გუშინ ეენიხმა ერთი პატარა
ლექსი გადმომცა და მე კიდევ დავისწავლე: „სიქვარულო, ნიჩო
სრულო!...“

ელენე. სიყვარულო და არა „სიქვარულო“.

ნინო. სიკვარულო, ნიჩო სრულო,

ცამ ტბილო და ხანგრძლივ მცარე,

ჯერ აკვანო სიხარულის,
მერე კუბო და სამარე!

ელენე. გესმის, რასაც კითხულობ?

ნინო. ამიხსნა გიგუშამ, მარამ აღნავო ვსიოტაკი ნე პონიმიიუ:
სამარეს რა უნდა აქ? ვედ ეტო გუბერნია ვროსიი?

ელენე. (იციინს) სამარე ქართულად საფლავია.

ნინო. (გაოცებით) სიქვარული და საფლავი! ტოლი დელო (იბრან-
კება სარკის წინ და მღერის)

„ატიდი! ნე გლიადი!

სკროისა ს გლაზ ტი მიხ!“—ვოტ ეტო პანიმიიუ!...

ელენე. კარგი! კარგი!... მაგრამ ცოტახანს თავი დამანებე, გე-
ნაცვა, ნინო!

ნინო. რაო? ნინო? ეტავო ტოლკო ნე დასტავალო! ნინო? მე ნი-
ნა მქვია და ნინა დამიძახე! ნინო! თითქო „ბიჩო“, კაკ ბულტო ია
სრედნიალო როდა! რას იტყვიან სხვები, რომ გაიგონებენ?!

ელენე. ვინ სხვები?

ნინო. ვისში კრუგში, სასაცილოდ ამიგდებენ.

ელენე. უკაცრავად! ნინა! ნინა! ნინა!...

ნინო. (სიცილით მივარდება და კოცინს) ნე პრავდა-ლი, ბლალო-
ზვუნნე? დედამ თუ მიკითხოს, წავიდა-თქო! პრაშჩაი. (მიდის)

ელენე. რა ყველაფერად კარგია, რომ გადაგვარებული არ იყოს!
(სინუშე) ვილაც უცხოს შესწივლა თურმე: „ვეწუხვარ, რომ ქართველა-
და ვარ დაბადებულიო“... და იმანაც, რომ მოშორდა, დასცინა!
(დაფიქრდება) მაგრამ განა მართო ნინოა მაგისტანა, რომ რცხვენო-
დეთ ქართველობის? სულ ასე არ არიან სხვებიც? დღეს ქართველობა,
მათი აზრით, მეტი ბარგია! ამის მაგალითს კაცები გვაძლევენ!... მაგ-
რამ ჩემი ალექსანდრე კი სულ სხვაა!... „ის ქართველი, რომელიც პირ-
ველყოვლისა ქართველი არ არის, ადამიანად არა მწამს, რაც უნდა
იყოსო!...“ დღეს უნდა ჩამოვიდეს. (დაფიქრდება) რასაკვირველია, პირ-
დაპირ აქ მოვა!

II

ისინივე და ნატო.

ნატო. (კარებიდანვე იწყებს) რა ამბავია, შვილო? ხმამალალი ლა-
პარაკი მესმოდა! კიდევ წაიკიდეთ შენ და ნინო? ნუ აჯავრებ, დედა-
შვილობას!

ელენე. არა, დედა! ჩვენ ისე ვლაპარაკობდით.

ნატო. ჰო, შვილო, გენაცვალოს დედა! მაგის მეტი ვინლა გვყავს?
დღეს თუ არა, ხვალ საქმრო წაიყვანს და მოგვშორდება.

ელენე. მე რას ვუშლი, მერე?

ნატო. ჯერ იყო და მის ტოლებს ყველას ეჯავრებოდა: ჩვენზე ლამაზი რად არისო? და ახლა ხომ სუყველა გაჯავრებულია, რომ ამისთანა საქმრო გამოაცალა ყველას ხელიდან, იმას კი ენაცვალოს დედა! სად არის?

ელენე. წავიდა ლაუტენისის სათამაშოდ.

ნატო. მისი ქენიხიც იქ იქნება უთუოდ!... შენ რაღას უცდი, შვილო? სადაც არის, ხომ შენი ქენიხიც უნდა ჩამოვიდეს! კნიაზ ბეჯანი დღესთვის მოელის. წადი, შვილო, მოირთე და მოიკაშმე.

ელენე. ასეც არა მიქირს რა!... იცი, დედა, ის რა აზრისაა? ადამიანი მეგობართან ისე უნდა იყოს, როგორც თავის თავთანო.

ნატო. უი, რას ამბობ, შვილო? კაცი როცა მარტოა თავისთავთან, ხშირად ტიტველიც რჩება!...

ელენე. ჰო-და, როცა მეგობართან ხარ, განა მარტო არ ხარ?

ნატო. უი! რას ამბობ, შვილო? იმას ხომ მამაც თან მოჰყვება და, თუ არ მისთვის, მამამისის გულისთვის მაინც გამოიცივალე კაბა. მოირთე! წადი, შვილო, წადი! ნულარ აგვიანებ!

ელენე. თქვენი ნებაა! (მოდის)

ნატო. მადლობა შენთვის, ღმერთო, ქვრივ-ობლობის მფარველი ხარ! ორი ქალის მეტი არა გამაჩნია-რა და ორივენი ასე კეთილად დავაბინავე. ყველას თვალი რჩება გიგოზე და ხელში კი ნინოს მეტმა ვერავენ ჩაიგდო. არც გასაკვირველია! ნინო მისის მშვენიერებით ვის არ მოაწონებს თავს? მე უფრო ელენეს საქმე მაკვირვებს: არც ისე ლამაზია, უსწავლელიც დამირჩა და მაინც კიდევ რა საქმრო შეხვდა კუდრაქას... ბეღია, ბეღი!! ვინ იფიქრებდა?...

III

ისინივე და ბეჟან (შემოვა, ყურს უდაღება)

ბეჟან. მე! და მოფიქრებით კი შენ მომაფიქრებინე; ტყვილა კი არ არის ნათქვამი: „ნუ დააგდებ ძველსა გზასა, ნურცა ძველსა მეგობარსაო“. შენი სიძობა მე ჩაუდევ გულში, იმდენი ვეჩიჩინე, რომ გავბედდინე ცოლის შერთვა! თვარა ძალიან შორს ექირა.

ნატო. ისე შენ იხარე, როგორც ჩემი ქვრიუობა შენ დაატკბე!

ბეჟან. მე სულ სხვა მქონდა გუნებაში: მე ნინოზე ვფიქრობდი და ის კი მეორემ გაიტაცა.

ნატო. ჰმ, მეც ძალიან გამიკვირდა!... მაგრამ, მადლობა ღმერთს! ნინომაც საუცხოვო ვინმე ჩაიგდო ხელში, გიგო ბეგლარძე! პირველ საყენიხოდ ითვლება ჩვენში.

ბეჟან. იცი, ეგ ენინობა ვინ გააბედვინა გიგოს? ალექსანდრე და ის თურმე ერთად ყოფილან სასწავლებელში და დიდი მეგობრები არიან ერთმანეთის! გამოდის, რომ ესეც ჩემი ბრალია. პირველი გზა მე გავეკაღე! აბა, ნუ იტყვი, რომ „ნუ დაავდებ ძველსა გზასა, ნურცა ძველსა მეგობარსაო“... (მოიხიჩებს სკამს)

ნატო. (ავების გრეხით) შენ კი იხარე, რომ ხუმრობას არ იშლი!

ბეჟან. რაიო? ხუმრობას? ჰაი, ქალბატონო! რატომ მაშინ არ მეუბნებოდი მაგას, მხრებზე ეპალეტები, გვერდზე ხმალი რომ მეკიდა და უღვაშებს ვიგრებდი? პოლკის კამანდირი შენი გულისთვის არ გადამეკიდა? პენცია შენ დამაკარგვინე...

ნატო. (მანვეთ) ოცდაათი წლის ზღაპარს იგონებ...

ბეჟან. ზღაპარსო? ჰმ, თქვენა ხართ ქალები მანგრე: ქალარა რომ გამოერევა კაცსა, გინდ ტარიელიც იყოს, გულიდან ამოირეცხავთ, თვრა ჩვენ, კაცები — არა! სიბერემ, ალბათ, შენც დაგაჩნია კვალი. მაგრამ ჩემ თვალში, რაც მაშინ იყავი, ისევ ისა ხარ ახლაც.

ნატო. (მოიხიჩებს) ვითომ?!

ბეჟან. ცოლი აღარ ვეძიე და შეილი! და მოყვრობაც მიტომ მოვიდნომე გულით, რომ ახლოს ვყოფილიყავ. (ნატო ხელს აძლევს და აკოცებს) ჩემი შეძლება ხომ ჩემს ძმისწულზე უნდა გადასულიყო? ამთავითვე მაგათ დაეუტოვებ და შეილები იქნებიან ჩემი!... ჩემი ძმაც ძალიან გახარებულა... აღარ ეგონა, თუ მოესწრებოდა შეილის ქორწილს.

ნატო. შენ გაიხარე, მე ელოს ბედნიერება მიხაროდეს!...

ბეჟან. ძალიან ჩავარდნია გულში. ასე ამბობს: მე იმისთანა ქალების არა მწამს რა, ყოველიფერი რომ იციან, მაგრამ თავისი ქვეყნის კი არა გაეგებათ რაო!... ელენე კარგად არის გამოზრდილი და ძველ დედებს მოგვაგონებსო! ოჯახში სწორედ მაგისთანა ქალი უნდაო!...

ნატო. საცოდავი ჩემი ქმარი რომ გადაიკვალა, ეგ უპატრონო დამირჩა, მეოთხე კლასიდან გამოვიყვანე და, რაც კი შემიძლო, შინაურულად ვწრთინდი!... რა გაეწყობა! დღევანდელ დროს ეგებ არ ეკადრებოდეს... მისთანა ვერ იყოს, მაგრამ შინაურობაში... ქართველ ქალად არა უჭირს რა.

ბეჟან. ჰო-და, მერე ეგ ხუმრობაა?! შენი გაზრდილი ცუდი რათ იქნებოდა? არ ვამტყუნებ ალექსანდრეს, რომ მაგისთანა ქალი შეიყვარა. (ხელზე ჭკიცის)

ნატო. (იღინის) რალა დროს კომპლიმენტი ბებრის...

ბეჟან. ვინ არის ბებერი? მე, თუ შენ? (ალტაცებით) „ბებერი ხარის რქაც კი ჰხნავსო“. ეგ სხვებს უთხარი და ჩემს თვალში ისევ

უმაწვილი ხარ! (ჰკოცნის ხელზე) ახალგაზრდა ხარ! (ჰკოცნის მეორე ხელზე.
 ნინო შემოდის და უყურებს)

ნინო. ტრულია-ლია... (ახველებს)

ნატო. მოხველი, შვილო?!

ბეჟან. კნიაჟნას ვახლავართ...

ნატო. მაგრე რათ მოწყენილხარ, შვილო?

ნინო. მოწყენილი კი არა, გაჯავრებული ვარ: ჩემი ეენიხი დღეს
 იქ არ ყოფილა და არც აქ მოდის!...

ნატო. ჯერ აღრეა, შვილო! როგორ არ მოვა!

ბეჟან. (მოუბრუნდება) მაშ აგრე იყოს!... დღეიდან ღმერთმა ნუ
 მოშალოს ჩვენი მოყვრობა!

ნატო. (ხელს გაუშვებს ჩუმად) ხელზე მაკოცე! (ბეჟანი ჰკოცნის ხელზე
 და ნატო შუბლზე)

ბეჟან. მეც ხომ მამა ვარ ჩემი ძმისწულის? ახლა მახლობლები
 ვართ ერთმანეთის... ახლო ნათესავები!... ხომ, კნიაჟნა?

ნინო. ეტო ვაშე დელო! ვი ლუჩშე ზნაიტე!...

ნატო. წადი, შვილო! ჩვენთან, ბებრებთან, მოგეწყინება... აბა,
 ერთი შენებურათ ფორტოპიანოზე დაუკარი! ჩვენც გაგვართე და ში:
 თავი შეიქციე... მანამდე ეენიხიც მოვა! (ნინო გადის. ცოტა ხნის შემდეგ
 ფორტოპიანოს ხმა მოისმის)

ბეჟან. მგონია, თვალი მოგვეკრა?!...

ნატო. არა უშავს რა!... ცუდს ვერას იფიქრებდა! (იღიმება) ჩუ,
 ყური დაუგდე ფორტოპიანოს!...

ბეჟან. ისეც ცეცხლი მეკიდება და რალა ეგ მეკირვება?

ნატო. ნეტავი შენ, რომ არ იშლი ხუმრობას!

ბეჟან. ჩვენ დროში სულ სხვა ხმები იყო ფორტოპიანოსი! რა-
 ლაც კარგი კია, მაგრამ, რომ არ ვიცო, რას უკრავს?

ნატო. სასიმღერო ხმაა!... მაგას ელენე მღერის ხოლმე, როცა
 გუნებაზეა! მის საქმროსაც ძალიან მოსწონს. (ხმა ოთახიდან: „ნეტავი
 მას, ვინც შენს ტკბილ ხმას“ და სხვანი)

ბეჟან. ვიპ, ვიპ, ვიპ! ქართული სიმღერები პირველად მესმის
 ფორტოპიანოზე!... ეს ელენეა, რომ იმღერის?

ნატო. დიახ, ელენე!

ბეჟან. ყოჩაღ, ქალო! ნეტავი მას, მართლაც, ვისაც მაგისთანა ხმა
 ესმის!... ქეშმარიტად ბედნიერია ჩემი ძმისწული! ბრავო! ქალბატო-
 ნო, ბრავო!!

ნატო. იპ, რად გააწყვეტინე? (ხელზე დაკრავს ხელს)

ბეჟან. არა, არა, რას ჰქვიან გააწყვეტინე? შევებეწეები, რომ
 კიდევ იმღეროს!..

(გიგო შემოდის შეწუხებული)

IV

ისინივე და გიგო.

გიგო. სამწუხარო ამბავი! დიდი უბუღურება!... ალექსანდრე მოუკლავთ! გზაში დახვედრიან... (საზოგადო აღშფოთება. ქალები წამოიკრებიან შეშინებული)

ბეჟან. იმე! იმე! რას ამბობ?!

გიგო. დეპეშა მომივიდა სამსონის. აი, რას იწერება. (იძვება დეპეშას)

ბეჟან. ვაი, ჩემს მოხუცებულობას! ვაი, უბედური მამამისი! (ხელებს მიიფარებს პირზე და თავს ჩალუნავს)

ნატო. (შემკრთალი) ესეც ჩემი ბედი!... შვილო, ელენე! (ელენე უნაჩავარდნილი დგას გაფითრებული)

ნინო. კტო პიშეტ?

გიგო. სამსონი იწერება. გუშინ მოჰკლესო!...

ელენე. გუშინ როგორ მოჰკლავდენ? დღეს მომივიდა დეპეშა, მოვდივართო.

V

ისინივე, ალექსანდრე და ვახუშტი შემოდინ.

ელენე. აი, აგერ! (მივარდება ალექსანდრესთან. ყველა გაოცებულია)

ბეჟან. ააააა!

ნატო. გენაცვა, გული რაზე გაგვიხეთქეს!

გიგო. კაცო, აკი მოჰკლესო?!

ალექსანდრე. ვინ მოჰკლესო? რას ამბობ?

გიგო. აი დეპეშა... ალექსანდრე მოჰკლესო.

ვახუშტი. ვინ აიგდო თავი? მაგისთანა ხუმრობა...

ალექსანდრე. (კითხულობს ტელეგრამას) ჰმ, გვარი დავიწყებით. ალექსანდრე რომ მოჰკლეს... ბექსიდაშვილი!...

გიგო. (აღტაცებით) მაშ შენ ცოცხალი ხარ?! (მივარდება და გადაეხვევა)

ყველა. მადლობა ღმერთს!... მადლობა ღმერთს!...

ნატო. გენაცვათ, ჩვენ კი გული გაგვიხეთქეს! მობრძანდით! მობრძანდით, კნიაზო ვახუშტი... მოდი, გაცოცხლებულო შვილო!...

ალექსანდრე. ნათქვამია: „რალა მკვდარი და რალა შინ მოუსვლე-ლიო“. უნდა მოვახსენოთ, რომ მე გადამიწყვიტეს ორი წლით გაგ-ხავნა და მაშ უფლება აღარა მაქვს ჯვრისწერისა. და თუ მომიცდით?

ნატო. ევ ელოზეა დამოკიდებული, როგორ არ მოგიცდის?

ელენე. არა, მე აქ არ მოვიციდი! (ყველა შეწუხდება) არ მოვიციდი იმიტომ, რომ მეც მინდა თან გავეყვე. ცოლქმრობის პირობა რომ დაედევინე, მე იმ დღიდან ჩემი ქმრის ქირიც უნდა გავიზიარო და ლხინიც. თან გავუყვები.

ალექსანდრე. ადრევე დარწმუნებული ვიყავე მაგაზე. (ხელზე კოცნის) **ნინო.** (მიდის ვიგოსთან) ზნაჩიტ ი ნაშა სვადბა სკორო ბუდეთ!

გიგო. სკორო, მათა დოროგაია! სკორო, მათა კრასავიცა! (ერთმანეთს ხელს აძლევენ)

ვახუშტი. იმე! თქვენ რომ გადაწყვიტეთ, მე აღარა მკითხავთ? მე არა ვარ თანახმა, მამაჩემი არ წამიწყდეს!

ალექსანდრე. როგორ თუ არა ხარ, მამაჩემო?!

ვახუშტი. არა, მამაჩემი არ წამიწყდეს, თუ პირობა არ ამისრულეთ, არ გავიშვათ! ორი წელიწადი მალე გაირბენს და იქედან, რომ დაბრუნდებით, ქოჩორა ბიჭი ჩამომგვარეთ, რომ წვერები მომიწიოს ხოლმე.

ნატო. (იციინს) კარგი პირობაა! ღვთით ეგვეც ასრულდება!

ბეჟან. კი, მაგრამ მე? მე ვინლა მომწივებს წვერებს?

ნატო. ვისაც მოუწევია!...

ს უ რ ა თ ი

ვახუშტი. (წამოდგება წინ, მიიხედ-მოიხედავს) ვაი, საბრალო მაკრინე, სადა ხარ ახლა, რომ ვერ ესწრები შვილის ბედნიერებას! (თავს აწევს მაღლა) მაგრამ მრწამს-კი, რომ შენი სული მაღლიდან დაგვხარის ახლა.

ფარდა ეშვება ნელ-ნელა.

პარიზი, 1910 წ.

შანიშვილი და ბიბლიოგრაფია

ორი; 9) მგლები, მელეები და სხვანი—მეკენჭეები.—ამ ზუმრობამ ისეთი უსიამოვნება და მრისხანება გამოიწვია ჩემზე, რომ მე იძულებული გავხდი ქალაქს [ტფილისს] გავქცეულიყავ, მაგრამ აქ უარესი დამხვდა: თურმე იმ ხანებში იქაც არჩევნები ყოფილიყო და თავის თავზე მიეღოთ. აღარ ვიკოდი, რა მექნა. სხვაგან წასასვლელი შეძლება რომ აღარა მქონდა—მაშინ ხომ რკინისგზა არ ყოფილა ჩვენში—ძველ სენაკში ჩავედი ბესარიონ ქავთარაძესთან და იქ ვიმალებოდი დიდხანს, სანამ მითქმა-მოთქმა არ მიწყნარდა. საკვირველია: დაბალი ხალხი ჩემად ყველა ჩემი თანამგროძობი იყო, მაგრამ ცხადად გამოსარჩლების ეშინოდათ. მე-კი, ვინც შესაყეფი იყო, უშიშრად ვუყეფდი, აღარავის და აღარაფერს ვერიდებოდი“.

აკაკის ნათქვამის შესასწორებლად ჩვენ შეგვიძლია დავძინოთ, რომ, როგორც წარსული საუკუნის 60-იანი წლების „Кавказский Календарь“-იდან ჩანს, აკაკის მიერ დასახელებული იზუმსკი („Изоумский“) ქუთაისის გუბერნატორად ყოფილა 1862—1865 წლებში, ხოლო პიესის დაწერის დროს იგი მხოლოდ გუბერნატორის კანცელარიის გამგე ყოფილა (1860—1861 წ.).

2 (68). „ძველსა და ახალს შუა“ (კომედია ხუთ მოქმედებად). ეს პიესა ჩვენ გვხვდება დაბეჭდილი მხოლოდ თურნალ „ცისკარში“ 1868 წელს (მარტის ნომერი, გვ. 1—45 და ივნისისა, გვ. 46—59). აკაკის ქალაღებში ჩვენ შეგვხვდა „ცისკრიდან“ ამოღებული ზემოდასახელებული ფურცლები, მცირეოდენის გამოჩაკლით, სადაც ტექსტი ნასწორებია თვით ავტორის ხელით (ზოგან მელნით, ზოგან ფანქრით). წინამდებარე გამოცემას საფუძვლად ეს ტექსტი დაედო, ხოლო ნაკლები ადგილები „ქართველთა შორის წერა-კითხვის გამავრცელებელი საზოგადოების“ წიგნთსაცავის „ცისკრის“ სათანადო ნომრიდან შევაგვეთ, სადაც პიესა აგრეთვე ნასწორები აღმოჩნდა (წიგნის № 2169ა); სხვათაშორის პიესის სათაური იქ გადასწორებულია ასე: „ორი სასიძო“, ხოლო მოქმედი პირების გვარები ასე: „ზურაბ კარგარეთელი, გრიგოლ დიდებულძე“. მაგრამ ჩვენ შესაძლოდ ვერა ვცანით იმ უკანასკნელ ცვლილებათა შეტანა წინამდებარე გამოცემაში; სამაგიეროდ საჭიროდ დავინახეთ ტექსტში აქა-იქ შეგვეტანა ის შესწორება-დამატებანი, რომელთაც ავტორი იძლევა არშიებზე „ცისკრის“ იმ ფურცლებზე, რომელნიც მის ქალაღებში აღმოჩნდა.—ამას გარდა ყურადღება მივაქციეთ იმ გარემოებას, რომ ყოველი მოქმედების დასაწყისში ავტორი სწერს: „სცენა 1-ლი“-ო, რაც ჰგულისხმობს, რომ იმავე მოქმედებაში „მეორე სცენაც“ უნდა იყოს, ნამდვილად კი ორი სცენა მხოლოდ მეხუთე მოქმედებაშია, დანარჩენებში კი თითო სცენის მეტი არაა; ამიტომ სიტყვა „პირ-

ველი“ ჩვენ ყველგან გამოვტოვეთ „სცენის“ შემდეგ პირველ მოქმედებაში.

3 (90). „ადვოკატის დილა“ (სცენა). ეს პიესა ორჯერ იყო დაბეჭდილი: პირველად „დროებაში“ 1871 წელს, 27 აგვისტოს № 34-ში და თვით აკაკის „კრებულში“ 1898 წელს, № 7 (მარტი). წინამდებარე გამოცემას საფუძვლად უძევს „დროების“ ტექსტი, რომელსაც ვასწორებთ „კრებულის“ ტექსტთან შედარებით.

4 (101). „სცენა საპატიმროში“. დაბეჭდილი იყო „კრებულში“ 1872 წელს, მარტის № 7-ში; და მეორედ აკაკის „კრებულში“ 1898 წელს № 7-ში (მარტი). წინამდებარე გამოცემას საფუძვლად ეს უკანასკნელი დაედო.

5 (136). „ენების გახამართლება“. პიესა გამოწვეულია იმ ბრძოლით, რომელიც წარმოებდა ქართულს მწერლობაში, წარსული საუკუნის 60-იანი წლებიდან დაწყებული, ძველსა და ახალ თაობათა შორის იმ საკითხის გარშემო, თუ რომელ ფორმებს უნდა მიეცეს უპირატესობა თანამედროვე სალიტერატურო ქართულში: ძველი მწიგნობრული ენისას, თუ ცოცხალი, იმერული და ამერული, დიალექტებისას. ეს პიესა დაიბეჭდა „დროებაში“ 1874 წელს, 6 დეკემბერს, № 452-ში; ხოლო პიესის ბოლოს დართული ლექსი „მუხრანიდან ჯარი მოდის“ ორჯერ კიდევ იყო დაბეჭდილი, ქართვ. ამხანაგ. გამოცემაში: „თხზულებანი“ I და აკაკის საკუთარ გამოცემაში: „ჩემი ნაწერები“ წ. II (ქუთაისი. 1913 წ.). შენახულია ავტორის შენიშვნა ამ პიესის შესახებ ავტოგრაფად, რომელიც აქვე მოგვყავს (იხ. აკაკის ავტოგრაფი 26.2): „გვიორგი! მუხრან-ბატონმა გამოსცა წიგნი სხვადასხვა ერების გაერთიანებაზე. იმ წიგნაკში ის აზრი იყო გატარებული, რომ პატარა ერებს უფლება არა აქვსთ თვითარსებობისა და დიდ ერებში უნდა გაითქვიფონო. ამან დიდი უსიამოვნება გამოიწვია საზოგადოდ, მაგრამ ვინ რას იტყოდა? ერთმა მხოლოდ ირაკლი გრუზინსკიმ ჰკითხა: რამ დაგაწერია მისთანა საუკუღმართო რამ? ან რამ გაფიქრებინაო?—მე, დიდი ხანია, მოფიქრებულცი მქონდა და დაწერილიცი—მიუგო მუხრან-ბატონმა—მაგრამ დაბეჭდვით არ ვბეჭდავდი, რადგანაც შენ გიცდიდიო, და, როცა შენც შენი ვინაობა აბანოზე ვაცვალე, მაშინვე დავბეჭდუო!... ეს მე გადმომცა სიცილით გვიორგიმ და თანვე დამეკითხა: შენ რაღას იტყვი, პოეტოო?—რაღაი კი საქმე ვაბან-გარეცხაზე მივარდება, ერთი აბანო საკმაო არ არის ირაკლისათვის, მაგრამ თქვენს წიგნაკსაც კი ბევრი მოუნდება მეთქი—მოვახსენე.—მეორე წიგნაკი თუმცა მზად ჰქონდა, მაგრამ აღარ გამოუცია და ცენზურასაც ნაბრძანები ჰქონდა თვალ-ყური ეღვენებია, რომ ამგვარი არა დაეწერა რა იმ გამოსულ წიგნაკზე. ეს ლექსი

„ენების გასამართლება“ ალეგორიულად დაწერილი შევაპარე ცენზურას. მაშინ დიდი მითქმა-მოთქმა გამოიწვია ამ ლექსმა, მაგრამ დღეს კი აღარა აქვს მნიშვნელობა“.

6 (229). „კინტო“ (სამშოქმედებანი კომედია-ხუმრობა). ეს პიესა პირველად 1899 წელს დაიბეჭდა აკაკის „კრებულში“ (№ 7), სადაც მას თავში ჩართული აქვს ავტორის „შენიშვნა“, რომელიც ჭკემით მოგვეყავს უცვლელად და რომლიდანაც მკითხველი დაინახავს, რომ პიესა დაწერილი ყოფილა „ოცი წლის“ წინეთ, ე. ი. 1879 წელს. მართლაც კომედიაში მოთავსებული სამი ლექსი („იავნანა“, „საყვარლისა ეშხზედა“ და „ერთი ვინმე კინტო ვარ“) პირველად გამოქვეყნდა „დროებაში“ 1880 წელს (№№ 13; 23; 27) და შემდეგ განმეორებით აკაკის „თხზულებათა“ II ტომში (1893 წ.) და მისსავე „ჩემ ნაწერებში“ წ. II. — შემოხსენებული „შენიშვნა“ ავტორისა იმდენად საყურადღებოა, რომ აქვე ვათავსებთ უკლებლად და უცვლელად:

„პირველ ხანებში, როცა ქართულ თეატრს ჯერ კიდევ არ ჰქონდა სცენაზე ფეხი მოდგმული, რთული პიესების წარმოდგენა მოუხერხებელი იყო. გარდა გაბუნიასა და საფაროვის ქალისა, არტისტი-ქალები არა გვეყლია და ეს გარემოება გვაიძულებდა, რომ პიესებიც მისთანა აგვეჩინა ხოლმე, სადაც ქალების როლი ნაკლები იყო. — სეზონი თავდებოდა. უკანასკნელ დღეს გაბუნიას ბენეფისი იყო. მაგრამ, რადგანაც რამოდენიმე დღის წინათ საფაროვის ქალი ავად გახდა მოულოდნელად, საბენეფისოდ ამორჩეული პიესის თამაში მოუხერხებელი შეიქნა და ბენეფისი აღარ შედგებოდა. ახალგაზრდა ნიჭიერ გაბუნიას ქალს გული დასწყყდა და კიდევ უმართებდა: სხვაც რომ არა ყოფილიყოს-რა, მატერიალურად იჩაგრებოდა. დრო აღარ იყო, რომ სხვა პიესა აგვეჩინა, და ვერც პიესა გამოვნახეთ მისთანა, რომ მარტო ერთი ქალი ყოფილიყოს მოთამაშე. — ახალგაზრდა ნიჭის ყოველთვის თანამგრძნობი ვიყავი და გაბუნიას დალონებამ მეც შემაწყუბა. მეტი ველარა მოვახერხე-რა, დაგვექ იმ ღამესვე და გათენებამდე დავწერე ეს სცენები „კინტო“, სადაც ერთი ქალის მეტი არ არის საჭირო და რომელსაც თვითონ მობენეფისე ითამაშებდა. ცენზურამ ნება დაგვრთო მეორე დღესვე და ხელად, სამ დღეში მოვაშხადეთ ახალი პიესა. ბენეფისმა კარგად ჩაიარა. გაბუნიას ქალი კმაყოფილი დარჩა და მეც მიამა, რომ ნიჭიერ ახალგაზრდა არტისტი-ქალს გული არ დაეჩაგრა. — რადგანაც იმ პიესამ თავისი საკუთარი ნოვალობა აასრულა, მეც ავიღე და შევიანახე. არც მისი დაბეჭდვა და არც ხელმეორედ წარმოდგენა გუნებაში აღარ მქონია. წავედი რუსეთში. რუსეთიდან რომ ჩამოგზოუნდი, ვნახე, რომ ის პიესა,

„კინტო“, სახალხო პიესად გადაქცეულიყო და არათუ ქალაქებში, სოფლებშიაც კი ადგენდნენ. მას აქეთ აგერ ოცი წელიწადია, და შეუძლებელია, რომ სხუადსხუაგან, ქალაქებში თუ სოფლებში, რამდენჯერმე არ წარმოადგინონ „კინტო“. საკვირველი მხოლოდ ეს არის, რომ დედანი ჩემი პიესის მე მაქვს, პირი არავის გადუწერია და საიდან გამოტყვრა? ალბად როლები მიაკერ-მოაკერეს და ისე შეადგინეს. რამდენჯერმე დავსწრებივარ „კინტო“-ს წარმოდგენას, რომელსაც ჩემი სახელით ადგენენ, და ყოველთვის და ყოველგან სულ სხუადსხუავაგარად წარმოდგენიათ: ხან აკლებენ და ხან თავისას უმატებენ, ასე რომ მთლიანად, თავიდან ბოლომდე, ჩემ დაწერილად ვერ მიცნია. აი, სწორედ ეს გარემოება მაძულებს, რომ დაებეჭდო დღეს ეს „პიესა“. — თუ ეს მიზეზი არ ყოფილიყო, „კინტო“, როგორც ბევრი სხვა ჩემი ნაწერთაგანაც, რომელთაც მხოლოდ დროებითი მნიშვნელობა ჰქონიათ — წარმავალი, ვერ ეღირსებოდა სტამბას და დარჩებოდა მხოლოდ «ჩემი თავგადასავალის» მასალად.

თვით პიესის ტექსტში ჩვენ მოვახდინეთ შემდეგი ცვლილება: ყოველი მოქმედების დასაწყისში ზედწარწერა „პირველი სანახავი“ შევამოკლეთ ასე: „სანახავი“. რადგან არცერთ მოქმედებაში თითო „სანახავის“ (ე. ი. სცენის) მეტი არაა.

7 (244). „კულტურ-ხანუმ“ (სამმოქმედებიანი ისტორიული დრამა მეთექვსმეტე საუკუნის ცხოვრებიდან). ეს დრამა დაიბეჭდა ჟურნალ „ივერიაში“ 1880 წელს, № 2, რომელიც ცენზორისაგან ნებადართულია იმავე წლის 23 მაისს. დრამაში გამოყვანილი პირები თუმცა ოსმალურ სახელებს ატარებენ და თვით მოქმედებაც თითქოს ოსმალეთის საქართველოშია და ისიც მე-16-ე საუკუნეში გადატანილი, მაგრამ მკითხველი სულ ადვილად მიხვდება, რომ ეს მხოლოდ ცენზურის „თვალის ასახვევი“ ხერხია, თორემ პიესაში პოეტის თანამედროვე პერსონაჟები და სინამდვილეა გამოხატული: მაჰმუდ-ფაშა — ეს ხომ ერთერთი რუსის გუბერნატორია საქართველოში, ხოლო პიესაში მოხსენებული „სოხტები“ და კერძოდ „არჩილ სოხტი“ — ეს ხომ ქართველი „სტუდენტებია“, რომელთაც აკაკის დროს ჩვენი საზოგადოება „წვეროსნებსაც“ ეძახოდა. — წინამდებარე გამოცემას საფუძვლად „ივერიის“ ტექსტი უძევს იმ მცირეოდენის შესწორებით, რომელიც ამ შენიშვნის დასაწყისში მოვიხსენიეთ. საჭიროდ მიგვაჩნია აქვე აღინიშნოს შემდეგი გარემოება: სამსავე მოქმედებაში აქა-იქ გვხვდება ახალ-ახალი გამოხვედები (მაგალითად I აქტის მე-6 გამოსვალში კიდევ სამი ახალი გამოხვედა, II აქტის მე-7-ში მეორე ახალი გამოხვედაც არის, ხოლო III აქტის მე-3 გა-

მოსელაში კიდევ ორი ახალი მოიპოვება), რომელთაც არ აქვს ისტორიის მიერ სათანადო წარწერა და აღრიცხვა ვაკეთებელი; ჩვენ გვკონდა განზრახვა ეს დეფექტი შეგვესწორებია, მაგრამ ჯერჯერობით თავი შევიკავეთ: დაე ეს შესწორება შემდეგი დროის გამოცემამ იკისროს.

8(458 და 473). „პატარა-კახი“. ისტორიული დრამა. პირველად ამ პიესიდან დაიბეჭდა ერთი სცენა („ბრმა მოხუცი და ახალგაზრდა ქალი“) ჟურნალ „თეატრში“ 1890 წელს, 21 იანვარს, № 4. შემდეგ იმავე წელს პიესა ცალკე წიგნადაც გამოვიდა, სათაურით: „პატარა კახი. ხუთ მოქმედებიანი ისტორიული დრამა აკაკისა. გამოცემა „თეატრის“ რედაქციისა. თბილისი. გრ. ჩარკვიანის სტამბა. 1890 წ.“ ამ გამოცემის მე-2-ე გვერდის რუსული წარწერიდან ვტყობილობთ, რომ 1889 წლის 25 ოქტომბერს ეს დრამა უკვე ნებადართული ყოფილა ცენზორისაგან დასაბეჭდად; მაშასადამე „სი...“ წერის თარიღი უნდა ვივარაუდოთ არა უგვიანეს ამ რიცხვისა.—ეს დრამა შემდეგ თვით აკაკის ჟურნალ „კრებულშიაც“ დაიბეჭდა 1897 წ. დეკემბრის ნომერში (№ 4).

არსებობს კიდევ ცალკე გამოცემა „საქართველოს საისტორიო და საეთნოგრაფიო საზოგადოებისა“ თ. მთავრიშვილის საფასით. ქუთაისი. 1919 წელი.

ვწუხვართ, რომ ტექნიკური მიზეზებისა გამო ეს პიესა ქრონოლოგიურად თავის ალაგას არ იბეჭდება (რიგით იგი „მედიას“ წინ უნდა დაბეჭდილიყო).

9(591). „მედია“ (ხუთმოქმედებიანი დრამა). როგორც ავტორისავე შენიშვნებიდან ჩანს, მას განზრახვა ჰქონია ეს პიესა ტრილოგიად დაეწერა: „მედია კოლხიდაში“, „მედია ელადაში“ და „მედია სამშობლოში დაბრუნებული“. მაგრამ განზრახვა შეუსრულებელი დაურჩა. აქ წარმოდგენილი ტექსტი განზრახული ტრილოგიის მხოლოდ პირველ ნაწილს წარმოადგენს, რომლის ბეჭდვაც ავტორმა დაიწყო ჟურნალ „კვალში“ 1895 წელს (№№ 23 და 25), ხოლო სრულად დაბეჭდა თავის „კრებულში“ 1897 წელს (№ 2, ოქტომბერი), შენიშვნების დართვით. წინამდებარე გამოცემას საფუძვლად ეს ტექსტი უძევს.

ტრილოგიის მეორე ნაწილიდან („მედია ელადაში“) შენახულია მხოლოდ ძუძუდღას ერთი მონოლოგი ავტოგრაფად (№ 23, 52), რომელსაც აქვე ვათავსებთ უკლებლად:

ძუძულა

(დაფიქრებული ზის ჩრდილში)

მზეცა და მთვარეც აქ ჩვენებურს ჰკავს,
ვარსკვლავებიც კი ჩვენებურია!...
და სამშობლოში მათი დანახვა
რათ მენატრება, რალათ მწყურია?

ია და ვარდე აქაც იშლება,
აქაც უგალობს ხომ იაღონი?
და რალათ ვფიქრობ ჩვენს ქვეყანაზე,
გულდაწყვეტილი, მათი მომგონი?

ამ ორი ქვეყნის, შორისშორს მყოფის,
თანასწორია თითქმის ბუნება, —
და მაშ სურვილი მოუსვენარი
სულ სხვანაირად რათ შეუბნება?

მაგრამ სუყოველ ადამიანში
რალაცა ძალი თანშობილია,
მიუწდომელი, მიუდგომელი,
ვით სიყვარული, ისე ტკბილია!

ვერრა პატივი, ვერრა დიდება
ვერ შესძლებს იმის სამაგიეროს!..
სიშორე მისი გრძნობა-გონებას
მიაფენს მწუხრის ჩრდილსა და ჩეროს!

10(673). „ახალი გმირი“ (დრამა ოთხ მოქმედებად) პირველად დაიბეჭდა აკაკის „კრებულში“ 1898 წელს № 11-ში (ივლისი), რომლის ტექსტიც საფუძვლად უქვეს წინამდებარე გამოცემას.

11 (1074). „რეაქცია“ (სცენები). პიესა შეეხება 1906 წლის რეაქციის და დაწერილია 1910 წელს, როცა პოეტი პარიზში იმყოფებოდა. დაიბეჭდა იმავე წელს „თეატრსა და ცხოვრებაში“ ივნისის №№ 22, 23, 24 და 25-ში. არის შენახული ავტოგრაფადაც (აკაკის ავტოგრაფი № 10,2). ავტოგრაფის ტექსტი აქა იქ განსხვავდება დაბეჭდილისაგან; ამასთანავე იგი უფრო შავის ხასიათს ატარებს; ზოგან ადგილები აკლია, ზოგანაც ზედმეტი დიალოგები წაშლილია. წარწერაც არ შეეფერება დაბეჭდილს: ჯერ ავტორს დაუწერია: რეაქცია, ოთხმოქმედებიანი „დრამაი“, შემდეგ ეს უკანასკნელი სი-

ტყვა გადაუსწორებია ასე: „კომედია“, ხოლო ნაბეჭდ- ტექსტში „სცენებიო“. ჩვენ ეს უკანასკნელი დაეტოვეთ. ამას გარდა ყოველ მოქმედების დასაწყისში მოთავსებულია „სცენა 1-ელი“, თუმცა ყოველი მოქმედებისა თითო სცენის მეტი არც არის; „თ.-ცხ.“-ში ეს გასწორებულია, ე. ი. ეს სიტყვები გამოტოვებულია, და ჩვენც ამას ფთანხმებით. საერთოდ წინამდებარე გამოცემას საფუძვლად უძევს ნაბეჭდი ტექსტი „თეატრი და ცხოვრებისა“, საიდანაც აქ მხოლოდ სამი მოქმედება (I, II და IV) იბეჭდება.

II

ერთხელვე ნიღბული გეგმის თანახმად, მოგვყავს სია იმ პიესებისა, რომელნიც ამ გამოცემაში ვერ შემოვიდნენ:

1(11). „ძველი ამხანაგები“ (კომედია ერთ მოქმედებად, ლექსად). თარიღად უზის 1859 წ. 14 დეკემბერი. დაბეჭდილია ეურნალ „ცისკარში“ 1861 წელს, ივლისის ნომერში.

2(72). „ჩვენი ნაცარქექიები, ანუ ორი ვირისთავი“ (ვოდველი ორ მოქმედებად). პირველი მოქმედება დაბეჭდილია „დროებაში“ 1868 წელს, 23 აგვისტოს, № 34 (ავტორის ხელმოუწერლად); მეორე მოქმედება კი შენახულია ავტოგრაფად აკაკის ნაწერებში (იხ. აკაკის ავტოგრაფი № 27დ, 20).

3(73). „არხენა“ (დრამა ხუთ მოქმედებად), დაბეჭდილია „ცისკარში“ 1868 წელს, აგვისტოს №-ში, მხოლოდ პირველი მოქმედება. დანარჩენებს ველარსად შევხვდით: ვერც ნაბეჭდსა და ვერც ხელნაწერს.

4(154). „მომრიგებელი მოხამართლე“ (სცენა). დაბეჭდილია „დროებაში“ 1875 წ. 18 აპრილს № 43.

5(178). „სცენები“ (სულ ხუთი სცენა). იხ. გაზ. „დროება“ 1876 წლის 22 დეკემბრისთვის, № 120.

6(228). „ბუტიობა“ (ვოდველი). არის ორი გამოცემა: ერთი ცალკე გამოცემა, ტფილისში, 1879 წელს; მეორე აკაკისავე „კრებულში“ 1899 წ., იანვრის № 1-ში.

7(632). „ხანის ვეზირი“ (ოთხმოქმედებიანი კომედია). ეს პიესა თარგმანს წარმოადგენს. დაბეჭდილია აკაკის „კრებულში“ 1895 წელს მარტის № 7-ში.

8(655). „გაიძვერები“ (ხუთმოქმედებიანი კომედია), დაბეჭდილია აკაკისავე „კრებულში“ 1898 წელს, № 8 (აპრილი).

9(1268). „ვიდრე ზვალ, უფალო“ (დრამა). თარგმანი ცნობილი პიესისა „Quo vadis?“ აკაკის თარგმანი სცენაზე რამდენჯერმე დაიდვა. ჯერ არსად დაბეჭდილია. როგორც ამბობენ, ავტოგრაფი

ქართული თეატრის დაწვის დროს დამწვარა, მაგრამ დარჩენილა ავტოგრაფის პირი, რომელიც „ქართული დრამატული საზოგადოების“ არქივში უნდა ინახებოდეს.

10(1334). პიესა იმერთა ცხოვრებიდან. ეს პიესა ავტოგრაფად არის დარჩენილი, ხუთ მოქმედებად, მაგრამ სათაური არა აქვს. მოქმედ პირებად გამოყვანილი არიან: კიკოლა, საყვარელისეული, მიხა, არუთუნა, ივანე, ნიკო, მიშა, გრიშა, ლექსო და სხვანი (იხ. აკაკის ავტოგრაფი № 8,5).

11(1364). „სიყვარული“ (სამმოქმედებიანი პიესა). დარჩენილია ავტოგრაფად (№ 24,1).

12(1368). „სურათები“ (გლეხი, მემამულე, ნაციონალისტი, სოციალდემოკრატი, სომეხი და რუსი). დარჩენილია ავტოგრაფად (№ 28,4).

უმთავრესი გავლენითი უბცდოგები:

წიგნი	სტრიქონი	დაბეჭდილია:	უნდა იყოს:
3	3 ზემოდან	მომკმედნი	მოკმედნი
11	3 „	მომკმედი	მოკმედი
82	9 ქვემოდან	იმერეთი	იმერეთი,
85	3 ზემოდან	მომკმედი	მოკმედი
174	3 „	ჩეკვრას	ჩაკვრას

ს ა რ ჩ ე ვ ი

1. პირუტყვების არჩევანი	1
2. ძველსა და ახალს შუა	9
3. ადვოკატის დილა	45
4. სცენა საპატიმროში	53
5. ენების გასამართლება	75
6. კინტო	83
7. კულურ-ხანუმ	123
8. მედია	189
9. პატარა-კახი	257
10. ახალი გმირი	335
11. რეაქცია	371
შენიშვნები და ბიბლიოგრაფია	395

ფანკი 2 856. ■ 553.

1927



ქართული
ნაციონალური
ბიბლიოთეკა



